

ЎЗБЕКИСТОН ССР ФАНЛАР АКАДЕМИЯСИ
А. С. ПУШКИН НОМИДАГИ ТИЛ ВА АДАБИЕТ ИНСТИТУТИ

ЎЗБЕК ТИЛИ ЛЕКСИКОЛОГИЯСИ

ТОШКЕНТ · ЎЗБЕКИСТОН ССР «ФАН» НАШРИЕТИ · 1981

Уибу китоб ҳозирги ўзбек тили лексик системасини илмий асосда нисбатан тўлиқ тасвирлашга багишланган бўлиб, унда сўзниг семантик структураси, лугат составининг тарихий-ижтимоий қатламлари, лексик бирликларнинг стилистик дифференцияси, ўзбек лугатчилиги каби кўпгина масалалар ёритилади.

Китоб ўзбек тили билан шуғулланувчи илмий ходимларга, филолог-студентлар ва аспирантларга, олий ўқув юртлари ва ўрта мактабларининг она тили ўқитувчиларига мўлжаллашган.

Масъул муҳаррирлар:

филология фанлари доктори, проф. Л. ХОЖИЕВ,
филология фанлари кандидати А. АҲМЕДОВ

Тақризчилар:

филология фанлари доктори Х. АБДУРАҲМОНОВ,
филология фанлари кандидати Н. МАҲМУДОВ

Ў $\frac{70103-1192}{M\ 355(04)-81}$ 127-80 4602000000

© Узбекистон ССР «Фан» нашриёти, 1981 й.

ИНСТИТУТДАН

«Ўзбек тили лексикологияси» деб аталган ушбу китоб Ўзбекистон ССР Фанлар академияси А. С. Пушкин номидаги Тил ва адабиёт институти томонидан ҳозирги ўзбек адабий тили бўйича яратилаётган навбатдаги ишлардан бири бўлиб, китоб қўйидаги авторлар томонидан ёзилган: «Кириш», «Сўз ва унинг моҳияти», «Семасиология», «Синонимия» — филология фанлари доктори, проф. А. Ҳожиев; «Истеъмол доирасига кўра ўзбек тили лексикаси» — филология фанлари кандидати Г. Муҳаммаджонова; «Ўзбек тили лексикасининг ижтимоий-тарихий асослари» — филология фанлари кандидати Э. Бегматов; «Ўзбек тили лексикасининг стилистик қатламлари» — филология фанлари кандидати С. Фойибов; «Литонимия» — филология фанлари кандидати Т. Муллаев; «Сўзнинг шакл муносабатига кўра турлари», «Лексикография» — филология фанлари кандидати М. Миртоҷиев.

Ўзбек тили лексикологияси ўзбек тилида илк марта яратилаётгани учун, бу иш хақида ўқувчиларда тугилиши мумкин бўлган танқидий мурлоҳаза ва истакларнинг муаллифлар учун аҳамияти каттадир. Шу сабабли институт китобхонлардан ўз фикрларини ёзиб юборишларини илтимос қиласди.

КИРИШ

ЛЕКСИКОЛОГИЯНИНГ ПРЕДМЕТИ ВА ВАЗИФАЛАРИ

Тилшуносликнинг лексикани ўрганувчи бўлими, тилнинг лугат состави ҳақидаги фан лексикология деб аталади.

Тилнинг лугат состави ва уни ташкил этувчи сўзлар бир қатор умумий хусусиятларга эгалиги билан характерланади. Лексикология лексикани худди шу умумий хусусиятлари нуқтаи назаридан ўрганади. Бу хусусиятлар қуидагилар:

1. Аввало, лугат составини ташкил этувчи ҳар қандай сўз маънога эга бўлади. Ана шу маъноси нуқтаи назаридан сўзлар ўзига хосликларга эга: Сўзнинг маъноси (семантикаси) ва у билан боғлиқ масалалар лексикологиядаги асосий масалалардан бири ҳисобланади. Лексикага оид бу масала билан лексикологиянинг семасиология бўлими шуғулланади.

2. Ҳар қандай тилнинг тараққиётида унинг энг ўзгарувчан, энг тез ҳаракатдаги қисми лексикасидир. Тил тараққиёти процессида лугат состави янги-янги сўзлар ҳисобига бойиб бориш билан бирга, ундаги айрим сўзлар эскиради, шунингдек, истеъмолдан чиқиб боради. Демак, лугат состави аввалдан ўзлашиб келган ва ҳозирда истеъмолдаги сўзлар билан бирга нисбатан янги сўзларга ва эскирган сўзларга эгалиги билан ҳам характерланади. Лексикологияда лексиканинг ана шу томони ҳам ўрганилади.

3. Лугат составидаги сўзлар истеъмолдаги даражаси бу нуқтаи назардан умумийликка ёки чегараланганликка эгалиги билан ҳам ўзаро фарқланади. Маълум сўзлар умумхалқ истеъмолида бўлса (масалан, *нон*, *сув*, *катта*, *югурмоқ* ва б.), айрим сўзларнинг истеъмол доираси маълум жиҳатдан чегараланган бўлади. Масалан, диалектал сўзлар территориал жиҳатдан чегараланган бўлади (*сас* — товуш, *истамоқ* — қидирмоқ, *болиши* — ёстиқ, *эшик* — ҳовли, *уй* ва б.); терминлар социал нуқтаи назардан чегараланган, яъни маълум касб-ҳунар соҳасидаги кишилар нутқида қўлланиш билан чегараланган бўлади (Масалан, *урғу*, лексика, *аффикс* — тилшуносликка оид терминлар; *конус*, *пира-міда*, *квадрат* — геометрияга оид терминлар; *культивация*, *баро-на* — қишлоқ хўжалигига оид терминлар; *баскетбол*, *гол*, *нока-ут* — спортга оид терминлар ва ҳ.). Лексикология лугат составини шу нуқтаи назардан ҳам ўрганади.

4. Луғат составидаги сўзлар нутққа, услубга бўлган муносабатларига кўра ҳам ўзаро фарқланадилар. Маълум сўзлар нутқ турларига, услубга (стилга) бетараф (нейтрал) муносабатда бўлса (қучоқ, бечора, осмон, ичмоқ ва б.), айрим сўзлар нутқ услубининг маълум турига хос бўлади (*оғуш* — бадий услубга хос, *боёқши* — оддий нутққа хос, *само* — поэтик услубга хос, *адиб* — китобий услубга хос ва ҳ.). Лексикологияда сўзларнинг ана шу хусусиятлари ҳам ўрганилади.

5. Ҳар бир сўз товуш қиёфаси ва маъносига эга, яъни шакл ва мазмунга эга. Луғат составидаги сўзлар ана шу шакл ва мазмуни жиҳатидан турлича муносабатга эга бўлиши мумкин. Масалан, чақон, эпчил, чечан, абжир, чандаст сўзларининг шакли ҳар хил, маъноси бир хил (синоним); *кўк* (ранг), *кўқ* (осмон), *кўқ* (майса, кўкат) сўзларининг шакли бир хил, маъноси ҳар хил (омоним) ва ҳ. Лексикологияда сўзлар ўзаро ана шундай муносабатлари нуқтаи назаридан ҳам ўрганилади.

Сўзлар ҳақида айтиб ўтилган хусусиятлар тилдаги барча сўзлар учун тааллуқли. Лексикологияда ҳам асосан ана шу типдаги сўзлар ўрганилади.

ЛЕКСИКА

Тилнинг лугат состави, тилдаги сўзлар мажмуи лексика деб юритилади. Шу сабабли лексика сўзи адабий тилнинг лугат состави маъносида ҳам, бирор шева ёки диалектнинг лугат составини ифодалаш учун ҳам (*диалектал лексика*), маълум бир касб-хунар ва ш. к., соҳага хос лугат состави маъносида ҳам (*терминологик лексика*), ҳатто айрим ёзувчи асари (ёки асарлари) нинг сўзлари мажмуи маъносида ҳам (*Ойбек асарлари лексикаси*) қўлланаверади.

СУЗ ВА УНИНГ МОҲИЯТИ

Лексикология лексикани ўрганади, лексика эса сўзлардан (сўзлар мажмуидан) иборат бўлади, шундай экан биринчи навбатда сўзнинг ўзи ҳақида, унинг моҳияти ҳақида тўхтаб ўтишга тўғри келади.

Айрим ишларда «асосий тил бирлиги», «тил ва нутқнинг энг муҳим элементларидан бири», «тилнинг энг кичик асосий бирлиги» деб умумий тарзда ва оддийгина таърифланадиган сўз аслида жуда мураккаб хусусиятга эга. Уч-тўрт оғиз сўз, ҳатто учтўрт жумла билан ҳам сўзга тўла таъриф бериб бўлмайди. Шу вақтга қадар лингвистик адабиётларда сўзга унинг бошқа ҳодисалардан фарқини белгиловчи аниқ, мукаммал таъриф йўқлигининг боиси ҳам ана шунда.

Сўз тил бирлиги сифатида жуда мураккаб хусусиятга эга экан, сўзга қандайдир умумий ёки конкрет таъриф беришдан кўра, унинг ўзига хос томонларини, бошқа тил бирликларидан фарқли белги-хусусиятларини ёритиш муҳимдир.

Оддий назар ташлашдаёқ сўзнинг товушдан, товушлар комплексидан тузилиши аниқ сезилади. Барча тилларда ҳам сўз асосан бирдан ортиқ товушдан тузилади. Бир товушдан иборат сўзлар жуда кам миқдорни ташкил этади (сўроқ билдирувчи а, ачишиш, афсусланиш билдирувчи э сўзлари).

Шунингдек, ҳар қандай сўзнинг маълум бир маъно ифодалashi ҳам шу тилда сўзлашувчилар учун сир эмас. Маълум бир маънога эга бўлмаган ҳар қандай товуш ёки товушлар комплекси ҳеч вақт сўз бўла олмайди. Ҳар қандай сўз пайдо бўлишидаёқ

Ўз маъноси ва товуш қиёфасига (товуш қобиғига) эга бўлади. Демак, ҳар қандай сўз, аввало, товуш ва маъно бирлигига эга бўлади. Бу нарса сўзниңг фонетик ва семантик томони.

Сўзниңг товуш томони унинг маъносини реаллаштирувчи (юзага чиқарувчи) дир. Худди шу товуш томони (товуш қиёфаси) билан сўзниңг маъноси тингловчига етади, тушунилади. Демак, у сўзниңг маъноси учун, унинг реаллашуви учун хизмат қилади.

Сўзниңг маъноси маълум товушлар комплексида реаллашиши сабабли бу маънони товушлар комплекси, товушларнинг маълум тартибдаги бирлиги ҳосил қиласидек туюлади. Бошқача айтганда, товушлар «маъносига»нинг бирлиги сўзниңг маъносидан иборатдек бўлиб кўринади. Ҳақиқатда эса бундай эмас. Гарчи товушсиз сўз бўлмаса-да, бироқ у ёки бу сўзниңг мазмуни шу сўзни ташкил этган товушлар «маъносига»нинг йигиндисидан келиб чиқмайди. Товушлар (фонемалар) маънога эга эмас. Шунинг учун товушларнинг ҳар қандай комплекси маъно ифодалайвермайди. Масалан, о, д, а, м, товушларидан иборат одам товуш комплекси маълум маъно ифодалагани (сўз бўлгани) ҳолда, шу товушларнинг адом, адмо ёки одма комплекси ҳеч қандай маънога эга эмас ва улар сўз ҳам эмас. Худди шу фонемалардан ташкил топган омад ҳам маънога эга ва сўз ҳисобланади. Лекин у одам сўзидан тамомила бошқа сўз. Агар сўзниңг маъносига ундаги товушлар маъносига ва бу товушларнинг маълум тартибда жойлашувига (тартибига) боғлиқ бўлганида, ҳар қандай сўзниңг маъносини ундаги товушлар ва бу товушларнинг тартиби асосида изоҳлаш, шу йўл билан сўзниңг маъно асосини топиш мумкин бўлар эди. Ҳақиқатда эса бундай қилиб бўлмайди.

Юқорида айтиб ўтилганидек, ҳар қандай сўз (туб сўз) аниқ бир товуш қобиғига эга бўлади. Бу қобиқдаги товушларни, уларнинг миқдорини, шунингдек, тартибини кишилар, яъни шу тилда сўзлашувчилар белгиламайди. Балки ҳар бир сўз маълум маънони ифодаловчи сифатида ўз товуш қиёфаси (қобиғи) билан юзага келади ва шу товуш қиёфасидагина у маъно ифодаланади, тушунилади. Товуш қобиғидаги товуш ёки товушлар миқдори ўзгартирилса, шунингдек товушлар тартиби ўзгартирилса, бу қобиқка хос маъно ҳам ва шу қобиқдаги сўз ҳам йўқолади ёки ўзгаради. (Масалан, осмон сўзининг товушларни товушлар миқдорини ва товушлар тартибини ўзгартириб кўринг). Тўғри, сўзниңг товуш қобиғида ўзгариш бўлса-да, маъно сақланиши, демак, сўзниңг ўзи ҳам сақланиши мумкин. Лекин бу ҳодиса (товуш қобиғидаги ўзгариш) бирданига (моментально) эмас, балки тил тараққиёти процессида юз берсагина шундай бўлади. Бу ҳодиса туб сўзлардагина эмас, балки ясама сўзларда ҳам юз бериши мумкин. Масалан, эвур — ўғир (айлантир), бирағу — бирор, ироқ — ўироқ, ёғоч — оғоч, киприк — кирпик, қўйши — қўйши, магиз — майиз ва б. Сўзниңг товуш қобиғида бўладиган бундай ўзгаришлар сўзниңг ўз маъноси билан яшаш процессида маълум

қонуниятлар асосида рўй беради. Шунинг учун ҳам бу ўзгариш маънонинг, шу билан бирга сўзниңг йўқолишига олиб келмайди.

Сўз товуш қобиининг ўзгариши билан (товушниңг сифат ёки миқдорий ўзгариши, товуш тартибининг ўзгариши билан) маънонинг ўзгариши, янги сўз ҳосил бўлиши ҳодисаси ҳам бор: *кўр — кўз, артмоқ — арч(и)моқ* артмоқ: *деразани артмоқ, столни артмоқ; арчи(и)моқ: картошкани арч(и)моқ* ва б.

Сўзниңг иккинчи муҳим белгиси маълум маънога эга лигидир. Лекин сўзлар ифодалайдиган маънолар бир хил эмас. Улар энг умумий хусусиятлари билан ҳам турли типга бўлинади. Масалан, айрим сўзлар объектив борлиқдаги нарса-ҳодиса, белги, ҳаракат кабиларни билдиради (шу нарса-ҳодиса, белги, ҳаракатни атайди): *боғ, дарё, кўк, баланд, ўқимоқ ва б.*; ундовлар фақат ҳис-ҳаяжон, буйруқ-хитоб билдиради: *оҳ, вой, бай-бай, балли ва б.*; юклама ва модал сўзлар фикрнинг воқеликка муносабатини билдиради: *ахир, фақат, дарвоҷе, шубҳасиз ва б.*; кўмакчи ва боғловчилар (*учун, туфайли, сўнг, билан, ва...*) фақат грамматик маънога эга ва ҳ. («Сўз ва унинг маъноси» баҳсига қаранг). Лекин, қандай типдаги маъно ифодалашларидан қатъи назар, уларнинг ҳаммаси ҳам сўз ҳисобланади.

Сўз деганда, яъни сўз ва унинг хусусияти ҳақида гап борганда одатда мустақил сўзлар (нарса, белги, ҳаракат билдирадиган сўзлар) назар-эътиборда бўлади. Лексикологияда ҳам асосан ана шу типдаги сўзлар ўрганилади. Лекин, айтиб ўтилганидек, фақат мустақил маъноли сўзларгина эмас, ҳатто грамматик маъно ифодавчи *каби, билан, ва* каби ёрдамчилар ҳам сўз ҳисобланади. Шундай экан, ўз-ўзидан, сўзниңг бошқа тил бирликларидан фарқли хусусияти ҳақида, «сўз» деган ҳодисаниңг белгиси ҳақида гапиришга тўғри келади.

Сўзни, айниқса, мустақил маъноли сўзни бошқа тил бирликларидан фарқлаш қийин эмас. Мустақил сўзлар фонетик ва семантические характеристики билан бошқа тил ҳодисаларидан аниқ ажralib turadi. Масаланиңг қийин томони ўзича мустақил қўллана олмайдиган сўзларнинг, айниқса грамматик маъно ифодалайдиган сўзларнинг сўзлик белгисини, жумладан, аффиксал морфемадан фарқини белгилашадadir.

Ҳар қандай сўзниңг товуш қобири ва маънога эга бўлишини кўрдик. Худди ана шу ўзига хос товуш қиёфаси ва маъноси билан у ўзича бутунлик, алоҳидалик касб этади. Лекин сўзниңг бутунлигини (алоҳидалигини) таъминловчи бу икки белгининг даражаси, сўзниңг сўз эканини кўрсатувчи кучи барча сўзларда бир хил эмас.

Лексик маъноли сўзларда товуш қиёфаси билан маъно унинг сўз эканини жуда аниқ белгилайди: *булут, ўрмон, қаттиқ, келмоқ, олти ва б.* Аммо *дарвоҷе, балки* каби сўзлар, гарчи материал маънога эга бўлмаса-да, уларнинг товуш ва маъно бутунлигига эга лигини сезиш қийин эмас. Маъноси фақат сўзларнинг ўзаро борланишида реаллашадиган, ўзича мустақил қўллана олмайди-

ган кўмакчи ва боғловчиларнинг маъно бутунлигига эга эканини сезиш бир оз қийин. Лекин, бари бир, бу туркумга оид сўзлар ҳам шакл ва маъно бутунлигига эга бўлади. Қуйидаги фактлар ҳам буни аниқ кўрсатади. Мас., *айтмаганингга хафаман — айтмаганинг учун хафаман*. Сабаб маъноси биринчисида-га формантни орқали, иккинчисида *учун* кўмакчиси ёрдамида ифодалана-ди. Лекин -га аффикс, шу ҳолида ҳеч қандай маънога эга эмас, у сўзнинг морфема структурасига киради, шунинг учун ҳам сўзга доим қўшиб ёзилади. *Учун* гарчи мустақил ҳолда қўлланмаса-да, ўз фонетик (шакл) бутунлигига эга. Шу бутунлик асосида, контекстдан ташқарида ҳам маъноси сезилиб туради. Худди шу белгилари асосида сўз каби талаффуз этилади (сўз ҳисобланади) ва, ҳар қандай сўзлар каби, доимо алоҳида ёзилади.

Аффиксал морфемалар ҳам маълум товуш ёки товушлардан иборат бўлади ва уларнинг ҳар бири ўзига хос маънога эга. Мас., феъл ясовчи -ла аффикси (*ишила*), от ясовчи -чи аффикси (*иичи*), сифат ясовчи -ли аффикси (*чироили*) ва б. Лекин аффикслар товуш ва маъно жиҳатдан алоҳидаликка (*бутунликка*) эга бўлмаганидан, биринчидан, ўзича алоҳида олингандан ҳеч қандай маънога эга бўлмайди. Масалан, *м ва а* товушидан иборат бир неча аффикс, шунингдек ундов сўз бор, *м+а* (*ма*) товуш комплекси алоҳида олингандан, бирор нарсани олишга ундашни билдиради, яъни шундай маъноли ундов — сўз ҳисобланади. Лекин бунда ҳеч вақт қайнатма, қатлама, кетма сўзларидаги -ма аффикслари-га хос маъноларнинг бирортаси ҳам реаллашмайди: *г+и+н+а* (*гина*) товуш комплекси фақат сўзга хос комплекс, сўзнинг товуш қобиғи сифатида тасаввур этилади ва шу асосда унинг маъноси ўқилади (*гина қилмоқ*). Худди шу товушлардан иборат-гина юклама-аффикс ҳам бор: *ҳозиргина*. Лекин у сўз бўлмаганидан, алоҳида олингандан маъноси реаллашмайди. Демак, *ма* ундовида ва *гина* сўзида маъно бутунлиги (алоҳидалиги) бор, -ма омоним-аффиксларида, -гина юклама аффиксида бундай бутунлик (алоҳидалик) йўқ. Иккинчидан, сўз материал (*товуш*) бутунликка, материал яхлитликка эгалигидан, ҳар қандай шароит, ҳар қандай сўзлар қуршовида ўз фонетик қиёфасини сақлади, шунингдек, сўзда фонетик вариант деярли бўлмайди. Аффиксларда фонетик жиҳатдан алоҳидалик бўлмаганидан, турли фонетик шароитларда ўз қиёфасини ўзгартиши, бирдан ортиқ фонетик варианта га бўлиши мумкин: *сезгир, олғир, чопқир, кескир, уйга, юкка, булоқча, кечагина, пастаккина, юмшоқкина* ва б.

Маълум бўладики, ҳар қандай сўз шакл ва маъно бутунлигига эга бўлади. Сўзнинг фонетик шакли унинг маъносини реаллаширади. Бошқача айтганда, товуш ёки товушлар комплексида маълум маъно реаллашагина, уни сўз деб аташ мумкин. Аффикслар ҳам маълум товуш қиёфасига ва маънога эга бўлса-да, лекин уларнинг товуш қиёфаси маънони реаллаштирувчи эмас. Аффиксга хос маъно у қўшиладиган сўз орқалигина (шу сўз доирасидагина) реаллашади.

Юқорида айтилган гаплар сўзниңг икки асосий хусусиятига, яъни товуш ва маъно томонига оидир. Лекин сўз бундан бошқа яна бир қатор хусусиятларга эгаки, худди шу хусусиятлари туфайли у тилшуносликнинг турли соҳаларининг текшириш обьекти бўлади.

Инсон тили товуш тилидир. Ҳар қандай сўзниңг пайдо бўлишидаёқ товуш қиёфасига эга бўлиш сабаби ҳам ана шунда. Сўзниңг материал қобигини ҳосил қилувчи товушлар (фонемалар) ва улар билан боғлиқ бўлган қатор ҳодисалар тилшуносликнинг маҳсус бўлимиди — фонетика баҳсида ўрганилади. Демак, сўз бу томони билан тилшуносликнинг бир бўлимига боғланади.

Ҳар қандай сўз маълум маънога эга бўлишини кўрдик. Сўзниңг маъноси ва унга алоқадор ҳодисалар (мас., сўз маъноси-ниң тараққиёти, бир маънолилик ва кўп маънолилик ва б.) тилшуносликнинг лексикология баҳсида (лексикологиянинг семасиология бўлимиди) ўрганилади.

Сўзлар фонетик, семантик структурадан ташқари, морфема структурасига ҳам эгадир (и ш+чи+ла р каби). Сўзниңг бу томони морфемика баҳсида ўрганилади.

Янги сўзларнинг пайдо бўлишида (яратилишида) сўз ясалиши ҳодисаси муҳим роль ўйнайди. Янги сўзларнинг жуда кўп миқдори ҳар бир тилнинг ўзига хос сўз ясаш усуслари билан яратилади: терим (*тер+им*) — аффиксация усули, меҳнатсевар (*меҳнат+севар*) — композиция усули ва б. Сўзга алоқадор бу ҳодиса, яъни сўз ясалиши ва унга алоқадор ҳодисалар тилшуносликнинг сўз ясалиши баҳсида ўрганилади.

Сўз нутқда турли-туман грамматик маъноларни ифодалаш учун шу маъноларга хос формаларда қўлланади. Бошқача айтиганда, сўзлар форма ясалиш системаларига ҳам эга: *китоб+лар+им, ишли+лар+имиз+га, ўқи+ян+ти+лар* каби. Сўзниңг форма ясалиш системаси ва у билан боғлиқ ҳодисалар тилшуносликнинг морфология баҳсида ўрганилади.

Сўзлар сўз биримлари ва гапларнинг тузилишида материал асос бўлиб хизмат қиласади. Бу томони билан улар грамматиканинг синтаксис баҳсида ўрганилади.

Юқоридагилардан маълум бўладики, сўз ниҳоятда мураккаб хусусиятларга эга бўлган тил бирлигидир. У ўзининг муҳим белги-хусусиятлари билан тилшуносликнинг маҳсус бўлнимларининг ўрганиш обьекти бўлади.

ИСТЕММОЛ ДОИРАСИГА ҚУРА ЎЗБЕК ТИЛИ ЛЕКСИКАСИ

Тилдаги мавжуд сўзлар истеъмол доирасига кўра хилма-хил бўлади. Уларнинг асосий қисмини кўпчилик аҳоли бир хил қўлласа, баъзиларни фақат муайян касб-ҳунар эгалари ёки маълум территорияда яшайдиган кишиларгина қўллайди холос. Масалан, *ер*, *сув*, *осмон*, *ҳаво*, *тош*, *қум*, *айтмоқ*, *билмоқ*, *ухламоқ*, *ўтироқ* каби сўзларни барча ўзбек тилида сўзлашувчилар қўлласа, *бистар* — келин-куёв учун маҳсус тикилган шойи кўрпа (Бухоро), *бувма* — хотин-қизларнинг ёқасиз қўйлаги (Жўш), *барак* — чучвара (Бухоро), *бириңжоба* — мастава (Бухоро), *гашир* — сабзи (Жанубий Хоразм), *бәрәқ* — картошка (Олмос), *қийар* — бодринг (Шовот) каби сўзларни маълум территорияда яшовчи кишиларгина қўллайди; *бюретка*, *лакмус*, *фенолфталеин*, *фунгицид* (химия терминлари) кабиларни эса фанинг муайян соҳаси билан шуғулланувчи зиёли кишиларгина ишлатадилар. Шунинг учун ўзбек тили лексикасини истеъмол доирасига кўра асосан иккি қатламга ажратиш мумкин.

1. Қўлланиш доираси чегараланмаган, умумистеъмолдаги лексика.

2. Маълум доирадагина қўлланиладиган, истеъмол доираси чегараланган лексика.

ҚЎЛЛАНИЛИШ ДОИРАСИ ЧЕГАРАЛАНМАГАН ЛЕКСИКА

Ўзбек тили лугат составининг асосий қисмини ўзбек халқининг барча аъзолари учун умумий бўлган ва қўлланилишида муайян территория ёки маълум фаолият соҳалари билан чегараланмаган лексика ташкил қиласди. Қўлланиш доирасига кўра чегараланмаган лексикага кундалик ҳаётда тирикчилик муносабатлари учун энг зарур бўлган нарса ва ҳодиса, жараёнларни англатадиган сўзлар киради. Чегараланмаган лексик қатлам асосан турғун бўлиб, ўзбек тилининг барча стилларида қўллана олади. Чегараланмаган лексикага оид сўзлар барча сўз туркумларида бор. Отлар — *дарё*, *сув*, *ер*, *осмон*, *тош*, *тоғ*, *боғ*, *дараҳт*, *уй*, *девор*, *кўча*, *водий*, *саҳро*, *қум* каби; сифатлар — *оқ*, *қизил*, *сариқ*, *қора*, *катта*, *кичик*, *кенг*, *тор*, *узун*, *қисқа*, *чиройли*, *ақлли*, *доно*, *барно* каби; сонлар — *бир*, *икки*, *уч*, *тўрт*, *беш*, *олти*, *етти*, *саккиз*, *тўққиз*, *үн*,

йигирма, ўтиз, қирқ, олтмиш, етмиш, саксон, тўқсон, юз, минг, миллион каби; олмошлар — у, бу, шу, ана, мана, сиз, биз каби; феъллар — бор, кел, кет, юр, тур, ўтири, ухла, ёт, айт, қўй, ўт каби; равишлар — тез, секин, оз, кам, кўп каби; боғловчилар — ва, ҳам, аммо, лекин, бироқ, гоҳ, ёки, ёнки каби; юкламалар — у, ку, да, ю каби; ундовлар — оҳ, воҳ,вой, дод, уҳ, ура каби.

Чегараланмаган лексиканинг кўпгина қисми адабий лексика таркибига киради. Баъзи сўзларнинг адабий (китобий) варианти ва умум қўлланишдаги нейтрал варианatlари ҳам учрайди, *истироҳат — дам олиш, сўзламоқ — гапирмоқ, қўйида — пастда, шикоят қилмоқ — нолимоқ, ташриф буюрмоқ — келмоқ, зиёрат қилмоқ — бориб кўрмоқ* каби.

Қўлланилиши чегараланмаган лексиканинг асосий қисми, ма-салан: *қуёш, ой, ер, кўйк, оқ, қора, сариқ* кабилар эса энг қадимий сўзлардир.

Умумистеъмолдаги сўзларнинг кўпчилиги асл туркий сўзлар бўлса-да, улар ичida бошқа тилдан кириб ўзлашган сўзлар ҳам салмоқли ўринни эгаллайди. Масалан, Ўрта Осиёда араблар ҳукмронлиги (VIII—IX) даврида ўзаро ижтимоий-сиёсий, адабий-маданий алоқалар ўзбек тили лексикасида ҳам белгили из қолдирган. Ҳозирги тилимиздаги араб сўзларининг бир қисми илмий термин сифатида чегараланмаган лексика таркибида қўлланса, иккинчи қисми эса чегараланмаган лексик қатламга киради ва бундай араб ўзагига мансуб сўзларни барча кишилар қўллайди. Масалан, *мактаб, китоб, вақт, умр, мажлис, хабар, хабардор, савол, жавоб, навбат, ассалому алайкум, хайр, раҳмат, марҳамат, роҳат* каби сўзларни касби, ёши ва қайси диалектга мансублигидан катти назар, барча қўллайверади.

Тожик тилидан ўзбек тилига кирган сўзлар ҳам ҳар икки халқнинг асрлар мобайнида ўзаро яқин алоқада яшашлари, бир-бирлари билан узоқ даврлар ўзаро ижтимоий-сиёсий, адабий, маданий ва тил муносабатлари натижасида ўзлашган бўлиб, улар асосан, ўзбек тилининг чегараланмаган лексик қатламида кенг қўлланилади. Масалан, *дарё, дараҳт, дазмол, нон, гул, шаҳар, дўст, чироғ, ғишт* каби тожик сўзлари шулар жумласига киради. Натижада тарихий тараққиёт давомида ҳатто баъзи форс-тожик (*дазмол, нон, шаҳар, дараҳт, гул, пастда*) сўзлари қадимий туркий сўзларни (*утюқ, экмак, қалъа, оғоч, чечак, тубандा*) умум-қўлланишдан ёки нейтрал лексика составидан сиқиб чиқарган ва уларнинг баъзилари ҳозирги ўзбек тилида фақат стилистик чегараланган лексика қаторидан ўрин олган.

Рус тилидан ва асосан рус тили орқали Фарбий Европа тилларидан ўзлашган сўзларнинг катта қисми ўзбек тилида қўлланиш жиҳатдан чегараланмаган лексик қатламга киради.

Ишлаб чиқариш усулининг ривожланиши, янги ишлаб чиқариш қуролларининг яратилиши халқ хўжалиги ва маданий ҳаётда янги предмет, жараён, тушунча пайдо бўлиши билан боғла-

нади. Бундай янгиликлар совет даврида ҳар күни, ҳар соатда дайдо бўлиб турди.

Ўзбек тилига рус тилидан биринчи навбатда энг ҳаётй ва зарурий предметларни ифодаловчи сўзлар ўтган ва ўзбек халқи кундалик ҳаёти ва тилига сингиб кетган: *шкаф, стол, стул, каравот, сервант, диван, холодильник, печка, плита* каби.

Машинка, автомат, телефон, телеграмма, процент, градус, килограмм, метр, километр каби сўзлар маълум соҳанинг термини бўлиши билан бирга чегараланмаган лексика қаторига ҳам кирди.

ЧЕГАРАЛАНМАГАН ЛЕКСИКАНИНГ ЛЕКСИК-СЕМАНТИК ХУСУСИЯТЛАРИ

1. Чегараланмаган лексика таркибидаги сўзларнинг бош маъноси кўпинча аниқ бўлади, агар бошқа тилдан ўзлашган сўзнинг маъноси ноаникроқ бўлса, мазкур халқ ўз ҳаёт тажрибалари ва тушунчаларидан келиб чиқиб, у сўзларга маъно аниқлиги киритади. Бундай ҳолларда:

а) маънони ойдинлаштириш учун бошқа тилдан кирган сўз билан ўз сўзимиз бирга қўлланади. Масалан, *чанг тўзон, ҳарсанг тош, булка нон, бош-оёқ саруло*, ўтра миёна, оғир вазмин, осмони фалак, *норасида гўдак* каби.

Бундай бирга қўлланиш натижасида синонимик сўзлардан бирининг маъноси ўзгариб, бири иккинчисининг аниқловчисига айланади ёки бири иккинчисининг маъносини кучайтиради.

Масалан, *саруло* сўзи бош-оёқ сўзи билан қўлланганда, бош-оёқ *кийим* маъносини англатади, *харсанг* сўзининг ўзи тожик тилида катта тош маъносини билдиrsa, ўзбек тилида ‘тош’ маъносини англишиш учун яна тош сўзи қўшиб қўлланилади: *ота-онаси — йирикчиларча бўғизланган норасида гўдакларини гўзларида ёши*. Уларнинг шу ахволга тушишига босмачилар сабабчи (М. Худойқулов). Сизнинг пиёзингиз бош-оёқ *саруло* бўладиган бўлса, Рафқон пиёзи бетига рўмол ёниб олса бўлар экан,— деди Қудрат, хаҳолаб кулиб (М. Исмоилий). Кечасаҳар пайтида осмони фалакда турна ўтди (Сайд Аҳмад). *Тоғнинг харсанг тошлиари портлатилар* эди (Ш. Рашидов).

б) ўрин ва шахс отини англатувчи негизга яна жой ва шахс оти ясовчи аффикслар қўшилади. Масалан, *мактаб* — мактабхона, *богча* — bogchaхона, *почта* — почтахона, *омбор* — омборхона, *дўкон* — дўконхона, *оғил* — оғилхона, *аттор* — атторчи, *гўрков* — гўрковчи каби. Бундай ҳолат асосан оддий сўзлашув лексикасига хосдир: *Шу онда Moҳлар ойим мактабхонадаги болалар ичидан Анварни чақиртириб олди* (А. Қодирий). *Ховли-жой уч тақсим бўлди...* Йўлдошга ўзи ўтирган хона билан айвоннинг ярми-ю, омборхона — ўзоқ боши тегди (С. Анорбоев). (*Гулжон — Masturaga*) *Айтганингиздек жониворнинг гўрков*.

чи си, нафснинг терговчиси бўладими, ҳар кимнинг ўзига инсоф берсинда! (Ҳ. Ҳакимзода) Бу ер «тўқув цехи», бўзчилар тили билан айтганда — дўконхона (А. Мухтор);

в) маънони кучайтириш, давомлиликни англатиш учун синонимик жуфт сўз ёки бир сўзниң ўзи такрорланиб келади. Масалан, орзу-тилак, соғ-саломат, жон-жон, зор-зор, ўла-ўлгунча, оламолам, даста-даста, тоғ-тоғ, хирмон-хирмон, қоп-қоп, катта-катта, қучоқ-қучоқ, тўдаб-тўда, дув-дув, дир-дир, дағ-дағ, тўқ-тўқ каби.

Мисоллар: *Нурининг қайнанаси гоҳ - гоҳ* келиб Гулноргә боқишиш ва уни мақтар эди.— Қоп-қоп олтин-кумуш тўкиб олса, арзийдиган қизсан. Илоҳим баҳтли бўл! (Ойбек) Хотинимнинг бу гапи Бўтабойнинг жон-жонидан ўтиб кетди, лекин бундаги кучли мантиқ тилини боғлади-ю, ҳеч нарса десёлмади (А. Қаҳҳор). Онаси ўлгандан бери Нури тез-тез келиб турагар эди. Она ўлимига дастлаб чидай олмаган каби қўрингган Нури, сеқин-сеқин тақдирга тан берган, ҳатто аввалгида бир гапириб, ўн куладиган бир ҳолга келган эса-да, ҳар келишида эшикдан бақириб киради (Ойбек). Бемеҳр отасининг сурбет башарасини кўролмаган болалар зор-зор ишлаб Намангандага қайтиб кетишиди («Муштум»). Фақат ҳар бир дўйонда бир хил товуш: шақ-шақ, шуқ-шуқ чўт қоқилади. Энди у (Марям) дуҳоба паранжисига ўралиб, узун чачвонни юзига тутиб, сават-сават кулчалар, баркашларда ошлар, соғфа-сағом билан, бутун қоидага мувофиқ тўйларга, азаларга, туғруқларга бориб келади (Ойбек).

2. Чегараланмаган лексика таркибидаги синонимик сўзлар ўзаро жуда нозик фарқларга эга бўлади. Масалан, айб, гуноҳ, жиноят синонимлари расм-одат нормаларига, қонун-қоидага қарама-қарши хатти-ҳаракат маъносини ифодалайди. ‘Гуноҳ’ маънони айб сўзига иисбатан кучли оттенкада ифодалайди. ‘Жиноят’ қонун-қоидага хилоф хатти-ҳаракат маъносида қўлланилади.

Синонимик қатордаги бош сўз одатда чегараланмаган лексикага оид бўлади, ундан ташқари, синонимик қатордан бошқа эмоционал бўёққа эга бўлган сўзлар ҳам чегараланмаган лексикага таалуқли бўлиши мумкин. Масалан, бош синонимик қаторида *калла ва юз* синонимик қаторида *бет, афт, башара, жамол, дийдор* сўзлари ҳам чегараланмаган лексик қатламга тегишли. Бунда *калла, башара, афт, бет* сўзлари салбий оттенкага эга бўлса, *жамол, дийдор* сўзлари ижобий оттенкага эгадир. *Ингичка* узун оёқларини чаққон босиб, чироили бошини озод кўтариб келаётган қашқа саман бирдан пахса девор томонга бурилди (М. Исмоилий). «Бир оғиз гап бор», — деди Соли совуқ қалласини ишлаб, башарасига тупургиси келди (М. Исмоилий). Шербекнинг кўзига Хўжабековнинг афтидан наҳс томаётган-дек жирканч бўлиб қўриниб кетди (С. Анорбоев). У бетлари юмдаланган, оппоқ соchlари юлинганди бу телба хотинни ўзи-

минг қирк йиллик умр йўлдошига ўхшата олмади (М. И smoилий). Унинг ҳамиша нақш олмадек қизарib турадиган юмалоқ юзлари оқариб кетган эди (Ш. Рашидов).

Баъзан ўзакдош сўзларнинг ҳаммаси ҳам бир хил ўзакдаги сўзлар билан синоним бўлиб келмайди. Алоқа эҳтиёжига кўра мазкур негиздан ясалган баъзи формалар бошқа маънодаги сўзлар билан синоним бўлиб, бошқа синонимик қаторни бойитади. Масалан, ўрин сўзи жой сўзи билан, ўринлашмоқ сўзи жойлашмоқ сўзи билан синоним бўлгани ҳолда ўринлатмоқ сўзи эса жой сўзи билан ҳеч алоқаси бўлмаган бажармоқ, бопламоқ сўзларига синоним бўлиб келади.

Чегараланмаган лексика, гарчи қўлланиш жиҳатдан бирмунча турғун бўлиб, ўзбек тили лексикасининг асосини ташкил этса ҳам, жамият тараққиёти билан бирга секин-аста ўзгариб, ривожланиб боради.

Чегараланмаган лексика асосан қўйидаги манбалар ҳисобига бойийди, ривожланади.

1. Мавжуд сўзлардаги маъно ривожи ҳисобига. Сўз одатда маълум предмет, ҳодиса, жараённинг ифодаси сифатида пайдо бўлганда бир маъноли бўлади, яъни биргина нарсани атайди. Кейинчалик у бошқа нарса, ҳодиса, белги ёки ҳаракатларга ҳам кўчирилади. Шунинг учун ҳам чегараланмаган лексика таркибидаги сўзларнинг кўпчилиги полисемантик сўзлардир. Масалан, тоғ, тош, тил, тиш, ер, сув, оқ, қора, ўқимоқ, тортмоқ каби сўзлар бош маъноларидан ташқари яна бир қанча маъноларга эга бўлган.

Тош сўзи тоғ жинси, нарсаларнинг вазнини ўлчашда ишлатиладиган қадоқ, касаллик туфайли айрим органларда йигиладиган қаттиқ модда, бераҳм, шафқатсиз маъноларида қўлланилади: Сув кетар, тош қолар, ўсма кетар қош қолар (Мақол). Шу шанбадан қолдирмай тўйни бошлайлик: семиз қўй ётсираб яна икки кун овқат смиси, тошини ийқотади, озиб қолади (С. Абдулла). Номим улуғу кўпга бош эдим, Баъзан хушфеъл, баъзан тош эдим («Муштум»). О, мусибат шунчалар тошини оғир бўлмаса. (М. И smoилий). Бундан ташқари, улар қўйидаги иборалар таркибида кўчма маънода ҳам кенг қўлланилади: бошида тош чақмоқ, бошидан тегирмон тоши юргизмоқ, бошинг тошдан бўлсин, боши тошга тегди, тош отмоқ, оғзингга тош (ёмон нафас қилган кишига нисбатан), тошини тер (боравер), тош қотмоқ, тош — метин бўлиб қотмоқ, тош қотиб ухламоқ, тош бойламоқ каби.

2. Бошқа тилдан ўзлашган сўзлар ҳам умумхалқа тушунарли ва умумистеъмолда бўлса, чегараланмаган лексикага киради. Ўзбек тилидаги кенг ҳалқ оммасига тушунарли бўлган кўпгина тоҷик ва араб ўзагига алоқадор сўзлар шулар жумласига киради: девор, дарвоза, оҳак, мих, режса, дастурхон, дазмол, чироқ, гугурт, поёндоз, сандик, тахта, шиша, шер, жонвор, фил, маймун булбул, кантар, бедана, чинор, гилос, анжир, пахта, пиёз, сабзи, шоли, шона, шоҳ, бодом, гул, лола, бинафша, баҳор, ҳафта, дутор,

шойи, дока, якшанба, душанба, сешанба, чоршанба, пул, савдо, феруза, гавҳар, ватан, давлат, ҳукумат, амал, вакил, раис, идора, сиёсат, халқ, ҳайит, арафа, касб, шоир, мақол, илм, мактаб, китоб, хабар, савол, жавоб, авлод, аждод каби. Рус тилидан кирган: коммунист, партия, электр, цемент, самолёт, трамвай, конфет, печенье, костюм, пальто, тарелка, шкаф, шифоньер, колхоз, совхоз, паровоз, тепловоз, самовар, область, стол, стул каби кўплаб сўзлар чегараланмаган лексиканинг ажралмас қисмидир.

3. Фан, техника, маданиятга ва бошқа соҳага оид терминлар кўпчилик истеъмолига ўтга, чегараланмаган лексик қатламдаи чегараланмаган лексик қатламга айланади: радио, телевизор, аэропорт, космодром, космонавт, командир, офицер, гвардиячи, футбол, шофер, агроном ва б.

4. Баъзи диалектал сўзлар (кўпроқ бадий асарлар орқали) адабий тилга ўзлашганидек, чегараланмаган лексика таркибига ҳам ўтади. Масалан, елавгай (уст кийимнинг енгини киймай елкага ташлаш), нўмай (сероб, кўп), арчимоқ, аймоқи (кўмидмайдиган ток), тезкор, зиёд каби.

Шевалардан адабий тилга ўзлашган сўзларнинг баъзилари бошқа туркий тилларда ҳам қўлланилади. Адабий тилга ўзлашган таътил сўзи шеваларда ‘нонушта’ маъносида, адабий тилда ‘кангул’ маъносида қўлланилади. Озарбайжон тилида бу сўз ‘кангул’ ва ‘иш ташлаш’ (забастовка) маъноларида қўлланилади. Демак, бу сўзда умуман ишдан, ўқишдан тўхташ, дам олиш каби умумий маъно бор экан.

Лекин чегараланмаган лексикада таътил эмас, кўпроқ *кангул* ишлатилади. Тилдаги бир қанча сўзлар кўп маънолари билан умум истеъмолда бўлади. Масалан, сир сўзининг ‘секрет’ маъносидаги ўзагидан ясалган сирли, сирдош, сирлашмоқ сўзлари, ‘бўёқ’ маъносидаги ўзагидан ясалган сирчи, сирламоқ сўзлари чегараланмаган лексик қатламга мансуб. Шунингдек жой сўзи ‘ўрин’, жамоа сўзи ‘аҳоли’ ва ‘қишлоқ’ маъноларида чегараланмаган лексик қатламга мансуб бўлади.

Баъзи сўзлар чегараланмаган лексика таркибида бир маънода, маҳаллий шевада бошқа маънода қўлланилади. Масалан, тўймоқ чегараланмаган лексикада ‘янчмоқ’ шеваларда эса ‘сезмоқ’ ва ‘тугмоқ’ маъноларида ишлатилади.

Шундай қилиб, чегараланмаган лексика ўзбек халқининг барча вакиллари тушунадиган ва қўллайдиган, умумистеъмолдаги ёнг зарур сўзлар бўлиб, ўз ичига оддий сўзлашув лексикасини, терминологик лексиканинг бир қисмини, адабий тил лексикасининг асосий қисмини қамраб олади. Чегараланмаган лексика асосан сўз ясашиб, мавжуд сўзлардаги маъно ўзгариши, бошқа тиллардан (асосан рус тили), қисман таянч диалектлардан, терминологик лексикадан сўз қабул қилиш ҳисобига, жамият тараққиёти билан сеќин-аста ўсиб, ривожланиб, сайқалланиб боради. Шутариқа чегараланмаган лексика адабий тил лексикаси ривожига таъсир этади.

ҚҮЛЛАНИЛИШ ДОИРАСИ ЧЕГАРАЛАНГАН ЛЕКСИКА

Қўлланилиш жиҳатдан чегараланган лексика уч хил: 1) диалектал лексика, 2) махсус (профессионал-терминологик) лексика ва 3) жаргонлар.

Диалектал лексика

Диалектал лексика маълум територияда яшайдиган ҳамма кишилар қўллайдиган, ўша територия аҳолиси нутқига хос бўлган сўзлардир. Бундан ташқари, диалектал лексика фақат оғзаки нутқга хосdir. Бу жиҳатдан у оддий сўзлашув лексикасига ўхшаб кетади. Лекин оддий сўзлашув лексикасининг қўлланилиш доираси территория жиҳатдан чегараланган бўлмайди.

Диалектал сўзлар адабий тил лексикаси ҳисобланмайди. Бадий адабиётда персонажлар тилини индивидуаллаштириш учун ва стилистик мақсадларда қўлланилган диалектал сўзларнинг ҳаммаси ҳам адабий тилга ўзлашиб кетади, дейиш қийин, албатта. Диалектал лексика адабий тилга бутунлай ўзлашиб кетса, унди лексика диалектал лексика доирасидан чиқиб, чегараланмаган лексик қатламга киради. Масалан, *дарға* (ўғ. қипч.) — кема бошлиғи, капитан, *таътил* (лақай), *арчилоқ* (Фаргона), *ёлавагай*, *шамойил*, *аймоқи*, *омухта*, зиёд каби сўзлар кейинги йилларда ўзбек тилининг турли диалектлардан адабий тилга ўзлашган сўзлардир.

Шундай диалектал сўзлар борки, улар адабий тилда ҳам, бадий адабиётда ҳам учрамайди, уларни фақат муайян шева вакилларигина қўллайдилар ва тушунадилар. Масалан, *мўғжа* — куртак (Самарқанд, Бухоро, Қашқадарё), *нозаннагир* — кўримсиз (Қашқадарё), *шувала* — шунча (Ўш, Тулкибош), *мадон* — омборча (Бухоро), *манази* — вақт (Беруний), *межана* — данак (Хоразм), *мекича* — мусича (Ўйчи) кабиларнинг адабий тилда эквиваленти бор. Баъзи диалектал сўзларнинг эса адабий тилда синоними ҳам йўқ: *мақол* (Андижон) — лаб остидаги кичкина соқолча, *лутва* (Қашқадарё) — зирақнинг бир тури, *лўнқа* (Қашқадарё) — яхши навли чой, *можик* (Тўрткўл) — она чумчуқ, *малакай* (Жўш) — чала қолган иш, *жувода* (Урганч) — болтанинг соп ўрнатадиган томони, *жумас* (Жўш) — юмалоқланган сарир ёғ каби.

Бизнинг назаримизда бадий адабиётда учрайдиган ва муайян шева вакиллари томонидангина қўлланиладиган сўзлар диалектал сўзлар дейилади.

Бироқ адабий ва диалектал лексиканинг ўзаро таъсири жуда мураккаб ҳодиса бўлиб, сўзларнинг конкрет характеристи (нейтралноминативлиги, предметни ифодаланиши, этнографиклиги, маълум жойгагина хос предметни ифодалashi ва асосан коммуникатив ёҳтиёж)га боғлиқ. Адабий ва диалектал лексиканинг ўзаро таъсири жараёнида адабий тилда эквиваленти бўлган диалектал лек-

сика ўз ўрнини аста-секин адабий лексикага бўшатиб бериб, ис-
теъмолдан чиқиб кетади. Чунки диалектал лексика ўзаро тўғри
тушунишни қийинлаштиради. Бу, биринчидан, лексиканинг тил-
нинг бошқа соҳаларига қараганда ҳаракатчанлигини кўрсатса,
иккинчидан, тилнинг коммуникатив функциясида лексик маъно-
нинг алоҳида аҳамияти борлиги билан изоҳланади.

Масалан, шевалардаги *баранг* (Олмос) картошка, *гәшир* (Жа-
нубий Хоразм) сабзи, *қияр* (Шовот) бодринг кабилар бадий адабиётда ҳам, маҳаллий газеталарда ҳам қўлланилмайди.

Адабий лексиканинг марказий шеваларга таъсири диалектал фарқли сўзларни минимум даражада камайтиrsa-да, бу таъсир адабий тилга диалектал сўзларнинг ўзлашиш процесслирини асло тўхтатолмайди. Диалектал сўзлар адабий тилга номинатив ва стилистик мақсадда ўзлаштирилади. Маълум жойга хос предметни ифодаловчи сўзнинг адабий тилда эквиваленти бўлмаса, ундаи сўз адабий тилга нейтрал-номинатив функцияда ўзлашади.

Адабий тилда эквиваленти бўліан сўзлар эса бадий адабиётда стилистик мақсадда ва маҳаллий колоритни ифодалаш учун қўлланилади. Муайян территориянинг ўзида қўлланиладиган сўзлар потенциал тил бойлиги бўлиб, тил эҳтиёжига кўра бадий асар тили ва сўзлашув тили орқали адабий тилга ўтиши мумкин.

Бундан ташқари, маълум областга хос номинатив диалектал сўзлар маҳаллий газеталарда систематик ишлатилиши натижасида адабий тилга, ундан чегараланмаган лексикага ўтади.

Яна маҳсус касб, ҳунар ва терминологик лексикадаги баъзи сўзлар диалектал сўзлардан ясалади. Ана шу диалектал сўзлар касб-ҳунар ва терминологик лексика орқали чегараланмаган лексик қатламга ўтади. Масалан, *даҳага кирмоқ* (пиллачиликка оид), *намуна бўлмоқ* (кулолчиликка оид), *бўзчининг мокисидек*, *оҳори тўқилмаган* (тўқимачиликка оид), *ғишт қолипдан кўчди* (қурилишга оид).

Ўзбек тили шеваларида барча сўз туркумларига оид сўзлар мавжуд. Булардан от, сифат, феъллар кўпроқ, олмош, равиш ва ёрдамчи сўзлар камроқ, тақлидий сўзлар эса жуда сийрак учрайди.

Отларнинг қўйидаги тематик группалари кенг қўлланади:

1. Ҳар хил идиш-товоқ номлари тувоқ — *қонқоқ* (Наманган), Туркистон), *баракирак* — човли (Самарқанд), *батқалдоқ* — сопол идиш (Сайрам), *гавдўша* — хурма (Бухоро), *гирдон* — катта патнис (Қашқадарё), *данггим* — тос (Гурлан), *дўғов* — сопол идиш (Андижон), *ёҳчова* — сув қовоқдан ясалган ёғ идиш (Қашқадарё), *матра* — човли (Қорноқ) каби.

2. Кийим ва газлама номлари: *белқарс* — белбоғ (Қашқадарё), *бўрк* — қалпоқ (Фориш), *бувма* — хотин-қизларнинг ёқасиз кўйлаги (Жўш), *катан* — қалин ипак газлама (Уғуз), *дайбич* — кампирларнинг бош кийими (Жўш), *васқарча* — нимча (Қашқадарё), *галак* — ялама тўн (Хонқа), *дамақса* — хотинлар рўмоли (Қўшқўпир, Хазорасп), *жашвак* — чачвон (Қарноб), *желатка* —

иимча (Тошкент), **жилап** — пайпоқ (Қарноб), **жубба** — болалар-ининг пахталик чопони (Хоразм), **жуй-чок** (Хоразм), **калтacha** — калта, енгил пахтали камзул (Андижон), **буклам** — сурп (Хоразм), **кийит** — келин-куёвга аталган кийим-кечак (Пандигон, Ўйрат), **кирчин** — дўппи остидан кийиладиган юпқа бош кийим (Лақай), **лас** — сатин (Жўш), **делагай** — яктак (Зомин), **желап** — истарсиз чопон (Қашқадарё), **каланӯш** — дўппи (Бухоро).

3. Овқат ва овқат маҳсулоти номлари: **лаваш** — чуррак нон (Гурлан, Хива), **барак** — чучвара (Бухоро), **бириңжоба** — мастава (Бухоро), **вағлама** — қора шўрва (Хонқа), **гўмма** — сомса (Хоразм), **ғилак** — қийма (Фориш), **гуллиши хони** — лағмон (Фориш), **жисбоз** — кулчатой (Жанубий Хоразм), **каваш** — нўхат шўрак (Туркистон), **кандирбарак** — кендир уруғи туйилиб, юпқа хамирга ўралган чучвара (Жанубий Хоразм), **качи** — сузма (Жўш), **качи** — сут ва жўхори унидан тайёрланган овқат (Фарбий Фарғона), **тўнтарма** — қаймоққа пиширилган атала (Юқори Қашқадарё), **теппаси қуиде** — гўштсиз палов (Юқори Қашқадарё).

4. Мехнат қуроллари номи: **тушаха** — айри (Урганч), **учлик** — уч тишли айрим (Ўйчи), **хайис** — кичик болға (Қарши, Фарғона), **даскалла** — барг қирқадиган асбоб (Қўқон), **качкорт** — ток қайчи (Бухоро), **дирка** — омочнинг қулоги (Хоразм), **дандона** — сих мола (Бухоро), **ёва** — айри, паншаха (Хоразм), **бешаха** — паншаха (Қарноқ), **бешлик** — паншаха (Ўйчи).

5. Табиат ҳодисалари номи: **буржак** — дўл (Хоразм), **тугучак** — дўл (Сайрам), **чиқ** — шудринг (Хоразм), **шавшақ** — дўл, жала (Гурлан, Янгибозор), **бувақ** — булат, туман (Манғит), **буғақ** — булатли ҳаво (Қора кўл).

6. Урф-одат ва халқ ўйинлари номи: **бадик** — алас (Қарноқ), баҳшанна — бешик керти (Қашқадарё), **халпа** — отин (Хоразм), **бийпора** — қоқимчи (Юқори Қашқадарё), **бистар** — келин-куёвлар учун маҳсус тикилган шойи кўрпа (Бухоро), **жуллик** — чиллак (Хоразм), **чалламоқ** — чақирмоқ (Тошкент), **чимилдих** — гўшанг (Митон, Барлос), **чинка** — суннат тўйи муносабати билан ўтказиладиган базм (Сайрам), **буқур** — болаларнинг ёнғоқ ўйини (Юқори Қашқадарё), **саркуй** — қалин, сеп (Гурлан, Манғит).

7. Ўсимлик, дараҳт, боғдорчилик ва полизчилик билан боғлиқ бўлган сўзлар: **химча** — токдаги узун-узун, ингичка навдалар (Қашқадарё), **гәшир** — сабзи (Хоразм), **баранг** — картошка (Олмос), **далтак** — туятивон (Хонқа), **жингилдак** — ёввойи жийда (Хоразм), **жўшан** — шувоқ (Жўш), **гул** — шумғия (Хатирчи, Жиззах), **гужум** — сада қайрағоч (Хоразм), **тегирмон гул** — ёввойи гаримсоқ (Юқори Қашқадарё), **ҳасида** — ширин қовун (Андижон), **ҳилва** — ялпиз (Ўш, Жиззах), **ҳилвўй** — ялпиз (Гурлан), **ҳуёжка** — кўксултон (Урганч), **чақчақ** — писта (Хоразм), **шакарпара** — қовуннинг бир тури (Урганч), **сурхак** — чиллаки (Қашқадарё), **ғайнам** — олхўри (Ўйчи), **ғўз** — ёнғоқ (Хоразм), **ғурунг** — ўрик (Бофот), **буваражсан** — сариқ рангли эрта пишар ўрик (Бўстон).

8. Қуш ҳайвон номлари ва чорвачиликка оид сўзлар: **жолак** — қора ялоқ (Андижон), **қорақуш** — бой ўғли (Сайрам), **чай** — калхат (Хоразм), **кийканак** — лочин (Жӯш), **жинқарча** — читтак (Андижон), **дасқар** — чумчук (Хоразм), **жулули** — қиррий (Зомин), **кулук** — иш ҳайвони (Сайрам), **жувона** — новвос (Бухоро), **чори** — тўрт ёшли қўй (Қарши), **калак** — шохсиз эчки (Жӯш), **давишан** — қуён (Хива), **чибич** — бир ёшли эчки (Бахмал), **дурулан** — чумчук (Зомин).

9. Далачилик ва сувчиллик билан боғлик сўзлар: **қайир** — бўз ер (Хоразм), **чел** — марза (Хоразм), **кеса солма** — ўқ ариқ (Манғит), **атиз** — дала (Шимолий ўзбек шевалари), **арна** — катта ариқ (Хоразм), **партал** — партав ер (Шовот), **самсам** — билқ-билқ (тупроқ) (Хоразм), **ўзанг** — сой (Қорамурт, Қарноқ).

10. Қурилишга оид ва қурилиш материалларининг номлари: **кодак** — вассали иморатларда икки тўсиннинг оралиғи (Қашқадарё), **дамба** — тиргак (Қарноқ), **жиғлим** — шағал (Хоразм), **шахна** — биринчи сувоқ (Хоразм), **карвич** — фишт (Хоразм), **жўрға** — тарнов (Мамай, Чимкент, Сайрам), **далан** — йўлак, каридор (Хоразм), **балар** — тўсин (Хоразм, Бухоро, Қарши), **хачча** — тирговуч (Бухоро), **дуфарак** — дурадгор (Андижон), **йўниғчи** — дурадгор (Хоразм), **қуртқа** — шағал (Жӯш), **панжакаш** — деворни андавасиз, қўл билан суваш (Қашқадарё), **сабат** — айвон (Жӯш), **тайпахса** — пойдевор (Қарши, Бешкент, Косон).

Сифатлар: **дадранг** — ориқ (Хива), **дажуғ** — лапашанг (Қашқадарё) **жимси** — эзма (Жанубий Хоразм), **жинка** — пакана (Хоразм), **жежак** — пакана (Сайрам), **даммал** — бесўнақай (Қашқадарё), **жиста** — тор (Фарбий Фарғона), **ниқ** — маҳкам (Беруний), **дейимсиз** — жizzаки (Жанубий Хоразм), **илкис** — енгил (Қашқадарё), **илик** — ёпиқ (Хонқа, Манғит), **исқирт** — баҳил, **хасис** (Хоразм), **ирват** — озғин (Тошкент), **изғар** — нам (Хоразм).

Феъллар: **жумак** — йўқ қилмоқ (Жанубий Хоразм), **хапитмоқ** — чўмилмоқ (Андижон, Қўқон), **ҳапаза** — чўмилмоқ (Наманганд), **ченамоқ** — ўлчамоқ (Ўш), **тетармак** — уйғонмоқ (Сайрам), **чигмак** — тугмоқ (Андижон), **юмулмоқ** — ёпирилиб, жон куйдириб ишламоқ (Қарноқ), **юдамоқ** — хароб бўлмоқ (Ўш), **йўламоқ** — суюмоқ (Ўш), **қудаламоқ** — ғарамламоқ (Хоразм), **уламоқ** — тентирамоқ (Хоразм, Қашқадарё), **чатилмоқ** алданмоқ (Хоразм), **жанамайламак** — ёқалаб юрмоқ (Қоракисса), **чатламоқ** — дарз кетмоқ (Хоразм).

Олмошлар: **ишу** — ана шу (Урганч), **манав** — мана бу (Қипчоқ), **кулли** — ҳамма, барча (Хоразм), **маши** — мана шу (Ўш), **ҳайло** — ҳов ана (Қашқадарё).

Равишлар: **иллай** — илгари (Қашқадарё), **жизми** — сал (Қашқадарё), **сарасар** — тез (Жиззах), **ҳада-ҳа** — тез, бирдан (Қашқадарё, Жиззах), **ила-чила** — дарҳол (Қашқадарё), **дони** — кейин (Қарноб).

Ёрдамчи сўзлар: **яваҳ** — гоҳ, баъзида (Хоразм), **тате** — асло (Қашқадарё), **нақ** — худди (Чимкент), **нақал** — лоақал (Сай-

ром), сатта — фақат, нуқул (Қашқадарё), ягонда — баъзида (Андижон).

Диалектал сўзларниң бир қисми чегараланмаган лексикада гидек кўп маъноли бўлиб, бундай полисемантик сўзлар икки турлидир.

Бир диалектнинг ўзида кўп маъноли сўзлар

Диалектал сўзлар	Сўз мансуб бўлган жой ё диалект	Маънолари		
печак ванги шузин алан	Андижон Хоразм Жанубий Хоразм Хоразм	Ўт нарвон тасма қўриқ ер	парварда аравакаш лапашанг оқмайдиган ариқ	катта хандалак узанги новча ариқ тозалан- гана четига чиқарип таш- ланган туп- роқ
ацармоқ	Хоразм	англамоқ	алаангламоқ	ўнгармоқ, эп- ламоқ
чармамак зиқ адрам- каш шўла	Хоразм Корамурт Урганч, Хива, Шовот Қашқадарё, Бухо- ро, Жиззах	шимармоқ без бет банги (одам)	йиғмоқ шошилинч уч илмоқли	ўрамоқ банд
чиккалдак сачоғ чўпчай шахна	Андижон Қашқадарё Тошкент, Сайрам, Урганч, Хива	шавла чиллак сочиқ эртак пичоқнинг тифи билин даста- си ўрнатил- ган жез	шуъла қаламча попук шоҳ-шабба хом сувоқ	
хўқача атанақ шавлат чўмур	Тошкент Хоразм Жўш Урганч, Хива, Ха- зорасп	сонол идиш катта дук қази каллакланган дараҳт	қорин урчук хасип куч-куватдан қолган (чол)	
амроҳ шиллинг найча чийирдак чагириш- ма	Андижон Хива	улфат бодлири яланғоч (одам) кеқирдак зиёфат бўш, тоза (ер)	овунчоқ, эрмак уддабурро, чаққон маҳмадона қичқириш. сезгир, ҳушёр	
соғ андик ал аке анқамоқ чашмак	Олабуқа, Ахтам Жанубий Хоразм Сайрам Қашқадарё Ўш Хоразм	ғаш, қитиқ ана кейин, сўнг чанқамоқ ақлдан озмоқ	халақит бериш. илғор, олд у ёғи куйдирмоқ ёйилмоқ	

Бундан кўринадики, янги сўз ясалиши билан бирга мавжуд сўзларда маъно ўзгариши содир бўлиши, бир сўзниң бир неча маъно касб этиши диалектларга ҳам хосдир.

Жадвалдан кўринадики, диалектал сўзларнинг кўпчилиги шевалараро ҳам полисемантиклик хусусиятига эга. Баъзи нарса-ҳодисалар бир неча шевада бир хил номланса (нўмай — Хоразм,

Диалектал сўз	Маъноси	Сўз мансуб бўлган жой ёки диалект	Маъноси	Сўз мансуб бўлган жой ёки диалект	Маъноси	Сўз мансуб бўлган жой ёки диалект
чаноқ	заранг тобоқ	Янги бозор	уруг экадиган жой	Қарноқ	Тегирмоннинг дўли	Тулки бош, Чимкент
ғалча	анқов	Қорамурут	гадой	Қарноқ	пакана, митти	Хива
балдоқ	даста	Хива	банд	Ҳазорасп	қўлтиқ таёқ	Хоразм Ҳонқа, Сайрам
шамдам	эрта тонг	Водил, Қувасой	шама	Иқон		
шулла бақан	хўрда хода устун	Қашқадарё Манғит, Гурлан, Янгиборозор, Қирқ Тошкент	ёвғон хўрда тўсиқ	Қўқон Самарқанд, Қипчоқ		
чўзма мардак	юпқа (овқат) сўта	Фарғона, Андижон	резина аргувон дарахти	Зомин, Шимолий Хоразм Қорамурут		
сатил	эмалланган костроль	Андижон	кружка	Уйчи		
тортиш	ўлчов мўлжал	Тошкент, Қашқадарё	муносабат восита, алоқа	Андижон		
унда	оқишиоқ	Хива, Урганч, Ҳонқа	супрада қолган сизгини ун очкўз	Ҳазорасп		
сулла	касаллик руҳий азобдан кейинги ҳолат	Қашқадарё		Андижон		
тумаг // тумак	мўйнадан қилинган елкагача ёпиқ турадиган қулоқчини	Поп, Қирқ, Чимкент	тумов	Қашқадарё		
alamak	ғийбат қилмоқ	Урганч, Хива, Ҳонқа	писанд қил маслик	Сайрам		

Тошкент, емармоқ — Қовчин, Фарғона, Андижон, Тошкент), бошқалари шевалараро турлича номланади: паншаха — Хоразмда — ёва, Уйчидаги — бешлик, Қарноқда — бешаха дейилса, дурадгорни Андижон шевасида дуфарак, Хоразм диалектида йўниғчи дейилади.

Баъзи сўзлар шеваларда конкрет предметлик маъносида қўллангани ҳолда адабий тилда маъноси мавҳумлашади. Мас., *хирс* сўзи Андижон диалектида айиқ маъносини билдиришади, чегараланмаган лексикада эса катта гавдали маънони билдиради: *х и р с-д а й бўлиб шуни ҳам эплай олмадингеми?*

Шеваларда рус тилидан ўзлашган сўзларнинг ҳам эквиваленти учрайди: *сантиметр* — *хол* (Қашқадарё, Бухоро), *керосин* — *жаржов* (лақай), *ермой* (Самарқанд), *вилчунател* — *жақуҷ* (лақай), *резина* — *ҷўзма* (Зомин, Шимолий Хоразм), *фартук* — *ёқа-чар* (Ҳазорасп), лекин бундай сўзлар жуда кам кишилар томонидан қўлланилгани учун тобора унутилиб кетмоқда.

Диалектал сўзларнинг адабий тилга муносабатини қўйидаги группаларга ажратиб кўрсатиш мумкин:

1. Муайян диалектларнинг вакиллари тилидагина қўлланилиб, адабий тилда учрамайдиган сўзлар: *ови* (чучвара), *такриван* (бешик), *авомбоғ* (кatta боғ), *ожалли* (аҳамиятли, зарур), *абай* (дўқ, пўписа), *пазман* (ҳафа), *зўпудунлик* (зўравонлик), *кума* (ер тўла), *макка* (шўх), *найтлас* (киприк), *манази* (вақт), *малакай* (чала қолган иш), *бижана* (данак), *бийжак* (биттагина), *бертмоқ* (шикастланмоқ), *бичқи* (қўл арра), *бўгам* (йўғон ичак), *бувлатма* (муслича), *вағлама* (қора шўрва).

2. Адабий тилдаги сўзлар билан бир хил ёзиладиган ва маъно жиҳатдан фарқ қилувчи диалектал сўзлар, яъни адабий-диалектал омонимлар: *ғалча* шевада ‘пакана одам’, адабий тилда ‘бошқа тилга ҳеч тушунмайдиган одам’; *айём* шевада ‘аллақачон’, адабий тилда: ‘кун’ ‘байрам кунлари’, *қалин* шевада ‘гилам’ адабий тилда ‘қиз учун куёв томонидан тўланадиган маблаг’ *ғайир* шевада ‘қопогон ит’, адабий тилда ‘рашкчи’, *ҳамишира* шевада ‘опа’, ‘сингил’ адабий тилда ‘медсестра’; *ғамза* шевада ‘найранг’ адабий тилда ‘ноз-карашма’, *иркит* шевада ‘айрон халта’, адабий тилда ‘кир’, ‘ифлос’, *исқурт* шевада ‘бахил’, *шудринг* шевада ‘қишида ёғалиган ёмгир’, адабий тилда ‘шабнам’ ва б.

3. Адабий-диалектал синонимлар: *шам* — *ғалвир*, *бирламоқ* — *яганаламоқ*, *босқи* — *йўтал*, *иккиваша* — *барибир*, *бади* — *иштака*, *алҳол* — *ниҳоят*, *борламоқ* — *хабар олмоқ*.

4. Адабий тилдаги сўздан фонетик жиҳатдан фарқ қиладиган диалектал сўзлар, яъни фонетик диалектизмлар пул — *фул* (Фориш), афзал — *абзал*, сувоқ — *шувоқ*, эгат — *агат*, калиш — *калач*, қамиш — *қамич*, гина — *гила* (Урганч), кемшик — *гамшик* (Урганч). Бадиий адабиётда қўлланилган диалектизм бадиий асар лексикасига киради. Улар ёзувчи томонидан қайта ишланган сўзлар бўлиб, акад. В. В. Виноградов фикрича, умумхалқ тилининг маҳсулидир. Диалектизмлар адабий тил таркибида маълум бир стилистик вазифаларни бажаради, эмоционалликни ошириш, образлилик учун хизмат қиласади. Диалектизмлар кўпинча персонажлар нутқида ишлатилиб, асар қаҳрамонларининг нутқини индивидуаллаштиришга хизмат этади. Мас., *Ешули*, *санинг қизин* бунда *гатирилмаган*. *Ова*, *ёшули*. *Сан*, *манг-*

лойи қора бадкирдор на сабабдан мундоқ ёмон сўзларни элга торқотдинг! (Мирмуҳсин. Чўри).

Адабий тилда адабий бўлмаган тил элеменларидан фойдаланишининг ижтимоий сабаблари бор. Жамиятда маълум предмет ёки тушунчанинг актуаллашиши натижасида унга боғлиқ бўлган сўз ва ифоданинг қўлланиш частотаси ҳам ортади. Бу ўз навбатида тилда экспрессив синонимлар қидиришга, излаб топишга олиб келади. Улар эса кўпинча адабий тилдан ташқарида топилиади. Мас., сурон, чўғ, елдирмоқ, таратмоқ каби. Ўстахонанинг шизжоаткор колективи якўнловчи йил планини 7 ноябргача баҗариш учун меҳнат суронини қизитиб юборган («Сирдарё ҳақиқати»). Ҳозир ковлаб олинаётган ҳосил чўғи пайкалларимизда юксак мажбуриятни тўлиқ қоплайдиган ҳосил мавжудлигидан далолат бериб турибди. («Сирдарё ҳақиқати»). Дугоналар айни шу кунларда паҳтазорда жавлон уриб, «пўлат от»ни елдириша япти («Сирдарё ҳақиқати»).

Шундай қилиб, адабий тилда келиб чиқиши хилма-хил бўлган турли синонимик жуфтлар ёки қаторлар пайдо бўлади. Бундан бири адабий тилга хос бўлса, бошқаси профессионал нутққа, учинчиси эса диалектга хос бўлади.

Диалектал сўзлар қўлланилиш жиҳатидан икки гуруҳга бўлинади:

1. Прогрессив диалектизмлар.
2. Регрессив диалектизмлар.

Прогрессив диалектизмларнинг тилда эквиваленти бўлмайди. Предмет ёки ҳодисанинг ягона ифодаси сифатида адабий тилга ўзлашиб, адабий тилни янги сўз билан бойитади. Регрессив диалектизмларнинг эса тилда аниқ эквиваленти бўлади: оғиз — овуз, бузоқ — бузов.

Прогрессив диалектизмларга этнографик диалектизмларни киритиш мумкин. Этнографик диалектизмларнинг тилда қўлланиш имкониятлари кенг, чунки улар маълум жойнинг ўзигагина хос предмет ва ҳодисаларни ифодалайди. Бу ҳодисаларни бошқача ифодалаш мумкин бўлмагани учун мазкур сўзлар адабий тилга, ҳатто интернационал лексик фондга ҳам қўшила олади.

Диалектал лексикани, истеъмол доирасига кўра, қуйидаги гуруҳларга бўлиш мумкин:

1. Адабий тилга ўзлашиб кетган сўзлар: ҳордиқ, дарға, чўммоқ, юғурмоқ, таътил, елавагай, чўлиқ (чўпон ёрдамчиси), баковул, яёв, оқшом, лак-лак (юз минг) каби: *Мана шу ҳаёт дарёларининг ажойиб дарғалари бор* (F. Фулом). Олтин дарёнинг бой тупроқлари февраль сувларига *юғрилмоқ даларап* (А. Умарий). *Тайёр ошга баковул* (Мақол). Пролетар баковули хирмон тўрига (F. Фулом).

Оқшом бўлди, эриди шафақ, ёргулик
Кўчаларга нур тўлди, қўлда машҳала.

(А. Умарий).

*Лак-лак меҳнат аҳли бўлар кўнгилли
Қатъий жанг майдонида қурса гар майдон...
(Миртемир).*

Нусратилла қўйлакчан ҳолича чопонини еловагай ташлаб ўтироди (А. Мухтор).

2. Бадиий асарларда қўлланаётган диалектал сўзлар. Буларнинг баъзилари адабий тилга, кейин чегараланмаган лексикага ўтиши мумкин: *ува, гурунг, бурк, манглай, епкин, танти, чўнг, кулли* — (барча), *сумбат, сулкат, ёшули* каби:

*Олтой бўркин қинғир қуйган
Қошлири қундузларинг (F. Fuлом).*

*Сумбула сувидай тиниқ ма нглай тер
Марварид доналар бўлди оқибат
Чалишмак мезонин чўнг гирларидан
Юлдуз сон қанорлар тўлди оқибат
(F. Fuлом).*

*Гурунгда ичар ханда:
Қўрмаганлар армонда,
Қўрган қолар дармонда,
Меҳнатимдандир, кўринг (А. Умарий).
Қардоши тўйига завқ, файз келтириб,
Улашарди жами қўноқларага жом—Навоий бобом...
(Миртемир).*

*Хоразмда сени атар — ёшилли
Олис·Бадахшонда: падари калон
Шимол саҳролари — булбулли, гулли
Болтиқ бўйларида юрт дориламон
Бутун ҳиммат сенда, устози кулли,
Ақлинг теранликда — тўлқинли уммон...
(Миртемир).*

*Дарёларни қойил қилган увала р кўмкўк
Мардчасига отни сурган қувалар кўмкўк
(Х. Олимжон).
Боболаринг бошига шох тақиб юриб,
Билмасдан туз нима, ўт нима лунги...
(F. Fuлом).*

3. Маълум диалект вакиллари тилидагина қўлланадиган (факат улар тушунадиган) сўзлар.

Сўймун (Шимолий Хоразм) — тус товуқ, *сунна* (Урганч, Хива) — мутахассис, *сумар* (Шимолий Хоразм) — лапашанг, *субак* (Зомин) — сўта, *текча* (Иқон) — қути гадик (Ўш, Водил) — ориқ каби.

Шундай қилиб, ўзбек тили кўп диалектли тил бўлганлигидан, унда адабий тилга кирмаган, муайян территория вакилларигина:



қўллайдиган сўзлар ҳам кўп. У ёки бу маҳаллий територия ва-
килларига хос диалектал лексиканинг баъзилари бадий адаби-
ётда кенг қўлланиши натижасида, эҳтиёж сезилса, адабий тилга
секин-аста ўзлашиши мумкин. Айниқса марказий таянч шевага
хос диалектал сўзлар адабий тилда эквиваленти бўлмагандан ёки
эквиваленти бўлса ҳам маълум стилистик нагрузка олиб адабий
тилга ўтади. Бунда айниқса ҳалқ моддий-маънавий ҳаётининг
ўсиши, территориялараро турли ҳамкорлик алоқаларининг ку-
чайиши, адабиёт, санъат ва фаннинг ривожи катта роль ўйнайди.

Махсус (профессионал-терминологик) лексика

Маълум фан, касб-ҳунар вакиллари қўллайдиган ва тушунадиган, муайян стабил нормага кирган сўзлар махсус лексика дейилади: *катапульта, анкер, шків, рашил, скальпель, шабер* (техникага оид), *оборот, рента* (сиёсий иқтисодга оид), *инфinitив, абревиатура, тил олди, тил орқа* (лингвистикага оид), *стеарин, инулин* (химияга оид), *инсолация* (физикага оид), *интерполяция, коградиент* (математикага оид), *абдуктор, абдукция* (медицинага оид), *вибратор, кларнет* (музикага оид), *даска, ангоб, дўғов* (кулолчиликка оид), *каж, жўша* (сувоқчиликка оид) каби.

Махсус лексикага биринчи навбатда терминлар киради. Терминлар — илмий техника, қишлоқ хўжалиги ва бошқа соҳаларга оид тушунчаларни ифодаловчи сўз ва сўз бирикмалари. Ҳар бир фан ва касб-ҳунар ўз терминлари ва ўз лексикасига эга. Маълум касб-ҳунар, фан терминларининг йигиндиси терминология дейилади: философия терминологияси, математика терминологияси, қишлоқ хўжалиги терминологияси ва б.

Рус ва ўзбек тилшунослигига терминга берилган таъриф ва изоҳлар турли-тўман бўлиб, уларда терминнинг тил системасидати ўрни масаласи ҳам ҳар хил талқин қилинмоқда. Кўпинча таърифда терминнинг махсус сўз эканлигига, махсус соҳага оидлигига, тушунча ифодалашига эътибор берадилар.

Бизнингча, термин маълум соҳада аниқ тушунчани англатадиган, дефиницияга эга бўлган расмий сўз ёки сўз бирикмасидир.

Терминологияга тегишли иккинчи томон эса терминлар лексиканинг қайси қатламига кириши масаласидир. Баъзи тилшуносалар барча терминларни адабий тилга киради десалар, бошқалари эса умуммиллий тилга хос, умумхалқ лексикасининг ҳаракатчан қисми эканлигини айтадилар.

Терминларни қўлланилиш доираси жиҳатдан, асосан икки турга бўлиш мумкин. Биринчиси умумхалқ тушунадиган ва қўллайдиган терминлар бўлса, иккинчиси муайян тор ихтисос доирасидагина қўлланиладиган, мутахассисларгина тушунадиган махсус сўзлардир. Ҳар бир фан ва техника терминологиясида, касб-ҳунар соҳасининг лексикасида асосан ана шу икки турли терминлар ва сўзларни учратиш мумкин.

Масалан, физикада умумхалқа тушунарли бўлган терминлар: иссиқлик, температура, жисм, электр, магнит, газ, мувозапат, ҳаракат, қайнаш, бүгланиш, энергия, босим, суюқлик, зарралар, майдон каби; тор ихтисос доирасидагина, асосан мутахассислар томонидан қўлланиладиган ва тушуниладиган терминлар: хаотик ҳолат, гравитация, диодлар, германий монокристали, ионланиши, термодинамика, коэффициент, молекуляр кинетик назария, больцман доимийлиги, броун ҳаракати, копилляр ҳодисалари, аморф жисмлар, термостерлар, фарромагнетизм, авогадро сони, изохорик процесс, калориметр, конденсация, суперпозиция принципи каби.

Химияда умумхалқа тушунарли терминлар: тошкўмир, нефть, чўян, аланга, сувлар, атом, тузлар, водород, кислород, оҳак, кумуси, мис, симоб, азот, қўкун, ишқор каби; тор ихтисос доирадагина қўлланиладиган терминлар: гидроксид, сульфат кислотаси, хлорид кислотаси, оксидлар, молекуляр оғирлик, валентлик, бюретка, индикатор, лакмус, фенолфталеин, каустик сода, инсектицид, фунгицид каби.

Ботаникада умумхалқа тушунарли терминлар: ўрик, беҳи, тарвуз, бойчечак, олча, узум, тол, анжир каби; тор ихтисос доирадагина қўлланиладиган терминлар: кладафора, анжабор, чигалбаш, читир, сувсунбул папоротниги, зарнаб, тортула каби.

Медицинада умум халқа тушунарли терминлар: анальгин, аспирин, пенициллин, иод, горчичник, кўричак, грипп, инфаркт, рак, чечак, укол, наркоз, операция каби; тор ихтисос доирасидагина қўлланиладиган терминлар: пневмония, гипотония, миокард, дистрофия каби.

Юқоридаги химия, ботаника, медицина фанларида ишлатила-диган термин мисолларидан кўринадики, барча терминларни ҳам чегараланмаган лексика таркибига киритиб бўлмайди. Муайян тор, маҳсус соҳалардагина қўлланиладиган терминлар кўпроқ умуммиллий адабий тилнинг илмий-техника ва публицистик стилларида қўлланилиб, унинг истеъмол доираси ихтисослик соҳаси билан чегараланган бўлади.

Қўлланилиши чегараланмаган лексика ва мутахассислар фоилиятининг, фаннинг айрим соҳалари билангина чегараланган лексика бир-биридан ажralган алоҳида соҳалар эмас, улар доимо бир-бирига таъсир этиб туради. Чунки терминларнинг маълум қисми чегараланмаган лексик қатламдан ўзлашгандир. Мас.: эга, аникловчи, аланга, үчқун, ишқаланиши, қўшиш, айриши, биррикли, бўлинма, тезлик, босим, суюқлик, айлана каби.

Шунингдек фан ва техниканинг ўзи жамият тараққиётини ифодалаб, кишиларнинг эҳтиёжлари учун яратилар экан, унинг терминлари ҳам одамлар, уларнинг ўзаро алоқалари, фикр алмашувлари учун зарур нарса ва тушунчаларни ифодалагани ҳолда тилда кенг қўлланилади. Тор, маҳсус доирадагина қўлланиладиган сўзлар умуммиллий адабий тил ва умумхалқ лексикасининг потенциал имконияти бўлиб, ўша сўзларни қўллашга эҳтиёж кўп-

роқ сезилиши билан у сўзлар умумхалқ луғати таркибида қўлланилаверади. Масалан, бегона ўтларни йўқотиш учун қўлланиладиган химиявий препаратлар *гербицидлар* деб аталади. Мана шундай терминлар ҳозир қишлоқ хўжалик заараркунандаларини йўқотишда оммавий хизмат қиладиган препарат сифатида колхозчи-дэҳқонлар оммасига сингиб кетган, уни кўпчилик тушунади ва қўллайди.

Терминларнинг одатдаги умумалоқадаги сўзлардан фарқлайдиган ўзига хос хусусиятларини тахминан шундай кўрсатиш мумкин.

1. Сўзлар маълум соҳадагина ишлатилиб, истеъмол доираси чегараланган маънода қўлланилганда гина терминларга айланади. Масалан, *сув, айлана, замон, асос, ўқ, текислик, сирт, ўрик, имконият* (спорт) каби. *Сув* сўзи орқали чегараланмаган лексикада ҳар хил сувлар тушунилади: *оқар сув, сизот сув, қудуқ суви, кўлмак сув, қор сувлари, водопровод суви, газ суви, минерал сувлар* каби. Химия термини сифатида эса сув — H_2O формуласи орқали ифодаланган ва 2 водород ва кислороддан иборат бирикма тушунилади, ана шу таркиб асосида у бошқа моддалар билан реакцияга кириша олади.

Айлана сўзи чегараланмаган лексика таркибида теварак атроф маъносини билдиради: (*Жамила ўзи-ўзига*) мени бу темир қафасга солдилар, ихтиёrimни қўлимдан олдилар. Айлана мада қанча пойлоқчи, қанча қоровуллар бор (*Ҳамза*).

Айлана геометрик термин сифатида эса, ҳамма нуқталари марказдан баробар узоқликда бўлган ёпиқ эгри чизиқдир, худди шу чегараланган терминологик маънода қўлланганда гина сўз-термин ҳисобланади. *Мазкур команда* билан биринчи ўринда майдон эгалари имкониятини 92/100 ҳисобида бой беришган эди (*«Тошкент оқшоми»*). Мисолдаги команда, ўрин, майдон, эгалар, имконият, бой бериш каби умумистеъмолдаги сўзлар спорт терминларига айланган ва чегараланган соҳадагина терминологик маънода қўлланилади.

2. Термин аниқ, конкрет тушунчани ифодалаб, эмоционал-экспрессив, модал функциялардан ҳоли бўлади. Одатда сўз маъноси кўпинча мураккаб бўлиб, унда тушунча, эмоционал-экспрессив оттенка ва стилистик белги ифодаланади. Шунга кўра, тилда бир тушунчани ифодалайдиган синонимик сўзлар эмоционал-экспрессив оттенкаси ёки стилистик чегарасига кўра бир-бирларидан фарқланади.

Масалан, *осмон, кўк, само, фалак, гардун* сўзларидан осмон — кенг қўлланилади, само — китобий, поэтик услубга хос: гардун — эскирган, китобий, юз, бет, афт, башара, чеҳра, жамол синонимик қаторидаги сўзлар ижобий, салбийлик оттенкаларигагина кўра фарқланади. Термин эса ўз вазифасига кўра тушунча ва стилистик белги ифодалайди, холос. Термин илмий услубнинг зарурый элементидир. Масалан, *фалсафа, материя, замон, макон, ҳара-*

кат, алоқадорлик каби фалсафий терминлар илмий-публицистик услугга тегишли тушунчаларни ифодаловчи терминлардир.

Тилда кичрайтириш-эркалаш маъносини билдирган -ча аффикси термин таркибида кичрайтиришни эмас, балки негиз билан бирга мазкур терминологияга оид тушунчанигина ифодалайди: *қалпоқча муштча, ёстиқча, юргизувчи аравача* (техника терминлари).

3. Термин номинатив функцияни бажаради. Терминнинг маъноси асосан тушунчага тенг бўлади. Чунки бир терминология доирасида термин моносемантик бўлгани учун, унинг маъноси тушунчага тенг келади. Кўп маъноли биргина сўз эса бир неча тушунчани ифодалайди. Масалан, *пахта* — техника ўсимлиги ва момиқ, русчадаги вата тушунчасини ифодалайди. Тушунча предмет ва ҳодисаларнинг энг муҳим умумий белгисини акс эттиради. Шунинг учун ҳам тушунчага тенг маъноли терминни энг муҳим умумий маъноси асосида тушунчадек таърифлаш мумкин.

Масалан, *агностицизм* — объектив борлиқни ва унинг қонуниятларини билиш мумкинлигини инкор этадиган идеалистик фалсафий таълимот.

4. Бир сўз бир неча соҳанинг термини бўлиши мумкин. Унда у ҳар бир соҳада алоҳида тушунчани ифодалайди.

Морфология тилшунослик термини сифатида 'тилда сўзларнинг ўзгариш формалари системаси, грамматиканинг сўз формаларининг ясалиш усуллари ҳамда сўз ясаш қоидлари ҳақидаги бўлими', ботаника термини сифатида эса 'тупроқнинг тузилиши ва шаклини ўрганадиган фан', биология термини сифатида эса 'организмлар, органларнинг тузилиши ва шаклини ўрганадиган фан', маъносини билдиради.

Ассимиляция биологик термин сифатида 'организм фаолияти жараёнида органик моддаларнинг ўзлашиши, сингиши ва ҳазм бўлиши', лингвистикада 'сўзларнинг талаффузида уларнинг таркибидаги икки товушнинг бир-бирига таъсир қилиши натижасида бир-бирига мувофиқлашуви, бир-бирига сингиб, ўхшаб кетиши', тарихий-этнографик термин сифатида эса 'бирор халқнинг иккичи бир халқ урф-одатларини, маданияти ва тилини ўзлаштириши натижасида унга аралашиб, қўшилиб кетиши' маъносини билдиради.

Операция термини медицинада 'баъзи бир касалликларни ёки организмнинг шикастланган, жароҳатланган жойини кесиш, ёриш, тикиш ва б.' ҳарбий терминологияда 'бирор мақсад ёки топшириқ билан боғланган жанг ҳаракатлари'ни англатади.

Абберация термини биологияда 'маълум бир тур, навга мансуб ҳайвонлар организмидаги пайдо бўладиган ўзгалик, ўзгарувчанлик, ўзгариш' физикада эса 'ёруғлик нурларининг линза орқали ўтишида линза фокусидан оғиши, четга чиқиш' ҳодисасини ифодалайди.

Абберация астрономия термини сифатида Ернинг ўз ўқи ва Қуёш атрофида айланиши натижасида юлдузларнинг асл ўрни-

дан бир оз силжиганга ўхшаб кўриниши' ни билдиради. Бунда терминологик омонимлар кўринади.

5. Одатдаги сўзларнинг кўпчилиги кўп маъноли бўлади, терминлар муайян терминологик системада одатда бир маънога эга бўлади, шунинг учун ҳам терминларнинг юқорида кўрсатилганидек маъноси тушунчага тенг бўлади. Масалан, тортмоқ сўзининг жуда кўп маъноси бор: а) Бирор еридан ушлаб ўзига томон сурмоқ. *Сидиқжон тутнинг остида отнинг бошини тортиб:—Тутемаймизми?—деди* (А. Қаҳҳор). б) Орқасига тиркаланган нарсанни куч-кувват сарф қилиб олға юргизмоқ. *Ҳўқиз калласини эгигомочини тортишга уринар, қўйчи эса ҳадеб қистар эди* (М. И smoилий). в) Зарралар, жисмлар ўртасидаги жозиба кучи туфайли ўз томонига мойил қилмоқ, сурмоқ. *Магнит темирни тортади. Қўёш, тоза ҳаво, кенг, тиниқ зангори осмон кўзларни беихтиёр тортади* (Ойбек). г) Бирор ишга аралаштиromoқ. *Шоҳидбек мулла Абдураҳмонни сўзга тортиди.—Нималавозиматдалар, тақсирим?* (А. Қодир ий). д) Қопламоқ, ёпмоқ, киймоқ, тутмоқ. *Ҳалиги хотин қисилганиданми, уялганиданми бошидаги оқ дока рўмолини юзига тортиб,— (қўябер) дегандек қилиб бошини силкитди* (Ойдин). е) Ҳаво, сув ва ш. к. оқими билан илаштириб олиб кетмоқ. *Зар кокилин телба тўлқинлар шўхлик билан тортар ўзига* (Файратий), ичмоқ, чекмоқ каби. ё) ҳайдамоқ: узумдан ароқ тортмоқ. ж) улашмоқ.

Аксиома термини эса биргина исботсиз қабул қилинадиган ҳақиқат тушунчасини ифодалайди. Шунинг учун ҳам сўзнинг кўп маънолилиги, полесемантизм, синонимия умумтил бойлиги ҳисоблангани ҳолда, терминологияда эса салбий ҳодиса ҳисобланади.

6. Терминлар муайян соҳа, касб кишилари томонидан махсус қабул қилинган, расмийлаштирилган маълум бир нормадаги сўзлардир. Шунинг учун терминларни деярли бошқа сўзлар билан алмаштириб бўлмайди. Масалан, *бурчак, чизик, квадрат, куб, призма, гипотенуза, катет, ромб, диаметр* каби. Тўғри, терминларда ҳам синонимик ҳолатлар йўқ эмас: *температура — дараҷа, тиниш белгилари — пунктуация, поэзия — шеърият* каби. Лекин бундай ҳолат терминологиядаги камчилик ҳисобланади. Синонимик терминларнинг келиб чиқиши ўзбек тилига бошқа тилдан кирган сўзлар билан ўзбек тилининг ўзида ясалган сўзлар параллел қўлланиши билан ҳам боғлиқдир. Бундай ҳолат тобора камайиб боради. Терминлар расмийлашган сўзлар бўлганлигидан жаҳон миқёсида, иттифоқ миқёсида ёки республика миқёсида айни бир тушунчани англатади. *Интернационал терминлар (коммунизм, социализм, демократия, президиум, президент, солипсизм, агностицизм дуализм, диеализм, материализм)* жаҳон миқёсида, советизмлар (*совет, колхоз, совхоз, коллектив*) СССР ва социализм мамлакатлари миқёсида ва бошқалари (*фалсафа, макон, замон, заруртият*) республика миқёсида қўлланилади.

7. Термин терминологик системанинг бир элементи бўлиб, ҳар доим системалидир. Масалан, фалсафий терминларда мате-

рия, ҳаракат, замон, макон, материализм, идеализм, тараққиёт қонунлари (инкорни инкор, миқдор ўзгаришиларининг сифат ўзгаришига ўтиши, қарама-қаршиликлар бирлиги ва кураши) ва категориялари (имконият ва воқелик, зарурият ва тасодифият, сабаб ва натижга каби), билиш процессининг диалектикаси кабилар боғланган ҳолда бир системани ташкил этадилар. Материясиз ҳаракат, ҳаракатсиз материя бўлмаганидек, материя ҳаракати замон ва макондан ташқарида ҳам бўлолмайди. Материянинг ҳаракати эса унинг қонунларига, категорияларига кўра содир бўлади ва материяни билиш процесси эса узлуксиз давом этади. Ана шу терминлар фалсафа терминологияси занжирининг алоҳида ҳалқалари ҳисобланади.

8. Тилдаги барча аффикслар термин ясалишида бир хил қўлланмайди. Баъзи терминологияда бир аффикс маҳсулдор бўлиб, кўплаб сўзлар ясашга хизмат этса, иккинчи хил терминологияда эса бошқа аффикслар маҳсулдор аффикс ҳисобланади. Масалан, техника терминологиясидаги-гич, -соз аффикслари (алмашма айргич, занжирли боғлагич, похол босгич, бўшатгич, зичлагич, ўғитлагич, кемасоз, вагонсоз, соатсоз, ойнасоз, мильтик-соз, фалсафий терминлардаги -изм, -ист, -чи, -ият аффикслари (материализм, идеализм, дуализм, марксизм, ленинизм, солипсизм, марксчи, ленинчи, зарурият, зиддият, тасодифият), ботаникадаги -симон, -дош, -ли аффикслари (замбуруғсимон, гулхайридошлар, гултоҷихўрзодошлар, зиркгуллилар, зифиргуллилар) серунум аффикслардир.

9. Префикслар ёрдамида ҳам кўпина терминлар ясалган: анти-, нео-, -микро, -ультра префикслари русча-интернационал терминлар билан ўзлашган префикслардир. Масалан, антибиотик, антигуманизм, антидемократик, антиоксидловчи, антисептит, неокантитзм, неовитализм, микробактерия, микровалът, микрозаррача, микрокимё, микрометр, микрометеор, ультраби-нафша, ультрамикроб, ультрақисқа, ультрақизил, ультрафильтр каби.

Бундан ташқари, ҳар қандай тилда бошқа тилдан кирган терминлар мавжуд. Масалан, спорт терминларининг кўпчилиги рус тили орқали инглиз тилидан кирган (футбол, баскетбол, волейбол, хоккей, бокс) ва ўзбек тилининг ўз сўзлари (ҳимоячи, дарвозабон, қўл тўпи, ҳужумчи) орқали ясалгандир. Илмий терминларнинг кўпчилиги рус тили орқали грек тилидан ва араб тилидан ўзлашган сўзлар. Масалан, материализм, объект, субъект, предикатив, логика, мантиқ, алгебра, адабиёт каби. Ўзбек ҳалқининг моддий ҳаётидаги қадимдан муҳим ўрин тутган соҳаларга (пиллачилик, пахтачилик, чорвачилик, ўсимликлар дунёси, фаллачилик) оид терминларнинг кўпчилиги ўзбек сўзлари ва форс-тожик тилидан ўзлашган сўзлардир. Техника, химия билан боғлиқ терминларнинг эса кўпчилиги рус тилидан ўзлашгандир.

Термин ва қасб-ҳунар лексикаси

Ҳозиргача термин тушунчаси тилшуносликда турлича талқин қилинмоқда. Баъзи тилшунослар терминга илм ва техникага оид сўз ва ибораларнигина эмас, барча уй-рўзғор асбоблари номларини, ишлаб чиқаришнинг ҳозирги даражасидаги қуролларнигина эмас, балки ўтмишдаги ибтидоий қуролларнинг барча номларини, шунингдек кустарчилик қасб-ҳунарига оид сўзларни ҳам киритадилар.

Агар масала шу таҳлитда қўйиладиган бўлса, ҳар бир конкрет предмет номини термин деб аташ лозим бўлар эди. Гап терминнинг аниқ бир маънони ифодалашида эмас, бу жиҳатдан қараладиган бўлса, қасб-ҳунар лексикасининг илмий-техникавий терминлардан деярли ҳеч фарқи йўқ.

Терминология лугат составининг алоҳида бир гуруҳидир. У аниқ бир чегарага эга бўлган илмий (фалсафий, ижтимоий-сиёсий, илмий-техникавий, химиявий, медицина каби) характеристидаги сўзлар системасидир. Шунинг учун бу система сўзларнинг механистик йиғиндисидан иборат бўлмай, балки маъно жиҳатдан ўзаро боғланган, бири иккинчисини тақозо қиласидиган сўзлар йиғиндисидир. Бу хусусият фан ва техника қуроллари, воситалири, элементларининг ўзаро боғланганигидан келиб чиқади. Шунга кўра, терминологиянинг тараққиёти фан ва техниканинг тараққиёти билан бирга боради. Шундай қилиб, термин ҳар қандай тушунчанинг аниқ атамаси сифатидагина эмас, балки илмий тушунчани ифодаловчи восита сифатида асосан ёзма шаклда майдонга келади.

Қасб-ҳунар лексикаси бир қанча хусусиятлари билан терминологик лексикадан ажralиб туради.

Терминлар фан ва техника, саноат, қишлоқ хўжалиги каби маълум соҳага доир расмий тушунча номидир. Қасб-ҳунар лексикаси эса маълум қасб-ҳунар кишилари орасидагина қўлланиладиган сўзлардир. Терминларни мутахассислар ва маҳсус давлат илмий терминологик комитетлари назорат қилиб туради. Қасб-ҳунар лексикаси эса муайян қасб-кор кишилари томонидан асрлар давомида яратилади. Масалан, ҳозирги артелларнинг кулолчилик цехларида ишловчи қулоллар нутқидаги лексик бойликларнинг катта бир қисми кулоллар лексикасида қадимдан давом этиб келаётган, қўлланилаётган сўзлардир.

Термин ҳар қандай тушунчанинг аниқ атамаси сифатидагина эмас, балки илмий тушунчани ифодаловчи восита сифатида асосан ёзма шаклда майдонга келади. Қасб-ҳунар лексикаси эса кўпинча маълум қасб-ҳунар кишилари орасида оғзаки нутқ (сўзлашув) жараёнида пайдо бўлади. Масалан, кулоллар лексикасида *девол* (девор) коса, лаган кабиларнинг ён атрофи, *санол* (сол), *пияла* (пиёла), *сарғич* (сарғиш), *бур* (буғ), *лав* (лаб) каби.

3. Терминлар фан ва техниканинг умумжаҳон, умумдавлат миқёсидаги ривожланишига боғлиқ ҳолда кенг мазмунга эга бўлса, касб-хунарга оид сўзлар маълум маҳаллий чегарада ва биргина касб-хунарга мансуб бўлган аҳолининг кичик гуруҳи, колективдагина қўлланилади. Шунинг учун ҳам касб-хунар лексикасининг диалектал вариантлари ҳам мавжуд. Масалан, ўзбек кулоллари лойни тозалаш процессини Андижонда тараф десалар, Намагандан *волаш* дейдилар. Андижонда қабза очиш, Намангандан эса зулма очиш дейдилади. Шу жиҳатдан касб-хунар лексикаси ўзида ҳам ижтимоий, ҳам маҳаллий-территориал диалект характерини мужассамлаштиради.

Касб-хунар лексикаси маълум соҳадаги касб-хунарга оид сўзлар бўлиши билан терминларга яқин турса, ўзида диалектал фарқни акс эттириши билан маълум даражада диалектал лексикага ўхшаб кетади.

Шу хусусиятига кўра, касб-хунар лексикасини икки катта гурӯҳга ажратиш мумкин: 1) ҳозирги замон фан, техника, саноат тараққиётимкониятлари олдида йўқолиб бораётган ўтмишнинг тарқоқ ва кучсиз, қолоқ ишлаб чиқариш қуроллари, ишлаб чиқариш процессларининг номларидан иборат бўлган касб-хунар лексикаси, 2) илғор замонавий ишлаб чиқариш тармоқлари, фан-техника янгиликлари билан боғлиқ бўлган касб-хунар лексикаси.

Ўтмишнинг қолоқ, тарқоқ, маҳаллий кустар корхоналари билан боғлиқ касб-хунар лексикаси баъзи диалектал сўзлар каби унтилиб, историзмга айланмоқда. Газламаларни қўлда тўқиши билан боғланган лексика, аравасозлик, тақачилик, эгарчилик лексикаси каби касб-хунар лексикасига оид сўзлар ана шулар жумласига киради. Лекин айрим сўзлар эса янгича ишлаб чиқариш процесслари, номларини ифодалашга мослашиб, тилда сақланиб қолмоқда. Масалан, *дастгоҳ* ҳозирги машиналашган индустриал саноатдаги ‘станок’ маъносида қўлланилади.

Касб-хунар лексикасининг иккинчи гуруҳи эса саноат ва ишлаб чиқаришдаги мазкур соҳаларнинг кенгайиши билан тилда қўлланишда давом этади. Масалан, кийим-кечак, каштачилик, чеварчилик, пиллачилик каби касб-хунар лексикалари ўз соҳаларида кенг қўлланилади.

Касб-хунар лексикасининг ҳам бир қисми фақат тор ихтисос доирасидаги қўлланиниб, чегараланманган лексика таркибида қўлланилмайди. Масалан, *даска* — кулолларнинг хом идишлар лабини ва ичини дасмоллашда сув қўйиб ишлатиладиган сопол идишлари, *волаш* — лойни очиб-ёриб тозалаш, *каж* — девор сувоғининг ҳали етарли текисланмаган, эгри-буғри жойи, *ғавак* — қурилган тандирнинг юзида пайдо бўлган ёриқ, тешиклар, *дуғов* — катталиги коса билан лаганча ўртасидаги сопол идиш, *жўша* — тоғдан олинадиган қизил тусли кесак.

Чегараланмаган лексика таркибидаги сўзлар тор доирадаги касб-хунар соҳасидаги тушунчани ифодалашда ҳам қўлланилади: *пазанда* — идиш пиширувчи кулол, *гулчи* — идишга гул со-

лувчи, гулдон — гул солиб қўйиш, ўстириш учун ясалган сопол ёки чинни идиш, хат —сопол идишларга бўёқ билан солинадиган тўғри чизик.

Терминологик лексиканинг детерминлашиши

Совет ҳокимияти йилларида ўзбек адабий тилининг луғат состави беқиёс даражада ўзгарди. Ижтимоий-сиёсий ҳаётдаги кескин ўзгаришлар, фан ва техниканинг гуркираб ривожланиши, саноат ва қишлоқ хўжалигининг тараққиёти, шубҳасиз, тилда янги ҳодиса ва тушунчаларни аташ заруратини ҳам келтириб чиқарди. Бу эса лексиканинг энг ҳаракатчан ва тез ўзгарувчан қисми бўлган илмий-техникавий терминологияга ҳам таъсир этмай қолмайди. Айниқса ҳозирги илмий-техника революцияси асрида айрича аҳамият касб этмоқда. Натижада ядро физикаси, синтетик тола химияси, ахборот назарияси, кибернетика, бионика, астрофизика каби фанларнинг пайдо бўлиши, шу соҳалар терминологиясининг яратилишига олиб келди. Эндиликда терминологик система борган сари кўпроқ маҳсуслашяпти, терминлар шаклланиш жараёнида умумхалқ тилидан сўз оляпти ва умумхалқ тилига таъсир қиляпти.

Ҳозир фан ва техника ишлаб чиқаришгагина эмас, кундалик ҳаётимизга ҳам сезилмасдан сингиб кетяпти. Бунинг ҳаммаси нутқимизда ҳам очиқ кўринмоқда. Матбуот, радио орқали саноат — экономика, ишлаб чиқариш ва қишлоқ хўжалиги, маданият темаларида, шу соҳанинг мутахассисларига атаб маҳсус эшиттиришлар олиб боришлилар кенг тус олмоқда. Бундай текстларда маҳсус сўзлар кўплаб қўлланилади: *фитин, рафиноза, госспол фармацевтика мақсадларида кунжара таркибидан ажратиб олинидиган моддалар* («Совет Ўзбекистони»). *Мусобаканинг финал қисмida тўрт имкониятдан тўрт очко жамғарган фаргоналик футболчилар чемпионномига сазовор бўлдилар* («Совет Ўзбекистони»).

Тил ҳодисалари ичидаги энг муҳим процесслардан бирин умум қўлланишдаги сўзлар ва терминологик лексика билан боғлиқ бўлган детерминлашиш ҳодисасидир. Детерминлашиш терминологик системадаги сўзнинг адабий тилга тўла ўзлашишидир. Масалан, *радио, телевизор, ярмарка, литер, метр, килограмм, процент, плюс, минус, градус, термометр, революция, конституция, балкон, шифер* каби сўзлар ана шундай детерминатив сўзлардир.

Терминлар илмий коммуникациядан жонли сўзлашув нутқига, чегараланмаган лексикага ўтганда маълум соҳанинг термини бўла туриб умумхалққа тушунарли одатдаги сўзларга ҳам айланана боради.

Терминологик лексика умумадабий тилга асосан икки йўл билан ўтади:

1. Умумадабий тилга публицистик канал (радио, телевидение,

тиста, журнал мақолалари) орқали ўтган терминлар: *революция, интернационал, фалсафа, оқим, рефлекс, диагноз, контакт каби.*

2. Умум истеъмолга рус тилидан сўзлашув нутқи (лекция, сұхбат ва ҳ. к.) орқали ўтган сўзлар: *радио, телевидение, культиватор, автомат, руль, поршень, капот, кузов, борт, баллон* каби.

Биринчи йўл орқали одатда илмий терминлар ўтса, иккинчи йўл билан эса техник ва бошқа терминлар ўтади. Публицистик канал орқали чегараланмаган қатламга ўтган илмий терминлар китобийлик характеристига эга бўлса, техник терминлар нейтраллик характеристига эга бўлади.

Терминлар турли усул билан детерминлашади:

1. Кундалик ҳаётда зарур нарсаларни ифодаловчи сўз-терминлар барча баробар тушунадиган ва қўллайдиган сўзларга айланади: *процент, градус, метр, литр, грамм, плюс, минус* каби.

Бундай сўзлар барча стилларда кенг қўлланиши туфайли унумқўлланишга ўтади, яъни детерминлашади. Детерминлашишинг мазкур типида кўпинча реал предметларни ифодаловчи сўз-термин бўлгани учун сўзниш маъносида ўзгариш содир бўлмайди. Сўз маҳсус маънода қўллапиш процессида умумлашади.

2. Термин — сўз метафорик қўлланишидан барқарор кўчма маънога ўтади ва шу маъносин орқали адабий тилда кенг қўлланиади. Бунда терминнинг маъносинда ўзгариши содир бўлади. Ўзгарган кўчма маъно кенгроқ ёки абстракт бўлади: *рефлекс, разведка, ревизия, репетиция, штаб, штамп* каби. Масалан, *гвардия* ҳарбий термин бўлиб, қўшишининг сараланган, чиниқкан қисми. Кўчма маънода бирор соҳада алоҳида иш кўрсатган, синалган арбоблар, ўз ишинга содиқ куранчилар: *кекса гвардия, ёши гвардия*. Кейинроқ энг яхин тажрибакор ходим, ишчи маъносида ҳам қўлланила боилади: *дала гвардиячилари*.

Штаб ҳам ҳарбий термин бўлиб, армиянинг бошқариш органи, кўчма маънода раҳбар ташкилот маъносини англатади. *Коммунистлар партияси пролетариатнинг жанговар штабидир. — Штаба ким бор? Бригадирлар қайдади?* (О. Ёқубов).

Репетиция театр термини, саҳнага чиқиши олдидан машқ қилини, ёд олиш маъносини билдиради, кўчма маънода эса умуман тайёргарликни, синаб кўришни билдиради: «*Халима*» драмаси устида *репетициялар* бошланиб кетди. (Х. Носирова). 1905 йил революцияси 1917 йил революциясининг генерал *репетицияси* бўлган бўлса, 1896 йил забастовкасини 1905 йил революциясига тайёрланишдаги энг муҳим *репетициялардан* бири деб ҳисобламоқ керак («*В. И. Ленин ҳақида хотиравлар*»).

Нутқда терминларнинг кўплаб қўлланилишига сабаб ва уларни ҳаракатлантирувчи омиллар ижтимоий воқееликнинг ўзи-даги экстролингвистик омиллардир.

1. Мамлакатимизда умумий таълимнинг юқори даражадалиги,

саккиз йиллик мажбурий таълимнинг амалга оширилиши натижасида физика, химия, математика, биология терминларини минглаб ўқимишли кишилар ўрганади ва қўллади.

2. Сўз маъносининг аниқлиги сўз ясаш моделининг соддалигига ҳам боғлиқ. Бундай сўзлар мутахассис бўлмаган кишиларга ҳам тушунарли бўлади ва умумхалқ тилида қўлланила бошлади.

3. Терминларнинг кенг тарқалиши қўпинча бирор фан ёки ҳалқ хўжалигининг бирор соҳасига эътиборни кучайтириш билан ҳам боғлиқ. Фан ва техника муайян бир соҳасининг колектив ҳаётидаги аҳамиятининг оша бориши билан мазкур соҳага тобора кўпроқ кишилар жалб этилади ҳамда шу соҳага оид тушунча, ҳодиса, ҳаракат ва жараёнлар кўпроқ тарқалади, кўпроқ оммалашади.

Кейинги йилларда химия, қишлоқ хўжалиги, космонавтика, қурилиш техникаси каби соҳалар умумхалқ манфаатларига кўпроқ хизмат қила бошлади. Бу масалаларга газета ва журнallарда кўплаб мақолалар бағищланди, радио ва телевидениеда эшиттиришлар берилди. Натижада тор, маҳсус доирада қўлланиладиган жуда кўп терминлар энди кўпчиликка тушунарли сўзларга айланиб қолди. Масалан, *квадрат уялаб экиш, темир-бетон, понелли уй, синтетик тола, космос, космонавт, ҳаво кемаси, учирувчи ракета* ва б.

Энг яхши бадий асарларда ҳам ишлаб чиқариш, техника терминларининг кўплаб қўлланилишини кўриш мумкин. Булар, сўзиз, бадий адабиёт тилини янги тасвирий воситалар билан бойитмоқда.

Бизнинг давримизда маҳсус билимларга муносабатнинг ўзгариши бадий адабиётда ҳам ўз ифодасини топмоқда.

Умуман, адабий тилга илмий, техник терминлар турли-туман мақсадларда киритилади. Буларни мақсад ва вазифалари нуқтаи назаридан тахминан қўйидагича ажратиш мумкин:

1. Хабарнинг тема ва жанрига боғлиқ ҳолда ситуациян киритиш: *Аброр қапотни очиб, тормоҳ ёғи қўйиладиган пластикасилини дарга қаради* (П. Қодиров). *Аваилаб ётқизинг баҳтсиз инсонни... Пинциетлар тайёрми? Шприцлар тахтми?* (Е. Мирзо).

2. Маълум стилистик вазифада қўллаш: *Шунинг учун унга доим қуриқ турадиган гранит либос керак. Сиз ҳам ўша одамга ўхшаб нуқул темир-бетонга сифинасиз...* (П. Қодиров). *Ўсиши юксалиши диграммаси фақат юқорига қараб кетяпти* (И. Раҳим).

Бадий таъсирчанликка эришиш учун образли кўчма маънода қўллаш: «*Бу одамнинг боши иқтисад қомуси! Ҳисоб-китоб ишига келганда эса фикри автомат бўлиб кетади*» (И. Раҳим). Лекин, *Бўзсувни ўйлаш — сизнинг монополиянги эмас!* (П. Қодиров). Агрономни театрга директор қилиб тайинлаш ҳам гигиена га тўғри келмайди (*«Муштум»*). *Унинг (Тўтихоннинг) гўяндалик бўйича «гастроли» икки яшар бир боланинг азасидан бошланди* (Н. Аминов).

Хилқиниг умумий маданий савиаси кўтарилган сари чегаралашмаган лексика таркибида кенг қўлланиладиган терминларнинг силомоги ошиб боради.

Демак, терминларнинг детерминлашиши тилда секин-аста да-ном этадиган ҳодиса бўлиб, умумхалқ тилини терминлар ва янги язги маънодаги сўзлар билан бойита боради.

Терминлар жамият тараққиёти ва тил ривожи жараённида янги маънолар касб этиш билан бирга барқарор бирималар таркибида қўлланиши натижасида оммалашиши мумкин: *гегемонлик қилимоқ, автомат бўлиб кетмоқ, монополия қилиб олмоқ* каби.

Умуман, терминлар лексиканинг энг ҳаракатчан қисми бўлиб, жамият ривожи билан боғлиқ ҳолда тобора кенгайиб, бойиб боради. Қолажакда илмий-техникавий прогресснинг тезлашиши билан тилининг социал-профессионал дифференцияси чуқурлашади ва кенгаяди.

Жаргонлар

Қизинчишлари, машгулотлари, ёшлари бир хил бўлган жуда тор доирадаги кичик-кичик ижтимоий груп ва тўдалар, ўзларига хос дидлари ва талаблари ёки ички зарурият ҳамда эҳтиёжларидан келиб чиқиб, ўз шутқларида баъзан умумқўлланишдаги сўзлардан фарқли бўлган алоҳида сўз ва ибораларни ишлатадилар. Бундай сўз ва иборалар жаргонлар дейилади.

Жаргон сўзларни қўлловчи кинилар гуруҳи турли-туман бўлгани учун, жаргон сўзлар ҳам келиб чиқини характеристига кўра турли-туман бўлади.

Жаргонларнинг кўнишлиги ўткини, вақтича бўлиб, улар давр, шароит ўзгарини билан тез ўзгарили. Баъзан жаргонлар оддий сўзланишуга ўтиб, ундан адабий тилга ўтиб кетиши ҳам мумкин.

Октябрь революциясигача эксплуататор синфлар ўзларини маълум меҳнаткаш синифдан юқори тутиш ва ўз синфий мақсадлари ва манфаатларини авом ҳалқдан яшириш ёки уларни менисимаелик учун ўз шутқларида синфи жаргонлардан фойдаланганлар. Чунки синфи жамиятда юқори табақа кишилари тилга бефарқ қарамайдилар. Улар тилдан ҳам маълум даражада ўз синфи манфаатлари ва мақсадлари нуқтаи назаридан фойдаланарадилар. Бундай жаргонлар хилма-хил бўлиб, савдогарлар, ўғрилар тилида яширип ўзига хос сўзлар (*танзин денг — фойда денг, таваққуи айланг — умид* билан кутинг) қўлланса, руҳоний ва шариат пешволари тилида кўпчиликка, меҳнаткаш оммага тушунарсиз, алоҳида арабча, форсча сўзлар, қуръон иборалари (*шое қилинг — билдиринг, рижо ва таманно этаман — шундай қилишини сўрайман, таширифи қудум этинг — келинг, тавожжуж — айланг — қаранг, билбалойи сабрайни ва билқазоийи розиайни — балосига сабр қиласидилар ва вафотига рози бўладилар*) кўплаб қўлланилган.

Октябрь революциясидан кейин Совет ҳокимияти йилларида ўзбек тилида бу каби жаргонларнинг ижтимоий моҳияти ўзгарди. Узларини меҳнаткаш синфлардан юқори тутувчи ва уларга таҳқир кўзи билан қаровчи ҳоким, эксплуататор синфларнинг туғаганлиги сабабли, уларнинг турли вакилларига хос бўлган кибр-ҳаволик, синфий жаргонлар ҳам бу давр тилидан бутунлай чиқиб кетди.

Лекин синфий характерда бўлмаган касб, машғулотга оид айрим кичик ижтимоий гуруҳлар нутқида жаргон сўзлар қўллашида давом этади.

Умуман, жаргонларга хос хусусиятлар қўйидагича:

1. Жаргонлар адабий тилда номи бўлган нарса ва ҳодисаларнинг бошқача, жуда тор гуруҳдаги атамасидир.

2. Жаргонлар ҳар доим экспрессив — стилистик бўёққа эга бўлади;

3. Кўпчилик жаргонлар ўткинчи, вақтинча бўлиб, кейинроқ аста-секин ё бутунлай унтутилиб кетади ёки эмоционал-стилистик бўёғи туфайли оддий сўзлашувга, ундан умумқўлланишга, яъни чегараланмаган лексикага ўтиши мумкин.

Жаргонларни қўлловчи коллективлар турлича уюшадилар.

1. Қизиқишларига, ўрганиб қолган одатларига қараб бирлашган гуруҳларга хос жаргонлар: ичувчилар (*новча* — арок, *қизил* — вино каби); безорилар (*шуҳер* — коч, *атанда* — хавфҳатар) каби.

2. Ёшлирига, жинсларига кўра бирлашган гуруҳларга хос жаргонлар. Ёш болалар ўйинида: *замри*, *умри*, *атамири*, *воскресни* каби; ўсмир ва ёш болалар тилидаги бошқалардан яширинча сўз бўғинларига бошқа товуш қўшиб талаффуз қилиш: *ҷбоҷрачсанчи* — борасанми, *бозаразамазан* — бораман каби.

3. Машғулотларига кўра бирлашган гуруҳларга хос жаргонлар: студентлар нутқида: общяга — ётоқхона.

4. Маълум касб-ҳунар кишилари, нутқида ҳам жаргонлар учрайди. Масалан: тикувчилар нутқида: *сим-сими тўғри келсин* — икки томондаги чок ва гулларнинг бир хил келиши; шоферлар нутқида: *қизилишапка, тоғамнинг ўғли* — милиционер маъносида.

Бундан ташқари, бадиий асарларда икки типдаги жаргонлар учрайди.

I Тарихий жаргонлар.

а) Тарихий асарларда давр ифодаси сифатида ва б) тарихий темадаги асарларда давр колоритини бериш, қаҳрамонлар нутқини индивидуаллаштириш учун синфий жаргонлар қўлланилади.

II. Замонавий жаргонлар.

Замонавий асарларда эса ҳозирги тилимиздаги кичик ижтимоий гуруҳларга оид сўзлар қаҳрамонлар характеристи, савиясини кўрсатиш учун қўлланилади.

Тарихий асарлардаги жаргонлар:

Тошкент юришида... чун фано селобига гарқ бўлди (А. Навоий).

Паҳлавон Ҳусайн

Корабоғда мақтул бўлди (А. Навоий).

Бў фурсатларда хабар келдиким, тангри раҳматига бориб дир (Бобир).

Мисоллардаги чун фано селобига гарқ бўлди — сел тошқинига ботиб ўлди, мақтул бўлди — ўлдирилди, тангри раҳматига бориб дир — ўлди деган маъноларни билдиради.

Тарихий шахслар тилини индивидуаллаш, тарихий давр колоритини бериш учун тарихий темадаги бадиий асарларда синфий жаргонлар кўплаб қўлланилади:

Хайрумур авас туқо, Нигор, ишда этилдол яхши.

Ҳадиснинг ҳукми, Нигор! — деди Маҳдум — Бундаги умур — умур ид дунё: инчинин ҳадиснинг амалиёти охират учун ҳам ҳукми жорийдир... Бинобарин, бу ҳадиси Шариф рўзгорат борасида дастур тутилса, яна айни ҳикмат ва савоб (А. Қодир ий).

Худо бадном деганинсан гсор қилмоқ бандари мўмин учун фарзи айнадир (А. Мухтор); Камолиддин маҳдум қозининг кулгисидаги кинояни пайқамадими ёки пайқаса ҳам ҳазил билан қутулиб кетмоқчи бўлдими, ҳайтовур:

— Агар меҳмон якта бошад ҳам гав куштан лозим,— деди. (М. Исмоилий); Ахир мадрасада ўқиб юрган кезларида «Алхайру мосана ё аллоҳу» деб уқдиришган эри-ку?! (М. Исмоилий).

Замонавий темада ёзилган асарлардаги жаргонлар:

Айрим гуруҳга оид шахсларнинг характеристини очища (масалан, ичкиликбозлар) жаргонлардан фойдаланилади: *Қўйинг, қизил ичман,— деди Салимбойвачча (Ойбек).*

Қанақасидан бўлсин, оқиданими, қизилиданми? («Муштум»).

— Энди шуни ичасиз, Ҳамид ака.

— Йўқ, Содиқбой иним, мен жуда ҳам бўлиб қолдим, ўзи ҳам жуда кучли чиққан экан.

— Ичмасангиш қўймайман.

Никин!...

— Битта-я. Яримтадан уч-тўрт-т-т-анга қарзлари бор эди (А. Қодир ий);

Айрим қаҳрамонлар нутқини индивидуаллаштириш учун жаргон сўзлар ишлатилади. Бунда кўпинча ўзбек адабий тилига ўзлашмаган, бошқа тилга хос сўзлар қўлланилади.

Агар мен андеша қилмасам — эски шаҳардаги солинатурган театру биносининг мубоширлари кам ҳаржу болонишин деб «жангоҳ»га солиб берган театруларида қурбақалар театру қўя бошлидилар деб хабар ёзмасми эдим? (А. Қодир ий).

Ҳов, анди, якта чой келтир! Зиқналик қилма, чумоли юрса оёғи ботмайдиган бўлсин отангни арвойи... Худо ҳаққи гала вам айниди. Ҳа, Туямўйинга нима қилибди... (С. Сиёев). Қирмизихон четроқча ўтди, унинг орқасидан маҳлиё бўлганча

юриб Баширжон ҳам. «Оёғи бутиличи ий экан!» — лип этиб хаёлидан кечди унинг (Н. Аминов).

Жаргонларниг манбалари. Сўзнинг шакли бутунлай ўзгарганидан қайси тилган хослигини аниқлаш қийин бўлган сўзлар ва сунъий сўзлар: *данап* — аёл ўйинчи (отарчилар), *найвор* — жим бўл (отарчилар), *хашпакчи* — доирачи (отарчилар), *когон* — ўйинсиз ашула (отарчилар), *атас* — ҳавф-хатар (савдо-гарлар), *чувак* — йигит, *чувиха* — қиз, *чау* — хайр (стилга беришган ўсмирлар), *атанда*, *шухер* — қоч (безорилар) болалар ўйинида санаш учун қўлланиладиган: *адин*, *бадин*, *гуден*, *надин*, *шапка*, *пили*, *оная*, *қўғирмочи*, *дингая*, *аст*, *пас*, *кислий* квас каби.

Бошқа тилдан кирган сўзлар: *якан* — пул (отарчилар), *замри* — қимиirlамай қол, *умри* — кўзингни юм (ўл), *оскрасни* (воскресни) — ҳаракатни давом эттирилар, *атамри* — қимирлайдиган (рус тилидан) каби.

Сўзнинг бўғинларига ҳарф қўшиб, сўз шаклини сунъий ўзгартириш йўли билан ясалган жаргонлар: ёш қизлар, баъзан ўйигитлар ўз нутқларини бошқалардан яшириш учун ҳар бир бўғиннинг бошига ҳарфини, иккинчи бўғиндан бошлаб ҳар бир ундошдан олдин за қўшиб гапирадилар, ҷбоҷрачман — бораман, ҷайчтачман — айтаман, мезан — мен, бозаразамазан — бораман каби.

Тилда мавжуд бўлган сўзларни бошқа маънода қўллаш: *новча*, *лампа шишиша* — экстра ароқ, *мўйсафиð* — ароқ (ичувчилар нутқида), *тоға* — милиция (шоферлар нутқида), *қурӯғи*, *соққа* — пул (милиционерлар нутқида), *лой* — пул (савдогарлар нутқида).

Умуман айтганда, жаргонлар айрим гуруҳларгагина оид чегараланган лексика бўлиб, улар қўлинча ўткинчи бўлади, чунки жаргонларни қўлловчи тўда (гуруҳ)ларнинг кўпчилиги асосан вақтинча уюшган колектив бўлади, ана шу колектив тарқалиб кетиши ёки тугаши билан жаргон сўзлар ҳам асосон унутилади, қўлланилмай қолади. Масалан, бўғин бошига ҳарфи, за қўшиб айтиш ҳозир деярли қўлланилмайди. Шунингдек, турли ерда бир хил колективда бир сўзнинг тирлича қўлланилиши жаргонларга диалектларнинг таъсири ҳам борлигини кўрсатади. Баъзан ана шундай тор гуруҳлардагина қўлланиладиган сўзлар кўпчиликка тушунарли, кўпчилик қўллайдиган сўзларга айланади: Масалан, *дум* — «2» баҳо, *қуён бўлиш* — қочиб кетиш каби.

УЗБЕК ТИЛИ ЛЕКСИКАСИННИГ ИЖТИМОИЙ-ТАРИХИЙ АСОСЛАРИ

УЗБЕК ТИЛИНИНГ ЛУФАТ СОСТАВИ

Ҳар бир тил, у қабила тилими, элат тилими ёки миллий тилми, кам тараққий этган тилми ёки юқори даражада ривожланган тилими, ўзининг маълум миқдордаги сўз бойлиги, тил бирликларига эга бўлади.

Конкрет тилдаги сўзлар йигиндиси ўша тилнинг луфат составини, яъни сўз фондини ташкил этади. Луфат состави ўз ичига муайян тилда ишлатиладиган барча сўзларни қамрайди. Луфат состави маъносида кўп ҳолда лексика, лексик система терминлари ҳам қўлланади. Ўзбек тилининг лексикаси, ўзбек тилининг лексик системаси терминлари аслида кенг маънода ўзбек тилининг луфат состави маъносида қўлланади.

Тил лексикаси, муайян тилнинг яшаш формаларига кўра, конкрет қатламлар, бошқача айтганда, секторларга бўлинади. Ўзбек адабий тили лексикаси, ўзбек шевалари лексикаси, ўзбек тилининг профессионал лексикаси каби.

Демак, ўзбек тилининг луфат состави кенг маънодаги тушунчадир. У ўз ичига адабий тил лексикасини, диалектал ва профессионал лексикани, турли синфий ва социал жаргон, селенга (масалан, студентлар ёки ҳарбийларнинг нутқидаги ўзинга хос элементлар) ва бошқаларни қамрайди.

Тилнинг луфат состави маъносида тилшуносликда *вокабуляр*-термини ҳам қўлланади. *Вокабуляр* муайян тилдаги ҳаракатда бўлган барча сўзлар йигиндисидир. Демак, *вокабуляр* маълум тил сўзларининг идеал даражадаги тўлиқ рўйхатидан иборатdir. Аммо тилдаги мавжуд сўзларнинг барчасини тўлиқ билиш ва тўплаш мумкин эмас. Тил ўз коммуникатив имконияти ва сўз бойлигига кўра ниҳоятда бой ва чексиздир. Шу туфайли тилнинг луфат составидаги сўзларнинг умумий сони юзасидан лексик инвентарлар ниҳоятда нисбий бўлади. Ҳақиқатдан ҳам, ҳозирги ўзбек адабий тилида қанча сўз бор? Бу саволга тўлиқ жавоб бериш жуда қийин.

Тилнинг луфат состави ўз имкониятлари ва уни билиш даражасига кўра чексиз хусусиятларга эга. Тил луфат составининг бойлиги бўлган сўзлар амалда алоҳида шахслар (индивидулар) ёки алоҳида ижтимоий табақалар, муайян касб-ҳунар эгалари гуруҳи нутқида, уларнинг сўз запаси, яъни лексикаси сифатида қўл-

ланилади. Алоҳида индивидлар ёки кишилар гуруҳи тилидаги сўзлар йиғиндиси — лексикон деб юритилади. Лексикон одатда тил лугат составининг бир қисмини ташкил этади. Ўзбек тилида гапиравчи турли касб-ҳунар эгаларининг ўзига хос лексикони бор. Лексикон муайян, конкрет маънода у ёки бу шахс, касб-ҳунар эгаси, мутахассис нутқида қўлланувчи, ҳаётий эҳтиёж туфайли тил лугат составидан танланувчи актуал лексика — сўзлардир. Демак, ўзбек тилида гаплашувчи ҳар бир индивиднинг хотирасида конкрет эҳтиёжга кўра ўзбек тили вокабулярининг маълум қисмигина бўлади. Мана шу сўзлар миқдори тилшуносликда лексикон ёки идеолексикон деб юритилади. Идеолексикон — алоҳида конкрет шахслар нутқидаги сўзлар миқдоридир.

Бирор индивид (шахс) ёки кишилар гуруҳи, конкрет бирор касб-ҳунар эгаси нутқи учун актуал, типик, актив ҳисобланувчи сўзлар бошқа индивид ёки группа учун актуал, актив бўлмаслиги мумкин. Демак, лексикадаги актив ёки пассив сўзлар умуман лугат составига кўра эмас, балки лексиконга, яъни идеолексиконга қараб белгиланади.

Ўзбек тилининг лугат состави дейилганда ўзбек адабий тили, айрим ўзбек диалект ва шевалари ёки профессионал тил кўришилари лексикаси кўзда тутилмайди, балки уларнинг умумий йиғиндиси бўлган сўзлар фонди, умумўзбек тили лексик бойлиги кўзда тутилади.

Ўзбек тилининг лугат состави умумхалқ ўзбек тилининг барча сўз бойликларини, ундаги тарихий-традицион, тургун қатламларни, янги, замонавий лексикани, энди пайдо бўлаётган энг янги сўзларни ҳам қамрайди; бу тилнинг аҳволидан, қандайлигидан далолат беради. Лугат состави қанчалик бой ва хилмалил бўлса, тил ҳам шунчалик тараққий этган бўлади.

Ўзбек тилининг лугат состави ниҳоятда бойдир. Бу ўзбек тили узуси (нутқ процессидаги кўп сонли мавжуд имкониятлар)дан эркин, танлаб олинган ҳолда фойдаланиш имконини беради. Ўзбек тили лугат составини ташкил этувчи сўзларнинг жамиятнинг у ёки бу социал гуруҳи нутқида намоён бўлиши, ўзбек адабий тилининг конкрет услубларида, шунингдек ўзбек диалект ва шеваларida хизмат қилиши ушбу системаларнинг эҳтиёжи, функционал-коммуникатив белгилари, ўша функцияларга мос равишда шаклланган лексик нормаларига bogliqdir.

Ҳозирги ўзбек тили лугат составида, кенг маънода олганда, сўзларнинг қуйидаги асосий гуруҳлари мавжуд;

I. Ўзбек тилининг кенг истеъмол сўзлари. Сўзларнинг бу типи кундалик турмушда кенг қўлланиши ва кўпчилик учун тушунарли эканлиги билан характерланади: *ер*, *қуёш*, *ой*, *сув*, *ҳаво*, *осмон*, *юлдуз*, *сайёра*, *қор*, *ёмғир*, *булут*, *дарё*, *сой*, *тоғ*, *жар*, *дара*, *қир*, *дован*, *ғор*, *чўққи* ва б.

II. Касб-ҳунар сўзлари (профессионализмлар): болдоқ (мис идиш), бошёстик, бўёвчи, бузқум, дамгар, елимқозон, ёндуқон, жазойил, кевак, кунжавош, лавгир, латтош, манқалдон

(дөгрөзлар, риҳтагарлар лексикасидан); *аңгара, аңжомасоз, ара-ниболдоқ, аҳонсон, байза, бағал, бешилик, бигизқалам, бозғонлаш, бозғончи, босқон, босқонча, бўрдоқ, дамёғоч, данданалаш; жоғодиқайчи, жувовозтеша* (металлсозлар лексикасидан) ва б.

III. Неологизмлар. Буларни қуидагича группалаб кўрсатиш мумкин:

1) ўз тил материалы асосидаги неологизмлар: *ёнилғи, ёқилғи, ўқитувчи, зарбдор, илғор, сайлов, сайловчи, айланма, сайланма, кириш, сўз боши, бешииллик, шилаб чиқариш, ўзиюрар, ўзиўтар, ўзиқирқар, ўтказгич, ағдаргич, дорихона, жангнома, ишнома, саёҳатнома, бешбурчак кўпҳад, ечим, кесим, ииғинди, кўпайтма ва б.*

2. ўзга тил материалы асосидаги неологизмлар: *электрлаштириш, бороналаш, машиналаштириш, автоматлаштириш, комбайнчи, тракторчи, колхозчи, станоксозлик, машинасозлик, бетонлаш, крахмаллаш, большевикларча, коммунистларча ва б.*

3) ўзлашма неологизмлар: *журнал, журналист, ручка, радио, телевизор, телефон, телеграф, физика, лингвистика, пленум, съезд, бригада, звено, трактор, комбайн, элеватор, экскаватор, кострюль, ванна, газ, вилка, тарелка, стол, стул, кресло ва б.* (Неологизмлар ҳақида кейинги саҳифаларда кенг тўхталинган).

IV. Илмий терминология: *фонетика, морфология, акустика, инженер, космос, космонавт, анатомия, лингвистика, астрономия; чучомодошлар, пиёздошлар; стереоасбоб, стереочизма, тўртбурчак, моделлаштириш, баримарказ, ориентирлаш; эга, кесим, тулдирувчи олмош, сифат, равиш ва б.*

V. Истебъмолдан чиқкан, аммо ўрни билан услубий талабларга кўра қўлланилувчи сўзлар: *омоч, чақирим, қадоқ, пуд, ботмон, жаллод, амир, қози, мингбоши, юзбоши, миришаб, судхўр, қирол, хон, бойвачча, батрак, мардикор, мешкобчи, кашишоф, байналминал, фирқа, муҳторият ва б.*

VI. Уруг, қабила, элат, халқ ва миллат номлари—этнонимлар: *қипчоқ, ўғуз, мангит, барлос, уйшун, баҳрин, арлот, қарлуқ, ўроқли, болғали, қурама, баймоқли, тўпқора, туёқли, ўзбек, қозоқ, қирғиз, қорақалпоқ, озарбайжон, туркман, рус, француз, англичан, латиш, украин, поляк, фин ва бошқалар.*

VII. Диалектал сўзлар (диалектизмлар): *абдира (сандин), ағаз (қавариқ), айиқ (ҳүшёр, тетик), пақир (челак), замбур (ари), оловкурак (хокандоз), ўйнғичқа (беда), нозвой (райхон), сача (чумчук), маяк (тухум), гўёсала (бузоқ), эв (уй), улоқ (кўпкари), тунгча (қумғон), ариғ (чирийли), кади (қовоқ), ҳамсоя (қўшни), чармгар (кўнчи), каллапўш (дўппи) ва б.*

VIII. Жаргонларга оид сўзлар: *ўғрилар, бандитлар, савдогарлар, отарчилар, порахўрлар ва бошқалар нутқига оид маҳсус сўз ва иборалар: ханжар (қорин), хит (оч), якан (пул), лой (пул), соққа (пул), нойи (йўқ), данааб (хотин), калмата (сўз), отар (тўй), қивиз (нон) ва б.*

IX. Атоқли отлар. Ўзбек тилида атоқли отларнинг деярли барча типлари мавжуд ва улар тилда ўзиға хос мураккаб номинатив системани ташкил этади:

Антропонимлар (исм, лақаб, фамилия, отчество, патрономик номлар);

Топонимлар (қуруқликдаги табиий-географик объектлар, сувлиқдаги табиий географик объектлар, инсон томонидан яратилган обьектларнинг номлари);

Зоонимлар (ҳайвон ва бошқа хил мавжудотларга берилган лақаб номлар);

Астрономиялар (юлдузлар, сайёralар ва улардаги космик обьектлар, жисмларга, ҳодисаларга берилган маҳсус номлар);

Теонимия (диний-мистик тушунчалар, афсонавий мавжудотлар, худолар, пайғамбар, авлиёлар, «муқаддас» қадамжойларга берилган маҳсус номлар).

Фитономия (фитонимлар — ўсимликларга берилган атоқли отлар);

Хремотонимлар (жонсиз предметлар — қуроллар, қимматбоҳ буюмлар, мусиқий асбобларнинг атоқли отлари);

Хрононимлар (муайян тарихий даврлар, алоҳида тарихий кунлар, воқеаларнинг атоқли отлари);

Документонимлар (тарихий ҳужжатлар, қонунлар, актлар ва бошқаларнинг атоқли отлари);

Фалеронимлар (маҳсус мукофотлар, совғалар — орденлар, медаллар, нишонлар, ёрлиқлар ва бошқаларнинг атоқли отлари);

Шундай қилиб, ўзбек тилининг лугат состави тубандаги лексик группалардан ташкил топган:

1. Умумистеъмолдаги сўзлар;
2. Маҳсус лексика: терминология ва профессионализмлар;
3. Диалектал лексика — диалектизмлар;
4. Социал-синфий жаргонларга оид сўзлар;
5. Атоқли отлар системаси.

Ўзбек тили лугат составининг келтирилган лексик группалари ўзаро муносабатда. Улар ўртасида ички, мураккаб алоқа мавжуд. Буни схемада шартли равишда шундай кўрсатиш мумкин.



Ўзбек тилининг луғат состави ундаги турли-туман сўзларнинг шунчаки оддий йифиндиси, инвентаридан иборат эмас. Луғат состави ўзгариши, ривожланиши, бойши ва эскириши хусусиятларига эгадир. Луғат составидаги барча сўзлар ва сўз группалари бир хилда актив қўлланувчан эмас. Луғат составидаги *потенциал имкониятлар*, узус ва унинг конкрет нутқий татбиқи (реализацияси) бир-биридан сон ва сифат жиҳатидан фарқланади. Тил луғат составида адабий тил нормаси, диалект ва шевалар нормаси, услубий нормалар нуқтаи назаридан фарқланувчи турли-туман *сўз қатламлари* мавжуд. Бу қатламлар турли коммуникатив, норматив талабларга, эҳтиёжларга турли даражада жавоб беради ва мослашган.

Тил луғат составида эскиришга қараганда янгиланиш ва бойиб бориш кучли бўлади. Шу туфайли тилнинг луғат состави тарихий-ижтимоий эҳтиёжлар, жамият ҳаёти эҳтиёжларига кўра ўзгариб, бойиб боради. Тил луғат составидаги потенционал имконият, луғат составининг истеъмолдаги воситаларига нисбатан миқдор жиҳатдан устун туради. Луғат составидаги бундай хусусият ундаги сўз бойлигидан нутқий жараёнда танлаб, bemalol ва эркин фойдаланиш имконини туғдиради.

Тил луғат составидаги мавжуд воситалардан конкрет нутқий жараёнда, нутқий услубларда эркин, танлаган ҳолда фойдаланиш ўша нутқий шаклнинг лексик нормаларини белгилайди, шакллантиради.

Тил луғат состави имкониятларидан фойдаланиш хусусиятларига кўра ўзбек тилининг яшаш формалари (адабий тил, диалект ва шевалар, профессионал нутқ) ўзаро, адабий тилнинг *услубий кўринишлари* (илмий-техника тили, илмий-оммабоп тил, адабий сўзлашув тили, бадний адабиёт тили, расмий услуб, эпистоляр услуб ва б.) ўзаро фарқланади. Одатда, тилнинг луғат составидаги сўзлар нутқининг социал ва функционал услубий кўринишларига мослашган бўлади.

Маълум услугга мослашган, сингишган сўзлар типи ўша услубнинг *лексик нормаларини* характерлайди. Шу туфайли ўзбек тилининг луғат состави унинг турли социал ва услубий кўринишларига хос *лексик нормативларнинг* мажмуидан иборатдир. Мана шу нуқтаи назардан ўзбек тилининг луғат состави мураккаб жараёнлар, ундаги кўп сонли сўзларнинг турли-туман муносабатларидан иборатдир. Шу туфайли ўзбек тилининг луғат составини ягона ва ўзига хос лингвистик система деб тушунилади. Ўзбек тили луғат состави система сифатида:

- а) ўзаро алоқадор бўлган лексик бирликлар йифиндисидан;
- б) ички боғлиқлик кучига таянувчи лексемаларнинг ўзаро мувофиқ келувчи муносабатларидан иборатдир.

Ўзбек тилининг луғат состави ҳаракатдда ва доимо ўсишда. Луғат составининг ҳаракати қуйидагиларда кўринади:

- 1) ҳозирги ўзбек тилидан ўтмишда ишлатилган бир қатор эс-кирган сўзларнинг чиққанлигига;
 - 2) аввал актив бўлган бир қатор сўзларнинг пассив қатламга ўтишида;
 - 3) аввал пассив бўлган баъзи лексемаларнинг ҳозирда активлашганида;
 - 4) бир қатор эски сўзларнинг янги сўзлар билан алмашганида;
 - 5) ҳозирги ўзбек тилида янги сўзларнинг ясалишида;
 - 6) бошқа тиллардан сўзлар ўзлаштирилишида;
 - 7) қўшма сўзлар ва турғун бирималарни ҳосил қилишининг активлашганида;
 - 8) тилда янги сўз ясаш моделларининг пайдо бўлганида;
 - 9) баъзи сўзлар маънисининг кенгайганида;
 - 10) аксинча баъзи сўзлар маъносининг торайганида;
 - 11) бир қатор сўзларнинг эски маъносини йўқотиб, янги маънода қўллана бошлашида;
 - 12) умумистеъмол, оддий услуб сўзларининг китобий, илмий маънога эга бўлиб, терминлашувида;
 - 13) атоқли от янги типларининг пайдо бўлганилигига кўринади.
- Ўзбек тили лугат составининг ҳаракати ундаги силжишлар, ўзгариш ва ривожланиш, пировардида лугат составининг бойиши совет даврида юзага келган бир қатор **экстраглавиистик факторлар** билан боғлиқдир. Бундай факторларнинг энг муҳимлари тубандагилар:
- 1) ижтимоий ҳаёт ўзгарди — Ўзбекистонда социалистик жамият қурилди;
 - 2) ўзбекларда янгича социалистик дунёқараш пайдо бўлди ва шаклланди;
 - 3) ўзбек тилидан фойдаланувчи колективнинг социал табиити ўзгарди;
 - 4) социалистик маданият, социалистик турмуш тарзи, янгича оиласи муносабатлар юзага келди;
 - 5) социалистик фан ва унинг замонавий миллий тармоқлари пайдо бўлди, ривожланди;
 - 6) республикада янги, замонавий саноат ва қишлоқ хўжалиги юзага келди;
 - 7) социалистик санъат, адабиёт, миллий матбуот ривож топди;
 - 8) ўзбек тили радио, телевидениеда, пропаганда ва агитация ишларида қўлланадиган бўлди;
 - 9) ўзбек тилига рус тили ва бошқа тиллардан кўп сонли илмий-техникавий, бадний адабиётлар, турли информациялар ва хужжатлар таржима қилинди;
 - 10) ўзбек тилида кўп сонли китоблар, дарслик ва қўлланмалар нашр этила бошлади.
 - 11) ўзбек адабий тилида кўп сонли матбуот ходимлари, радио, телевидение, нашриёт редакторлари, олимлар иш олиб борди ва иш олиб бормоқда.

12) замонавий рекламалар, модалар ва кишиларнинг шахсий майллари таъсир этди;

13) ўзбек тилида бериувчи оммавий информация ҳажми ниҳоятда ўсили ва ривож топди, масалан, спорт, маданият ва бошқа эҳтиёжлар.

Келтирилган экстравистик факторлар ўзбек тилининг лексик системасига катта таъсир кўрсатди. Бу таъсирнинг конкрет натижалари ўзбек тили лексикасининг совет даври ривожида айниқса ёрқин кўринди. Экстравистик фактор таъсирида ўзбек адабий тили лексик нормалари янги ижтимоий-сиёсий ва услубий талабларга кўра, шунингдек адабий тил ижтимоий функциясининг ниҳоятда кенгайиши туфайли қайта шаклланди, ўз имкониятларини шароитга мос равишда қайта қурди, мослади.

Янги ижтимоий-сиёсий шароит тақозосида ўзбек тили коммуникатив функциясининг ниҳоятда кенгайиши ўзбек тили луғат состави олдига улкан талаблар қўйди. Натижада ўзбек тили луғат составини янги номинатив воситалар билан бойитиш эҳтиёжи юзага келди. Ўзбек тили лексикасини бундай бойитиш тубандаги усуллар билан амалга оширилди:

1. Ўзбек тилининг ўз ички ресурсларидан фойдаланиш;
2. Ташқи ресурслардан фойдаланиш.

Ўзбек тилининг ўз ички ресурслари асосида ўзбек тилининг луғат состави тубандагича бойитилди:

- а) адабий тилга ўзбек диалект ва шеваларидан зарур сўзлар олиш;
- б) эски ўзбек тили, жумладан ўзбек классик адабиёти тили лексик бойликларидан ўринли фойдаланиш;
- в) традицион лексик қатламларни активлаштириш;
- г) ўзбек тилининг ўз сўзларидан янги сўз ва терминлар ясаш;
- д) сўз ясашни активлаштириш, айрим аффикслар ва моделлар функциясини кенгайтириш;
- е) сўзларинг синтактик усулда ясалишини кучайтириш. Бунда ўз тил ресурсларидан, шунингдек ўз тил ва ўзга тил материаллари қўшилмасидан кенг фойдаланилди;
- ё) сўзларни янги-янги кўчма маънода қўллаш;
- з) калькалаш усулида сўз ясаш ва б.

Ўзбек тили луғат составини ташқи манбалар ҳисобига бойитиш, кенгайтириш — чет тиллардан сўз ўзлаштиришни кўзда тутди. Совет даврида рус тилидан ва у орқали бошқа тиллардан ўзбек тилига кўп сонли сўз ва терминлар ўзлаштирилди. Шунингдек ўзбек тилидаги тарихий-традицион ўзлашма қатламларнинг имкониятлари — ўзбек тилидаги арабча, форс-тожикча сўзлар қатлами ҳам янги маъно ва терминологик функцияларда активлаштирилди. Натижада ўзбек адабий тилининг (умуман ўзбек миллий тилининг) луғат состави янги-янги сўзлар, терминлар, иборалар ҳисобига бойиди, унинг лексик-семантик системаларида янада ривожланиш, силлиқланиш, ўткирлашиш, тўлишиш юзага келди.

Тил луғат составидаги ўзгаришлар — унда эскирган ҳодисаларнинг юзага келиши, янги ҳодисаларнинг пайдо бўлиши қонуний жараёндир. Луғат составидаги ўзгаришлар, ундаги янгилашишлар турли даврларда маълум меъёрда юз беради. Муайян тарихий шароит тақозосига кўра луғат составида ўзгаришлар интенсив, кучли бўлиши ва аксинча секин, кучсиз бўлиши мумкин. Бунинг объектив эҳтиёж билан белгиланувчи мезони бордир. Ўзбек тилининг луғат составида совет даврида юз берган ўзгаришлар интенсив ва кучли бўлди. Бу юқорида таъкидланганидек, янги тарихий давр, ижтимоий-сиёсий шароит туфайли юз берди. Аммо ўзбек тили луғат составидаги ўзгаришлар қанчалик кучли бўлмасин, совет даврида тамоман янги лексик-семантик система, мутлақо янги нормалар юзага келди дейиш учун асос йўқ. Ўзбек тили луғат составидаги ўзгаришлар асосан илмий терминология, нейтрал адабий нутқ секторларида юз берди. Ўзбек тилининг оддий сўзлашув тили, диалект ва шевалари, шунингдек бадиий адабиёт тили секторларида тарихий-традицион лексик қатламлар, кўп асрлардан бери қўлланиб келаётган кенг истеъмол сўзлар, фразеологик система, лексик-семантик воситалар асосан сақланиб қолди. Бу ўзбек тили лексикасида тарихий-традицион, барқарор лексик фонд борлигидан далолат беради.

ЎЗБЕК ТИЛИНИНГ АСОСИЙ ЛУҒАТ ФОНДИ

Тил луғат составининг ривожи маълум қонуниятларга асосланади. Луғат составида муайян тарихий даврлар ўтиши билан ўзида хос маълум ўзгаришлар юз бериши мумкин. Бундай ўзгаришлар маълум ички қонуният, ташқи кучлар таъсирида, объектив равишда, маълум мезонлар доирасида юз беради. Тилга бошқа тиллардан сўз қабул қилиш ҳам худди шундай. Тил ўзида воситалар, имкониятлар бўлгани ҳолда, ўзга тилдан сўз олмайди. Қабул қилинувчи сўз маълум бирор янги тушунчани англатса, янги информация ташиса ёки у ёки бу семантик юкка (нагрузка) эга бўлсагина тилга кириши мумкин. Тил ўзидағи лексик воситалардан, конкрет сўзлардан бекорга воз кечмайди. Тилнинг ижтимоий ҳодиса экани, унинг колектив мулклиги тилда ўзгаришлар камроқ бўлишини, тилнинг кўпроқ турғун ҳолатда бўлиши лозимлигини тақозо қиласи. Мана шу маънода ҳар қандай тилнинг лексик, фонетик, морфологик, синтактик системаси ўринисиз ўзгаришларга ва ҳар қандай ташқи таъсириларга нисбатан «ёпиқ», «берк» хусусиятга эга бўлди. Тилнинг товуш системаси, морфологик, синтактик структураси мана шу қонуният туфайли кўп даврлар мобайнида яшовчан ва турғун бўлади. Ушбу қонуният ўзбек тилининг лексик системаси учун ҳам тегишилди. Ўзбек тилидаги от, сифат, феъл, олмош ва бошқа туркумларга кирувчи кўпчилик сўзлар қадимий даврлардан бери ушбу тил луғат составида мавжуд ва унда яшаб келади. Адабий тилнинг луғат состави маълум маънода «ёпиқ», «берк» хусусиятга эгадир. Адабий тилнинг луғат состави маълум маънода «ёпиқ», «берк» хусусиятга эгадир.

бий тил доимо ўз норматив системасининг стабил ва яшовчан бўлиши учун курашади. Стабиллик адабий тилнинг, унинг норматив воситаларининг кўпчилик учун тушунарли ва кенгроқ доира-да тарқалиши учун гаровдир. Адабий тил лексикаси ўз норматив табиятига кўра:

а) адабий тил учун асос бўлмаган шевалардан эҳтиёжсиз сўзлар ўзлаштиришга; б) тубан услуб элементларининг; в) социал диалектлар ҳамда жаргонларга хос сўзларнинг адабий тилга киришига қарши туради.

Тилнинг лугат составида даврлар ўтиши билан бўладиган ўзгаришлар ўз табиятига ва кўламига кўра *абсолют эмас*, балки *ниисбийдир*. Тилнинг ижтимоий ва коммуникатив хусусиятлари тил лугат составидаги ўзгаришларнинг абсолют бўлишига йўл қўймайди.

Ўзбек тилининг лугат составида ҳеч қачон ундаги барча сўзлардан воз кечиш, янгиларини яратишдек ўзгариш юз берган эмас. Мана шундай қонуниятларнинг барчаси ҳар қандай тил лугат составида барча даврларда маълум ўзак қисмнинг сақланиб туришини кўрсатади. Ушбу ўзак қисмга кирувчи сўзлар ўзбек тили лугат составидаги асрлар давомида турғун ҳолатда сақланиб келаётган яшовчан сўзлардир.

Тил лугат составида яшовчан, турғун лексик фонднинг мавжудлигини дунёдаги барча тилларнинг лексик системасидаги қонуниятлар тасдиқлаган. Тил лугат составидаги мана шу ўзак (ядро) тилшунослик фанида тилнинг *асосий лугат фонди* деб юритилади.

Тилнинг асосий лугат фонди ўз моҳиятига кўра, узоқ тарихий даврлар маҳсули, аниқроғи тилда узоқ даврлардан бери узлуксиз қўлланиб келаётган сўзлар системаси, занжиридир. Бу сўзлар ўз «меҳнат стажи» ва «ҳаётий йўли» нуқтаи назаридан ҳам тарихийдир. Шу туфайли тил лугат составидаги ушбу лексик ядро — *архисистема* деб ҳам юритилади. Архисистема ҳар қандай тил лугат состави учун хос бўлиб, у универсал ҳамда ижтимоий аҳамиятига кўра энг муҳим лексик-семантик воситалар занжиридир.

Тилда асосий лугат фонди деб юритилувчи маълум турғун ядронинг борлиги аниқ. Аммо ушбу ядрода қандай сўзлар борлиги, унга қандай хусусиятларга эга бўлган сўзлар киришини аниқлаш анча мураккабдир.

Шунинг учун тилнинг асосий лугат фонди деб аталувчи лингвистик системанинг моҳиятини, унинг мундарижаси ва доирасини, ҳажми ва чегараларини белгилаш тилшунослик фани учун муҳимдир. Одатда, асосий лугат фондига кирувчи сўзлар ва сўзлар гуруҳи тубандаги лингвистик ва экстравалингвистик талабларга жавоб бериши лозим деб ҳисобланади:

1. Тилда кўп даврлардан бери қўлланиб келаётган бўлиши керак, демак, у кўп тарихий даврлар маҳсули бўлиши лозим;
2. Тилда барқарор, турғун бўлиши лозим;
3. Истеъмолдаги лексик бирлик бўлиши лозим;
4. Кенг истеъмол қилинувчи, актив бирлик бўлиши керак;

5. Тил әгаси бўлган умумхалқ учун тушунарли бўлиши лозим;
6. Ҳаёт учун, кундалик турмуш учун энг зарур элемент, яъни актуал лексик бирлик бўлмоғи лозим;
7. Тил учун муҳим, асосий восита бўлиши керак;
8. Бошқа янги сўзлар ҳосил қилиш учун асос, база бўла олиши лозим ва б.;

Келтирилган талабларга жавоб берувчи лексик бирликлар ўзбек тилининг асосий луғат фондига киради. Бундай сўзлар асосан тубандагилар:

1) ўзбекча туб отлар: *ер, сув, тоғ, ота, она, ўғил, қиз, ака, ука, опа, сингил, бош, юз, кўз, тил, тиш, түя, ит, қор, куз, ёз, қиши* тоши ва б.;

2) аслида ясама бўлса ҳам, эндиликда туб сўздек қабул қилинувчи ўзбекча отлар: *қулоқ, бурун, бўғиз, бармоқ, қўлтиқ, тирсак, қорин, тўшак, булдуруқ, қошиқ, товоқ* ва б.;

3) кўп даврлардан бери қўлланиб келаётган ўзбекча қўшма отлар: *айқетован* (ўт), *аллаким, асалари, атиргул, бақатерак, белбоғ, бойчечак, бойқуши, гулбўта, гулкоса, ёнбош, ёрқанот, кунбўйи, кунора, кўктош, кўкпоя, олмагул, қовунқоқи, отбоқар, қовоғари, қорасон, қораяллоқ, қумқайроқ* ва б.;

4) ўзбекча туб сифат ва равишлилар: *оқ, қора, қўк, яхши, ёмон, катта, кичик, ҳўл, янги, чин, тез, кўп, оз, мўл* каби;

5) аслида ясама бўлиб, ҳозирда туб сўздек қабул қилинувчи ўзбекча сифат ва равишлилар: *тўзук, бузук, қалин, узун, қисқа, қуруқ, ўткир, илдам, бугун, эртага, кечқурун, ёзин, қишин* каби.

6) ўзбекча туб сонлар: *бир, икки, уч, тўрт, беш, олти, етти, ўн, юз, минг* ва б.;

7) кўп даврлардан бери қўлланиб келаётган ўзбекча ясама сонлар: *бирор, икков, учов, бешов, учала, тўртала, учинчи, бешинчи, ўнинчи, учта, бешта, юзта* ва б.;

8) ўзбекча туб олмошлар: *мен, сен, у, биз, сиз, улар, ўз, бу, шу, ўша, ким, нима, қандай, қайси* каби;

9) ҳозирда бир сўз сифатида тушунилувчи ясама ва қўшма олмошлар: *ҳеч ким, ҳеч нима, ҳеч қандай, аллаким, алланарса, аллақандай* ва б.;

10) феълнинг *иҷ, е, эк, тик, ун, юр, тур, кул, ол, бор, бер, кўр, қол, ўз, уч, эг, кут, ўл, қол, сол* сингари ўзаклар билан боғлиқ шакллари;

11) феълнинг кўп даврлардан бери қўлланиб келган типик ясама, ўзбекча моделлари: *адашмоқ, адаштиromoқ, адашув, ажратмоқ, ажратилмоқ, ажрашмоқ; буқламоқ, буқланмоқ, буқлатмоқ, буқмоқ, буқилув, буқтиromoқ; уринмоқ, уринтиromoқ, урилмоқ, урдиromoқ, урдириув, урдиришмоқ* каби;

12) ундовлар; *оҳ, уҳ,вой, эҳ, ҳдов, ўҳӯ, ҳим, чуҳ, кишт, ҳайт, гаҳ, беҳ, ҳўш* каби;

13) тақлидий сўзларнинг туб ва ясама шакллари: *тақ, тақ-туқ, тақир, тақир-туқур, ялт, ялт-юлт, ялт-ялт, чурқ, чик, чик-чик, чик-чуқ, ға-ға, ға-ғув, лип, лип-лип; ғир-ғир* каби;

14) турғун ва серистеъмол элементга айланган арабча ўзлашма сўзлар: *аввал, авлод, адаб, аёл, азиз, азоб, амма, анҳор, асар, аифот, вақт, давр, доим, завқ, зиёфат, иззат, илож, инсоф, исм, касал, мансаб, маслаҳат, машҳур, маҳкам, мактаб, китоб, қалам, шоир, насиҳат, нафас* каби;

15) турғун ва кенг истеъмол элементга айланган тоҷикча ўзлашма сўзлар: *анор, анжир, арzon, баланд, балки, барг, баҳт, баҳор, бева, бел, бемор, бодом, бозор, вайрон, гадо, гап, гилам, гулзор, гуноҳ, дараҳт, дарвоза, дармон, достон, даши, дев, девона, деҳқон, душанба, якшанба, сешанба, дӯст, пухта, рост, рӯза, рӯзгор, соя, сурма, тасма, тахта, ташна, умид, шӯх, хунар* ва б.

Ўзбек тилининг асосий луғат фондига кирувчи сўзларнинг асосий қисмини ўзбекча ва умумтуркий сўзлар ташкил этади. Асосий луғат фондига кирувчи сўзнинг кўпчилик учун тушунарли ва серистеъмол бўлиши лозимлиги шарти, бир қатор арабча ва тоҷикча сўзларни ҳам асосий луғат фондига киритиш учун асос бўлади. Асосий луғат фондига кирувчи сўзнинг кўп даврлардан бери маълум шаклда турғун ва кенг истеъмолда бўлиши лозимлиги шарти ўзбек тилидаги бир қатор қўшма сўзларни ҳам ушбу ядро-га қамрашга асос беради. Демак, ўзбек тили асосий луғат фонди-га кирувчи сўзларнинг структура жиҳатдан туб сўз бўлиши лозим-лиги шарти нисбийдир. Худди шунингдек, асосий луғат фондига кирувчи сўзнинг кенг тарқалган бўлишлиги, серистеъмоллиги, кўпчилик учун тушунарли бўлиши лозимлиги шартлари ҳам нис-бийдир. Чунки ҳозирги ўзбек тилидаги кўпгина русча ва интерна-ционал сўзлар (русча, папка, пальто, сентябрь, октябрь ва б.) келтирилган учала шартга жавоб беради. Шунингдек, келтирилган учта шарт у ёки бу сўз учун муайян даврдагина характерли бўлиши мумкин. Масалан, *юзбоши, мингбоши, хон, подшо* сўзла-ри Улуғ Октябрь социалистик революциясидан олдинги даврда асосий луғат фондига кирувчи сўзлар учун қўйилувчи барча шартларга жавоб берар эди ва ўша давр ўзбек тили асосий луғат фондига кирап эди. Аммо ҳозирда бу сўзларни кенг тарқалган актив сўзлар қаторига киритиб бўлмайди ва бу сўзлар ўзбек тили асосий луғат фондидан чиққан. Кўринадики, тилнинг асосий луғат фондини қандайдир қотиб қолган, абсолют турғун ҳодиса деб ту-шуниш тўғри бўлмайди. Асосий луғат фондининг турғунлиги лу-ғат составининг ҳолатига нисбатандир. Асосий луғат фонди тил луғат составидаги асрлар давомида шаклланган, кўп даврлар синовига бардош берган луғавий ядродир. Үндаги сўзларни ха-рактерловчи муҳим белгилар — қадимиийлик (сўзнинг ёшига кў-ра), турғунлик (функционал белгисига кўра), умумийлик (кўпчи-лик учун тушунарлилигига кўра) дир.

Ҳозирги ўзбек тилида кенг қўлланаётган ва актив лексика ҳи-собланувчи русча ва интернационал сўзлар мана шу интенсив-лик ва активлик туфайли вақт талабига жавоб бериб, ўзбек ти-линиг асосий луғат фондидан жой олиши мумкин. Русча-интер-национал сўзлар орасида ҳозирнинг ўзидаёқ анча стабил қўлла-

нувчи ва кўпчилик учун тушунарли бўлган сўзлар кўп. Бу маънода, айниқса, ўзбек тилида ҳозирда маҳаллий дублетга эга бўлмаган сўзлар истиқболлидир: *ручка, колхоз, совхоз, бригадир, машина, трактор, телевизор, радио, газета, журнал, самолёт, кино, стакан, костюм, газ, троллейбус, автобус* ва б.

Тилнинг асосий лугат фонди келтирилган асосларга кўра *актив сўзлар* тушунчасидан фарқланади. Активлик асосий лугат фондига кирувчи сўзларнинг белгиларидан биридир, холос. Тилнинг уёки бу қатламидаги сўзлар активлиги ушбу сўзларнинг норматив нуқтаи назардан *синхроник ҳолатини* ифодалайди. Асосий лугат фондидаги сўзларни актив дейиш эса, ушбу сўзларнинг ҳам *синхроник*, ҳам *диахроник* нуқтаи назардан активлигини кўзда тулади. Асосий лугат фондидаги сўз узоқ тарихий даврлардан бери тилда актив қўлланиб келган лексик бирлик ҳисобланади ва бу активлик унда турғун ва интенсив бўлади. Шундай қилиб, ўзбек тилининг асосий лугат фонди синхроник норма бўлган диахроник ҳодисадир. Шу туфайли ўзбек тилининг асосий лугат фонди синхроник аспект нуқтаи назаридан статик ҳолат бўлса, диахроник аспект нуқтаи назаридан динамик ҳодисадир.

АСОСИЙ ЛУГАТ ФОНДИННИГ ТИЛ ЛУГАТ СОСТАВИДАН ФАРҚИ

Ўзбек тилининг асосий лугат фонди бу тилнинг лугат составидан маълум хусусиятларга кўра фарқ қиласи. Асосий лугат фонди *ўзига хос лексик ядро* (система) сифатида баъзи характерли белгиларга эга. Бу белгилар, аввало, ўзбек тили асосий лугат фондига кирувчи лексемаларга қўйилувчи талабларда ифодаланса (биз буни юқорида кўриб ўтдик), иккинчидан, умуман, тил лугат фонди системасига хос умумий хусусият ва муҳим қонуниятларда ёрқин кўринади. Мана шу иккى хусусият ўзбек тили асосий лугат фондининг лугат составидан маълум белгиларга кўра фарқланишини юзага чиқарувчи омиллардир.

Асосий лугат фондини лугат составидан фарқловчи, ажратиб турувчи баъзи хусусиятлар тубандагилардир:

1. Ўзбек тилининг лугат состави бу тилда мавжуд бўлган барча сўзларни, лексик-семантик ҳодисаларни камрайди, тилнинг муайян даврдаги бутун лугавий бойлигини ўзида гавдалантиради. Ўзбек тилининг асосий лугат фонди эса тилдаги энг турғун, қадимий, универсал ҳамда серистеъмол сўзларнигина қамрайди. Лугат составига ўлик ёки эскирган сўзлар (архаизм ва историзмлар), маҳаллий диалектал сўзлар ва тор доира сўзлари билан профессионализмлар ҳам киради. Асосий лугат фондига эса бундай сўзлар кирмайди.

2. Ўзбек тилининг асосий лугат фонди унинг лугат составига нисбатан ҳажман кичик ҳодиса, кичик ядродир. Асосий лугат фондининг кичикилиги тилнинг лугат состави ҳажмига нисбатандир.

3. Тилнинг асосий луғат фонди ўзига хос ҳодиса, система бўл-сан ҳам, у ўзбек тили лексик системасидаги тамомила автоном ҳолат эмас. Тилнинг луғат состави улкан ва универсал ҳодиса си-фатнида асосий лугат фондига кирувчи элементларни ҳам ўз ичи-ги қамрайди. Бу маънода тилнинг асосий луғат фонди унинг луғат состави таркибига киради ва унда ўзига хос ўзак (ядро)ни таш-кил этади.

4. Асосий луғат фондига кирувчи сўзлар ўзбек тилида гапла-шувчи бутун ҳалқ учун тушунарли бўлади. Ўзбек тилининг луғат составида эса тор доирадагина тушунарли бўлган диалектизм-лар, профессионализмлар, шунингдек илмий терминология ҳам мавжуддир.

5. Ўзбек тилининг асосий луғат фонди ниҳоятда турғунлиги, кам ва жуда секин ўзгариши билан характерланади. Ундаги сўзлар кўп асрлар мобайнида бир хил ёки яқин маъноларда деярли ўхшаш ва яқин шаклларда қўлланиб келган сўзлардир: *ер*, *сув*, *ош*, *иш*, *тиш*, *қўл*, *оёқ*, *бош*, *қош*, *ёш* ва б. Луғат состави эса ўз ичига барқарор ҳодисалар билан бирга бекарор, тез ўзгарувчан ҳодисаларни ҳам қамрайди. Луғат составида тез пайдо бўлиб, тез истеъмолдан чиқувчи сўзлар ҳам бўлади. *Масалан*, *шуро*, *фирқа*, *кашиоф*, *жумҳурият* сўзлари. Луғат составида эндигина пайдо бўлган элементлар ёки истеъмолдан чиқиш арафасида турган лексемалар ҳам бор: *тема//мавзуу*, *идея//ғоя*, *автор//муаллиф*, *электрик//нурчи*, *электростанция//нурхона*, *метросоз//метроҷи*, *мехнаткаш//мехнатчи* ва б.

6. Ўзбек тилининг асосий луғат фонди луғат составининггина эмас, балки, умуман, миллӣ тил лексикасининг материал негизи, етакчи моддий базасидир. Асосий луғат составига кирган сўзлар тилда янги-янги сўзлар ясаш учун асосдир. Бу ясалмалар тил луғат составини бойитишга, тилни ривожлантириш ҳамда тил лексик нормаларининг умум учун тушунарли бўлиши, ҳалқчил базадан узилиб қолмаслиги учун хизмат қиласи.

7. Ўзбек тилининг асосий луғат фондидағи сўзлар социал та-лаб нуқтаи назаридан энг зарур сўзлардир. Бу сўзлар ҳалқ ижти-моий, сиёсий ҳаёти, кундалик турмуш ва маънавий дунёсининг барча соҳаларида кенг ва универсал равишда қўлланади. Ҳатто асосий луғат фонди сўзлари ўзбек тилидаги мавжуд услубларнинг барчаси учун ҳам умумийдир. *Масалан*, аниқ фанлардан матема-тика тилида тор илмий терминология билан бирга, бир қатор умумистеъмол сўзлари кенг қўлланганини кўрамиз: *айрилувчи*, *бўлувчи*, *ёйилма*, *йигинди*, *йўналтирувчи*, *камаювчи*, *оралиқ*, *чи-ма*, *чиғиқ*, *қўйшилувчилар*, *ўлчагич*, *ўлчов*, *чексиз*, *тўда* (гуруҳ), *зичлик*, *улуш* (доза), *ноаниқ*, *қарамлик//тобелик*, *ўзгармас*, *дои-мий*, *илдиз*, *илдиэли*, *чек*, *чегара* ва б.

Асосий луғат фондининг луғат составидан фарқли томонларга эгалиги бу икки ҳодисанинг бир-бираига тамоман зидлиги ёки тамоман бошқа-бошқа ҳодисалар эканлигини кўрсатмайди. Аслида тилнинг асосий луғат фонди ва луғат состави моҳият жиҳатдан

бир бутун ҳодиса — тил лексикасининг ўзига хос кўринишлари дир. Мана шу маънода ўзбек тилининг асосий лугат фонди ва лугат состави ўзаро муносабатда, чамбарчас алоқада бўлган системалардир. Улар ўртасидаги бу муносабат тубандаги ҳолларда ёрқин кўринади:

Биринчидан, юқорида қайд этилганидек, тилнинг асосий лугат фонди тилнинг лугат состави таркибига киради, унинг ажралмас, марказий (ўзак) ядросини ташкил этади. Тил лексикасининг ўзига хос хусусиятлари, миллий руҳи асосий лугат фондидаги сўзларнинг лингвистик табиатида намоён бўлади.

Иккинчидан, ўзбек тилининг асосий лугат фонди узоқ даврлардан бери объектив эҳтиёжлар талабига кўра лугат составини бойитиш манбаи бўлиб хизмат қўилмоқда. Асосий лугат фондидаги лексемалар, айниқса туб сўзлар янги сўзлар ҳосил қилиш учун база ҳисобланади: *иши — ишламоқ, ишчан, ишчи, ишбузар, ишёқмас, ишлов, ишловчи* каби.


Учинчидан, тил лугат состави ўзгариб, ривожланиб турувчи ҳодисадир. Лугат составидаги ўзгариш, ривожланиш ва бойиш тенденциялари, ўз навбатида, тилнинг асосий лугат фондига таъсир кўрсатади. Бундай таъсирнинг кўринишлари турличадир. Лугат составидаги асосий лугат фондига кирмовчи сўзлар ва янги пайдо бўлган лексемалар шароит тақозосига кўра тилнинг зарурӣ, турғун, универсал ҳамда актуал нормасига айланиши мумкин. Мана шундай сўзлар одатда тилнинг асосий лугат фондига ўтади. Ҳозирги ўзбек тилидаги кенг ҳалқ оммаси учун тушунарли бўлиб қолган, ўзбек тилининг барқарор лексик нормаларига айланниб бораётган кўпгина терминларнинг авваллар пассив бўлиб, ҳозирда актив қўлланаётган баъзи диалектал сўзларнинг ўзбек тили асосий лугат фондидан жой олишини кутиш мумкин. Мана шу асосда тилнинг асосий лугат фонди ўз доирасини лугат составидаги турғун, универсал, кенг истеъмол лексемалар ҳисобига кенгайтириб боради. Бундай кенгайиш ўзбек тили лугат составига ўзга тиллардан қабул қилинган янги сўзлар ҳисобига ҳам бўлиши мумкин. Қабул қилинган лексема: а) ўзбек ҳалқининг тарихи, ижтимоӣ ва маънавий ҳаёти билан зич боғлиқ бўлиб қолади;

б) ҳалқ оммаси орасида кенг тарқалади; в) кенг истеъмолдаги норматив бирликка айланади.

Натижада бундай сўзлар бора-бора ўзбек тили асосий лугат фондига ўрнашади. Демак, асосий лугат фонди лугат составининг бойиши учун материал база бўлгани каби, ўз навбатида тил лугат состави ҳам асосий лугат фондининг кенгайиши, ривожи учун моддий базадир.

Кўринадики, асосий лугат фонди аслида лугат составидан алоҳида бўлган, автоном ҳодиса эмас, балки тил лугат составининг узоқ давр тарихий ривожланиши маҳсули, унинг ўзига хос хусусиятларга эга бўла борган ўзагидир. Мана шу маънода ўзбек тилининг асосий лугат фонди ўзбек тили лугат составининг таркибий қисми, унинг асосини, ўзагини ташкил этувчи лексик-семан-

тик секторидир. Ушбу муносабатларни схемада шундай кўрсатиш мумкин.



Тилнинг асосий лугат фонди билан лугат состави орасидаги муносабат, уларнинг бир-бирига сўз алмашиш процесси оддийгина кўзга ташланиб турувчи жараён эмас. Бу жараён жуда мураккаб бўлиб, ўзбек тилининг ички тараққиёт қонуниятларига таянади.

ЎЗБЕҚ ТИЛИ ЛЕКСИКАСИННИГ ТАРИХИЙ-ЭТИМОЛОГИК ҚАТЛАМЛАРИ

Ҳозирги ўзбек тилининг лугат состави бу тилнинг сўз бойлиги, лексик-семантик системаси сифатида шаклланган, яхлит ҳодисадир. Ўзбек тилида ҳозирда мавжуд ва қўлланишда бўлган барча сўзлар, грамматик воситалар бу тилнинг ўзиники, унинг ўз бойлигидир. Аммо бу лексик бойлик ўзбек тилида бирдан юзага келган эмас. Ўзбек тили лугат состави мураккаб ривожланиш босқичларини бошидан кечирган. Илк даврларда у туркий қабила тиллари ва баъзи қадимий чет тилларнинг айрим лексик элементларини ўзида бирлаштирган ҳолатда бўлган бўлса, кейинчалик ўзбек тили лугат составига форс-тожик тилидан, араб тилидан, мўғул ва хитой тилларидан сўзлар қабул қилинган. Ўзбек тили лексикасининг Улуг Октябрь революциясидан кейинги совет давридаги ривожи бевосита буюк рус адабий тилининг баракали таъсири ва бу тилдан қабул қилинган кўплаб сўзларнинг ўзбек тили лугат составини мислсиз бойитгани ва бойитаётганлиги билан характерланади.

Тил лексикасининг тарихий ривожланиш ва шаклланиш хусусиятларини билиш учун тил лугат составидаги сўзларни тарихий-этимологик нуқтаи назардан ўрганиш, уларни **этимологик**

қатламларга ажратиш мумкин. Бу иш тил луғат составини илмий тушуниш, илмий анализ қилиш мақсадида амалга оширилади. Тил луғат составини тарихий этиологик, яъни сўзларнинг генетик манбаларига кўра анализ қилиш ўзбек халқи тилининг ўтмишда қандай қардош тиллар, шунингдек қардош бўлмаган чет тиллар билан алоқада ва ҳамкорликда бўлганини, бу тилда қайси тилларнинг таъсири мавжудлигини аниқлашга ҳам кўмаклашади. Пировардида, бундай изланишлар ўзбек тили луғат состави, грамматик қурилишининг тарихий ўсув йўлларини илмий тушуниш, пайқаш учун ниҳоятда муҳимdir.

Тил луғат составини тарихий-этимологик нуқтаи назардан текширганда, аввало тарихан, генетик жиҳатдан ўзбек тилининг ўзиники бўлган сўзлар белгилаб олинади. Бундай сўзлар ўзбек тиляда қадимдан мавжуд бўлган туркий сўзлардир. Бундай сўзлар ўзбек тили лексикасининг асосий негизини ташкил этувчи қадимий қатламдир. Сўнгра ўзбек тили тарихан қайси тиллар билан алоқада бўлганлигига қараб луғат составидан ўзга, яъни чет тилларнинг элементлари ахтарилади. Мана шу нуқтаи назардан, масалан, ўзбек тилининг луғат составидан қадимий уйғур тили, сўғд тили, хитой тили, араб тили, мўғул тили, форс-тожик тили ва бошқаларнинг элементларини ахтариш қонунийдир. Бу тиллар ўзбек тили луғат составига турли даврларда, турли даражада, турли йўллар билан таъсир этган. Шунга кўра, ўзбек тилига ўтган сўзларнинг сони ҳам турли даражададир.

Шундай қилиб, ўзбек тили лексикасини тарихий-этимологик нуқтаи назардан текшириш икки масалага қаратилади: а) ўзбек тили лексикасидаги ўз сўзларни белгилаш;

б) ўзбек тили лексикасидаги ўзлашган сўзларни белгилаш. Мана шу асосга кўра, ўзбек тили лексикасидаги сўзларни тарихий-этимологик нуқтаи назардан икки катта қатламга бўлиш мумкин:

1. Ўзбек тили лексикасидаги ўз қатлам.

2. Ўзбек тили лексикасидаги ўзлашма қатлам.

Ўз қатлам ҳам, ўзлашма қатлам ҳам, ўз навбатида яна конкрет қатламларга бўлинади.

Бирор сўзнинг ўз қатлам ёки ўзлашма қатламга мансуб бўлиши доимо конкрет ҳодисадир. Масалан, қўй, қўй(моқ), бош, бош(ламоқ) сўзлари ўз қатламга мансуб, чунки бу сўзлар — генетик нуқтаи назардан туркий тил сўзлари, демак, ўзбек тилининг сўзи. Шу учун бу сўз ўз қатламга мансуб. Аммо қалам, адабиёт, қалъа сўзлари ўзбек тилига араб тилидан кирган, шу туфайли бу сўзлар ўзлашма қатламга мансуб. Бундай ҳолатлар мунозарасиз илмий ҳақиқатдир. Лекин ўзбек тили лексикасида шундай сўзлар ҳам борки, улар ҳозирда қардош деб тушунилмайдиган икки хил системага мансуб тилларда учрайди. Чунончи, сийрэз (сийрақ), тайлаг (тайлоқ), танглай, томуу (тумов), элчин (элчи), эрт (эрта), хоҳ (кўй), хунжит (кунжут) сўзлари ўзбек тилида ҳам, мўғул тилида ҳам бор ва бу тилларда бир хил ёки яқин маъноларда

ишилатилади. Агарда мӯғул тили туркий тил, қардош тил деб ту-шунинганида келтирилган сўзлар умумтуркий лексик қатламга мансуб бўлар эди. Лекин ўзбек ва мӯғул тиллари бошқа-бошқа системага мансуб тиллар деб қаралади. Қайд қилинган тип сўзларни мӯғул тилидан ўзбек тилига қабул қилинган ёки аксийча туркий тиллардан мӯғул тилига ўтган, қабул қилинган деб бўлмайди. Бундай холосага келиш учун чуқур илмий тадқиқот ишлари олиб бориш лозим бўлади. Шу сабабли юқоридаги сўзлар тил шуносликда ўртоқ сўзлар, туркча-мӯғулча параллеллар деб аталмоқда. Демак, ўзбек тили лексикасида ўртоқ сўзлар қатлами ҳам мавжуддир.

Шундай қилиб, ўзбек тили лексикасида қуйидаги қатламлар мавжуд: ўз қатlam, ўзлама қатlam, ўртоқ сўзлар қатлами.

Ўз қатlam

Ўзбек тили лугат составида^{*} тарихан қадимги даврлардан бери мавжуд бўлиб келган кўпгина туркий сўзлар мавжуд. Генетик жиҳатдан қадими туркий уруғ ва қабила тилларининг лексик бойлиги ҳисобланган бундай сўзлар ҳозирги туркий тилларнинг кўпчилигида бор бўлиб, улар бу тилларнинг умумий лексик бойлигини ташкил этади.

Ўзбек тилидаги умумтуркий сўзлар структура жиҳатдан: туб сўзларни (*йт, ўч, беш, ўн, ўқ, қиз, қош, бош, эш, қуш*); аслида (тарихан) ясама бўлса-да, ҳозирда бир сўз, бир ўзак деб қаралувчи содда сўзларни (*қазноқ, ўпқон, қалин, бурун, қаттиқ, этак, ўқлов, ялов, чўтирип, чумчук, чучук, учқун, тўйқсон, тўйғиз, тўйғич, тўпик*); келтирилган икки группа сўзлардан ясалган ясама, қўшма ва жуфт сўзларни (*айирма, айғоқчи, безак, белгиламоқ, беткай, бешов, ботқоқ, боғламоқ, боғлам, боғич, боғлагич, боғлоқли; бўййисар, бўйинбоғ, довюрак, итқовун, кунчиқар, кўктош, очкўз; аралаш-қуралаш, атак-чечак, аччиқ-чучук, бола-чақа*) ўз ичига олади.

Умумтуркий лексика генетик жиҳатдан барча туркий тиллар учун умумий бўлса-да, бу лексика негизида ҳар бир туркий тилда кейинчалик ҳосил қилинган оригинал сўзлар мавжуд бўлиши мумкин. Мас., ўзбек тилида бошланғич, белгили, ёлланма (*мехнат*), топшириқ, ютуқли (*омонат*), ёнилғи, ёқилғи, пуркагич, ишхона сингари ўзбек тилининг ўзига хос сўзлари мавжуд.

Ўз қатlam лексикаси фақатгина генетик жиҳатдан туркий бўлган сўзлардангина иборат эмас. Ўзбек тилининг сўз ясаш системаси янги сўзлар ҳосил қилишда ўзбек тилига бошқа тиллардан кирган сўз материалидан ҳам фойдаланади. Ўзбек тили лексикасининг узоқ давр тарихий тараққиёти давомида чет тилдан кирган сўзларга ўзбекча аффиксларни қўшиш орқали кўпгина сўзлар

* Бу бўлмани ёзишда тилшунослардан Н. А. Баскаков, Ф. Қамолов, И. А. Батманов, Г. Айдаров, Г. Мусабоев, Б. М. Юнусалиев, С. Иброҳимов ва бошқаларнинг ишларига мурожаат қилдик — Э. Б.

ҳосил қилинган: *абгорлик*, *авжланмоқ*, *авжли*, *адллик*, *адабиётчи*, *адолатли*, *душманлик*, *заҳарли*, *шафқатсиз*, *қаламча*, *ҳажвчи*, *ҳаётчилик* каби. Мана шу усулда сўз ясаш ҳозирги ўзбек тилида анча сермаҳсулдир: *тракторчи*, *почтачи*, *планли*, *планлаштириши*, *никелламоқ*, *нефтчи*, *кислотали* ва б.

Келтирилган ясалишнинг аксича янги сўз ҳосил қилиш учун ўзлашма сўз эмас, ўзлашма элементлардан фойдаланиш мумкин: *авиобўлинма*, *авиопуркагиҷ*; *автойўл*, *автосуғорғиҷ*, *автотебраниши*, *автотиркагиҷ*, *автоулагиҷ*; *агроўрмон*, *агроўрмончилик*, *агроўпроқ*, *беши*, *бешилик*, *бебош*, *бекуч*, *бейрин*, *ноўрун*, *нотўғри*, *бадқилик*, *нотайин*, *нотаниши*, *нотекис*, *нотинч* каби. Чет тил морфемаси орқа қўшимчадан иборат бўлиши мумкин: *ўзитгўй*, *яғриндор*, *яроғсоз*, *яроғхона*, *ўйинбоз*, *ўймакор*, *ўлкашунос*, *ўрикзор*, *олмазор*, *ўртамиёна*, *ўтзор*, *ўтиинфуруши*, *қалпоқдўз*, *қамоқхона* ва б.

Ўзбек тили грамматик қурилиши негизида, ўзбек тилининг ўзида турли даврларда ҳосил қилинган сўзлар ўз қатламга киради. Чунки бундай лексемалар, гарчи чет тил сўзлари базасида яратилса-да, ўзбек тилининг ўзида ясалган, бу тилнинг қонуний ривожланиш маҳсулидир.

Шундай қилиб, ўзбек тилининг ўз қатлами: а) умумтуркий сўзлардан; б) умумтуркий сўзлардан ясалган ўзбекча сўзлардан; в) чет тил элементи негизида ўзбек тилининг ўзида, ўзбекча аффикслар қўшиб ясалган сўзлардан; г) ўзбекча сўзларга чет тиллардан ўзлашган қўшимчалар қўшиш орқали ҳосил қилинган сўзлардан иборатdir.

Умумтуркий сўзлар

Ҳозирги ўзбек адабий тили ва ўзбек тили шеваларида қўлланувчи сўзларга назар ташланса, унда қадимий даврларга оид бир қатор сўзларнинг борлигини кўрамиз. Ҳозирги ўзбек тилидаги қадимий сўзлар, айниқса туркий тилларнинг VI—VII асрларга оид ёзма обидалари ва тарихий туркий манбаларга доир асарлар, уларнинг тили асосида тузилган луғатлар, глоссарийларни ва рақлаганда кўзга яққол ташланади. Чунончи, VII асрга оид «Ўрхун ёдномалари» ва «Қирғизистон ва Мўғулистон ёдномалари» деб юритилувчи қадимий туркий ёдгорликлар тилида учровчи кўпгина сўзларнинг ўзбек тилида ҳозирда ҳам қўлланишини қайд этиш мумкин. Чунончи:

Қариндошлиқ, яқинлик англатувчи сўзлар: *ата* (*ота*), *апа* (*она*), *ақа*, *еке* (*ака*, *кatta қариндош*), *ер* (*эр* — муж, *эр* — довюрак) *ини* (*ини*), *келин* (*келин*), *қатун* (*хотин*), *қызы* (*қиз*), *оғул* (*ўғул*), *сіңіл* (*сингил*) ва б.;

Организм ва унинг мучаларини англатувчи сўзлар: *адақ*, *адағ* (*оёқ*), *арқа* (*орқа* — елка маъносида), *богаз* (*бўғиз*), *баш* (*бош*), *бод* (*бўй*), *йан* (*ён* — биқин маъносида), *йанак* (*ёноқ*), *каңул* (*кўнгул*), *көз* (*кўз*), *қилғақ* (*қулоқ*), *сунук* (*сүяк*), *сач* (*соҷ*), *од* (*ўт*), *тіз* (*тизза*), *тыл* (*тил*), *қан* (*қон* — русча кровь маъносида) ва б.;

Вақт, муддат, фасл тушунчасини ифодаловчи сўзлар: *ай* (*ой*),

йил (éз), *йыл* (йил), *кун* (кун, қуёш), *күз* (куз), *қыш* (қиши), *таң* (тоңе), *түн* (тун) ва б.;

Табиат ва табиат ҳодисалари номи: *йер*, *йир* (ер), *йол* (йўл), *қар* (кор), *суб* (сув), *тағ* (тоғ), *қум*, *таш* (тош), *от* (ўт), *өрт* (ўрт > ўт — олов маъносида), *чол* (чўл), *ығач* (ёғоч/дараҳат) ва б.;

Қазилма бойликларни англатувчи сўзлар: *алтун* (олтин), *кумус* (кумуш), *темир* (темир), *кемур* (кўмир) ва б.;

Ҳайвон ва қушларнинг номлари: *адғир* (айғир), *ат* (от), *барс* (йўлбарс маъносида), *буқа* (буқа), *йылқы* (йилқи), *кийик* (кийик), *тай* (той), *тақығ* (төвук), *қаз* (ғоз), *ыт* (ит) ва б.;

Бошпана ва турмуш билан боғлиқ сўзлар: *агыл* (огил), *қорган* (қўргон), *кедим* (кийим), *бітіг* (битик — хат, ёзув маъносида, солиширинг: хат битмоқ) ва б.;

Ижтимоий-сиёсий ҳаёт ва ҳарбий тушунчалар билан боғлиқ сўзлар: *ел*, *ил* (эл), *бай* (бой), *бег* (бек), *йурт* (юрт — мамлакат маъносида), *қаган* (хоқон), *иди* (эга — хўжайин маъносида), *қул* (қул), *йағы* (ёв), *буйруқ* (буйруқ), *йадағ* (яёв — пиёда маъносида), *уруш* (уруш), *өқ* (ўқ) ва б.;

Абстракт ва бошқа хил тушунчалар номи: *ақ* (онг), *буң* (мунг), *булғанч* (булғанч — булгаш, бузиш маъносида), *йаруқ* (ёруғ), *куч* (куч), *қут* (бахт маъносида), *теңрі* (тангри), *тарқанч* (тарқоқ маъносида), *топ* (тўп), *сан* (сон — ҳисоб маъносида), *сөз* (сўз), *у* (уйқу — туш маъносида);

Ранг билдирувчи сўзлар: *ақ* (ок), *боз* (бўз), *йашыл* (яшил), *кек* (кўк), *қара* (қора), *қызыл* (қизил), *сарығ* (сариқ), *торғи* (тўриқ) ва б.;

Хусусият ва хосса англатувчи сўзлар: *бедук* (буюк), *йинчке* (ингичка), *йуйқа* (юқа), *йоган* (йўғон), *кіңіг* (кичик), *қалун* (қалин), *қысса* (қисқа), *улуг* (улуг), *узун* (узун), *агыр* (огир), *аҷ* (оч — голодный), *арық* (ориқ), *йасы* (яси), *йалаң* (яланғоч), *йаңы* (янги), *йумчақ* (юмшоқ), *қары* (қари — кекса маъносида), *қарығ* (қаттиқ), *семіз* (семиз), *тіріг* (тирик), *тоқ* (тўқ), *бар* (бор — сув маъносида), *йоқ* (ўқ) ва б.;

Таъм англатувчи сўзлар: *сучіг* (сучук — ширин маъносида) асуу (аччиқ) ва б.;

Ҳаракат, ҳолат ва нутқ феъллари: *атлан* (отлан, отланмоқ), *йолик* (йўлиқмоқ), *йигур* (югур), *аңла* (англа), *бол* (бўл, бўлмоқ), *йат* (ёт), *йет* (ет), *йоры* (йўритмоқ, йўрғаламоқ), *йул* (юл, юлмоқ), *себін* (севин), *уз*, *(уз, узмоқ)*, *аҷ* (оч, очмоқ), *ет*, *іт* (этмоқ), *бар* (бор, бормоқ), *кир* (кир, кирмоқ), *кеч* (кечмоқ), *кел* (келмоқ), *бін* (минмоқ), *йел* (ел, елмоқ — елиб юриси), *йығ* (йифмоқ), *йуз* (сузмоқ), *бэр*, *бір* (бермоқ), *бас* (босмоқ), *қач* (қочмоқ), *қыл* (қилмоқ), *қыс* (қисмоқ), *тез* (тег), *тус||туш* (тушмоқ), *уч* (учмоқ), *ай* (айтмоқ), *сана* (санамоқ), *те*, *ті* (демоқ), *топла* (тўпламоқ), *есід* (әшиятмоқ), *біл* (бilmоқ), *көр* (кўрмoқ), *сақын* (соғин, соғинмоқ — уйлаш, қайғириш маъносида), *сөк* (сўкмоқ — ажратиш маъносида), *тіле* (тилаш), *туй* (туймоқ — билиш, тахмин қилиш), *өтун* (ўтимоқ — ўтиниб сўраш) ва б.;

Урин, жой англатувчи сўзлар: *анта* (анда, у ерда), *атыз* (атиз — экин даласи), *йёгёру* (юқори), *коды* (қуий), *курбан* (қўрғон), *курыја* (қуийга, орқага), *кідін* (кейин, орқа), *тәгрә* (тегра), *ўзә* (узра — устида, тепасида маъносида);

Сон, миқдор англатувчи сўзлар: *алтмыс* (олтмиш), *алты* (олти), *әкі* (икки), *әнінші*, *акінч* (иккинчи), *älig* (эллиг), *біш*, *біс*, *бäs* (беш), *башінші* (бешинчи), *бің-бың* (минг), *бір* (бир), *бісінч* (бешинчи), *ігірмі* (йигирма), *аз* (оз), *коп* (күп), *артук* (ортиқ), *барча* (барча), *бары* (бари), *ікінші* (иккинчи), *յәгірмінч* (йигирманчи), *jeti* (етти), *јәтмыс* (етмиш), *jetінчі* (еттинчи), *јуз* (юз), *коп* (күп), *кырк* (қирк), *мің* (минг), *он* (үн), *онунч* (үнинчи), *отуз* (ўттиз), *сан* (сон), *сансыз* (сонсиз), *сәкіз* (саккиз), *саккізінч* (саккизинчи), *сәксән* (саксон), *токузынч* (тўққизинчи), *токуз* (тўққиз), *төрт* (тўрт), *тортунч* (тўртинги), *ўч* (уч), *ўчагү* (уччалови). *учинч* (учинчи) ва б.;

Қасб, ҳунар англатувчи сўзлар: *аб* (ов), *абла* (овла, овламоқ), *кобузчи* (қубизчи) ва б.;

Олмошлар: *аны* (ани, уни), *анар* (анга, унга), *біз* (биз), *бу* (бу), *маңа* (менга), *мәні* (мени), *ол* (ул — у маъносида), *өз* (ўз, ўзи), *өзі* (ўзи), *сән* (сен), *сіз* (сиз) ва б.;

Этнонимлар: *қыбчак* (қипчоқ), *офуз* (ўғиз), *татар*, *тәзік* (тожик); *тўрк* (турклар), *уйғур* (ўйғур) ва б.

Хозирги ўзбек тили лексикасининг туркий асослари қадимий давларга бориб тақалади. Чунки туркий обидалар тилида учровчи сўзлар бу обидалар эгаси бўлган туркий уруғ ва қабилалар тилида VII—VIII асрлардан жуда кўп даврлар аввал ҳам мавжуд бўлган.

Туркий сўзларнинг ўзига хос муҳим хусусияти уларнинг деярли барча туркий тилларда учрашидир. Бошқача айтганда, қадимий туркий лексикасининг асосий негизини ташкил этувчи, энг актуал ва ҳаётий сўзлар барча туркий тиллар лексикаси учун умумийдир. Туркий сўзларнинг бир қатор туркий ҳалқлар тилларида мавжудлиги ва асрлар давомида бу тилларда қўлланиб келгани, ҳозирда ҳам сақлангани туркий тиллар лексикасида умумийликни, ўхшашликни, яъни ўхшаш луғат фондини юзага келтирган. Мас, *иш*, *оиш*, *бош*, *қўйл*, *қўй*, *ер*, *кўз*, *кун* каби кўплаб туркий сўзларни қозоқ, қирғиз, қорақалпоқ, уйғур, татар, озарбайжон ва туркман тилларида ҳам учратиш мумкин. Туркий тиллардаги ўхшаш, умумий лексик фонд бу тилларнинг ҳар қайсисининг ўз сўзи, ўз сўз бойлигидир. Бирор сўзнинг икки ёки ундан ортиқ туркий тилда учраши бу лексеманинг уларнинг бирортасидан иккинчи сига қабул қилинганини кўрсатмайди. Бундай умумийликнинг сабаби туркий тилларнинг аслида бир манбага, бир генетик асосга алоқадор эканини, уларнинг луғат фонди қадимда ягона манбага тааллуқли бўлганини кўрсатади. Демак, умумтуркий лексиканинг муштараклиги тарихий-генетик умумийликдир. Шуниси ҳам борки, сўзнинг умумий мулклик белгиси туркий лексикани белгилаш учун ягона ва асосий мезон бўла олмайди. Чунки бундай мушта-

рак сўз ўзлашган элемент бўлиши ҳам мумкин. Масалан, бир қатор туркий тилларда араб, форс-тожик, мўғул тилларидан ўзлантирилган шундай сўзлар бор (бунга кейинчалик маҳсус тўхтаимиз).

Туркий сўзларнинг умумийлиги синхроник жиҳатдан белгиланимайди. Масалан, баъзи туркий тилларда учровчи туркий сўз ҳозирги ўзбек тилида учрамаслиги мумкин. Бу ҳол ўша сўзнинг муштараклигини инкор этмайди. Чунки бу сўз ўзбек тилидан ўтмишда чиқиб кетган бўлиши эҳтимол. Чунончи, ариғ (покиза, тоза маъносида), битик (ёзув, мактуб), ёзи (дашт, чўл), ёғлиф (рўмолча), илдирим (яшин, чақмоқ), туз (тўғри, рост), усрук//эсрлик (маст), чекмак (кўп маъноли сўз), эв (уй), эмгак (мехнат), ўтмак//этмак (нон), қурдош (ёндош, тенг ёшдаги), ал//эл (қўл) сингари бир қатор сўзлар ҳозирги ўзбек адабий тилида учрамайди. Бу сўзлар озарбайжон, туркман, бошқирд, татар тилларида ҳозирда ҳам мавжуд.

Туркий сўзларнинг муштараклиги туркий тиллар уруғ ва қабила тиллари ҳолатидаги даврда кучли бўлган. Кейинчалик мустақил, ўзаро фарқли туркий тиллар шаклланиши ва уларнинг мустақил ривожланиш ўйлига ўтиши билан бу тиллар орасидаги муштараклик камая борган. Бундай қонуниятнинг учта муҳим сабабини кўрсатиш мумкин.

1. Ҳар қайси туркий тил ўз ички қонуниятлари асосида ривожланди, натижада туркий сўзлар ҳар қайси туркий тилнинг ўзига хос фонетик, грамматик, лексик-семантический талабларига бўйсундирилди.

2. Туркий халқларнинг ҳар қайсиси ўзига хос ҳаёт тарзи, хўжалиги, маънавий-маданий турмушига эга бўлди. Бу ҳол улар тили лексикасида қадимда умумий тарзда қўлланган маълум гурӯҳ сўзларнинг актуал бўлишини, маълум гурӯҳ сўзларнинг эса пассив қўлланниши ва ҳатто тилдан чиқиб кетишига олиб келди. Бу ҳол туркий тиллар лексикасида қонуний равишда баъзи фарқларни туғдирди.

3. Туркий тилларнинг бошқа тиллар билан алоқаси, чет тилларнинг ҳар қайси туркий тилга таъсири, бу таъсирининг хусусияти, даражаси ҳам турлича бўлди. Масалан, баъзи туркий тиллар араб, форс-тожик тили билан бевосита тўқнашмади ёки кам алоқада бўлди ёхуд бундай алоқа бошқа бир туркий тил орқали юз берди. Баъзи туркий тилларга эса (мас. ўзбек тилига) араб ва форс-тожик тилларининг таъсири кучли бўлди. Натижада ўзбек тилида қадимда қўлланган баъзи умумтуркий сўзлар ўрнида кейинчалик адабий тилда арабча ёки форс-тожикча сўзлар қўлланниши одат тусига кирди (62-бетдаги жадвалга қаранг).

Умумтуркий лексика ўз бошидан маълум ривожланиш, ўзгариш ва шаклланиш босқичларини кечирган. Умумтуркий лексиканинг ривожи хусусиятлари ҳозирги ўзбек тили лексикасига қиёсланса, тубандаги баъзи қонуниятлар белгиланади:

1) туркий тилларда қадимдан мавжуд бўлган бир қатор сўзлар ўзбек тилида ҳозир ҳам бир маъно ва шаклда қўлланмоқда. (63-бетдаги жадвалга қаранг);

2) туркий тилларда қадимдан мавжуд кўпгина сўзлар ҳозир ўзбек тилида бор, аммо ўзбек адабий тилида баъзи фонетик ўзгаришлар билан қўлланади (64-бетдаги жадвалга қаранг).

Сўзларниң келтирилган фонетик шакллари ўзбек адабий тили учун норма ҳисобланмаса ҳам, улар ўзбек халқ шеваларида ана шаклларда учрайди;

3) туркий тилларда қадимдан мавжуд бўлган баъзи сўзлар ҳозирги ўзбек адабий тилида қўлланмайди: ағы —хазина, ноёб

Қадимий ёдномалар тилида	Ҳозирги ўзбек тилида
будун	халқ
қопу	эшик, дарвоза
битик	хат, мактуб
учмоқ	жаннат
тамуғ	ҳамма, барча.
учуз	арzon
эрүн	равшан, ёруғ
айғучы	маслаҳатчи
су	аскар, лашкар
акун	тажовуз (набег)
акы	саҳоватли, ҳимматли
ағы	мулк, ҳазина, давлат
агғучы	маслаҳатчи
алыч	муваффақият, зафар
бөгу	қаҳрамон, мард
бод	мустақил
бөд	тахт
булғақ	саросима, гулгула
булон	асир (тутқун)
ерен	қаҳрамон, мард, жасур
ердем	шұхрат
ицез	мужмал, лоқайд ва б.

нарсалар (СДЕ, 206); адынчығ — различный (ЯО, 355); аз — этноним (ЯОП, 83); алқын — ослабеваться, уменьшаться (ДТД, 59), алығ — добыча (СДЕ. 208); алук (СДЕ, 208) — печальный, угрюмый, анчула — присваивать звание (ЯОП, 83); ағы — имущество (ЯОП, 83); ағры — творить (ЯО, 355); ағғучы — маслаҳатчи (ЯО, 355); аты — набира; жиян (СДЕ, 210); ашну — аввал, олдин (СДЕ, 211); анығ — аҳмақона, қаҳрли (ЯО, 355); ар — мафтункор, алдоқчи (ЯО, 355); армақчи — алдоқчи (ЯО, 355); арқыш — карвон, элчилик (ЯОП, 83); аргу (ЯО, 355) қабила; асығ — фойда (ДТД, 32); аз — қабила (ЯО, 356); атғыл (ДТД, 71) — ўқчи; битиг — хат (СДЕ, 215); будун — халқ (СДЕ, 216); билге — дошишманд (ДТД, 86); берт — совға, тұхфа (ДТД, 86); булуң — бурчак (ДТД, 86); бага||бага — титул (ДТД, 33); баз —

Қадимий түркій обидалар тилида	Хозирги ўзбек тилида	Мәтъноси
шыл (СДЕ, 206) ¹ ида, ата (ЯДП, 196) ² идаш//адас (СДЕ, 206) аз (ЯОП, 83) ³ ий (СДЕ, 206) айыд (ЯО, 355) ⁴ ал (ЯОП, 83) алп (ДТД, 158) ⁵ алты (ДТД, 59) алтмыш (СЛЕ, 207) анта//анда (ЯО, 355) андаг//андак (ЯО, 355) агыр (ЯДП, 83) ана (СДЕ, 28) аңла (СЛЕ, 209) апа (СДЕ, 209) арт (СДЕ, 209) ат (СДЕ, 210)	орил ада, ота адаш оз ой айт(моқ) ол(моқ), ол(қизил) алп олти олтмеш анда (у ерда) андоқ офир она англа(моқ) опа орт(моқ) от	загон для скота отец товарищ, друг мало луна говорить, признать брать, алый герой шесть шестьдесят там такой тяжелый мать узнать, понять мать, старшая сестра множиться 1) имя, 2) стрелять, 3) конь
арқа (ЯО, 355) ақ (ЯО, 355) артық (ЯО, 355) арық (ЯД, 355) ас, аш (ЯО, 356) ат (ЯЭ, 356) атлан (ЯО, 356) аз (ЯО, 356) азуқ (ЯО, 356) ач (ЯО, 356) аш, ас (ДТД, 32) таш (ДТД, 71) эт (ДТД, 71) атаг (СДЕ, 210) бол (СДЕ, 215) бу (СДЕ, 215) бери (СДЕ, 215) биз (ДТД, 86) бил (ДТД, 86) бер (ДТД, 86) бай (ЯО, 356) бар (ЯО, 357)	орқа оқ ортиқ арриқ аш от отлап(моқ) оз озиқ//озуқа оч(моқ) опи таш эт(моқ) атоқ//атог бўл(моқ) бу бўри биз бил(моқ) бер(моқ) бой бар	спина белый излишек тощий переходить лошадь сесть на лошадь мало корм открывать пища камень делать известность, знатный быть, стать это воли мы знать давать богатый, богач, и др. 1) есть, иметь; 2) оп- равляться; 3) иму- щества
бар (ЯОП, 84) барча (ЯО, 3-7) бары (ЯО, 357) бас (ЯО, 357) бат (ЯДП, 198)	бор(моқ) барча бари бос(моқ) бот(моқ)	ходить, пути все все давить, теснить 1) погружаться, садить- ся (о солнце), 2) быст- ро, быстрой
башла (ЯО, 357) бел (ЯДП, 199) бер (ЯДП, 199)	бошла(моқ) бел бер(моқ)	начинать поясница давать

¹ СДЕ.—Батманов И. А. Арагачи З. Б. Бабушкин Г. Ф. Современная и древняя Енисенка. Фрунзе, 1962.

тинч, осойишиша (ЯОП, 84); балбал — ёдгорлик, тош ёдгорлик (ЯО, 356); балық — шаҳар (ЯО, 356); балықлық — шаҳарлик (ЯО, 357); бан — боғлаш, кийши (ДТД, 33); барқ — уй, бинс (ЯО, 357); барыг — юриши (ДТД, 33); басмыл — қабила номи

Қадимий туркий обидалар тилида	Ҳозирги ўзбек тилида
аб (ЯДП, 196)	ов
абла (ЯО, 35)	овла (моқ)
ага (ДТД, 32)	оға (ака)
агла (ДТД, 32)	йигла (моқ)
адыр, адырыл (СДЕ, 206)	айрим, айрил
адғыр (ЯОП, 83)	айғир
ак (СДЕ, 207)	оқ
алтмыс (ДТД, 59)	олтминш
алтун (ДТД, 59)	олтин
амты (ЯО, 355)	энди
анча (ЯО, 355)	қанча
ти, те (ДТД, 71)	де (гин)
бирле (СДЕ, 214)	бирла
буға (СДЕ, 216)	буқа
бунта (СДЕ, 216)	бунда
бун (СДЕ, 214)	мунг
бег (ДТД, 86)	бек
бекінгү / (ДТД, 86)	мангу
бес (ДТД, 86)	беш
бұт (ДТД, 86)	бит (моқ)
ба (ЯДП, 198)	богла (моқ)
байрағ (ЯО, 356)	байроқ
бен//бан (ДТД, 33)	мен
бана (ЯО, 357)	менга (манга)
барс (ДТД, 34)	йўлбарс
барзун (ЯО, 357)	борсин
баз//бас//баш (ДТД, 33, 34, 35)	бош
батур (ДТД, 34)	ботир
бедук (ЯО, 357)	буюк
белгу (ЯО, 357)	белги
бес (ЯО, 357)	беш

(ЯО, 357); байт — ёмон, аҳмоқ (ЯО, 357); бедіз, бедізчи — безак, безакчи (ЯО, 357); белтір — ирмоқ, дарё тармоғи (ЯО, 357); бенкызыз — 1) қарашиб; 2) қайғу (СДЕ, 213); бергеру — жанубга, ўнгга (ЯО, 357) ва б.;

4) умумтуркий сўзнинг қадимий маънолари ҳозирги давр ўзбек адабий тилида торайган ёки кенгайган ҳолда учрайди:

² ЯДП.— Батманов И. А. Язык енисейских памятников древнетюркских письменностей. Фрунзе, 1959.

³ ЯОП.— Айдаров Г. Язык орхонского памятника Бильге-Қагана. Алма-Ата, 1966.

⁴ ЯО.— Айдаров Г. Язык орхонских памятников древнетюркских письменностей VIII века. Алма-Ата, 1971.

⁵ ДТД.— Древнетюркские диалекты и их отражение в современных языках. Фрунзе, 1971.

Сўзнинг қадими маъноси	Сўзнинг ҳозирги ўзбек тилидаги маъноси
ач—1) раҳмидиллик, марҳамат; 2) оч, оч қолган. (СДЕ, 210)	оч—оч, оч қолган
бағыр—1) печень; 2) медь; 3) зрячий (ЯДП, 198)	бағир—печень
бат—1) погружаться, садиться (о солнце), 2) быстро, быстрый	бот/моқ
буйурук—1) приказ 2) чин	буйруқ
илт—1) олиб юриш, кийиб юриш; 2) ҳомиладор бўймоқ (СДЕ, 217)	элт (моқ)—олиб бўрмоқ
йел—1) ветер, 2) ехать рысью; 3) грава.	ел—шамол, елиб юрмоқ
агыш (ЯДП, 196)—восхождение	огиш, оғ (моқ)
аз, азы—быть глухим, не видеть (СДЕ, 206)	оз, оз (моқ)—1) ақлдан озмоқ; 2) йўлдан озмоқ.
аҷ—1) открывать, 2) печаль	1) оч (моқ), 2) оч (оч қолган);

5) қадимги умумтуркӣ сўзнинг эски ва янги (ҳозирги) маънолари тамоман фарқланади. Солишириинг:

Сўзнинг қадимги эски маъноси	Сўзнинг янги маъноси
ағ—чиқиш, кўтарилиш (ЯОП, 83)	оғмоқ—1) қуламоқ, оғмоқ; 2) эгилмоқ, букилмоқ.
асра—пастда, пастликда	асра—асра (моқ), сақламоқ
әрқин—князлар титули (ЯО, 356)	—эркин—хур, озод
иҷи—старший брат, старший родственник (СДЕ, 218)	аҷа—отаси, ўрганинг хотини (қарнок)
иҷи, иҷе—ака, оға (ДТД. 85)	эгачи—катта ола
йаз—баҳор (ЯОП, 85)	ёз—лето
қалын—кўп (ДТД, 50)	қалин—қалин, туташ
суз—безак (ДТД, 65)	суз—сузмоқ (итармоқ); суз—сувда сузмоқ; суз—майни сузмоқ (чоғ, кўзини сузмоқ)
тезгин—қамал қилиш, ўраб олиш (ДТД, 71)	тизгин—от тизгини; сафга солмоқ; тизмоқ

Ўзбек адабий тили ўз тарихий тараққиёти давомида мустақил равишда, ўз ички қонуниятлари асосида ривожланган, тарихан турли тиллар билан тўқнашган. Натижада ўзбек адабий тили ўзининг қадими туркий негизидан луғат состави нуқтай назаридан маълум даражада узоқлашган, ўзига хос бўлиб қолган. Туркий тилларнинг ҳар қайиси кейинчалик мустақил ривожланиш йўлини босиб ўтгани бу тиллардаги тарихан умумтуркӣ бўлган лексик бойликнинг ҳозирги ҳар бир туркий тилда фарқли фонетик шаклларда яшаётганида ҳам кўринади. Чунончи солишириинг (66-бетдаги жадвалга қаранг):

Ўзбек тилидаги қадими умумтуркӣ лексик фонд асрлар давомида маълум ўзгаришларга учради. Ўзбек тилидаги баъзи

Тиллар

ўзбек тили	қарақалпоқ тили	қыргиз тили	уйғур тили	озарбайжон тили	татар тили	туркман тили	қозоқ тили
агна	аўна	аадар	егинаш	агнамаг	ауна	—	аунау
багир	баўыр	боор	бегир	бағыр	бавыр	бағыр	бауыр
биз	биз	биз	биз	биз	без	биз	біз
бор (мок)	барыу	баруу	ба(р) мақ	бармақ	бару	бармак	бару
бор	бар	бар	ба (р)	вар	бар	бар	бар
бос (мок)	бысыў	басуу	басмақ	басмаг	басу	басыш	басу
бүйрак	бүйрек	бөйрек	бөрек	бөйрек	боер	бөврек	бүйрек
бўй	бой	бой	бой	бой	бўй	бой	бой
ер	жер	жер	йэ (р)	ер	жир	ер	жер
етти	жети	жети	йетти	едди	жиде	еди	жеті
ёзмоқ	жазыў	жазуу	йезиш	язмаг	язу	яз (мак)	жазу
ёл	жал	жал	ял	ял	ял	ял	жал
ёлғиз	жалғыз	жалғыз	ялғуз	ялғыз	ялғыз	ялғыз	жалғыз
ёт (мок)	жатыў	жатуу	ят (йат)	ятмаг	яту	ят (маг)	жату
ёш	жас	жаш	яш (йаш)	яш	яшъ	яш	жас
икки	еки	эки	икки/ики	ики	ике	ики	екі
ич	иш	ич	ич	ич	әч	ич	іш
иш	ис	иш	иш	иш	әш	иши	іс
йил	жыл	жыл	жил	ил	ел	йыл	жыл
йиғла (мок)	жылау	ыйлао	жығлаш	агламаг	елау	агламак	жылау
йўл	жол	жол	йол	йол	юл	ёл	жол
йўқ	жоқ	жоқ	йоқ	йох	юқ	ёк	жоқ
кел (мок)	келиў	кел	кэлиш	кэлмәк	килу	гилмек	кету
Кеч (мок)	кесиў	кечүү	кечиш	кечмаг	кичү	гечиш	кешү
кий (мок)	кийиў	кийүү	кийиниш	кийин- мак	киендеру	гейши- мек	кию
куз	гүз, гүзек	күз	куз	[пайыз]	көз	гүйз	күз
кул (мок)	кулиў	кулүү	кулуш	кулмәк	көлү	гулмек	кулү
кумуш	гүмис	кумуш	кумуш	кумүш	көмеш	кумуш	куміс
кун	күн	кун	кун	кун	көн	гүн	күн
куч	күш	куч	куч	күч	көч	гүйч	күш
кўк	кек	кек	кек	көй	күк	гөк	кок
кўммоқ	кёмиў	кёому	кёммәк	кёммәк	күмү	гөммек	кому
минг	мыц	миц	миц	мин	мең	муц	мыц
муз	муз	муз	муз	буз	боз	буз	муз
она	ене, ана, ана	эне	ана	ана	әни/ана	эне	ана агу
оқмоқ	ағиў	агуу	екиш	ахмаг	аку	акма	ауыз
офиз	аўыз	ооз	егиз	агыз	авыз	агыз	сегіз
сақкыз	сегиз	сегиз	сәккиз	сәккиз	сигез	секиз	сай
соғ	саў	соо	сақ	сағ	сау	саг	сайу
соғ (мок)	саўыў	сааш	сафмақ	сағмаг	саву	сагмак	сайу
сув	суў	сүү	су	су	су	сув	су
суз (мок)	жузиў	сүзүү	сузүш	сузмак	йозу	йұзмек	сузу
суюқ	сүйиқ	суюк	суюқ	сыйыг	сыек	сувук	сүйиқ
тег (мок)	тийиў	тийүү	тәгиш	дәймәк	тию	демек	тиісу
темир	темир	темур	төмур	дәмир	тимер	демир	темир
тепа	төбе	дөбө	тепә	тәпә	—	депе	төбе
тил	тил	тил	тил	диш	тел	дил	тил
тиш	тис	тиш	чиш	диш	теш	диш	тис
тоғ	таў	тоо	тағ	дағ	тау	даг	тау
тош	тас	таш	таш	даш	таш	даш	тас

Тиллар

Ўзбек тили	қорқалпоқ тили	қыргыз тили	үйғур тили	озарбайжон тили	татар тили	туркман тили	қозоқ тили
тұз	дуз	туз	туз	дуз	тос	дуз	тұз
тұрт	терт	төрт	төрт	дөрт	дүрт	дөрт	терт
төс	[көкүрөк]	[көкүрөк]	төш	дөш	түш	дөш	төс
тұғри	туұры	туура	тоғри	доғры	туры	догры	тура
жұңык	жұңык	жұңык	ұзук	ұзук	[балдақ]	йұңык	жұңык
ұзын	ұзын	ұзын	ұзун	ұзун	өзын	ұзын	ұзын
ұлуг	уллы	улуу	улуғ	улу	[бөек]	ұлы	ұлы
үй	үя	үя	уга	юва	оя	әйжүк	үя
әммоқ	ийиү	ийиү	егә	йийә	иј	әемек	ийү
әзмоқ	езиү	езиү	әзмәк	әзмәк	изу	әзмек	езу
юз	жұз	жұз	юз	ұз	йөз	йұз	жұз
жүк	жүк	жүк	жук	йүк	йөк	йүк	жүк
өз	өз	өз, өзү	өз	өз	үзе	өзи	озі
әт	әт	әт	от	од	үт	от	от
үгіл	ул	ул	оғул	оғул	ул	огул	ул
қын	қыс	қыш	қиши	гиш	кыш	гыш	қыс
құл	құл	құл	құл	гүл	кол	гүл	қол
қузи	қозы	козу	қоза	гузу	—	гузы	қозы
құл	қол	кол	қол	әл	кул	гол	қол

туркий сўзлар истеъмолдан чиқиб кетди, тилда сақланган туркий негизлардан эса кўп асрлар давомида кўпгина янги сўзлар ясалди. Натижада туркий лексик фонднинг тил ривожи давомида янги ўзбекча ясалмалар билан бойиб борганини кўрамиз. Ҳозирги ўзбек тилидаги туркий лексик фонд ҳақида гапирилганда икки манба кўзда тутилади: а) ўзбек адабий тилида истеъмолда бўлган туркий сўзлар; б) ўзбек халқ шевалари лексикасида учровчи, яъни диалектал нормадаги туркий сўзлар.

Ўзбек адабий тилидаги туркий лексик қатлам икки муҳим тармоқдан иборат: 1) қадими туркий сўзлар; 2) қадими туркий сўзлардан тарихий тараққиёт давомида ясалган янги туркий сўзлар.

Ўзбек адабий тили лугат составида туркий лексик қатлам асосий ва муҳим ўрин тутади. Бу қатламга кирувчи сўзлар зарурий ва ҳаётий тушунча ва тасаввурларни ифодалashi, серистеъмол лексемалар эканлиги билан характерланади. Буни тасаввур қилиш учун бу сўзларни улар англатган маъноларига кўра маълум гуруҳларга ажратиш лозим бўлади. Ҳозирги ўзбек адабий тилида туркий лексик қатламнинг тубандаги лексик-тематик группалари мавжуд:

Инсон тушунчаси билан боғлиқ сўзлар: киши, турмуш, эл, юрт.

Ҳайвонлар номи: айғир, айиқ, арслон, балиқ, бароқ, бақа, буқа, буғу, бўри, бўта (бўталоқ), жийрон, илон, ит, ишлқи, йўлбарс, кийик, кўпнак, мушук, от, сигир, сиртлон, сичқон, сов-

лиқ, сувсар, сүксур, тарлон, тулки, тулпор, тяя, түнғиз, улоқ, чүч-ка, эчки, эшак, юмронқозиқ, қарчиғай, қоплон, қуён ва б.

Қаш ва паррандалар, улар аъзоларининг номи: булдуруқ, бургут, буқтарғи, товуқ, тувалоқ, турна, түрғай, үкки, чумчук, шунқор, ўрдак, қалдирғоч, қанот, тумшиук, қарқара, қарға, қирғий, қирғовул, қузгун, қуйрұқ, қумри, қуш ва б.

Ҳашарот, қумурсқалар номи: ари, бит, бурга, ёрқанот, капалак, күя, мита, сўна, чиён//чаён, чивин, чигиртка, чумали, ўргимчак, ўқалоқ, қумурсқа, қурт ва б.

Одам ва ҳайвон аъзолари номи: бармоқ, бағир, бел, бет, билак, биқин, болдири, бош, буйрак, бўй, бўйин, бўкса, бўғиз, бўғин, елин, елка, ёл, жағ, илик, эрин (ирин), ич, ияқ, кекирдак, киндик, кирпи, курак, кўз, кўкай, кўкс, манглай, менгиз, мийик, милк, мия, мурт, мушак, оёқ, орқа, оғиз, сингир, синчалоқ, соч, соқол, суяқ, сўнгак, танглай, тан, тақим, тери, тизза, тил, тирсак, тиши, томир, туёқ, тук, тулум, тумшиук, тўниқ, тўши, умуртқа, ҷав(и), чакак, чандир, чатаноқ, хот, чоҷ//соҷ, энгак, эт (гўшт), юз, юрак, яғрин, ўмган, ўмров, ўпка, ўркач, ўт (ўтака), қил (жун), қилтаноқ, қовурға, қовуқ, қон, қош, қуимуч, қулоқ, қурсоқ, қўл ва б.

Жинсий тафовутларни ифодаловчи сўзлар: байтал, бия, марол, серка, така, ўрғочи, ёркак, хотин, қиз, ўғил, эрва б.

Қариндош-уруглик, яқинлик ифодаловчи сўзлар: ада, аймоқ, ака, божа, бола, бува, дада, жиян, ини, күёв, мома, овсин ойи, она, опа, ота, оға, сингил, тоға, ука, уруғ, эвара, эна, энага, янга, ўгай, ўғил, қайнин, қайнога, қайнота, қайнона, қаллиқ, қардош, қариндош, қуда ва б.

Усимлик ва дарахтлар, уларнинг маҳсулоти ва танасини ифодаловчи сўзлар: ажриқ, анғиз, арпа, арча, бутоқ, буғдой, дуккак, ёнғоқ, ёғоч, жизза, илдиз, исмалоқ, ўйнғичқа, какра, куртак, кўсак, олма, пўчоқ, тарвуз, терак, тол, туп, тут, тўнгак, тўнка, узум, уруғ, чаноқ, чечак, чигит, чия, ялпиз, янтоқ, ясмиқ, ўрик, ўт (майса), қайнин, қамиши, қарагай, қиёқ, қизғалдоқ, қовун ва б.

Табиий географик обьект, жой ифодаловчи сўзлар: адир, дала, дара, дашт, дўнг, ер, жар, жилға, ирмоқ, орол, теварак, тепа, тоғ, тўқай, чакалак, чўл, ўлка, ўнгир, ўрмон, қир, қиялик ва б.

Йўналиш, томон, ўрин ифодаловчи сўзлар: бўсаға, кет (орқа), олд, олға, олғи, орқа, ост, сирт, сўл, сўнг (чап), тармоқ, тоши//тиши (ташқариси), ташқари, тегра, тепа, терс, тескари, томон, туб, уст(и), уч(и), чегара, юқори, ўнақай, сўнақай, ўнг, қарши, қирғоқ, қия, қўйи ва б.

Табиат ҳодисалари номи: булут, довул, дўл, ел, ёлқин, ёмғир, изғирин, камалак, кун, кўк, момақалдироқ, ой, тонг, туман, тун, тўйзон, тўлқин, шудринг, яшин, ўпқон, қуёш, қоронги, қуюн ва б.

Табиий нарса, предметлар номи: булоқ, сой, биллиқ, ботқоқ, күл, дөнгиз, боғ, жун, инжу, кечик, күл, күя, күллинка, күпик, нарса, орол, сўлак, тезак, тер, туз, тупроқ, сув, тош, түнук//тупурук, тутун, тўқай, ўнгур, чанг, чақа, чўққи, юлдуз, ўнан, қазгоқ, қий, қипиқ, қирор, қўмалоқ ва б.

Иисон томонидан яратилган нарса-предметлар номи: ақча, болдоқ, бурғу, буюм, бүёқ, бўз (мато), дўмбира, ёй, ип, ипак, ийл, кегай, кема, кишан, кўприк, най, синизга, совут, совға, сол (қайиқ), сопқон, таёқ, тамба, тасма, тақа, тегирмон, тузоқ, түғ (байроқ), тўйлонча, уват, упа, чена, чега, чиниқ, чий, чигириқ, чўян, чўқмор, шувоқ, эгат, ялов, ялоқ, ямоқ, ўқ, қайиқ, қалқон, қармоқ, қилич, қин, қудук, қўғирчоқ ва б.

Уй-жой, ўрин тушунчasi билан боғлиқ сўзлар: дераза, кана, мўнди, овул, оғил, сўри, том, туйнук, уй, уя, чайла, эшик, ўтов, қазноқ, қўра ва б.

Кийим-кечак ва безаклар, уларнинг қисмлари номи: бўрк, дубулға, енг, ёқа, желак, жиға, исирға, иштон, кўйлак, мунҷоқ, мурсак, ойболдоқ, телпак, тумоқ, турмак//турмуч, тўн, узук, чакмон, чўлпи, чўнтақ, энгил, этак, этик, ўқча, ўмиз, ўмилдириқ, қалпоқ, қўнж ва б.

Уй-рўзгор, хўжалик буюмлари ва уларнинг қисмлари номи: алача, арра, арқон, арқоқ, бешик, бигиз, болға, ёстиқ, жабдук, жазлиқ, жилов, жўмрак, игна//нина, идиш, ўрграк, қозон, қоп, қошиқ, ўроқ, ўқлоғи, қайчи, қамчи, қасқон, қозиқ, кели, кепчик, керага, кетмон, кигиз, кув(и), курак, кўза, обдира, ойболта, пичоқ, сачоқ, сўқа, това, тувак, тувоқ, тушов, тўрава, тўқа, тўқим, узанги, урчуқ, чалғи, чанғи, чимилдиқ, човли, чопки, чўмич, эгар, эшкак, юган ва б.

Ер ости бойликлари, маъданлар номи: жез, кўмуш, кўмир, олтин, темир, қўргошин, олмос, чўян, қалайи ва б.

Касб-ҳунар номлари: бўзчи, кўнчи, мерган, ов, синчи, совчи, соқчи, чўри, яллачи, ўқчи ва б.

Озиқ-овқат, ичимликлар номи: айрон, атала, бол, бўза, бўтқа, бўғирсоқ, ем, ёвғон, ёғ, жizzса, зорора, индов, кепак, кичири, курмак, кўмач, мой, ош, пишилоқ, сақиҷ, сут, сўқ, сўқим, толқон, тухум, умоч, ун, чалпак/челпак, чучвара, эт (гўшт) қази, қайла, қаймоқ, қимиз, қовурдоқ ва б.

Сон-микдор ифодаловчи сўзлар: етти, икки, ўигирма, кўп, минг, оз; олти, олтмииш, саккиз, саксон, сон, сўм, талай, тагин, тенг, тийин, тугал, тутам, тўла, тўрт, тўқсон, тўққиз, уч, цчала, чама, эллик, юз, ялпи, сон, ўттиз, қирқ.

Ҳажм, масофа ва жамлик англатувчи сўзлар: йироқ, катта, кенг, кичик, кўлам, овлоқ, суям, тор, увоқ, узун, улкан, улуғ, урвоқ, ушоқ, чимдим, эн(и), юксак, ярим, қисқа ва б.

Хусусият, хосса, белги ифодаловчи сўзлар:

Ижобий хусусият англатувчи сўзлар: арzon, ботир, буюк, да-дил, дуркун, жўн, илгор, иноқ, миқти, сергак, кучли, тетик, тийрак,

тинч, туроқли, түғри, үйғун, чидамли, чин, әзгу, ювош, яхши, тузук, ўктам, қувончли, қувончиқ, қулай, қуралай ва б.;

Салбий хусусият англатувчи сўзлар: асов, дайди, дангаса, довдир, ёвуз, ёмон, жирраки, ивирсик, иркит, исқирт, кир (ифлос), мажмасиғил, манжалоқи, манман, олчоқ, санқи, тажсанг, танты, тентак, тиррақи, тиррик, тұмса, чатоқ, чирик, шалақи, шаллақи, шалтоқ, шиллиқ, шилқим, шумшук, әрка, ялқамсиқ, ялқов, ўжар, ўлакса, ўсал, ўч, ўғри, қалоқ, қалтис, қанқи, қийин, қийтиқ, қилвирип, қилтириқ, қингир, қирриқ, қирчанғи, қирғин, қопағон, қуруқ, қўйпол, қўрқинчли ва б.

Таъм хусусияти: аччиқ, тотли, чучук, чучмол;

Ҳид хусусияти: ис, исланған, ислик, сассиқ;

Ранг-тус хусусияти: бўз, бўёқ, кўк, кўкчил, кўкимтири, малла, ола, оқ, оқиши, сариқ, сарғиб, сап-сариқ, сулув, сур, сўлим тус, тусиз, тўриқ, чипор, чўтири, ям-яшил, яп-янги, яшил, қашқа, қизил, қимизак, қип-қизил, қирмизи, қўнғир;

Ҳарорат хусусияти: изгирин, иссиқ, муз, музлаган, совуқ, соғиган, салқин, тўнг, ушук, қизиқ;

Тезлик хусусияти: дангал, дарров, жуда, зув, илдам, йўрга, секин, таппа (босмоқ), чаққон, шартташатта, шошилинч, шошмоқ;

Масофа, ўрин хусусияти: ёвуқ (яқин) чет, чекка, узоқ, яқин, олис, нари, бери;

Холат хусусияти: абжақ, ажрим, айқаш, аланс-жаланс, алоқчалоқ, алғов-далғов, аралаш, берк, бужур, бутун, бўтана, бўши, бўғоз, дик, дўндиқ, енгил, есир, ёзиқ, ёлғиз, ёрти, жайдари, живир-живир, жим, жимир-жимир, жингалак, жулдур-жулдур, зич, аланс-билинг, ирвити, мажсақ, миққи, моматалоқ, момик, нўмай, адаш, оличи, алғов-далғов, ориқ, оч, оғир, пачак, пишиқ, пўк, семиз, силлиқ, сирпанчиқ, соғ, омон, соғлом, суюқ, тайпоқ, таранг, тақир, текис, тен-текис, тик, тирик, тиқилинч, тифиз, тул, тўмтоқ, тўполнон, тўс-тўпалон, тўқ, чавақ, чала, чалкаш, чалчиқ, чалқанча, чандиқ, чочиқ, шалвираган, шаталоқ, эгиз, эгри, эски, янги, эсон, юмалоқ, юмшов, яёв, яйдоқ, яланг, ялангоч, яллиф, ялпоқ, яширин, яшиноқ, ўксик, ўлик, ўнғай, ўргамчик, ўрма, ўсиқ, ўхшаш, қаттиқ, қашишоқ, қийғос//қийғон, қовжироқ, қун-қуруқ, қуруқ, қурғоқ, қў-тир, қўши;

Ёруғлик, равшанлик хусусияти: ёруғ, ёрқин, яққол;

Товуш хусусияти: чуввос, пирилдоқ, чириллоқ, пориллаган, гуриллаган, пўкилллаган, пўрсилдоқ, уввос, чиқиллоқ, чизиллоқ, чишиллоқ, чиңқироқ, шалдириқ, шанғи, шипилдоқ, шитирлоқ, қақилдоқ, қурилдоқ, қўнғироқ ва б.;

Ҳажм, юза, ўлчов хусусияти: ихчам, иирик, ингичка, йўғон, кичик, оз, саёз, сўнок, сийрак, теран, тўла, тўқис, узуқ, чувак, чуқур юпқа, юқори, япалоқ, япасқи, яп-япалоқ, ясси, яхлит, ўпок-сўнок, қавариқ, қалин, қийиқ, қисқа, қувуши.

Еш (возраст) тушуничи билин алоқадор сўзлар: ёш, йигит, кекса, кенжса, митти, тирмизак, тирранча, тўнғиҷи, қари, жајэжи.

Вақт ва фасл тушунчаси билан алоқадор сўзлар:
ғоҳ, илк, ийл, кейин, кеч, кеча, куз, кузак, кундуз, мангу, сўнгги,
тўнга, тонг, тунги, эрта, қиши ва б.

Инсон ва ҳайвонларга хос касаллик ва нуқ-
сонлар номи: ўйтал, кал, капанак, кўр, кўса, маймоқ, манқа,
мечал, мохов, нўноқ, овсар, оқсоқ, пучук, соқов, суял//сўгал, сў-
қир, танбал, телба, тентак, тиртиқ, тумов, тўқол, учук, чипқон, чў-
лок, ийлтоқ, эм, эм(ламоқ), яғир, санчиқ ва б.

Товуш, нутқ ва куйлар номи: куй, сайра(моқ),
сўјз, ули(моқ), улув, ун(товуш), чапақ, ўлан, қўшиқ.

Расм-одатга доир тушунчаларни ифодалов-
чи сўзлар: тўй, энчи, ўйин, алла, ирим, ирим-чирим ва б.

Диний тасаввурлар билан боғлиқ сўзлар: си-
гин(моқ), тангри, топин(моқ), учмоқ, алвости, жин ва б.

Абстракт маъноли сўзлар: онг, сук, туйғу, туб, эн-
са, эрк, эркин, эс ва б.

Олмошлар: бу, биз, ким, мен, не, нега, неча, нима, сен, сиз,
унга, у, унда, улар, шу, ўз(и), ўша, қай//қайси, қайси, қандай,
қани, қанча, қачон, ана, анов, бундай, бунча ва б.

Ҳаракат ва ҳолат англатувчи сўзлар: а) ней-
трал-объектив ҳаракат номлари: англамоқ, араламоқ, артмоқ, арчи-
моқ, ахтармоқ, ағдармоқ, ағнамоқ, бажармоқ, балқимоқ, беркит-
моқ, беламоқ, бермоқ, билмоқ, бичмоқ, бойимоқ, бормоқ, босмоқ,
бошлиамоқ, боқмоқ, буқмоқ, буламоқ, бўқмоқ, олмоқ, гапирмоқ,
шишламоқ, ўйламоқ, қолмоқ, солмоқ, танламоқ, соғаймоқ, ўйна-
моқ, күлмоқ ва б.;

б) ижобий ҳаракат англатувчи сўзлар: асраламоқ, безаламоқ, қўйл-
ламоқ, кулдирамоқ, ёқламоқ, жилмаймоқ, кулимсирамоқ, интил-
моқ, кенгашибоқ, кўнмоқ, кўргазмоқ, олқамоқ, олқишламоқ, опич-
ламоқ, орзиқмоқ, отамлашибоқ, севмоқ, севинимоқ, сийламоқ, си-
ламоқ, сўйимоқ, тузаламоқ, қучмоқ, ўтмоқ, ўргиламоқ ва б.

в) салбий ҳаракат англатувчи сўзлар: алдамоқ, безмоқ, бил-
жирамоқ, биқсимоқ, бузмоқ, булғамоқ, буруқмоқ; бўрсимоқ, бўғ-
моқ, дўйламоқ, ёмонламоқ, жирканмоқ, ижирғанмоқ, илакишимоқ,
иржаймоқ, иримоқ, итқитмоқ, кунлашибоқ, оқсамоқ, саваламоқ,
сандирамоқ, серраймоқ, сўқмоқ, сўлмоқ, қарғамоқ, таламоқ ва б.;

г) психик жараёнлар номи: аксирмоқ, алахсимоқ, алахламоқ,
анқаймоқ, арилламоқ, бақирмоқ, инграмоқ, ийғламоқ, куйламоқ,
мўлтилламоқ, пишқирмоқ, сескамоқ, сиқтамоқ, сифинимоқ, тал-
мовисрамоқ, тамшамоқ, тентирамоқ, телмурмоқ, тиламоқ, тир-
жаймоқ, тусамоқ, чўчимоқ, қўрқимоқ, эснамоқ ва б.

д) психик ҳолат англатувчи сўзлар: бақраймоқ, билангламоқ,
бужмаймоқ, жилпангламоқ, зерикмоқ, қайғурмоқ, мўлтаймоқ,
овунмоқ, озмоқ, олаймоқ, пилдирамоқ, сўппаймоқ, талтаймоқ,
тарваймоқ, тебранмоқ, тумтаймоқ, увушмоқ, ухламоқ, улламоқ,
чулғамоқ, қовушмоқ ва б.

Ундовлар: эҳ, оҳ, уҳ, хо, эй,вой, оббо, ўҳ ў, ўҳ ў, оҳ (оҳ-
ҳо), эҳа, эҳе, ие(ия), чув, чуҳ, ту-ту, ҳим, хаҳ, бе, о, ҳов, ҳой, ҳў
ва б.

Тақлидий сўзлар: тарс, шақ, шук, гуп, шақ-шак, шарак, шарақ-шурук, чиф-чуг, ғақ-ғақ, қу-қу, так-так, тақ-тақ, вов, вов-вов, гув-гув, миёв, миёв-миёв, гурс, гурр, лип-лип, лўк-лўк ва б.

Ердамчи сўзлар: билан, тағин (тоғи) каби. Ўз қатламнинг муҳим таркибий қисми ўзбекча сўзлардир. Ўзбекча сўзлар ўзбек тилининг ўзида бу тилнинг фонетик, семантик ва грамматик қонун-қоидалари асосида яратилган сўзлардир. Ўзбекча сўзлар ўзбек тили луғат составининг мустақил тарихий ривожи туфайли юзага келган лексик қатламдир. Демак, ўзбекча сўзлар ўзбек тилининг мустақил тарихий ривожини кўрсатувчи лексик бирликлардир. Ўзбекча сўзни белгилашда бу сўзниң ўзбек тилининг ўзида ясалгани, ўзбек нутқида пайдо бўлгани асосий белгидир.

Ўзбекча сўзларга аввало умумтуркий сўзлар негизида ўзбек тилининг ўзида ясалган янги сўзлар киради: Булар: а) аффиксация усулида ясалган ўзбекча сўзлар; б) композиция усулида ясалган ўзбекча сўзлар.

Ўзбекча сўзларнинг кўпчилиги аффиксация усулида ясалгандир.

Ҳозирги замон ўзбек тилида ўзбекча сўзлар ҳосил қилишнинг тубандаги моделлари мавжуд:

-чи аффикси ёрдамида: турсунойчи, кўчичевчи, сутчи, етакчи, айрилувчи, бўлувчи, бўлинувчи, босмачи, иккиласчи, бирласчи, камаювчи, қўшилувчи, кўпаювчи, кўпайтувчи, темирийўлчи, терими, тилчи; -чилик аффикси ёрдамида: чизмачилик, ўрмончилик, уруғчилик, тамакичилик, тутчилик, ишчилик, ҳайдовчилик; -лаш, -лаштириш аффикси ёрдамида: яхлитлаш, ириклиштириш, ўзлаштириш, бирлаштириш;

-ма қўшимчаси ёрдамида: бувлама, қайнатма, буѓлама, судрама (овқат турлари); бошлама, сирғанма, боғланма, оғишма, турланма, йўналма, боғлама, қайтарма (музика терминлари); айрма, бўлинма, ёйилма, кесма, киритма, кўпайтма, оғма, тенглама, уринма, чизма (математикадан), эритма (химиядан), кўринма, туюлма, тебранма, портлама, солиштирма, қайтарма, югурма, қайтма, қалқима, бўйлама, ишилма, тикланма, узма (физикадан);

-лик аффикси ёрдамида: тўртлик, бешлик (музикада), оралиқ, узлуксизлик, тегишилилк, эртапишарлик, тезпишарлик, қўзғалувчаник, қитиқланувчаник, эрувчаник, тенгсизлик;

-им аффикси ёрдамида: қочирим (музикада), ечим, кесим, қўшим;

-ли аффикси ёрдамида: сув оқимли, сув щаррали, тўлқинли, боғланишили, бўлиншили, ўтимли, буралишили, сузишли;

-ган ёрдамида: тўйинган, ўтаиситилган, ўтасовитилган, чекланган, чекланмаган, турланган, танланган, сайланган;

-ки//ғи ёрдамида: қичитқи, сачратқи, сочитқи, ёқилғи, ёнилғи;

-қоқ ёрдамида: ёпишқоқ, тиришқоқ, уришқоқ, буришқоқ;

чи+лар ёрдамида: *ўтaluвчилар, чирмашувчилар, судралувчилар, сутэмизувчилар;*

-иш ёрдамида: *уругланиш, оталаниш, чангланиш, сурилтиш, ташланиш, тузланиш; бошоқланиш, эркаланиш; ёғочланиш, уюргаланиш, бошқарниш, буғлатниш, соддалаштириш, бирлаштириш, ўринлаштириш;*

-ғич//гич ёрдамида: *түплагич, қайтаргич, очилтиргич, ўтўчиргич, ўзиёзгич, ўзгич, буғлатгич, тўғрилагич, ўтиргич, сўндиригич, музлатгич, кирювгич, ўзиағдаргич, сугоргич, гарамлагич, ёмғирлагич, ўғитлагич, ағдаргич, бўшатгич, бошлангич;*

-чан ёрдамида: *ўйғонувчан, бўлинувчан, қайтарувчан, титровчан, кўринувчан, тикланувчан, ажралувчан, ажровчан, ёнувчан, ўзгарувчан;*

-чанлик: *кўринувчанлик, эгилювчанлик, тарқалувчанлик, ўзгарувчанлик, қайтарувчанлик ва б.*

Ўзбекча сўзларни ҳосил қилишда композиция усулида ясалиш ҳам муҳим ўрин тутади. Кўшма сўзнинг ҳар икки компоненти туркий сўзлардан иборат бўлади. Ўзбек тили лугат составидаги кўпгина сўзлар мана шу усулда ясалган. Чунончи: *ерсузма, йилоши, йўлоши, ошкўк, сўкоши* (овқат турлари); *төвушқатор, бешбурчак, бешёқ, еттибурчак, кўпбурчак, кўпёқ, тўртбурчак, тўртёқ, учбурчак; иссиқсевар, ёруғсевар, қумтариқ, сувийгар, қушиқўнмас, бузоқбош, сувқовоқ, идишиқовоқ, қўшёқ, қўёнқулоқ, тулкиқўйруқ, қўнғирбош, итузум, кунгабоқар, семизўт, тезпишар, эртапишар, иккюзлама, бешуруг* ва б.

Ўзбекча сўзларга бошқа тиллардан кирган сўз-негизларга ўзбек тили аффикслари қўшилиб, ўзбек тилининг ўзида ҳосил қилинган ясалмалар ҳам киради. Бундай ясалмаларнинг ўзбек тилида шундай моделлари мавжуд.

1) ўзбек тилидаги арабча сўз+ўзбекча аффикс: *аввалги, авжалмоқ, авжисиз, авомлик, адабиётчи, адабли, адиллик, адоварли, адолатсиз, бақосиз, вазирлик, ваҳшийларча, видолашмоқ, даражали, даҳшатли, жамоатчи, замондош, ибратли, маорифчи, мантиқсиз, масалчи, маслаҳатчи, масъулиятли, маъмуриятчилик* ва б.

2) ўзбек тилидаги форс-тожикча сўз+ўзбекча аффикс: *абгорлик, андаккина, андишали, астагина, байрамлик, баландлатмоқ, бандалик, бачканалашмоқ, бағишилов, бебошлиқ, безорилик, вайроналик, гапчи, гапчил, гумонсирамоқ, гўдаклик, заргарлик, меваҷилик, мешикобчи, меҳрсиз, мўллик, танбурчи, дуторчи, форсча, хафагарчилик* ва б.

3) ўзбек тилидаги русча-интернационал сўз+ўзбекча аффикс: *республикачи, спортчи, обзорчи, нолинчи, колхозчи, танкчи, атомчи; музикачилик, агентлик, активлик, гражданлик, зубатовчилик, консуллик, акушерлик, инвалидлик, радиоактивлик, инженерлик, шоферлик, радиостлик, гиперболик, блокли, анаэробли, фокусли, ричагли, клавишили, стрелкали; вакциналаш, фокуслаш, группалаш, полимерлаш, фильтрлаш; ионлаштирувчи, ионловчи, адсорб-*

ловчи, глютинловчи, демократлаштириш, колхозлаштириш, кол-
лективлаштириш; партиядош, полкдош, командадош, контактсиз,
кодланган, номерланган, марксча, ленинча, коммунистларча ва б.

Ўзбек тилига ўзлашма сўзлар таркибидан кирган баъзи олд
қўшимчалар (префикслар), шунингдек суффикс ва аффиксоидлар
ўзбек тилида олдиндан мавжуд бўлган сўзларга қўшилиб янги
сўзлар ҳосил қила олади. Мана шу усулда ҳосил қилинган сўзлар
ўзбекча сўзларнинг алоҳида ўзига хос группасини ташкил қила-
ди. Бу усулда ўзбекча сўзлар ҳосил қилишда **форс-тожик** элемент-
ларидан ва интернационал ўзлашма элементлардан фойдалани-
лади:

Форс-тожик элементларининг ўзбекча сўзларни ҳосил қилиши
уч кўринишга эга:

а) туркий сўзга қўшилади: ажриқзор, ақавачча, арихона, ар-
ракаши, арчазор, безакдор, белкаш, билимдон, бойвачча, болажон,
босмахона, ботирона, бутазор, буғдойзор, буғдойкор, бўёқдор, бў-
захўр, емхўр, ёлдор, ёнғоқзор, жийдазор, жимжимадор, жигадор,
йўнгичқазор, йўрмадўзи, кемасоз, йўлсоз, улуғвор, унумдор, чак-
мандўз, чиқимдор; бебош, бебошлиқ, беши, бейўқлов, бесаноқ,
бесуяқ, бесўнақай, бесўроқ, бетийик, бетиним, бетўхтов, беуйку,
беунум, бечиқим, беуз, беузлик, беўхшов, беўрин, қонхўр, оиҳўр,
ўтхўр, текинхўр, буїруқбоз, қўйфуруши, терифуруши, носиллиқ, но-
сог, носоғлом, нотаниш, нотекис, нотинч, нотинчлик, нотузук, но-
тўғри, нотўғрилик, ноўрин, ноўхшов, ноқулай, нотўлиқ, нотурғун,
ўрмонишунос, тилшунос, ўтлоқшунос, уруғшунос, йўсинишунос
(моҳ), тезкор, ўтсимон, қўнғироқсимон, юлдузсимон, учбурчакси-
мон, урчуқсимон, ёйсимон, тўлқинсимон, ўлчамдор, сигимдор, сер-
сув, сертуқ, сертармоқ, беуруг, серқўйруқ, серқилтиқ, сербутоқ-
лик, пичанбон ва б.

б) ўзбек тилидаги арабча сўзга қўшилади: номукаммал, но-
даврий, нодаврийлик, ноқутбий, ножиддий, ноаниқ, ноҳақиқий;
сиёсатбоз, сафсатабоз, ватъабоз, табиатишунос, санъатишунос, са-
водхон; муқовасоз, муросасоз, иморатсоз; тараққийпарвар, маъ-
рифатпарвар, сулҳпарвар, мазлумпарвар, инсонпарвар; исёнкор,
қасоскор, ижодкор, ташаббускор; амалпараст, манфаатпараст,
мансабпараст ва б.

в) ўзбек тилидаги русча интернационал сўзга қўшилади: са-
молётсоз, металлсоз, авиасоз, вагонсоз, машинасоз, тракторсоз,
метросоз, танксоз, яшиксоз, станоксоз, приборсоз, ракетасоз, вер-
толетсоз, группабоз, кампаниябоз, цитатабоз, архивишунос, шапка-
дўз, пивофуруши, газетхон, журналхон; порошоксимон, кремнийси-
мон, амёбасимон, водородсимон, воронкасимон, газсимон, винтси-
мон, бочкасимон, коноидсимон, конуссимон, силосбон, белимит,
нимнота, ногармоник, носимметрик, носинхроник, нотермиклик,
ноластиклик, ноактивлик, нокоалиционлик, нометрик, ноабсолют,
нодискрет ва б.

Интернационал элементларининг ўзбекча сўзлар ҳосил қилиши
ҳам уч кўринишга эга:

и) туркий сўзларга қўшилади: *автоюклигич*, *автосуфоргич*, *автомобилашма*, *автотиркама*, *авиатўп*, *автотебриши*, *аэрочана*, *авиоўғитлаш*, *бичизиқли*; *гидрокучайтиргич*, *гипертекислик*, *гиперсирт*, *гипертуб*; *ультратотовуш*, *термоқаршилилк*, *термоаралаштиргич*, *пневмоғилдирак*, *античизиқ*, *антимослашув*, *бичизиқли* (билинейния) *бикўзгу*; *кочегаравий* (кограничный), *коғинқ* (козамкнутый), *коҳолат* (косостояние), *коўлчамллик* (коризмерность), *коқатламланиш* (корасслоение); *квазиайланиш*, *квазибўлувчи*, *квазиқўшимча*, *квазибирлик*, *квазиёниқ*, *телекўз*, *төлекўрсатув*, *телеқуримла*; *стереочизма*; *пневмоюклигич*, *пневмотони* *пневмоғилдирак*, *пневмоболға*; *вибротўғрилагич*, *вибротургич*, *вибротурғунлик*, *виброўзгартигич*; *видеокучайтиргич*; *ультратониши*, *ультрақисқа*; *инфрақизил*, *инфратовушлар*; *микроўғит*, *протоюлдуз*;

б) ўзбек тилидаги арабча сўзларга қўшилади: *авиасаноат*, *инномутахассис*, *макроиқлим*, *макродунё*, *мотоаравача*, *пневмоқисм*, *антиҳаракат*, *антимодда*, *антимезон*, *антидунё*, *биирқийматлилилк* (биоднозначный), *биоқутбий*, *амбиқутбий*, *гиперҳақиқит* *гипермарказ*, *квазиҳаракат*, *квазиплова*, *квазиҳалқа*, *квазимирта*, *квазикарра*, *неоҳалқа*, *неомайдон*, *протосайёра*, *гомомарказий*, *вибромустаҳкамлик*, *стереоасбоб*; *геомарказий*, *гетероқутбий*, *гомеоқутбий*, *гелиомарказ*, *микроиқлим*, *астроиқлим* ва б.;

в) ўзбек тилидаги форс-тожик сўзларига қўшилади: *термоҷуфт*, *термобардошлилк*; *мотопойга*, *антизарра*, *гиперсодда* ва б.

Ўзбекча сўзларни ҳосил қилишининг муҳим маибалиридан бири ўз сўз ва ўзга (ўзлашма) сўзларни қўшинин орқали ясалувчи гибррид лексемалардир. Бундай сўзлар ўзбек тилининг ўзида туғилгани учун ўзбекча сўзлар саналади. Ҳозирча ўзбек адабий тилида гибррид лексемаларнинг шундай кўринишлари бор:

1) туркий сўз+арабча сўз: *аллавақт*, *аллазамон*, *алламаҳал бўйинтумор*, *ерсовун*, *ёндафттар*, *итфевъл*, *итфевъллик*, *йўлбарстахлит*, *келинсалом*, *келинтумор*, *кулчасовун*, *кунҳисоб*, *кўксултон*, *отамерос*, *сигирмижоз*, *тилхат*, *тошқалб*, *тошқалам*, *тоғрайҳон*, *тўйхат*, *устқатлам*;

2) арабча сўз+туркий сўз: *арвоҳурган*, *аризаҷўп*, *асаббузар*, *атиризум*, *ахлоқбузар*, *ватансевар*, *китобсевар*, *дунёқараши*, *дуррасолди*, *дурратошлар*, *жаннатқуш*, *инсонсевар*, *иссиқсевар*, *касалбоқар*, *касалкўрар*, *маккасупурги*, *мактаббона*, *маслаҳатбоши*, *мехнатсевар*, *миллатлараро*, *мозорбости*, *нонтепки*, *нонтепкилик*, *контопар*, *одамсевар*, *одамсеварлик*, *синфбоши*, *тартиббузар*;

3) туркий сўз+форс-тожикча сўз: *айиқполвон*, *айрипанжжа* (зоол), *арихона*, *аррапоя*, *бешбаттар*, *бешкашта* (нақш), *бешпуллик*, *бирадам*, *ботқоқгул*, *бошпана*, *бузоқхона*, *буйруқнома*, *буғдоийпоя*, *бўрикалла*, *бўғизбарг*, *бўғимпоя*, *елимнамо*, *елимсимон*, *елпатак*, *емакхона*, *ерпарчин*, *ёвузхона*, *ёлпӯш*, *ёлғоннамо*, *ёмғирпўши*, *ёнбарг*, *ёншоҳ*, *ётоқжой*, *ётоқхона*, *жиловбардор*, *жиловбардорлик* ва б.;

4) форс-тожикча сўз+туркий сўз: *анжирқоқи*, *анорюзлик*,

байрамолди, баргости, бодомқовоқ, бозорбоши, гапсотар, гапкувар, гилтош, гилтупроқ, говтикан, гузарбоши, гулбўта, гулкўрпа гулсевар, гулюз, гулюзли, гулқўргон, гўшткуйди, дамбосар, дөвортешар, дилсўз, дилсўзлик, дилтортар, донянчқич, донюклагиҷ жаҳонаро, жаҳонсўз, жодукўз, жонбоши, жонкуяр, жончиқар;

5) туркий сўз+русча-интернационал сўз: *ёпиқшинделль, ёпиқшипиндельли, кўплампали, кўпсоставли, кўпмиллионли, кўптиражли, кўсакмашина, минггектар(чи), мингилограмм(чи), музгенератор, оқгвардия, оқгвардиячи, планеталараро, тикишинделли, учвалентли, уч дюомли ва б.;*

6) русча интернационал сўз+туркий сўз: *алифмой, бетонтахта, бетонқоргич, бешграммлик, болтиқбўйи, бомбатутқич, бомбаушлагиҷ, бронтешар, газсув, газўлчагиҷ, газқувур, драмтўгарак инфратовушлар, инфрақизил, карбонсув, карбонсувлик, кинотўп лам, киноюлдуз, китбалиқ, китбош, колхозлараро, магнитўтказгиҷ майолди, металлкесар, металлтутқич, нефтбирлашма, нефтбурма октябролди;*

7) русча-интернационал сўз+арабча сўз: *киномайдон, киносанъат, киноқисса, киноҳикоя, киноҳужжат, марказком, микролам, радиоалоқа, радиоасбоб, радиомарказ, радионур, техкотиб, фотомухбир, фотонусха, фоторасм, фотоқоғоз, фотосурат, фотоҳужжат ва б.;*

8) арабча сўз+рўсча-интернационал сўз: *маҳалком, микр зарра, умумзавод, умумдемократик, умумпартиявий, умумпролетар, умумреспублика, умумрус, умумфилологик ва б.*

9) русча-интернационал сўз+форс-тожикча сўз: *инкубаторхона, кабелсоз, кабинетсоз, картабоз, картошкагул, картошкапоя, картошкақовоқ, квассимон, керосинфурӯши, кинонавис, кинойилнома, киносолнома, кинотомошибин, киношинаванда киношунос, китсимон, космоснома, крестгул, крестсимон, курортшунос, курортшунослик, лениннома, лентасимон, либреттонавис, материалбоз, материалишунос, машинахона, мебелсоз, металлсимон, металлсоз, микротарози, милицияхона, морожнийфурӯши, морожнийхона, моторхона, мотопойга, музахона, музашунос, музейшунос, музейбоб, назариябоз, насосхона, новсланавис, пивохона, почтахона;*

10) форс-тожикча сўз+руска интернационал сўз: *зигирсушилка, камлитраж, камлитражли, нимфабрикат ва б.*

Тил лугат составидаги сўзларни ўз ва ўзлашма қатламларга ажратиш анчагина билим ва малака талаб қилувчи мураккаб ишдир. Бунинг учун аввало ўз қатламга киравчи ўз сўзнинг баъзи ўзига хос белгиларини билиш талаб қилинади. Бундай белгилар, одатда, сўзнинг фонетик структураси, маъноси, график шаклидан ахтарилади.

Ўз қатламга оид сўзларнинг баъзи муҳим белгилари деб тубандагиларни кўрсатиш мумкин:

1. Ўз қатламга оид сўзларнинг аксарияти кўп маънолидир. Сўзнинг маъно тармоқланиши бу сўзнинг ўзбек тилида кўп давр-

Лиридин бери яшаб келаётганийдән дәлолат беради. Ўзлашма қатламга оид сўзлар маъноси кўп ҳолда чегаралидир.

2. Ўз қатламга оид сўзларнинг асосини конкрет маъноли лекемалар ташкил қиласди. Ўзлашма қатламга тегишли сўзлар эса кўпроқ абстракт маънолидир.

3. Фонетик структурасига кўра ўз қатламга мансуб сўзлар шундай белгиларга эга:

а) асл туркий сўзлар, асосан, бир бўғинли (*ер, ем, тез, туз, ои*); икки бўғинли (*тинти, толқон, тирна, кегай*); уч бўғинли (*тирнира, йўнғиҷка, йигирма*) бўлади;

б) бир бўғинли туркий сўзлар кўпроқ ундош+унли+ундош шундига эга: *кул, кун, дўқ, дўл* каби;

в) икки бўғинли туркий сўзлар кўпроқ очиқ бўғинлардан тушилади: *икки, ола, олма, ориқ, этик, эрин*, эрта каби;

г) туркий сўзлар *р, л, в, ҳ, Ҷ* товушлари билан бошланмайди. Бу товушлар билан бошланувчи сўзлар ўзлашма қатламга мансубиди;

д) туркий сўзлар охири э (*е*), ў унлиси билан тугамайди. Баъзи ундов ва мимемалар шунингдек де сўзи бундан мустасно: *ҳе, эҳе, ўҳӯй, бӯй, мӯй* каби;

е) туркий сўзлар таркибида оралиқ товуши *ж*, бўғиз товуши *ҳ*, қоришиқ товуш *Ҷ* келмайди. Таркибида *ҳ* товуши келувчи баъзи ундов ва мимемалар бундан мустасно: *ҳим, ўҳ, аҳ, ҳа-ҳа, қаҳ-қаҳ* каби;

ё) туркий сўзларда биринчи бўғиндан кейинги бўғинлар ҳеч нақт унли товуш билан бошланмайди;

ж) бўғин бошида, ўртасида ва охирида икки ундош товуш ёнмаён келмайди. Ўзбек тилидаги *ост, уст, айт, арт, берк, бўрт, айрт, кўкс, мўлт, орт* каби сўзлар, *билич, гурс, зирқ, йилт, терт, пирқ* сингари тақлидий сўзлар бундан мустасно;

з) унли билан бошланувчи туркий сўзлар жуда оз: *ов, ой, оз, ол, от* каби;

и) охири унли билан туговчи (*тўқи, олти, етти*) сўзлар ҳам кам учрайди;

к) туркий сўзларга хос муҳим орфоэпик белги сўз ургусининг охирги бўғинда бўлишидир;

н) морфологик жиҳатдан туркий сўзларда икки хусусият кузатилади:

а) туркий аффикслар кўпинча ундош билан бошланади: *-чи, -лик, -дир, -тир, -лар, -ни, -да, -дан* каби;

б) туркий тилларда префикслар учрамайди. Ўзбек тилидаги префикслар бу тилга ўзлашма қатлам таркибида кирган элементлардир.

5. График жиҳатдан туркий сўзлар *ь, Ѷ* белгилари *ы, ҹ, иҹ, (иҹ)* ҳарфлари ёзилмаслиги билан характерланади.

Ўзлашма қатлам

Ўзбек тили лугат составининг бойишида ички манба имкониятлари муҳим ресурсdir. Ҳозирги ўзбек тили лугат составининг тахминан ярмини туркӣ сўзлар ташкил қиласди. Шунга қарамасдан, дунёдаги ҳеч бир тил ҳам фақат ўз ички ресурсларигагина таяниб исч кўрмаганидек, ўзбек тили учун ҳам фақат ўз сўзлари, ўз қатлам бойлиги ва имкониятларигагина кифоя қилмайди. Ўзбек тили лугат составининг бойиши ва такомиллашувида *ташқи манба* (ресурс) ҳам муҳим роль ўйнади. Умуман, ҳар қандай тил соғ ҳолда яшай олмайди. Турли тилларнинг турли тарихий шароитларда ўзаро маълум муносабатда бўлиши қонуний ҳолдир. Бундай муносабат алоқада бўлган тиллар ривожида, айниқса унинг лугат составида маълум изларни қолдириши мумкин. Шу сабабли ҳам дунёдаги барча тиллар лугат составидаги, жумладан ўзбек тилининг лугат составидаги ўзгаришлар учун умумий бўлган икки қонуният кузатилади: 1) эскини янги билан алмаштириш; 2) бошқа тиллардан сўз қабул қилиш. Демак, ўзбек тилининг лугат состави ўз тараққиётида икки манбага таянади: а) *ички ресурс*; б) *ташқи ресурс*.

Бир тилдан бошқа тилга сўзларнинг кириши ва сингиши ўнчаки оддий, механик процесс эмас, балки мураккаб лингвистик ва социал-тарихий шароитлар билан боғлиқ қонуниятдир. Тилдан тилга сўз ўзлашиши учун аввало реал шароит лозим бўлади. Бундай шароит тиллар ҳамкорлиги, яъни *тиллар контактидир*.

Ўзбек тилининг бошқа тиллар билан контакти

Ҳозирги ўзбек тили тарихан мураккаб ривожланиш ва шаклланиш босқичларини бошидан кечирган. Ўзбек тили уруғ ва қабила тиллари, халқ тили, миллий тил ва социалистик миллат тили даврларида бир қатор қардош тиллар, шунингдек чет тиллар билан алоқада бўлган.

Туркӣ уруғ ва қабилалар тили жуда қадими даврларда Ўрта Осиёда азалдан яшаб келган «эроний тиллар» билан алоқада бўлган. Ўрта Осиёда, жумладан ҳозирги Ўзбекистон территориясида яшовчи халқ эроний тиллар групласига кирувчи маҳаллий тиллахжаларида гаплашган. Бу эроний уруғ-қабилалар, халқлар — сўғдлар, саклар, массагетлар, бактриялилар, парфиянлар, париканийлар, хоразмийлар ва бошқаларнинг тили бўлган. Шунингдек қадими Бактрия подшолигида грек тилидан, шунингдек грек ва эроний тиллар қоришмасидан иборат бўлган тилдан ҳам фойдаланилган. Ҳозирги Ўрта Осиё ва Ўзбекистон территориясида туркӣ тилда гаплашувчи аҳоли ҳам қадимдан яшаган. Чунончи, туркӣ тиллар оиласига кирувчи тилда гаплашган хунларнинг милоддан аввалги II асрларда ёк ҳозирги Ўрта Осиё территориясида яшагани маълум. Милоддан аввалги II—I асрларга келиб, Еттисув ва Сирдарё бўйларида хунлар кўпайган ва улар маҳал-

лий эроний аҳоли скиф — массагетларга қўшилиб кетган. Манзшу даврларда туркий уруғ ва қабилалар билан эроний этник группалар ва уларнинг тиллари ўртасида алоқа ва қўшилиб кетиш ҳоллари юз берган. Ҳозирги туркий тиллар ва ўзбек тилида учровчи сўғд элементлари қадимий даврларда юз берган тиллар контакти натижасидир. Чунончи, ўзбек тилидаги *хом*, *кўп*, *калта*, китта сўзлари сўғдчадир. Қадимий сўғд элементлари Ўзбекистон топонимасида ҳам қисман сақланиб қолган: *Кат*, *Новқат*, *Вагинзи*, *Варданзи*, *Истамзи*, *Жакардиз*, *Малакдиза*, *Шакардизм*, *Арвак*, *Индавак*, *Карвак*, *Пишканак*, *Рафонак*, *Хивак*, *Испанза*, *Багдиза*, *Самарқанд*, *Лангар*||Лангор ва бошқалар. Топонимик тилдиқотлар таркибида -кент, -он||ён, -канд||-қанд, -кан||-қан, -кат||қат, -канда||-ғанда, -диз||-диза, -жон (канал, сув, маъносида), -ак||ик, *лангар*, -вар||вор, -за||зи, митан, арна элементлари бор топонимлар аслида сўғдча эканини кўрсатган.

Ўрта Осиё, жумладан ҳозирги Ўзбекистон территориясида эроний тил характеристига эга бўлган қадимий *хоразм тили* ҳам мавжуд. Эди. Бу тил билан ўша давр маҳаллий туркий тиллар орасида маълум алоқа бўлган. Тарихий манбалардан VII—VIII асрларда ва ундан олдин хоразм ёзуви кенг тарқалганлигини кўрсатувчи далиллар мавжуд. Бу ёзув Тупроққалъадаги архив ҳужжатларида қайд қилинган. Бу ёзув текстлари тери, ёғоч, тангалар, муҳрларга ва металларга битилган. XIII—XIV асрларда Хоразм аҳолиси икки тилда — туркий тилда ва қадимий хоразм тилида гаплашгани маълум. Қадимги хоразм тили XIV асрларга келиб ўзбек тилига сингиб кетди. Натижада қадимги хоразм тилига оид баъзи сўзлар ҳозирги ўзбек тилида сақланиб қолган: *хўп* (*хўб*), *бог*, *почча* (*пиччоми-дадам*), *осмон* (<осм>), *жуфт* (*эр*), *ариқ* (*ар*—*суе*) ва бошқалар.

Туркий уруғ-қабила тилларининг, кейинчалик ўзбек халқи тилининг эроний тиллар билан алоқаси уч даврий хусусият билан характеристланади:

1. Туркий уруғ, қабила тилларининг қадимий эроний қабила ва уруғ тиллари билан алоқаси ва қўшилиши (қадимий даврларда).

2. Ўзбек тилининг форс-тожик адабий тили (IX—X, XI—XV асрлар) билан алоқаси.

3. Ўзбек тилининг маҳаллий тожик шевалари ва тожик халқ тили билан алоқаси (қадимдан то ҳозиргача).

Қадимий эроний тиллар, тожик халқ тили, тожик адабий тили ва тожик халқ шевалари билан ўзбек тилининг тарихий алоқалари ўзбек тилига эроний ва тожик тилидан кўпгина сўзларнинг кириб келишига асос бўлди.

Ўзбек тили қадимий туркий қабила ва уруғ тиллари даврида олтой-мўғул тиллари билан ҳам алоқада бўлган. Ўзбек тилининг мўғул тили билан алоқаси қадимий даврларда, қадимий олтой тиллари билан муносабатларда ва XIII асрда мўғулларнинг Ўрта Осиёни истило қилиши даврларида юз берди. Ҳозирги ўзбек тили

Лексикасида учровчи бир қатор асли мӯгулча сўзлар ёки турк ва мӯгул тиллари учун умумий бўлган лексик қатlam шу алоқалар натижасидир. А. Навоий ёзган адабий тилда, умумтуркий ва маҳалий шева элементларидан ташқари, қадимий уйғур, туркман, озарбайжон, араб, форс-тожик сўзлари учрайди. Чунончи қадимий уйғур тили элементларидан қамуғ (барча, ҳамма), ариғ (тоға, соғ), осиғ (фойда, нағ), ўғон (худо), укуш (кўп), уксук (камлик, озлик), қаю (қайси), битик (хат, ёзув) сўзларини кўрсатиш мумкин. А. Навоий тилида туркий лексиканинг ўғуз гуруҳи, яъни гарбий тил элементлари ҳам учрайди. Эски ўзбек тили лексикасидаги ўғузча элементлар «оқими» («огузская струя») уч хил мураккаб манба натижасидир: 1) эски ўзбек тили лексик системасига сингиб кетган, унга диалектал компонент бўлиб кирган ўғуз диалект ва шеваларининг маҳсули; 2) ўша даврдаги маҳалий ўғуз шеваларининг адабий тилга таъсири; 3) ўзбек тилига ўша давр туркман ва классик озарбайжон тилининг таъсири.

Шундай қилиб, ўзбек тили ўтмишда, қардош уйғур, озарбайжон, туркман тиллари билан алоқада бўлган ва улардан таъсирланган.

Ўзбек тили ўтмишда бир қатор қардош бўлмаган, бошқа системадаги тиллар билан ҳам контактда бўлган. Бундай тиллар форс-тожик ва араб тилларидир. Шунингдек ўзбек тили ўз ривожининг миллий тил ва социалистик миллат тили этапида буюк рус тили билан алоқада ва ҳамкорликда бўлди ва бу ҳол давом этмоқда.

Ўзбек тилининг чет тиллар билан алоқаси турли даража ва сифатий кўринишларга эга. Ўзбек тили контактда бўлган баъзи тиллар ўзбек тили лексикасида уччалик сезиларли из қолдирмади. Жумладан, хитой, ҳинд, қадимги грек тилларидан ўзбек тилига саноқли сўзларгина кирган. Масалан: ҳинд тилидан бут, кўтвол, лак//лок (ранг), нил, нилуфал//нилупол (нилуфар), барақман, барча, биби, пайса, чандан//чандол (сандал), товус, чақмоқ чит (мато) ва б.; хитой тилидан: чой, лағмон, шайпон, жамбул (<ямэн — қўргон); қадимги грек тилидан: шәлим, марварид, мармар, мўлниёй//мўмиён, номус (номус), афзион, арк (<арика), арганун, биллур (<булур), буқаламун, дираам//дирҳам, зумурад, даръёк//таръёк, файласуф, фонус, қайсар, қандил, каппон//қаппон, қирот, қонун, қўтос ва б.

Ўзбек тили ўзаро контактда бўлган ва таъсирланган форс-тожик тили, араб тили, рус тили унинг лугат составида сезиларли из қолдирди. Бунинг ўзига хос сабаблари бор. Бундай сабабларниг муҳимларидан бири ўзбек тилининг форс-тожик, араб ва рус тиллари билан алоқасида ўзбек тилининг эгаси бўлган халқда икки тиллиликнинг юзага келганилигидир.

Тилларниг ўзаро алоқаси ва ҳамкорлиги кўп ҳолда бу тиллар орасида сўз алмашшга, бир тилдан иккинчи тилга сўз олишга боис бўлади. Бир тилдан иккинчи тилга сўз ўтиши учун шароит лозим. Бу шароит икки тилнинг шунчаки алоқаси, ёнма-ён

чиши, территориал яқинлашиши әмас, балки ўзаро таъсири, ҳамкорлиги, бу асосда юзага келувчи иккى тиллилик ҳодисасидир. Сўз ўзлашиши учун қабул қилинүвчи тил эгалари ёки уларнинг маълум қисми қабул қилинүвчи элемент мансуб тилни маълум даражада билиши лозим. Ўзбек тили тарихда туркий тиллар оиласига мансуб қардош тиллар билан, чунончи, қозоқ, қирғиз, уйғур, қорақалпоқ, туркман, озарбайжон тиллари билан алоқада бўлган. Бундай контакт Улуғ Октябрь революциясигача ва совет даврида ҳам давом этди. Мана шундай контакт туфайли Ўзбекистоннинг кўпгина районларида ўзбек ва қирғиз тилида, ўзбек ва қозоқ тилида, туркман ва ўзбек тилида, татар ва ўзбек тилида, қорақалпоқ ва ўзбек тилида параллел гаплаша олувчи иккى тилли аҳоли мавжуд. Бундай диглоссия, яъни генетик жиҳатдан алоқадор бўлган иккى қардош тилда гаплашиш Ўзбекистонда яшовчи аҳоли орасида қадимдан мавжуддир.

Ўзбекистон территориясида яшовчи халқлар, жумладан ўзбеклар орасида билингвизм ҳодисаси ҳам қадимдан мавжуддир. Ўз она тилидан ташқари, ўз тили учун қардош бўлмаган бошқа бир чет тилда ҳам гаплашиш ўзбеклар орасида анчадан бери мавжуд. Иккى тил — ўзбек ва тоҷик тилларида гаплаша олувчи аҳоли Моварауннаҳр (Амударё ва Сирдарё ўрталарида) VI асрда ва ундан илгари ҳам истиқомат қилган. VI аср ва ундан кейинги даврларда туркий ва тоҷик тилларда параллел гаплаша олувчи аҳоли Шош вилояти (қадимги Бинкент — ҳозирги Тошкент атрофлари)да кўп учрар эди. Ўзбек-тоҷик иккى тиллилиги ўзбек аҳолиси орасида ҳозирда ҳам мавжуд. Самарқанд, Бухоро шаҳри, Самарқанд ва Бухоро областининг, шунингдек Фарғона водийсининг баъзи районлари аҳолиси ҳозирда ҳам ўзбек ва тоҷик тилларида bemalol гаплаша олади.

Навоий даврида ўзбек-тоҷик иккى тиллилиги кенг тарқалган ҳодиса эди. Бу даврда иккى тилда ижод қилган зуллиносонайн шоирлар анчагина бўлган. Адабий ижод соҳасидаги иккى тиллилик анъаналари Навоийдан кейинги шоирлар Махмур, Гулханий, Фазлий, Нодиралар ижодида ҳам давом этди.

Ўрта Осиёда араблар ҳукмронлиги даврида ўзбек-араб тиллари алоқаси юзага келди. Бу даврда араб тили давлат ва дин тили, фан ва расмий ёзишмалар тили сифатида кенг тарқалди.

Ўзбек тилига араб тилидан сўз олиш, асосан, ўзбек-араб билингвизми даврида (VII—IX асрлар) кучли бўлди. Кейинги даврларда ўзбек тилига янги сўзлар сезиларли даражада қабул қилинмади, балки ўзбек тилига кирган кўпгина арабча элементлардан бир қисмининг эскириши ва ўзбек тилидан чиқиш жараёни юз берди. Алишер Навоий тилида ишлатилган кўпгина араб сўзлари XIX аср ўзбек тилида, шунингдек ҳозирги ўзбек адабий тилида учрамайди. Араб тилининг ўзидан бевосита сўз олиш XI асрларда ёдярли тўхтаган эди. Аммо турли даврларда арабча ёзма манбаларда, шунингдек эски ўзбек тили ёзма ёдгорликларида сақланган арабча сўз гуруҳлари у ёки бу даврларда активлашиб

турди. Масалан, XX аср бошларида ва 20-йиллар ўзбек тилида илмий терминлар сифатида активлашган арабча сўзлар ана шу кейинги манбалардан олинган эди.

Ўзбек халқининг социализм давридаги ҳаётида янги билингвизм — ўзбек-рус икки тиллилиги юзага келди.

Ўзбек-рус икки тиллилиги ўзбек тили тарихидаги ўзбек-араб, ўзбек-тожик икки тиллилигидан янги сифатий белгилари билан фарқланади. Рус тили ўзбек тилига фан ва маданият тили, таълим ва маърифат тили, СССР халқларининг ўзаро ҳамкорлиги, дўстлиги тили, қолаверса ўзбекларнинг иккинчи она тили сифатида таъсир қилди. Рус тилининг ўзбек тилига таъсири зўрлик, тазиий остида эмас, ихтиёрий ҳамкорлик, рус тилини ихтиёрий равишда ўрганиш, севиш, иккинчи она тили сифатида ўзлаштириш жараённида юзага келди ва амалга ошди. Мана шундай сабабларга кўра, ўзбек-рус икки тиллилиги — бу рус тилини шунчаки билишдан иборат *пассив билингвизм* эмас, балки *актив билингвизм*dir. Маориф ва оммавий таълим асосларида юзага келган ва келаётган ўзбек ва рус билингвизми *норматив билингвизм*dir. Ўзбек ёшлари, ўқувчилар, шунингдек студентлар рус тилини, унинг нормаларини илмий-педагогик асосларда эгалламоқда ва унга амал қилмоқда. Худди шунингдек, ўзбек-рус билингвизми, алоҳида, жузъий икки тиллилик ҳодисаси, яъни *индивидуал билингвизм* эмас, балки *оммавий билингвизм*dir. Ўзбек халқининг деярли кўпчилик қисми рус тилини билади, уни яхши эгаллаган. Қелтирилган хусусиятлар ёнига ўзбек-рус билингвизмишниг *истиқболли икки тиллилик* эканини ҳам қўшиш мумкин. Агар ўзбек-араб билингвизми узоқ перспективага эга бўлмаган ва кейинчалик барҳам топиб кетган ҳодиса бўлса, ўзбек-рус билингвизме истиқболли, келажакда янада кенгаювчи, активлашувчи, чуқурлашувчи икки тиллилиkdir.

Ўзбек-рус билингвизми ўзбек тилига самарали таъсир кўрсатди. Бу таъсир ўзбек адабий тилининг барча яруслари — лексика, фонетика, орфоэпия, орфография, морфология, синтаксис, стилистикани қамрайди.

Рус тилининг ўзбек тилига таъсири, айниқса, лексикада сезиларли из қолдирди. Рус тилидан ўзбек тилига жуда кўп сўзлар ўзлаштирилди. Рус тили таъсирида ўзбек тилининг илмий терминологияси шаклланди ва бойиди. Рус тилидан ўзбек тилига кундалик турмушга онд кўпгина сўзлар ҳам кирган (ўзбек тилидаги русча-интернацонал лексика кейинги саҳифаларда маҳсус ёритилади).

Шундай қилиб, ўзбек тили ўз ривожланиш тарихи давомида бир қатор тиллар билан тўқнашган, алоқада бўлган. Булар қадимий эроний тиллар, жумладан сўғд тили, қадимий хоразм тили, қадимий олтой ва хитой тиллари; қадимий грек ва ҳинд тили; араб тили, мӯғул тили; қадимий уйғур тили; классик форс-тожик тили, тожик халқ тили ва ниҳоят рус тилидир.

Ўзбек тилининг бошқа тиллар билан алоқаси, ўзбек халқи ҳағида турли даврларда юзага келган икки тиллилик ҳодисалари ўзбек тилига бошқа тиллардан *сўзлар ўзлашишига* олиб келди. Сўз ўзлаштириш эса ўзига хос қонуниятларга эга бўлган лингвистик ҳамда нолингвистик ҳодисадир.

Сўз ўзлаштириш

Тилларнинг ўзаро алоқаси ва ҳамкорлиги*, бу туфайли юзага келувчи икки тиллилик бир тилдан иккинчи тилга ҳар хил тил элементларининг ўтишига сабабчи бўлади. Бир тилдан иккинчи тилга тил элементларининг қабул қилиниши, ўтиши ўзлаштириш деб юритилади. Ўзлаштириш туфайли бир тилдан иккинчисига ўтган тил элементлари *ўзлашмалар* деб номланади. Ўзлашмаларни тилнинг қайси ярусига тегишилигига, структура элементни эканига кўра, *ўзлашма сўзлар* ёки *лексик ўзлашмалар, фонетик, ўзлашмалар, ўзлашма морфема* деб юритилади.

Тилларнинг узоқ муддатлик контактни туфайли бир тилдан иккинчи тилга: 1) сўзлар қабул қилинади; 2) сўзлар таркибида сўз ясовчи аффикслар ўзлаштирилади; 3) икки тилда ўхшаш товушлар пайдо бўлиши мумкин; 4) синтактик жиҳатдан бир типни, ўхшаш синтактик конструкциялар тугилади; 5) лексик, семантический гибрид типли калькалар юзага келади; 6) сўзларнинг маъносида силжишлар (инклинация) жараёнлари пайдо бўлади ва бошқалар.

Демак, ўзлашмалар тилининг турли ярусларига, соҳаларига тегишли бўлиши мумкин. Шу туфайли *сўз ўзлаштириш, ўзлашма фонема, ўзлашма морфема* (ўзлашма сўз таркибига киради), *ўзлашма синтактик структура, ўзлашма маъно* (семантический ўзлашмалар) ҳақида гапириш мумкин. Кейинги ҳолат калькалаш билан боғлиқ. Ўзлаштириш тўлиқ маънода сўзга, лексикага алоқадордир. Фонетик, морфологик ўзлашмалар лексик ўзлашмасиз юз бермайди.

Ўзлашма элементлар кенг маънода *чет тил сўзлари* («иностранные слова») деб юритилади. Аммо *ўзлашма* («заимствование») билан *чет тил сўзлари* бир хил ҳодиса (тушунча) эмас.

Ўзбекча текстлар ва ўзбекча оғзаки нутқда ўз қатлам элементларидан ташқари бошқа хил элементлар, чет тилларга хос сўзлар ҳам учрайди.

Ўзбекча текстлар, нутқларда учровчи барча элементлар ўзбек тилига ўзлаштирилган, кирган сўзлар ҳисобланмайди. Мана шу маънода *сўз қўйлашни сўз ўзлаштиришидан ва ўзлашма сўзларни қўйланма сўзлардан* фарқлаш лозим бўлади.

* Бу бўлимни ёзишда тилшунослярдан Л. П. Крисин, Н. М. Шанский, А. В. Калинин, М. И. Фомина, В. В. Акуленко, Н. Шароповларнинг ишларига мурожаат қилдик—Э. Б.

Ўзбек текстларида чет тил сўзининг учраши ҳали бу ўша сўзниң ўзбек тилига ўзлаштирилгани, кирганини билдирамайди. Сўзни ҳар қандай қўллаш, ишлатиш — бу ўша сўз ўзлашди деган гап эмас. Шу туфайли ўзбек текстларида учровчи чет тил сўзларини икки катта группага бўлиш мумкин. I. *Ўзлашма сўзлар ёки ўзлашмалар; II. Қўлланма сўзлар ёки қўлланмалар.*

Қўлланма сўз ва иборалар функцияси ва тил структурасига кўра икки группага ажралади: 1) экзотик лексика ёки экзотизмлар; 2) киритмалар, яъни чет тил киритмалари.

Ўзлашмалар

Ўзлаштириш — бир тилдан иккинчи тилга маълум тил элементларининг кўчиши, киришидир. Бундай элемент, олдин ҳам қайд қилинганидек, сўз, баъзи ҳолларда товушлар, шунингдек ўзлаштирилган сўз таркибига кирган морфема бўлиши мумкин. Ўзбек тилига рус, араб, форс-тожик тилларидан анчагина сўзлар ўзлаштирилган. Форс-тожикча сўзлар таркибидан ўзбек тилига -кор, -каш, -дор, -гар//кар, -зода, -соз, -гоҳ, -тир, -ёна//она, -боз//воз, -параст, -хона, -нома, -гўй; -но, -бе, -дар, -бад, -бан, -босингари бир қатор элементлар ҳам кирган. Ўзбек тилига ўзлаштирилган русча-интернационал сўзлар таркибида ц, ђч (щ), ё сингари товушлар учрайди (Бу масалалар кейинчалик маҳсус ёритилади).

Ўзлаштириш ҳодисаси, асосан, сўз ўзлаштиришдан иборатdir. Чет тилдан ўзбек тилига ўзлаштирилган бошқа элементлар, асосан, бу тилга ўзлашма сўзлар таркибида кирган. Сўз ўзлаштириш ўзбек тилига бирор бир чет тилдан сўз олишdir.

Сўз қабул қилинган тилга кирган, яъни сингган бўлиши учун бир қатор талабларга жавоб бермоги лозим.

1. Ўзлашган сўз уни қабул қилувчи тил қонуниятларига бўйсунади.


2. Сўз қабул қилувчи тил лексик-семантик системасига боғланган, унга сингишган бўлади.

3. Ўзлашган сўз худди ўз сўздек табиий ва аниқ бўлади, ундан шубҳаланиш, уни бошқа сўзлар билан қоришириш хавфи йўқолади.

4. Сўз қабул қилувчи тил эгаси бўлган халқа худди ўз сўзиdek туюлади. Унинг ёт элемент эканлиги сезилмайди.

5. Сўз ўзлашган бўлса, бу сўзининг тилдан тезда чиқиб кетиш эҳтимоли бўлмайди. Бундай сўзининг «кераксизлиги» ҳақида, уни тилдан «чиқариш» ҳақида ўринисиз мунозаралар бўлмайди ва бошқалар.

Ўзлашманинг нутқда кенг қўлланиши, айниқса колектив нутқда қўлланиши принципиал белгилардан биридир. Сўз колектив нутқда ишлатилмаса, коллектив томонидан тан олинмаса, у норма бўла олмайди. Норма бўлмаган сўзни ўзлашма деб ҳисоблаш мумкин эмас:



Сўз ўзлашма бўлиши учун индивидуал нутқдагина эмас, коллектив нутқда ҳам ишлатилиши керак. Сўзниг индивидуал нутқда (3) ишлатилиши бу ҳали унинг тилда пайдо бўлишидир, холос, у коллектив нутққа (4) ўтгандагина ўзлашмага айланади. Келтирилганга яна бир хусусиятни — сўзниг коллектив нутқда ўзлуксиз ва узоқ давр қўлланиши ҳам киритиш лозим. Ўзбек тилидаги кўпгина тоҷикча ва арабча ўзлашма сўзлар ўзбек халқи нутқида асрлар мобайнида қўлланилиб келди. Бу ҳол бу сўзларниг ўзбек тили лексик нормаларига сингиб кетишига асос бўлди.

Ўзлашма сўзниг сингиши маълум шароит ва хусусиятларга боғлиқ. Буларниг баъзилари тубандагилар:

- 1) ўзлашма сўз уни қабул қилган тилниг практик ёзув хусусиятларига мослашган бўлиши;
- 2) чет сўз ўзлаштирувчи тил грамматик класслари, категорияларига мос келиши;
- 3) сўз уни қабул қилган тилда фонетик қайта шаклланиши;
- 4) чет сўз уни қабул қилювчи тилга грамматик сингиши;
- 5) чет сўз уни қабул қилювчи тил сўз ясаш системасида актив иштирок этиши;
- 6) чет сўз уни қабул қилган тилга семантик жиҳатдан сингиши: а) ўзлашма сўз маъноси аниқ бўлиши; б) ўзлашма сўз маъноси уни қабул қилган тилда дифференциация қилинган бўлиши;
- 7) чет сўз уни қабул қилган тилда ўзлуксиз ишлатилиши керак.

Ўзлашма сўз билан алоқадор уч масалани белгилаш анча мушкул иш: 1) чет сўзниг ўзлашма сўзми ёки қўлланма сўзми эканини аниқлаш, бу икки ҳодисани чегаралаш; 2) тилга сингишиб, ўзлашиб кетган сўзларниг ўз сўзми ёки ўзлашма сўзми эканини белгилаш; 3) ўзлашма сўзниг этимологик жиҳатдан аслида қайси тилга мансублигини белгилаш. Ўзлашма сўзлар ўз ичida аслида ўзлашма бўлган элементларни ҳам сақлади. Шу маънода рус тилидан ўзбек тилига ўзлаштирилган сўзларда икки тип лексемалар мавжуд: 1) рус тилининг ўз сўзлари; 2) рус тилига бошқа тиллардан ўзлаштирилган сўзлар. Демак, рус тилидан ўзбек тилига икки тип сўзлар ўзлаштирилмоқда: 1) рус сўзлари ўзлаштирилмоқда, 2) рус тилидаги ўзлашма сўзлар ўзлаштирилмоқда.

Рус тили орқали ўзбек тилига ўзлаштирилган бир қатор асли инглизча, французча, немисча, испанча, итальянча, грекча, лотинча, полякча ва бошқа тил сўзлари рус тилининг ўзи учун ҳам ўзлашма қатламдир. Бу тип сўзлар ўзбеклар учун худди рус тилидан кирган сўзлардек туюлади. Ўзбек тилига революциядан олдин кирган бир қатор сўзлар ўзбек тилида қайта шаклланган ҳолда учрайди: *каравот*, *яшик*. Ўзбек тилига кейинги даврда ўзлаштирилган сўзларнинг кўпида асл манба — рус тили орфографияси сақланмоқда.

Ўзлашмалар ўзбек тилига турли йўллар билан кириб келади. Арабча ўзлашмаларнинг кўпи ўзбек тилига ёзма манбалардан, қисман оғзаки нутқдан ўзлаштирилган. Форс-тожик элементларининг ўзлашишида ёзма манбалар билан бир қаторда оғзаки тил контакти муҳим роль ўйнаган. Турмушга оид, ҳунармадчилик, касбкор, дәхқончилик ва чорвачилик, оддий муомала ва расм-руsumларга оид тожикча сўзларнинг кўпи ўзбек тилига ўзбек-тожик маҳаллий шеваларининг ўзаро контакти натижасида кириб келган. Ўзлашмаларнинг тилга кириш каналлари ҳар даврда ўзига хос бўлиши мумкин. Русча-интернационал сўзларнинг ўзбек тилига киришида дастлабки даврларда оғзаки нутқ, оғзаки контакт муҳим ўрин тутган бўлса, кейинчалик ёзма манбалар, радио ва телевидение нутқи, айниқса таржима ва матбуот тили муҳим роль ўйнади.

Ўзлашмаларнинг ўзбек тилига кириш йўлларини ўзлашма сўзларни ўзлашиши усулидан фарқлаш керак. Ўзбек тилига ўзлашма сўзлар уч усуlda қабул қилинади: 1) Сўз ўзича, ўзгаришсиз олинади; 2) Сўз калькалаб олинади (тўлиқ калькалар); 3) Сўз аралаш усуlda олинади (ярим калькалар).

Ўзлашма сўз қабул қилувчи тил системасида дастлабки даврларда *неологизм* характеристига эга бўлади. Ўзлашма сўзлар йигиндиси бундай даврда тилнинг янги лексик қатламини ташкил қиласи. Демак, янги лексика бу тилдаги ҳали эскирмаган ёш лексикадир. Берувчи тилдан қабул қилувчи тилга кирган («ўзлашган» эмас) сўзнинг ўзлашмага айланishi кўп жиҳатдан бу сўзниг ёш лексика қатламидан давр синовига бардош бериб, традицион, оддий сўзлар қатламига ўта олиши билан боғлиқ.

Интернационал сўз (лексика)лар билан ўзлашма сўзлар орасидаги муносабат ва фарқлар тубандагичадир:

1) Интернационал сўзлар қардош ва қардош бўлмаган тилларда ҳам учровчи сўзлардир. Чунончи, ўзбек, рус, тожик, поляк, инглиз тилларида баравар учровчи сўзлар. Ўзлашма сўз қардош тилларда учрайверади. Чунончи, ўзбек, қозоқ, қирғиз, уйғур тилларида учровчи арабча ўзлашмалар.

2) Интернационал сўзлар синхроник планда бир неча тилларда, камида учта тилда учровчи сўздир. Ўзлашма сўзниг ўзлашма эканлиги, бу мезон билан ўлчанмайди. Ўзлашма сўз ҳар бир тилнинг ўзи учун хос ҳодисадир. Масалан, ўзбек тилига ўзлашти-

ришлган баъзи арабча ёки тожикча сўзлар қозоқ тилида учрамаслини мумкин.

3) Интернационал сўз ўзи тарқалган тилларда фонетик ва график (имловий) жиҳатдан мос, идентификация даражасида ўхшиши бўлади. Ўзлашма сўз уни қабул қилган ҳар қайси тилда турлича, ўша тил қонун-қоидаларига мос равишда қайта шаклланади.

4) Интернационал сўз ўзи қўлланувчи тилларда тўлиқ ва қисман ўхшаш маъно ифодалайди. Ўзлашма сўзларда бу хусусият бўлиши ва бўлмаслиги ҳам мумкин.

5) Интернационал сўз халқаро аҳамиятга эга бўлган тушунча ва тасавурларни ифодалайди. Оддий ўзлашмалар учун бу хусусият шарт эмас.

6) Интернационал сўз «халқаро аҳамиятга» молик, «интернационаллик белгиси»га эга сўздир. Бу интернационал сўзниң асосий мезонидир. Оддий ўзлашмалар маълум тил доирасидаги ҳодисагина бўлиши мумкин.

7) Интернационал лексика синхроник кўриниш (плоскость) даги ҳодисадир. Ўзлашмалар эса тилнинг диахроник кўриниши даги ҳодисадир. Ўзлашмага айланган интернационал сўзларгина, яъни ўзлашма интернационализмлар диахроник ҳодисага ўтади.

8) Ўзлашмалар ва ўзлашма қатлам кенг тушунча. Бунга ўзлашма интернационал сўзлар ҳам киради. Аммо ҳамма интернационал қўлланмалар ўзлашма сўз ҳисобланавермайди.

9) Турли тиллардаги интернационал ўзлашмалар (интернационал сўзлар қатлами) дунёдаги бир қатор тиллар учун умумий лексик фонд юзага келиши учун хизмат қиласди.

Ўзбек тили лугат составида интернационализмлардан фарқланувчи икки тип сўзлар мавжуд: 1) туркий тилларнинг кўпчилиги учун умумий бўлган умумтуркий сўзлар; 2) бир қатор туркий тилларда ўзлашма қатлам сифатида учровчи арабча ва форс-тожикча сўзлар.

Интернационал сўзлар олдига қардош бўлмаган тилларда учрашлиқ шартининг қўйилиши аслида интернационал сўзларни келтирилган биринчи тип сўзлардан фарқлаш учундир. Умумтуркий сўзлар ҳам бир неча тилларда учрайди, аммо бу умумий фонд аслида қардош тилларнинг генетик манбай умумийлиги натижасидир.

Туркий тилларнинг кўпчилиги учун умумий бўлган ўзлашма арабизм ва форсизмлар ҳам мавжуд. Бир неча тилларда учраши ва аслида чет тилдан кирганлиги нуқтаи назаридан туркий тиллардаги арабча сўзлар интернационал лексикага яқинлашади. Лекин *умумарабизм* ва *умумтуркизмлар* кенг маънодаги умумхалқ ҳарактёрига эга эмас, дунёдаги муайян територия (ареал) даги бир гуруҳ тиллар учун хосдир. Чунончи, Ўрта Осиё ва Қозоғистон территориясидаги туркий тилларда учровчи арабча, форс-тожикча лексик қатлам мана шу ҳарактердаги сўзлардир. Бундай сўзларни тўлиқ маънодаги интернационал лексикадан фарқлаш учун *регионализмлар* деб номлаш мумкин.

Қўлланма сўзлар

Қўлланма сўзлар генетик жиҳатдан бошқа тилники бўлгани ўзда тилларда ҳам учровчи лексемалардир. Қўлланмалар ўзи қўлланадиган тилники эмаслиги, фақат бу тил текстларида ишлатилаётгани билан ўзлашма сўзлардан фарқланади.

Қўлланма сўзлар коммуникатив ва стилистик функциясига кўра икки типга бўлинади: 1) экзотик лексика ёки экзотизмлар; 2) киритма сўз ва иборалар, яъни чет тил киритмалари («иностранные вкрапления»).

Экзотизмлар ўзбек тилига таржима қилинган адабиётларда ёки чет ўлка халқлари турмуши ҳақида ҳикоя қилувчи асарларда учрайди.

Экзотик лексикани ўзбек текстларига киритишдан мақсад ўша асарда ҳикоя қилинаётгани халқнинг турмуши, одатлари, этнографияси, тил хусусиятлари ҳақида маълумот беришдир. Экзотик лексика бошқа халқларнинг турмуши, уй жиҳозлари, расм-одатлари, кийим-кечаклари ва бошқалар ҳақида информация ташийди.

Ўзбек тилига турли тиллардан таржима қилинган бадиий адабиётларда экзотизмлар учрайди: Баъзи намуналар:

1) Маҳаллий-миллий топонимлар:— *Ромеш, Сиз Нормад шалоласини ҳеч кўрганмисиз,— отасининг сўзини бўлди қиз.* (Робиндронат Тагор). *Биз Мунгер, Патна, Дана-пур, Боксар, Ганипур, Банорас шаҳарларини босиб ўтишимиз керак...* (Робиндронат Тагор). *Шамсул-имора минорасидаги соат бешга занг үрди* (Козими). Шу кетганича *Истамбулга бошқа қайтиб келмаган. Диёбакиридан Мусулга, Мусулдан Хоникинга, у ердан Багдодга, Карбалога ўтган...* («Чолиқуши»). Мактаб очилган ҳафтанинг якшанбасида мураббиялар бизни *Кяритхона* томонга олиб чиқишиди («Чолиқуши»). *Кадикўйда Бўстонжи томонга қатнайдиган трамвайнинг охирги вагонига бир амаллаб чиқиб олдим* (Азиз Несин) ва б.

2) Миллий антропонимлар: *Ҳозир у Этойяни эмас, Гари ёки Чепунжи таклиф қилганда ҳам, Ромеш рози бўларди* (Робиндронат Тагор, 1, 77);— *Шоҳбожи, қайтишида яхшиси кўнкада қайта қолайлик* (Козими);— *Ҳожи халфанинг ўн иккига кирган Мирот номли бир ўғли билан Ҳойғонуш деган ўн тўрт ёшли бир қизи бор эди* («Чолиқуши»). *Пьер Форузун бўй, хушрўй, оқиши киши экан* («Чолиқуши»). *Бўлмаса Валибейни чақиринг* (Азиз Несин). *Суад бўлса Суад-да! Ўғил болагаям, қиз болагаям бўлаверади* бу исм (Азиз Несин) ва б.

3) Мурожаат, муомала сўзлари:— *Дада⁶— деди Хеммолини*

⁶ Ака маъносида. Ҳиндистонда ёши улуғ кишиларга шундай мурожаат қилинади.

*Погендрога... (Робинранат Тагор), — О на⁷, сиз ўз тақ-
тодорлигингиз билан бутун Банорасга донг чиқаргансиз... (Ро-
бинранат Тагор). — Кечиринг, бе йағаңдим, — дедим, —
худо ҳақи бехосдан бўлди... («Чолиқуши»). — Бонжур⁸,
Комрон, холам қалай? («Чолиқуши») — Пардон, мадма-
зель, шу ерда эдим, кўп афсус, ахтарганингизни билмабман. —
дедим («Чолиқуши»). — Марҳум Сайфуддин пошилонинг
чорбоги шуми? («Чолиқуши»). — Мен Фарида ҳоним ағанди
билишмоқчи эдим («Чолиқуши»). — Келинг, Наима
хўжоним⁹. — деди («Чолиқуши»). — Аризанинг орқасидан
юриш қийин нарса, ҳамишира ҳоним, — деди («Чолиқуши»). —
Бе йағаңдим, мен албатта иши топиш им керак («Чолиқу-
ши»). — Худо сендан рози бўлсин, мудирабе! («Чолиқу-
ши») — Маржа, ўтири, нон ол! — деди Али тажсанг астойдил
(Ойбек).*

4) Титул ва унвон номи: Унинг қизи Хеммолини ҳам шу кун-
ларда нафис санъат бакалаври¹⁰ деган унвон олиши учун имтиҳон
бераётган эди (Робинранат Тагор) — Ҳонноиб...
Мен айбли эмасман... (Козими). — Лаббай, тўрам! (АЗИЗ
Несин). Дафтардор, нишончи, бейларбейи, ажами — ўғлон
деб кимларга айтилган, Султон Иброҳим даврига характеристика
беринг. (АЗИЗ Несин).

5) Ижтимоий-сиёсий оқим, социал табақалар, мазҳаблар номи:
Оннода-бабу «Брахмо Сама ж»¹¹нинг аъзоси эди (Ро-
бинранат Тагор). — Сиз индуизм¹² ақидасига мансуб
оиладансиз, сизнинг отангиз шу диний эътиқоднинг муҳлиси эди
(Робинранат Тагор). Пароҳодда каятха тоифасига
mansub Умеш деган бир бола бор эди (Робинранат Та-
гор). У Мадура мамлакатининг рожаси эди (Робинранат Тагор). — Сиз брахман мисиз?¹³ Ассалому алаикум
(Робинранат Тагор, 1, 141). Сен бетавфиқ «машрутат-
чи»лар¹⁴ олдида шарманда бўлмагин деб эртагача туришингга
руҳсат бераман... (Козими).

6) Баъзи жой, ўрин номлари: Хеммолинининг у ерда, ўз уйи-
дан узоқда, жазира маиси сақланиши учун бунгалига¹⁵
қамалиб, кун бўйи танҳо ўтиражагини ўйлаганда Ромешнинг юра-
ги орқага тортиб кетади (Робинранат Тагор). ... наз-
мия биноси айвонида қоровулда турган бир неча казаклар у ёқ-
дан бу ёқка юришарди (Козими). Афсуски, эркак эмассан,

⁷ Она — ҳиндларда хотин-қизларга мурожаат қилишининг бир шакли бў-
либ, эҳтиромни ифодалайди.

⁸ Бонжур — салом (французча).

⁹ Хўжоним — муаллима, аёл ўқитувчи.

¹⁰ Олий ўқув юртини битирганда бериладиган илмий унвон.

¹¹ Брахман жамияти демакдир.

¹² Олий тоифаларнинг бири, мирзолар тоифаси.

¹³ Коҳинлар тоифаси. Ҳиндистондаги тўрт олий тоифадан бири.

¹⁴ Машрутачи — конституцион ҳукумат тарафдори.

¹⁵ Шаҳар ташқарисидаги уй.

бўлмаса сени «зўрхона»га¹⁶ бошлаб борардим... (Козимий). Фаррух билан шираконада¹⁷ учрашганидан кейин у катта ташвишида қолди (Козимий). «Дорулмуаллимотдан»¹⁸ шу йил чиқдингизми, хоним қизим?—деб сўради у («Чолик ўши»). Қизим, Истамбул рушди яларидан¹⁹. У бир вақтлар бу ерда идоди я²⁰ мудири эди («Чолик ўши»). Такси кутуб турган экан, тўғри казинога қараб юрдик (АЗИЗ НЕСИН).

7) Миллий таом, ичимлик ва бошқалар номи: — Мен сизга пан²¹ тайёрлай олмайман, бунинг учун ҳеи нарса олиб келмабсиз (Робиндронат Тагор). Шу сўзлар билан Камола шал япроқларини полга ёйиб, уларнинг устига лучи²² ва сабзавотларни чақонлик билан тера бошлиди (Робиндронат Тагор). Мен эса, сизга тамарин²³ шарбати тайёрлайман (Робиндронат Тагор). Ҳўжайин кўзларини қисиб, ҳукус²⁴ чекарди (Робиндронат Тагор); Хоним бугун Шимронга қариндош беканикига «ошибриштаз»²⁵ хўрликка борамиз (Козимиий). Бу қути фондана...²⁶ Мен дунёда энг яхши кўргач нарса! («Чолик ўши»). Ҳожи ҳалфа яна ўша оқ фартуғини тутиб олиб кичиккина ҳовуз лабида нарғил²⁷ тозалаётган экан («Чолик ўши»). Ахийри гулбашакарни²⁸ нималигини билиб олдим («Чолик ўши»). Кутиларнинг иккитаси «Ёниже», қолганлари эса «Геленже» ва «Бўғоз ичи» сигаретларидан бўшаган экан. (АЗИЗ НЕСИН).

8) Миллий кийимлар номи: ... у доҳотисинин²⁹ кирлигидан ташвиши тортмаган, кўйлак йўқлиги эса парвойига ҳам келмаганди (Робиндронат Тагор, 1, 182); Ҳамма ёқда бошига чодра ёпиниб, бетига чашмбан д тутган аёллар, улар орасидан ўзини қизиқтирган қизни топиб олишининг иложи йўқ (Козимиий); у наридан-бери ўралган катта саллали, эгнида кулранг лабод³⁰, оёғида сариқ туфли... (Козимиий). Қора чой шапли хотин эшикдан кириб, ёнимга келиб олган эди («Чолик ўши»). Дарҳол чодрамни ёпиндим, олдинда Ваҳби, орқада мен мусофирихонага тезлаб кетдик («Чолик ўши») — Оҳ, худо

16 Зўрхона — Эрондаги қадимий спорт саройлари.

17 Ширахона — бағихона.

18 дорулмуаллимот — хотин-қизлар билим юрти.

19 рушдия — Туркияд турт синфли бошланғич мактаб.

20 мактаб, юқори синфли мактаб.

21 бетел деган ўсимлик, Ҳиндистонда янроғини зираворга қўшиб чайнашади.

22 қатлама ёки чалпакка ўхшаш нарса.

23 дуккакли ўсимликлар оиласидан.

24 Ҳукка — чилиминг бир тури.

25 Яхна қилипб тортиладиган урга оли.

26 Фондан — ичига ликер жойлашган шоколадли конфет.

27 Наргила — чилиминг бир тури.

28 Гулбашакар — гулқанд.

29 Доҳоти — эрларнинг уст кийими.

30 Лаббода — ҳунарманд, савдогар ва руҳонийларнинг қадимий устки кийими.

кўтарғил, шамси яни олиб чиқиши эсимдан чиқибди («Чолиқуши», 231). Чоршаф кичкинамни бўйига етганга ўхшатиб қўпидди («Чолиқуши»).

9) Маҳаллий-миллий санъатга оид тушунчалар, чолғу асбоблари номи: ...сенинг овозинг менга ҳатто винага³¹ садосидан ҳам ёқимлироқ туюлмоқда (Робиндронат Тагор). Бир неча кун аввал болалардан бири ўзи сотиб олмоқчи бўлган бир удини келтириб кўрсатди («Чолиқуши»).—Дада, эркаклар шоға скриптиз³² ўйнамайди? (Азиз Несин).

10) Уй-рўзғор буюмлари, қуроллари номи: Бир куни эрталаб Ромеш ўз кабинетига кириб, столида саҳтиён филофли бюварни³³ кўриб қолди (Робиндронат Тагор, 53):—Ажаб! Шилдор³⁴ бўлмаса буни нима билан тұяман? (Робиндронат Тагор).

11) Маҳаллий қасб-ҳунар, машғулотлар номи: У ҳамиша мундирининг олди очиқ юрадиган семиз қўлоғаси эди («Чолиқуши»). Катта ҳалфа³⁵ анчадан бери менга ғалати-ғалати нарсалар айтиб юрарди («Чолиқуши»).—Келинглар, ўнбошим, хуши кўрдик (Азиз Несин). Биринчи марта охундага изжара қўйишиди, у ҳар кечаси кўчадан бўзук хотинларни бошлиб келиб уларни менинг сийғам³⁶ дерди (Козими).

12) Этнонимлар: Лекин ҳозир йўллар нотинч, шаҳсеванла³⁷ р талончилик қилиб, то Миёнағача келишиди... (Козими). Бу нима деганингиз? Фаранглар! Фаранглар бизга ўхшаб таҳорат қилишармиди?... (Козими).

13) Миллий аиъаналар билан боғлиқ номлар: Тўй маросимида Ромеш никоҳ оятларини такрорламади: «назари баҳайр»³⁸ вақтида кўзларини юмди... (Робиндронат Тагор). Камола пронам³⁹ қўлгандан кейин... (Робиндронат Тагор). Маросим охирлаб қолди, Али тоға Биби Фотиманинг безатилган «ҳатла»си никоҳ аравасини Шамсул — имора майдони атрофидан бир неча бор айлантирди (Козими);— Жонгинам, мунча ҳам қишлоқи бўлмассанг! Ҳар ҳолда менинг нишонлим да н⁴⁰ қочмассан дейман? («Чолиқуши»).

14) Диний тасаввурлар, расм-руссумлар номи: У энди қизини ўз оиласининг бўлғуси лаки миси⁴¹ деб тасаввур қила бошли-

³¹ вина — торли музика асбоби.

³² Скриптиз — рақс турни.

³³ Қогоз солишадиган пэнка.

³⁴ Резавор янчадиган япалоқ тош.

³⁵ Катта ҳалфа — хизматкор хотинлар бошлиғи, экономка.

³⁶ Сийғам — шиа мазҳабидаги мусулмонлар орасида шариат қонунига биноан, вақтича никоҳлаб олинган хотин.

³⁷ Шимолий турк кўчманини қабилаларидан бири.

³⁸ Кслин билан кўбенинг чимилдиқда биринчи марта бир-бирига назар солишинин ҳиндлар ана шундай атайди.

³⁹ Пронам — ҳурмат ва муҳаббат ифода қилувчи таъзим.

⁴⁰ Нишонли — унашилган киши.

⁴¹ Ҳинд мифологиясида бахт ва бойлик тангриси, гўзал ва садоқатли хотин рамзи.

ди (Робиндронат Тагор); Деярли ҳар йил күэда, Пуджа ба йрами⁴² муносабати билан билетларнинг арzon бўлишидан фойдаланиб, Оннода-бабу Хемнолинини олиб язнаси ишлаб турган Жабалпурга жўнарди (Робиндронат Тагор); Мен гўё Оннопурнани⁴³ кўргандай бўлдим (Робиндронат Тагор); Эрталабки таҳоратдан қайтаркан, йўл-йўлакай Шива ниги⁴⁴ ҳамма ҳайкалу суратларини гул билан безаб, Ганг сувидан сепиб қўярди. (Робиндронат Тагор). Бироқ бора-бора у ҳақиқий саниниаси⁴⁵ бўлиб қолади деган хавфим бор (Робиндронат Тагор). Бу кун сафар ойининг йигирма саккизи бўлиб, «Наҳл» маросими⁴⁶ бўлаётган кун эди (Козими).

15) Ўлчов ва пул бирликлари номи: Энди бошқа гап: ёки пул беринглар, ёки менинг икки доинг⁴⁷ жойимни таг-туғи билан менга ўтказинглар,— деди (Козими). Агар яна бир-икки пайдасага⁴⁸ гуруч олинса, мен бугун ажойиб таом пиширадим,— деди бола (Робиндронат Тагор); Буни эшишган Камола дарров бир рупия⁴⁹ келтириб Умешга берди (Робиндронат Тагор).— Яна беш қирон,— деган⁵⁰ овозлар эшишилиб қоларди (Козими). Фикри-ёди беш туман ишлаб олиш... (Козими). Кўп эмас, уч мажидия⁵¹ берсам бас, эримни ўша алвастининг қўлидан қутқариб, ўзимга қайтариб беришарди («Чолик ўши»). Саломат трикотаж фабрикасига дарвозабонликка кириб, саксон лира ойлик оладиган бўлди (Азиз Несин). Ўша пайтларда бир кило қанд ўттиз қурӯши⁵² турарди. Ҳозир бўлса бир кило қанд икки лира (Азиз Несин). Афсус, бир мирим ҳам йўқ (Азиз Несин).

16) Маҳаллий ўсимликлар номи: Бу ерда ашок ва бокул гуллари ўсган хиёбонлар йўқ; мадхоб чечагининг чирмашиб ўсишидан ҳосил бўлган яшил чодирлар-у чинор тўшли каккунинг сайрашлари қаёқда дейсиз (Робиндронат Тагор). У ўз ўйини яшил деодар⁵³ гулчамбарлари билан безатилган ҳолда кўрарман деб ўйлаганди... (Робиндронат Тагор).— Ая, маана буни бизда приинг деб атайдилар, унинг димлангани жуда мазали бўлади, мана буниси эса бето⁵⁴ (Робиндронат Тагор).

⁴² Кали тангриси шарафига ўтказиладиган кузги байрам.

⁴³ Дурга тангрисининг бир сифати. У бутун оламга ризқ улашармиш.

⁴⁴ Шива — ҳинд динидаги учта бош худоинг бири.

⁴⁵ саниниаси — зоҳид, дарвеш.

⁴⁶ Эронда имом Ҳусайннинг ҳалок бўлиши хотирасига бағишлиданадиган диний маросим.

⁴⁷ Ҳар бир мулкнинг олтидан бири.

⁴⁸ Ҳиндистоннинг майда пули, бир тийинга яқин.

⁴⁹ Ҳиндистоннинг пул бирлиги, 84 тийинга баравар.

⁵⁰ қирон — 0,3 тийин.

⁵¹ мажидия — йигирма қурушили танга.

⁵² қуруши — бир лира юз қурушидан иборат.

⁵³ деодар — Ҳимолай тоғида ўсадиган кедр дарахти.

⁵⁴ Ошга солинадиган ўтлар.

10 р). Бир жойда тунукали дўйқон томи қүёшда ярқираса, бошқа жойда ба ня⁵⁵ дарахти соясида пароҳод кутиб ўтирган йўловчилар кўринарди (Робин дранат Тагор). Менга қара Умсиш, эртага менга ним дарахтининг⁵⁶ баргини топиб кел... (Робин дранат Тагор). Дераза тагида гува ва дарахти шинаб гуллаган, асаларилар эса гул косачаларга дам кириб чиғар, дам қўниб учар эдилар (Робин дранат Тагор). Эҳтимол, чой япроқларида қувваси — зоҳидлик етарли миқдорда эмас-дир, зеро бу фақат миробаландагина⁵⁷ бўлади (Робин дранат Тагор).

17) Ҳайвон ва қушлар номи: Хемонкари... унинг қўлларига мокор⁵⁸ деган маҳлуқнинг сурати солинган иккита катта билагузук тақиб қўйди (Робин дранат Тагор); Бу одам боласи эмас, ҷолиқуши⁵⁹ деб койиган эди («Чоликуши»).

Қўлланмаларнинг иккинчи тури киритма сўз ва киритма иборалардир. Киритма сўз ва иборалар ҳам таржима адабиётида учрайди.

Киритма сўз ва иборалар ўзбекча текстда ўзи мансуб тил имлосида ёки ўзбекча имлода берилиши мумкин: Мен ҳам, мана шундай дейман Ademain mouller⁶⁰ (Лев Толстой). У ҳазиллашиб, мен Наташанинг рицариман деб юрар эди,— pasde cnâle⁶¹га ҳам тайёрман (Лев Толстой). Эҳтимол бу менинг Sut fisnael⁶² бўлар, лекин ҳар қалаи айтганим яхши... (Лев Толстой). Буни эндигина ўрганган рақсларини ижро қилаётган adolles centes⁶³га қараб ўтирган оналар, ҳолдан тойиб ғиқилгунча рақс қилиб adolesentes⁶⁴, хушчақчақ ўсмирлар билан ўйин-кулги ва вақти-чорлик қилиши ниятида келган бўйи етган қизлар ва ўигитлар тасдиқлашар эди (Лев Толстой).

Ўзбек тили текстларида учровчи тубандаги французча киритма сўз ва иборалар ўзбек имлосида берилган.

— Ўзи бирам кўҳликки трэ жоли⁶⁵...— деди у. Қадди-комати келишган, узун бўйли, ўзиям трэ кюлтивэ⁶⁶ (Азиз Несин).

Охири отасининг хуноби оиди — «Ун»⁶⁷дан бошқа сўз қуриб қолганми?

— Бўлмаса «н о»⁶⁸ деб айтами? «Н о»га келганмилик?

⁵⁵ Ҳиндистонда ўсадиган бир дарахт.

⁵⁶ Ним дарахти барглари дори бўлади.

⁵⁷ Миробалан — Ҳиндистонда ўсувчи азим бир дарахт меваси.

⁵⁸ Гавдаси балиққа ўхаш афсонавий ҳайвон.

⁵⁹ Чоликуши — бутазор қуши, читтак.

⁶⁰ Эртагача хайр, азизим.

⁶¹ Рўмол рақсига.

⁶² Мутаккабирлигим.

⁶³ Ўсмирларга.

⁶⁴ Қизчалар.

⁶⁵ Фоят чиройли (французча).

⁶⁶ Жуда ўқимишли (французча).

⁶⁷ Уи (Oui) — «ҳа» деган маънода (французча).

⁶⁸ Но(Noп) «нўқ» деган маънода (французча).

— Ҳа, албатта. «Но» деб жавоб берши керак. Шунинг навбати (Азиз Несин).

— Ферм ла порт⁶⁹, — деди тўсатдан отаси.

Қизи «вой» деганича югурб бориб онасининг бетидан ўпди.

— «Ферм ла порт» — онангни ўп, деган гап эмас, қизим. Сен айтган нарса «б эз ла м ер⁷⁰ бўлади...» (Азиз Несин).

Экзотик лексикани қабул қилувчи тилга калькалаб бериш ёки ўзича олиш бу текстнинг конкрет ҳөтиёжи, ёзувчининг мақсад ва хоҳишига, маҳоратига, таржимашунослик илмининг принцип ва талабларига боғлиқ.

Ўзбек тилидаги ўзлашма қатламни ўзлаштиришнинг тарихий-хронологик тартибига кўра тубандагича кўрсатиш мумкин:


1. Форс-тоҷик лексик қатлами.

2. Арабча лексик қатлам.

3. Русча-интернацонал сўзлар қатлами.

Ўзбек тилининг ўз ва ўзлашма қатламларини схемада тубандагича кўрсатиш мумкин:

Ўзбек тили лексикаси



ФОРСЧА-ТОҶИКЧА ЎЗЛАШМА СЎЗЛАР ҚАТЛАМИ*

Ўзбекларнинг аждодлари эроний тилда сўзловчи аҳоли билан қадимдан бирга яшаб келган, улар билан қўшилган, аралашган. Туркий ва эроний (сўғд) қабилалар қадимдан территориал яқин, ўхшаш ҳаёт кечирган, иқтисодий-маданий алоқада бўлган, чет эл босқинчиларига қарши биргаликда курашган.

*⁶⁹ Ferme la porte — эшикни ўп (французча).

*⁷⁰ Ba is la m  e — ойингни ўп (французча).

* Бу бўлимларни ёзиша тилшунослардан А. К. Боровков, Н. А. Баскаков, Ф. Мусабоев, Ф. Абдулаев, Ф. Камолов, С. Усмонов, Ш. Раҳматуллаев, Ш. Шоабдураҳмонов, О. Мадраҳимов, М. Мирзаев, К. Юсупов. Ж. Ҳамдамов, Г. Муҳаммаджонова, Н. Фуломоваларнинг ишларига мурожаат қилдик—Э. Б.

Туркий халқлар ва тилларга сингиб кетган сўғдлар ва сўғд тили тамоман изсиз йўқолгани йўқ, албатта. Ўрта Осиё тилларида бир қатор катта, калта, кўп сингари сўзлар, кўпгина топонимик номлар сақланиб қолган. Аслида тоҷикча элемент экани, тоҷик тилидан олингани структура жиҳатдан ўхшамовчи, лекин ўзбек тилида қадимдан мавжуд (аммо туркий бўлмаган) баъзи сўзлар аслида ўша сўғд тили қолдиқлари бўлиши керак.

Ўзбек тили ўтмишда алоқада бўлган эроний тиллардан бири қадимий хоразм тилидир. Қадимий хоразм тили ва қадимги Хоразм ёзуви Ўрта Осиё халқлари тарихида маълум роль ўйнаган. Аммо қадимий хоразмийлар ва эроний тил характеристида бўлган қадимий хоразм тили, унинг туркий тилларга таъсирини ундањ ўзбек тили лексикасига кириб қолган элементлар фанда деярли ўрганилган эмас. Аммо ўзбек тили лексикасида, айниқса, халқ шевалари лугат составида бу тилнинг айрим элементлари сақланган.

XIII—XIV асрларда Хоразм воҳаси аҳолиси икки тилда — туркий тил ва қадимий хоразм тилида сўзлашган. XII—XIII асрда. Ўрта Осиёда туркий қабилалар кўпайиши ва устунлик қилиши туркий тилларнинг ҳам устунликка эришишига олиб келади. Натижада қадимий хоразм тили (худди сўғд тили каби) XIV асрларда ўзбек тилига сингиб кетади. Ўзбек тилида бу мағлуб тилнинг баъзи сўзлари сақланиб қолди: *хўп* (*хўб*), *бог*, *почча* (*пиччоми* — «дадам»), *осмон* (*осм*), *жуфт* (*эр маъносида*), *ариқ* (*арисув*) ва бошқалар. Ўзбек тилининг Қарноқ шевасида акасини ва дадасини «поччам» деб аташ ҳозир ҳам бор.

Шундай қилиб, ўзбек тилига қадимий даврларда таъсир қилган эроний тиллар сўғд ва қадимий хоразм тилидир. Араблар келмасдан олдин сўғдлик деҳқонлар ҳукмрон синф бўлган. Туркий тилларнинг VII—IX аср тарихи араб тили таъсирида ўтди. Кейинчалик эроний тиллар яна ўз мавқеини тиклади. Натижада IX—X асрларда форс-тоҷик адабий тили ва маҳаллий тоҷик тили ўзбек тилига кучли таъсир ўтказди. Бу таъсир XI—XII асрларда, айниқса, кучайди. Бу даврга келиб форс адабий тили ўша вактда давлат, адабиёт ва дин тили бўлган араб тилини сиқиб қўяди ва искеъмолдан суриб чиқаради. Сомонийлар династияси даврида (IX—X асрлар) араб тили ўрнига «форсий дари» ёки форсий тил, яъни дарий деб аталган маҳаллий тил адабий тил сифатида кенг ёйилади. IX—X асрларда Мовароуннаҳр ва Хуросонда яшовчи эроний тилда гаплашувчи аҳоли дарийлар ёки тоҷиклар деб юритилган. «Форсий дари» яъни форс адабий тилига Хуросонда яшовчи тоҷикларнинг сўзлашув тили асос бўлган.

Форсий адабий тил араб тилини дастлаб шеърият соҳасидан сиқиб чиқаради. Бу жараён XI асрда батамом форс тилининг ғалабаси билан тугалланади. Форсий тил фан, адабиёт ва маданият тилига, расмий давлат тилига айланади. Бу тилда машҳур адиблар Абу Абдулло Рудакийнинг юёб шеърлари, Абулқосим Фирдавсийнинг «Шоҳнома» достони, Умар Ҳайёмнинг бебаҳо ру-

боийлари, Саъдий Шерозийнинг «Гулистан», «Бўстон» каби асарлари, Низомий Ганжавий ва Амир Хисрав Деҳлавийнинг газал ва достонлари, Шамсиддин Муҳаммад Ҳофиз ва Абдураҳмон Жомийнинг ўлмас асарлари ёзилди.

XV асрлардан бошлаб дарий тилида ҳозирги форс ва тожик тилларига ажралиш жараёни бошланади. Натижада форс ва тожик халқлари тилларида баъзи тафовутлар юзага келади.

Хуллас, сомонийлар даврида форсий тилда ёзиш кучаяди. Агарда диний-мистик адабиёт араб тилида ёзилган бўлса, форс-тожик тилида дунёвий адабиёт намуналари яратилди. Форс-тожик тилининг расмий давлат тили, дунёвий адабиёт тили экани бу тилнинг обрўсини жуда ошириди. Натижада бу тил маҳаллий туркӣ тилларга, жумладан ўзбек тилига кучли таъсир ўтказди.

Тожик тилининг ўзбек тилига таъсирини тўрт аспектда олиб қараш мумкин: 1) ўзбек тилига қадимий эрон тиллари (сўғд, қадимий хоразм тили ва б.) таъсири; 2) ўзбек тилига янги форс адабий тили таъсири (IX—XV асрлар), 3) ўзбек тилига тожик адабий тили таъсири (XV асрдан кейинги даврлар), 4) ўзбек тилига маҳаллий тожик шевалари таъсири (турли даврларда).

Форс-тожик ва эски ўзбек адабий тилларининг тўқнашиши, шунингдек маҳаллий ўзбек ва тожик тилларининг ўзаро ҳамкорлиги турли тарихий даврларда ўзбек-тожик икки тиллилиги ҳодисасини туғдирган муҳим фактордир. Тожик тили форс-тожик адабий тили ва тожик халқи тили этапларида ҳам ўзбек халқи ҳаётида расмий давлат тили сифатида алоҳида ўрин тутган. Ўзбек хонликларининг кўпида XVI—XVIII асрлар давомида расмий ёзишмалар, ёзув-чиズув ишлари, асосан, форс-тожик тилида олиб борилган. Тожик тили, турмушда, адабиётда ва таълимда ҳам муҳим ўрин тутган.

Хуллас, тожик тили расмий адабий тил сифатида ҳам, бирга, аралашиб ёки қўшни яшовчи халқ тили сифатида ҳам ўзбек тили билан тўқнашди. Натижада ўзбек-тожик икки тиллилиги адабий тил доирасида ҳам, маҳаллий шевалар доирасида ҳам мавжуд эди. Ўзбеклар расмий ва адабий доирада, шунингдек норасмий муомалада ҳам ўзбек тили билан бирга тожик тилидан ҳам бемалол фойдалана олган. Айниқса, бу ҳол Самарқанд ва Бухоро воҳаси, Фарғона ва Қашқадарё водийлари, шунингдек бошқа бир қатор територия аҳолиси учун характерли бўлган. Бу жараён ушбу территория аҳолиси тилида ҳозир ҳам кузатилади.

Ўзбек ва тожик тилларининг ўзаро таъсири икки томонлама бўлди. Тожик тили ўзбек тилига таъсир этгани каби ўз навбатида ўзбек тили ҳам тожик тилига ўз таъсирини ўтказган (лекин бу ҳодиса бизнинг текшириш объектилизга кирмайди).

Ўзбек ва тожик тилларининг ўзаро алоқаси ва таъсири турли тарихий даврларда турлича шароитларда юзага келган. Бу жараён Ўзбекистоннинг турли районларида ҳам турли даражада бўлган. Тожик тилининг ўзбек тилига таъсири айниқса ўтмишда кучли бўлган ва узоқ давр давом этган. Ўзбек халқининг буюк

шоири, ўзбек адабий тилининг асосчиси Алишер Навоий ўз она тили — туркӣ (ўзбек) тилини ниҳоятда чуқур билгани, унинг обрӯси учун курашган ҳолда форс-тожик тилини ҳам яхши эгалланган эди. Алишер Навоийнинг туркӣ ва форсий тилда параллел равиша ёзган асарлари ўзбек-тожик икки тиллиги — зуллисонайибликнинг ажойиб намунасиdir. Алишер Навоий даврида форс-тожик тили анча кенг тарқалган ва уни туркӣ аҳоли ҳам яхши билар эди.

Ўзбек ва тожик тиллари ўзаро бевосита тўқнаш келган, аралашган тиллардир. Шунинг учун тожикча сўзлар ўзбек тилига бевосита тожик тилининг ўзидан олинди.

Хуллас, В. В. Бартольд тили билан айтганда: «... агар араб тили мусулмон дунёси учун Европадаги латин тилидек аҳамиятга эга бўлса, форс тилини француз тилининг таъсири билан тенглашириш мумкин».

Ҳозирги ўзбек тили лексикасида анчагина тожикча сўзлар бўлиб, ўзбек тили лексикасида туркӣ сўзлардан кейин миқдор жиҳатдан иккинчи ўринда туради.

Форс-тожик сўзларининг ўзбек тилига кириши учун турли тарихий даврларда ҳар хил омиллар сабабчи бўлган. Аммо улар орасида баъзи характерли ва муҳим сабаблар ҳам бор. Булар тубандагилар:

1. Ўзбек ва тожикларнинг аждодлари қадимий даврлардан бир територияда, биргаликда ҳаёт кечириб келишган. Улар ўзаро иқтисодий, хўжалик соҳаларида яқиндан алоқада бўлган. Бу ўзбек ва тожик тилларининг ўзаро тўқнашувига, биридан иккинчисига сўз ўтишига сабабчи бўлган.

2. Ўтмишда баъзи территорияларда туркӣ ва эроний тиллар тўқнашгани ва ўзаро чатишганида туркӣ тил ғолиб келган. Мағлуб тилнинг (масалан, сўғд тили, қадимий хоразм тили ва б.) элементлари ғолиб туркӣ тил составида қисман сақланиб қолган.

3. Форс-тожик адабий тили, кейинчалик тожик тили Ўрта Осиёда кўп давр расмий давлат тили сифатида қўлланиб келган. Давлат, тижорат ишлари, маъмурий, расмий ёзишмалар, маҳкамама ҳужжатлари, тарихий мемуарлар тожик тилида ёзилган. Бу ҳол ўзбекларни тожик тилини билишга, уни тушунишга ундалган. Натижада тожикча расмий услугуб сўзлари ўзбек тилига кириб борган.

4. Ўрта Осиё, жумладан Ўзбекистоннинг анчагина қисми аҳолиси турли тарихий эҳтиёж ва сабабларга кўра икки тилларидир. Аҳолининг икки тилда — ўзбек ва тожик тилларида сўзлаши бу тилларнинг ўзаро сўз алмашишига сабабчи бўлган.

5. Ўтмишда, айниқса X—XI асрлардан кейин бадиий, тарихий ва юридик асарлар икки тилда — ўзбек ва тожик тилларида ёзилган. Кўпгина ёзувчилар ўз асарларини икки тилда ёзишни одат қилган. Натижада ўзбек аҳолиси тожикча асарларни ҳам ўқиган. Бу улар тилига тожик сўзларининг кириб боришига йўл очган. Тожик адабий тили ёзма адабиёт орқали ўзбек адабий тилига, ўқимишли кишилар тилига кучли таъсир қилган.

6. Ўзбек ва тожиклар тарихан қўшни ва аралаш яшаб келган халқлар бўлганилиги туфайли, бу икки халқ маданияти, санъати ва турмушида муштарак томонлар шаклланган. Икки халқ бир-бирларидан касб-корни, санъатни, урф-одатларни ўрганган. Натижада уларнинг тиллари бир-биридан ўша тушунчаларга боғлиқ сўзларни олган. Ўзбек тилидаги боғдорчилик, дехқончилик, тикувчилик, зардўзлик ва ҳунармандчиликка оид сўзларнинг аксарият қисми тожикча экани мана шу туфайлиди.

7. Тожик тили ўз даврида бадий-поэтик тил, расмий-юридик тил сифатида анча ишланган, сайқалланган тил эди. Айниқса, унга араб тили кучли таъсир кўрсатган эди. Шу сабабли араб сўзлари тожик тилининг баъзи услубларида умумий сўз миқдорининг 50—60 процентини ташкил этади. Тожик тилида соф арабча негизлар асосида тожикча морфемалар ёрдамида кўп миқдорда янги сўзлар вужудга келтирилди. Бу сўзлар поэтик нутқ, расмий ёзишмалар тили ва илмий услугуб учун жуда қулай ва зарурий сўз ва терминлар эди. Ўзбек тили мана шундай нутқий воситаларга: муҳтожлик сезганида буни тожик адабий тилидан олди.

Ҳозирги ўзбек адабий тилидаги тожикча ўзлашмалар кўпроқ конкрет ва реал нарса, ҳодисалар тўғрисидаги тушунчаларни ифодаловчи сўзлардир. Тожикча ўзлашмалар кундалик турмуш учун энг зарурий ва серистеъмол сўзлардир. Шу туфайли тожикча сўзлар ўзбек тилининг лугат составига аллақачонлар чуқур ўрнашиб сингиб қолган лексемалардир.

Тожикча ўзлашмаларнинг зарурий, серистеъмол сўзлардан иборатлиги, ўзбек тилига аллақачон сингганлиги бу сўзларнинг ўзбек аҳолисига ўз тили сўзицек туюлишидан ёрқин сезилади: *пойтиша, обдаста, оташкурак, дастурхон, меҳмон, мезбон* ва б.

Ҳозирги замон ўзбек адабий тилида тожикча ўзлашма сўзларнинг тубандаги лексик-семантик группалари мавжуд:

Реал ва афсонавий ҳайвонлар, парранда ва қушлар номи: аждар, аждаҳо, жонивор, говмии, този, шер, фил, нор, қоплон (каплон), маймун, каркидон (каргадон), наҳанг, ҳўрзоз, ғуррак, жўёжа, лайлак, булбул, кантар, бедана, чил, худхуд, зор, зорча, мокиён, мусича, оҳу, парранда, пода, семурғ, тўти, ҳумо(й) ва б.

Ҳашаротлар, майдаг жониворлар номи: кана, пилла, малах, пашиа, парвона, каламуш, гов, газанда, кўршапалак (кўршабпрак) ва б.

Одам ва ҳайвон аъзолари номи: бел, дандон, афт, ангор, рўй, дийдор, кифт, пешона, гардан, гирибон, тана, лаб, жигар, гавда, кафт, дил, мушт, чеҳра, даҳан, калла, думба, дум, пар, пат, занайдон, зулф, кокил, лунж (оғиз), мижжана, мужгон (мижгон), мужда, мўй, пой (оёқ пойи ва қадам), пайкон, панжа, почя (пойча), рух (чехра), рухсор, сина//сийна, устухон, чангол (панжа) ва б.

Ўсимлик ва дарахтлар, улар танасининг қисмлари номи: анжир, анор, бинафша, барг, бодом, бута,

тик, гўра, довучча, ток, тўт, чинор, шафтоли, сада, сарв, сановбар, гўнча, хазон, барг, шоҳ новда, шона, дарахт, гиёҳ, сабзи, чим, чипал, нашвоти, мева, майиз, беҳи, олча//олуча, алволи (олбомли), гилос, гул шона, лола, хина, печак, беда, хашак, хас, дон, сўннор, даройи (узум), дўйлана//дўйлона, заранг (дарахт), ниҳол, пўст, шакар-ангур, шўра, гўнча ва б.

Сабзавот ва техника экинлари, улар маҳсулоти номи: лўвия (лўбия), мош, нўхат, шоли, жўхори, жавдар, сурӯч, бодринг, сабзавот, сабзи, пиёз, гармдори, зира, кашнич, тўрт, писта, полиз, кўкнор, шалғом, гиёҳ, каду, қаҳрабо, мурч, капон, зигир, карам, кунжут, нозбўй (райхон) ва б.

Касб-ҳунар, машғулот ва у билан алоқадор тушунчалар номи: жувоз, жувозкаш, мардикор, чорикор, ширгар, мисқар, кулол, ҳунарманд, дўйкондор, боғбон, ҳамишира, доя, гозанда, бастакор, гулфуруш, гулчин, гўлаҳ, дарвозабон, дехқон, дорбоз, дурадгор, палоспӯи, хомток, пайванд, пархеш, дўзанда, шардўз, заркаш, кисавур (кисабур), коғазар, коғазул, кўзагар, мийфуруш, мирза, мироб, ошпаз, подабон, посбон, пўстин, рўмол (рўймол), сангтарош, саркор, сарбон, сурмакаш, чалпакпаз, чангиз, чилангар, чўпон, ҳунар ва б.

Озиқ-овқат, ичимликлар номи: бода, бўза, кабоб, ёғ, гўшт, зогора, новвот, шакар, гулоб, май (шароб), мағз, нўшибоба, палов, пашмак (ҳалво), ош, нон, қанд, тухум, хўрак, мотрова (мошибоба), парварда, тушвара (тушбера), бурда, шира (сок), шарбат, шароб, нўхатишўрак, ширгурунч, ширкади, лалми (галла), хўрда, чалпак, чарб(и), шакароб ва б.

Шахс, инсон тушунчаси билан боғлиқ номлар: камина, каниз, канизак, хўранда, ҳамкор, ҳамроҳ, ҳамсоз, ҳамсоя, ҳамсұхбат, ҳамхона, ҳамишира, жавоб, жаҳонгашига, жаҳондида, жонон, жонона ва б.

Кийим-кечак, улар қисмлари, матолар ҳамда тикувчилик, каштачиликка оид сўзлар: авра (авра-астар), адрас, астар, лас, атлас, баҳя, чок, чопон, зарбоб, киса, сарпо, яктақ дакана, патак, саҳтиён, пайпок, пайтава, кавуши, чойшаб, зулфин(ча), каллатўш; камар, кулаҳ (кулоҳ), лун||лунги, нимча, чарм, шойи, беқасам, мовут, чит, дока, кимхоб, пилтапеч, пўстин, ислими (нақши), сарпеч, тасма, чарм, шалвар, жома ва б.

Тураржой, қурилиш ва бинокорликка оид сўзлар: арк, айвон, дарвоза, арра, пойтеша, замбил, газ, газчўп, андава, гунния (гунъё), хона, чайла, гумбаз, дераза, зина, нарвон, мих, тахта, девор, ғишт, гувала, сарров, синч, ҳарш панжара, устун (сутун), пойдевор, пешток, пахса, хода чўп, роҳ, ғов, токча, тоқи, пештоқ, гумбаз, тарнов, пойгак, обрез, оҳак, даҳлиз, даста режса, шип, пона, дарича, кошона, кўшик, меҳроб, хонақоҳ.

Уй-рўзғор буюмлари, асбоб-ускуналар номи: сомбир (анбур), ангушвона, андова//андава, анжом, жомашов, дег

(қозон), хум, хурмача коса, пиёла, чироф, гаврон, дастурхон, дазмол, обдаста, парда, парма, гилам, ҳокандоз, челак, баркаш, жава, кўза, панишаха панишахона, соғар (қадаҳ), кағғир, корсон, сандал, ранда, исқана, пона, ғалвир, дурбин, патак, лаган, коса, обкаш, гүгурт, полос, кўрпа, поёндоз, мола, тандир, рапида, жувоз, пухта (жилов), обжувоз, кунда, занжир, устара, ғалвир, ғилдирак, чамбарак, дастгоҳ, чарх, соявон, сурмадон, сўзан, теша, устара, халаҷӯп, чироф, чироғбон, чарх, шамчироф (шабчироф), жиҳоз, жом (пиёла), чамадон ва б.

Касаллик ва ўлим билан алоқадор тушунчалар номи: бемор, бетоб, бод, дард, пес, хаста, захм, дардманӣ, говмичча, кал, кар, гарон, гунг (лол), парҳез, хала, саратон, гўр, гўристон, дардкаш, дарднок, дори, зардоб, кўр, кўса, лат (емоқ), лол (гунг), мотам, тобут, хол, шабкўр, ҳез, жувонмарг ва б.

Қариндошлиқ, яқинлилиқ муносабатига доир сўзлар: биродар, бачча, бобо, ёр, невара, момо, фарзанд, падар, дугона, хеши, жигарбанӣ, жигаргўша ва б.

Кишилар ўртасидаги муносабат, яқинликини ифодаловчи сўзлар: ёр, дўст, дўстона, носоз, ошно ва б.

Вақт тушунчалиги билан боғлиқ сўзлар: гал, зум, дам, палла, пайт, доимо, замон, навбаҳор, чошгоҳ (чоштгоҳ), шом (пайти), шомгоҳ, ҳамиша, ҳамон, ҳамона ва б.

Тезлик тушунчалиги билан боғлиқ сўзлар: дарров, дарҳол, зуд (тез), оҳиста, тез, шитоб, шитобкор ва б.

Йил, фасл, кун тушунчалиги билан боғлиқ сўзлар: баҳор, баҳорий, наврӯз, чилла, наҳор, пешин, саратон, сунбула, ҳафта, якшанба, душанба, сешанба, чоршанба, пайшанба, бамдод, хуфтон ва б.

Баъзи конкрет нарсалар, ҳодисалар номи: болор (устун), ганж, ганжина, гард, гардши, гил, гирдоб, гулдаста, гулхан, дам (нафас), сим, зар, тилла, дом (тузоқ), дуд, карвон, тахта, мис, пўлат, олмос, симоб, соя, ях, феруза, гавҳар, дарра, даста, даҳма, заҳар, зириҳ, калит (калид), коғир (модда), кунгура, кунда (тўнка), латта, лаҳтак, лаҳчак, метин, мум (модда), мушк (мушк-анбар), ништар||наштар, ойна (оина), оташ (олов), оҳак, жатта, пешоб, пистон, рахна (чок), сурма, тўтиё, фарзин, ҳас, хирмон, хиром, хода, хок, шамшод, шол (гилам), ҳамён ва б.

Табиий ҳодисалар, табиат стихиялари номи: шабада, бода, гармсеп, дўл, заҳ, лой, соя, шабнам, ях, яхоб ва б..

Табиатнинг табиий объектлари номи: замин, дара, фалак, офтоб, жаҳон, гардун, хуршид, дарё, чашма, даишт, даишгоҳ, кишвар, гулшан, лолазор, биёбон, бўйстон, вайронга, гулистон, чаман, чаманзор, чимзор ва б.

Кишилар томонидан яратилган белгиланган (сунъий) макон ва жой номлари: омбор, базмгоҳ, сарой, қўшхона, сартарошхона, отхона, корхона, новвойхона, токзор, гулзор, кўча, даҳа, хонадон, гузар, гўша, даргоҳ, дорихона,

шиндон, кантархона, кон, карвонсарой, карвонхона, майдон, майка-да, майхона, оромгоҳ, остана, оташхона, ошён, оғил, оҳан, оҳан-рабо, пойгоҳ, полиз, сайлгоҳ, сайргоҳ, сардоба, чорбог, жой.

Музика ва у билан алоқадор тушунчалар номи: оҳанг, куй, тарона, тановар, карнай, сурнай, наво, навосоз, навохон, тор, сетор, чилтор, соз, дутор, танбур, най, чанг, гижжак-рубоб, хиргойи, хушхон, яккахон, ҳаво (оҳанг), ҳаводор, жўр (бўлмоқ) ва б.

Мактаб, маърифат, илм ва таълимга доир ёзлар: дафтар, шогирд, дониш, донишманд, доно, нома, намуна, панҷ, пандгўй, рӯзнома, устод ва б.

Савдо-сотик ва молиявий ишларга доир сўзлар: арzon, баҳо, бозор, бозоргоҳ, бепул, пул, харид, харидор, савдо, савдогар, тарози, нарх, дўкон, даромад, судхўр, раста, сармоя, сармоядор, насиya (насия), насиyahўr, суд (фойда) ва б.

Социал-тарихий муносабатларга доир сўза терминлар: бож, тоҷ, подшоҳ, подшоҳзода, шаҳзода, шоҳ, девон, девонбеги, додхоҳ, муҳр, номзод, таҳт, понсад, пора, товоң (жарима), раҳбар, тоҷдор, бону, тўра, фармон, фармонбардор, дор, пойтаҳт, намойиш, муштумзўr, шаҳар ва б.

Ҳарбий тушунчалар, қурол-аслаҳалар номи: лашкар, навкар, жанг, жанггоҳ, жанговар, саркарда, сардор, сарбоз, паҳлавон, сипоҳ, ҷодир, шамишир, гурза, камон, камонгар//камонсоз//камонкаш, ҳанжар, замбарақ, тўппонча ва б.

Диний тушунча ва тасавурлар номи: бандар, беҳшишт, бомдод (бомдод номози), бут, бутпараст, бутхона, фирдавс, дев, мажусий, худо, парвардигор, эшон, пир, каромат, оташпараст, ҳожи, жон, гуноҳ, бегуноҳ, дарвеш, жодугар, девона, фаришта, пари, афсун, афсунгар, намоз, намозгоҳ, салла, дариф//дориғо, дастор, дўзах, замзам (обизамзам), парихон, пешво, рўза, рўзадор, руҳоний, тумор, худованд//худованда, чиллахона, жоду, жодугар, жодупараст ва б.

Тарихий-традицион анъаналар, маросимлар номи: базм, кафсан, меҳмон, мезбон, меҳмондўст, меҳмонпраст ва б.

Ҳажм, миқдор ва ўлчов англатувчи сўзлар:
а) ҳажм: баланд, бепоён, майда, паст, новча, дароз, зарра, миён(a), пакана, реза; б) миқдор, чегара: андак, баробар, бор (бир бор), дона, тоқ, чала, гуруҳ, зиёда, зич, кам, камёб, ним, поён, сарҳад, сероб, сон, тўда, чандон (минг), ягона; в) ўлчов бирликлари: жўра, чорак, нимчорак, пайса, газ, палла, парча, пуд, тах, тароз(и), фарсанг, якбор//якбора, якка ва б.

Ёш англатувчи сўзлар: жувон, камипир, момо, мўйса-фид, норасид ва б.

Ёруғлик ва иссиқлик англатувчи сўзлар: тафт, хира, ҷароғон, шўла (лавҳа) ва б.

Ранг-тус англатувчи сўзлар: гулранг, зангор (зангори), заррин, лолагун, ложувард, нилгун, нилранг, нилий, сапид//сафиид, сиёҳ, сур ва б.

Ҳид, таъм англатувчи сўзлар: бў(й), нордон, хушбўй, ширин, шўр, шўрак, заҳар ва б.

Овоз, нутқ ва нутқий фасоҳат билан боғлиқ тушунчалар номи: бурро, гап, хушзабон, хушшоз, хушсухан, шакаргуфтор, шева, жонсўз, забон, бадзабон, оташзабон, турзабон, суханвор, бонг, занг//кўнгироқ, дод (солди), камовоз, камсухан, овоз, овоза, оҳанг, фарёд ва б.

Хусусият, ҳолат ва белги англатувчи сўзлар: 1) ижобий хусусият, белги ва ҳолат англатувчи сўзлар: барно, андиша, барқарор, боб (лойиқ), гулгун//гулгуна, гулрух, гулрухсор, гулрўй(й), гулчехра, дилбанд, дилгир, дилкаш, дилбар, покиза, дилбаста, дилнавоз, дилрабо, замҳарир, зебо, зийрак, зўр, камарбаста, камтарин, лоларуҳ, лоларўй, мард, мардона, маҳлиқо, маҳтоб//моҳтоб, шод, саранжом, хурсанд, хуррам, далир, меҳрибон, монанд, моҳваш, моҳпайкар, ноёб, нозанин, нозик, нозикдил, нозикхәёл, номдор, обод, ободон, озод, озода, оромбахиш, ораста, осон, осудадил, париваш, паризод, парипайкар, париуҳ, паририҳсор; парирўй, пок, покдил, покдоман, пурдил, пүхта, рост, ростгўй, сара(хўб), саранжом, сарбаста, сарвар, саркаш, тоза, устувор (турғун), хушдил, якдил, ҳамдам, ҳамовоз, ҳурлиқо, хушрабо, ҳүшёр, жонажон, жанпарвар; 2) салбий хусусият, белги ва ҳолат англатувчи сўзлар: бадбин, бадкирдор, бадгумон, банди, банди, барбод, баттар, бадбаҳт, бечора, бежо, вайрон, суст, пуч, чўл, гумроҳ, густоҳ, давогар, дилафгор, дилозор, дилсиёҳ — дилсўхта, дод, доғ, занг(кир), зиён, олифта, чапани, хунук, нокас, дагал, кайдар (тўскинлик), кек, кин/кина, номард, хушомадгўй, найранг, лофт, майпараст, масть, мастона, мот, нодон, нокаста, номард, нонкўр, нопок, норасо, озор, падаркуш, пуч, расво, саргардон, ситамгар//ситамкор, худбин, хумпар (хунбар), сояпарвар, суст, хунрез, чирик, чиркин, шикаст, шикаста, шум; 3) ижобий ва салбий психик ҳолат англатувчи сўзлар: баҳтиёр, ханда, хандон, хуррам, хурсанд, хушнуд, шод, шодмон, шодон, шодиёна, шўх, ҳамдард ва б.; 4) салбий психик ҳолат англатувчи сўзлар: андуҳ, афсус, афтода, зор (нола), мотамзада, мотамсаро, нола, нолагар, нолииш, ноумид, нотавон, нохуши, ношод, ошуфтаҳол, ошуфтаҳил, паришон, пушаймон, ранж, ранжииш, рашикнок, сазо, саросар, саросима, тунд, ҳам(м), хастадил, хирс, хомуши, хуноб, шўрида, шўриши ва б.; 5) умуман ҳолат англатувчи сўзлар: бева, бекор, бечора, озод, бегона, содда, сарсон, масть, нозик, гадо//гадой, гирифтор, гирён, гўштдор, дарбадар, дарз, думдор, дунбул, дучор, душвор, забун, кўҳна, ларз, лол (бўлмоқ), турғак, ноумид, ниғорон, ниёзманд, нишиб, нобуд, ношод, овора, орзуманд, осойиш, осуда, пайванд, пайваста, пароканда, пиёда, поймол, пукка, равон, сарсари, танҳо, хоксор, хор, шайдо, яксон, жўши (урмоқ) ва б.

Бошқа хил абстракт маъноли сўзлар: андоза, армон, армуғон, афсона, баҳона, бунёд, бурд, жонон, хуштор, дилдор, нолииш, ситам, гаров, гашт, гум (бўлиш), гумон, гумона, дар-

мон, дастак, дастмоя, дастур, даином, дебоча, дид, дийдор, ёд, ёдгор, замона, зеб, карашма, ком (комига тортиш), марза, меҳр, мижоз (межоз), нигоҳ, нигор, ниёз, нишон//нишона, ниҳон, ноз, ном, обрӯй(и), оғоҳ, омад, орзу, армон, оройши, ором, оташин, ошкор, оғуши, пайдо, паймона, паноҳ, парвариш, парво, парвоз, пардоз, пинак, пинҳон, писанд, писанда, пушт, равииш, право, равшан, рашк, саргузашт, сарҳисоб, ситам, ташна, умид, фаромуш, фаррух, фош (қилмоқ), хоҳииш, чора, шукуҳ, ҳуш (ақл).

Боғловчилар: агар, агарчанд, балки, бал(ки), баъзи, гар (агар), гарчи, гўё, лек(ин), лекин, магар, хоҳ, чун, чунки, чунон, чунончи ва б.

Модал сўзлар: даркор, зарур, зинҳор, кошки, дуруст, ниҳоят, ногоҳ, ногоҳон, офарин, расо, шояд, ҳеч ва б.

Ўзбек тилидаги тожикча сўзлар миқдори бу тилдаги арабча ўзлашмаларга нисбатан кўп. Ўзбек тилига кирган арабча сўзлар миқдори асрлар давомида истеъмолдан чиқиб камайиб борган бўлса, тожикча сўзлар бу даврда миқдоран ортиб борганини кўрамиз. Бунга сабаб ўзбек ва тожик тиллари ёнма-ён ва аралаш яшовчи қўшни халқлар тиллари сифатида узоқ давр ва узлуксиз алоқада бўлиб келди. Тожик тилидан ўзбек тилига ўзлашган сўзлар сўз туркумлари нуқтаи назаридан ҳам хилма-хилдир. Агарда араб тили ўзлашмалари, асосан от туркумига хос бўлса, тожикча ўзлашмалар деярли барча сўз туркумларига хосдир. Чунончи, о т: баҳор, баҳо, барг, гул, коса, даст, нон, дараҳт, хона, шамол, обрӯй, ҳамроҳ, шабнам, орзу, аскар, чора, дард, дарвоза, ҳаммом, пул, шудгор, устоз, мева, майдон, корхона, гаров, гуруҳ, дашт, нашвати; сифат: доно, жонажон, мард, ширин, камтар, ноёб, нодон, меҳрибон, дардонок, хурсанд, озода, оташин, баланд, жанговар, пухта, нам, паст, содда, хўнук; сон: нимчорак, (тўртдан бирнинг ярми), чорак (тўртдан бир); оломош: ҳар, ҳамма, ҳеч; равиш: мардона, доимо, астойдил, қаҳрамонона, бардам, расо, дарров, ҳамон, аста, ҳануз, худди; ёрдамчи сўзлар: ё, ёки, балки, -ки, агар, магар, ҳам, чунки, токи, зеро, гоҳи, чунончи, гарчи, гўё, ҳам, ёхуд, на, токай ва б.

Ўзбек тилида мустақил сўз сифатида қўлланмовчи, аммо форс-тожикча сўзлар таркибида ўзбек тилига кириб келган бир қатор аффикслар, префффикс ва аффикслашган сўзлар мавжуд. Бундай элементлар ўзбек тилидаги соғ тожикча сўзлар, шунингдек улар ёрдамида ясалган ўзбекча сўзлар таркибида учрайди. Чунончи:

-боз// -воз: асқиябоз, байтбоз(лик), буйруқбоз, ваъзабоз, гапбоз, гуруҳбоз, найзабоз, дабдабабоз, дандонбоз, назариябоз, дарбоз, ёзишмабоз, найрангбоз, жувонбоз, шибоз, шиқибоз, капитарбоз, какликбоз, латифабоз, лўттибоз, мажлисбоз, майишатбоз, майнабоз, масхараబоз ва б.

-бон/-вон: бандибон, бозбон, зинданбон, калитбон, нигоҳбон, тарозбон, тимбон ва б.

-боп: белбоғбоп, бозорбоп, далабоп, жомабоп, зинданбоп, имо-

ратбоп, ишбоп, калтакбоп, кегайбоп, кўйлакбоп, мавсумбоп, май-избоп, минишбоп, ейишбоп, манзарабоп, мурсакбоп, муқовабоп ва бошқалар.

-боф: алакбоф, алачабоф, атласбоф, бахмалбоф, беқасамбоф, зарбоф ва б.

-вачча: аммавачча, бегвачча, бойвачча, гадойвачча, девонавачча, етимвачча, жиянвачча, калвачча, лўливачча, муллавачча, итвачча ва б.

-гўй: арзгўй, далолатгўй, дарсгўй, дуогўй, штоатгўй, латифагўй, лофгўй, мадҳгўй, мадҳиягўй, марсиягўй, маслаҳатгўй, ростгўй, ғазалгўй, ҳикоягўй, туркигўй, форсигўй ва б.

-дош: вазифадош, вазндош, елкадош, ёндош, ёстиқдош, ётоқдош, ёшдош, жинсдош, издош, майдондош, макондош, мактабдош, мансабдош, маслакдош, ирсдош, исмдош, иттифоқдош, меҳнатдош, миллатдош, мусобақадош, насадбош, овулдош, орқадош, отдош, одатдош, равишдош, сабоқдош ва б.

-дўз: бачканадўз, бўзидўз, дўппидўз, жазлиқдўз, жомадўз, йўрмадўз, кавушидўз, кафандўз, каштадўз, қўйхнадўз, маҳсидўз, мўйнадўз, пайпоқдўз, пардадўз, патакдўз, пойафзалдўз, зардўз ва б.

-зор: ажриқзор, анжирзор, анерзор, арчазор, бананзор, беда-зор, беҳизор, булбулзор, вайроназор, гулзор, дараҳтзор, дўлана-зор, ёнгоқзор, ёғочзор, лолазор, майсазор, мевазор ва б.

-каш: захкаш, зулмкаш, майдакаш, меҳнаткаш, носкаш, нусхакаш, пасткаш, паҳсакаш, паҳтакаш, пешкаш, пиллакаш, расмкаш, ситамкаш, сураткаш, сусткаш, тарафкаш, термакаш, тобуткаш, найчакаш, қаламкаш, чизмакаш ва б.

-кор: азмкор, баҳорикор, бедакор, бидъаткор, ганчкор, гилкор, гулкор, гуноҳкор, девкор, жавдарикор, жайдарикор, жафокор, жинояткор, жозибакор, жомакор, зарринкор, зиёнкор, зигиркор, зулмкор, ижодкор, исёнкор, кошинкор, лавлагикор, лубкор, ма-дадкор, мардикор, паҳтакор, пиллакор, мафтункор, илтифоткор, илҳомкор ва б.

-намо: адашганнамо, байрамнамо, безгакнамо, буクリнамо, га-рангнамо, дангасанамо, дечқоннамо, латифанамо, касалнамо, ко-сибнамо, мажнуннамо ва б.

-нома: айбнома, амрнома, арзнома, аризанома, афвнома, аҳднома, баённома, баҳтнома, буйруқнома, ваколатнома, васиятнома, вақғнома, гуноҳнома, даракнома, зафарнома, зиёфатнома, ижо-затнома, имтиёзнома, инъомнома, иқорнома, кафолатнома, ла-знатнома, мадҳиянома.

-навис: аризанавис, мадҳиянавис, марсиянавис, масалнавис, мақолнавис ва б.

-паз: лагмонпаз, мантипаз, кабобпаз, ошпаз, новвотпаз, сом-сапаз, ҳалвопаз ва б.

-парвар:adolatparvar, bilimparvar, bolaparvar, dinnparvar, ilmiparvar, ishparvar, kambagalparvar, keksiparvar, madaniyat-parvar, mazlumparvar, ma՚rifatparvar, meҳнатparvar ва б.

-паст: ақидапаст, бодапаст, давлатпаст, дунёпаст, шипаст, машатпаст, майпаст, мансабпаст, манбаатпаст, меҳмонпаст, миллатпаст ва б.

-пүш: авратпүш, гаврапүш, гилампүш, жандапүш, каллапүш, калтапүш, парданпүш, ёстиқпүш ва б.

-соз: асбобсоз, аслаҳасоз, дамсоз, дорисоз, елкасоз, ёғочсоз, жавонсоз, замонасоз, карнайсоз, кемасоз, маъдансоз, мокисоз, муросасоз, муқовасоз, нағмасоз, ойнасоз, омборсоз, омочсоз, пичоқсоз ва б.

-симон: аталасимон, афсуслангансимон, байрамсимон, балиқсимон, баргимон, бигизсимон, бодомсимон, бодасимон, болдоқсимон, ботқоқсимон, бошоқсимон, булатсимон, бургутсимон, бурчаксимон, варақисимон, гирдобсимон, гумбазсимон, дарахтсимон, дарёсимон, доирасимон, докасимон, ёғочсимон, иғнасимон, илмаксимон, камалаксимон, камонсимон, карнайсимон.

-фуруш: аслаҳафуруши, атласфуруши, балиқфуруши, беқасамфуруши, бодафуруши, ватанфуруши, газламафуруши, гиламфуруши, гилюсфуруши, гулфуруши, донфуруши, кабобфуруши, калишфуруши, кигизфуруши, куракфуруши, майдрафуруши, мевафуруши, майизфуруши, майфуруши ва б.

-хўр: анижирхўр, ароқхўр, асалхўр, балиқхўр, балохўр, баргхўр, беданаҳахўр, беҳихўр, бодаҳҳўр, гапхўр, гилосхўр, гуруҷхўр, гўжахўр, донхўр, дунёхўр, емхўр, ёвғонхўр, зиёфатхўр, ижараҳўр, ичклихўр, кабобхўр, кунжараҳўр, майхўр, мантихўр ва б.

-хона: ажинахона, арихона, асалхона, аслаҳахона, ахлатхона базмхона, баковулхона, бангихона, бедахона, беморхона, божхона, босмахона, бузоқхона, буғхона, бўзахона, ваколатхона, дарсхона, дафтархона, ижодхона, ишакхона, иссиқхона, ширатхона, ишхона, китобхона, касалхона, кенгашихона, корхона, лағмонхона ва б.

-хон: азахон байтхон, гинахон, достонхон, дуюхон, лугатхон, китобхон, мадҳияхон, газетхон, журналхон, марсияхон, масалхон, машрабхон, навоийхон, бедилхон ва б.

-шунос: аҳолишунос, берунийшинос, ботқоқшинос, вазифашунос, гавҳаршунос, давлатшинос, дарахтишинос, еришинос, замбуруғшинос, заршинос, иқлимишинос, китобшинос, лаҳжасишинос, адабиётшинос, тилишинос, табиатшинос ва б.

Тожикча ўзлашмалар ва тожикча ясалма сўзлар таркибида ўзбек тилига бир қатор морфемалар ҳам кирган: -вор: афсонавор, бузургкор, девонавор, дорувор, душвор, мардонавор, мажнунвор, умидвор, устувор, ширавор; -гар||ғор афсунгар, ҳалвогар, абғор, даъвогар, дурадгор, ёдгор, заргар, иғвогар, кимёгар, кудунгар, наългар, рӯзгор||рӯзгор, савдогар, ситамгар, талабгор, фирибгар, шудегор, читгар ва б. -гун: гулгун(а), заргун, лолагун, майгуң, нилгун; -гоҳ// -гаҳ: адабгоҳ, бозоргоҳ, гузаргоҳ, даргоҳ, дастгоҳ, зиёратгоҳ, ширатгоҳ, коргоҳ, манзилгоҳ, назаргоҳ, оромгоҳ, пойгоҳ, саёҳатгоҳ, сайргоҳ, жилвагоҳ, қиблагоҳ;

-дон: атирдон, бачадон, оловдон, чандон, гулдон, занахдон, мурч-
дон, хумдон, ғалладон, қаламдон, сурмадон ва б.

Форс-тожикча ўзлашма сўзлар таркибида ўзбек тилига бир
қатор олд қўшимчалар (префикслар) ҳам ўзлаширилди. Чунон-
чи: ба-//бо: бажо, бажон, бажонидил, базўр, баобрў//баобрўй, ба-
фармон, бафуржа, боумид ва б. б е-: беандиша, беандова, беан-
доза, беармон, бебаҳт, бебаҳо, бебаҳра, бебозор, бебурд, бегуноҳ,
бедарвоза, бедард, бежо, бежома, безабон, безиён, бекас, бекор,
бемеҳр, бенаво, беном, беобрў, беозор, бепадар, бепарво, бепар-
доз, беписанд, бехуш ва б.

бад: бадандиша, бадандом, бадбаҳт, бадбин, бадбуруши, бад-
бўй, бадгир(лик), бадгумон, баддил, бадзабон, бадзод(лик), бад-
карда, бадкирдор, бадкор, бадкорона, бадмаст, бадном, бадраф-
тор, бадсухан, бадхоҳ, бадхумор, бадхўй ва б.: ба р: бардам,
бардаст, бардор, бардош, барзанги, барпо, барҳам ва б.; даб:
дабдаба, дабдала, дабдуруст; д а р: дарбадар, дарбанд, дарбон,
даргоҳ, даргумон, даркор, дармиён, даромад, дарпарда, дарров,
дарҳол, ва б.: на в: навбаҳор, навжувон, навниҳол, наврўз, нав-
хуруш, навқирон ва б.; ним: нимдумбил, нимжон, нимкала, ним-
кор, нимкоса, нимпушти, нимрўз (муз.), нимхуни, нимчорак ва б.;
но: ногакор, ногоб, ногирон, ногуруст, ногўст, ногўя, ногас, ног-
каста, ногард, ногемхрибон, ноошина, ноописанд, ноошкор, ног-
соз, нотоб, ноумид, нохуш, ноҷор, ношод ва б.; пеш: пешайвон
пешбанд, пешвоз, пешдаҳан, пешдўкон, пешоб, пештахта, пештоқ
ва б.; сер: серандиша, сербарг, сербардош, серган, сергул, сер-
гўшт, сердараҳт, сердаромад, серкокил, серлой, сермева, сер-
маҳсул, сермеҳмон, сермўй, сернаво, серноз, сероб, серпуши, сер-
сабзи, серсухан, серхарж, серхашак, сершоҳ ва б. хуш: хушан-
дом, хушбаҳт, хушбаҳра, хушбўй, хушгўй(лик), хушдил, хушза-
бон, хушилибос, хушинафас, хушинав, хушинаво, хушовоз, хушо-
мад, хушиҳанг, хушрўй, хуширафтор, хушсухан, хушханда,
хўшиҳўр, хушҳид ва б.; ҳар, ҳар гал, ҳардам, ҳар замон, ҳарнав,
ҳарчанд ва б.: ҳам: ҳамдам, ҳимдард, ҳамдил, ҳамдўст(лик), ҳам-
кор, ҳамкоса, ҳамишин, ҳамовоз, ҳамоҳанг, ҳамроҳ, ҳамсафар,
ҳамсоя, ҳамхона ва б.

Тожикча олд қўшимчалар ўзбек тилида янги сўзлар ясашда
қатнашади. Улар ўзбекча (туркий) негизларга, ўзбек тилидаги
арабча негизларга шунингдек русча-интернационал сўзларга қў-
шила олади. Арабча негизларга тожикча преффиксларни қўшиш
йўли билан ясалган сўзларнинг кўпи аслида тожик тилида
ҳосил қилинган ва ўзбек тилига шу тилдан ўтган. Бундай ясал-
малар ўтмишда ўзбек ва тожик тилларида параллел ҳолда ис-
теъмолда бўлган ва ҳозирда ҳам бу норматив ҳолдир.

Ўзбек тилидаги тожикча ўзлашма негизлар бу тилда ўзбекча
қўшимчалар ёрдамида янги-янги сўз ва сўз формаларини ҳосил
қилишига база бўлиб хизмат қиласди. Бу билан тожикча ўзлашма-
ларнинг ўзбек тилидаги иккинчи ҳаёти бошланади. Чунончи:
агарда (агар), андиишасиз, андиишасизлик, андиишали (андиша),

андозали, андозасиз, андозачи (андоза), анордай (анор), арzon-роқ, арzonлатиш, арzonлашмоқ, арzonлик, арzonчилик, арzonсин-моқ, (арzon), баландлик, баландлатиш, баландлашиш (баланд), баҳорги (баҳор), гӯштили, гӯштсиз, гӯштсизлик (гӯшт), доғламоқ, доғланмоқ, доғли, доғлов, доғловчи (доғ), дўстларча, дўстлик, дўстлашиш, дўстлашмоқ, дўстчилик (дўст) каби.

Тожикча ўзлашмалар орасида ўзича алоҳида қўлланмовчи, қўшма сўзлар таркибида ёки ўзбекча кўмакчи феъллар билан бирга қўлланувчи сўзлар ҳам бор. Масалан: қўшма сўзлар таркибида: корхона, чорикор, ширқовоқ, ширгуруч, дастпанжа, дастрўмол, дастёр, чордевор, чоркитоб, чорпоя, пойтахт, пойтеша, пойқадам, пойдевор, сарбургут, саркотиб, сарлавҳа, сарманзил, сархат, сархуш, сарҳисоб ва б.

Ўзбек адабий тилига, шунингдек халқ шевалари лексикасига форс-тожик тилидан кирган сўзлар дастлабки даврларда, айниқса XIV—XV асрлар орасида анча кўп бўлгани кузатилади. Аммо ўзбек тилига кириб бу тилда қўлланган барча сўзлар ҳам ҳозиргача сақланган эмас. Эски ўзбек тилида қўлланган бир қатор форс-тожикча сўзлар ҳозирги ўзбек адабий тилида учрамайди. Масалан, Алишер Навоий тилида ишлатилган мана бу тожикча сўзлар ҳозирда истеъмолдан чиққан: абр (булут),abraшim (ипак), абрю, (қош), авранг (тагт), анбоз(шерик, жуфт), анбонча (тўрва, халта), анбаркаш (хас-чўп, ахлат ташувчи), ангубин//ангабин (асал, бол), афсор (нўхта, жилов), ахтар (юлдуз), бадрақа (йўл бошлиовчи, карвон бошлиғи), баҳма (чарм қўлқон), бед||биб (тол дараҳти), беша (тўқай, чангалзор), газистон (юлғунзор), газдаста (қамчи), дарёкаш (кемачи), дарийза (гадойлик, гадо), дашибон (қўриқчи, назоратчи) ва бошқалар.

Ҳозирги ўзбек адабий тилининг луғат составидаги ўз ва ўзлашма қатлам материаллари кўп ҳолларда арабча, тожикча ва ўзбекча сўзларнинг тилда параллел ҳолда яшаб қолганлигини ҳам кўрсатади. Параллел яшовчи дублет ва синонимлар маълум стилистик вазифа ўтайди, нарса ва ҳодисалар ҳақидаги тушунча ва тасаввурларнинг маълум қирраларини конкретлаштириш, яъни сўз маъноларининг дифференциацияси учун хизмат қиласди. Масалан, баҳор ва қўклам синонимларининг маъносига эътибор қилайлик:

Кўклам,
Кураш шовқинлари
Ирмоқларингдай,
Қалбимни товушга
Чорлайлар ҳар дам

(Фафур Фулом)

Ҳей, қўшиқ айтгум
Қелаётир,
Кўклам қўшиғин!

(Фафур Фулом)

Фақир юракларда барг отди қўклам...
(Хамид Олимжон)

— Бирам яхши, бирам яхшики. Оҳ, *қўклам*, *қўклам*. (Сайд Аҳмад), Лайлак қанотида *қўклам* олиб келади дейишарди (Сайд Аҳмад). Ўйда *қўклам* чечагининг ҳиди анқиб кетди. Коvakни тарк этган *қўклам* элчиси қуриллади (Сайд Аҳмад).

Баҳор,
баҳор

ва *баҳор...*

Башарият тахтига ёр... (Шайхзода)

Она билардики, энди ҳар наҳор,
Бутун Ватан бўйлаб тўлишар *баҳор*.

(Х. Олимжон).

Ҳақир бир дунёда бошлади *баҳор*.
Фақир юракларда барг отди *қўклам*,
Аччиқ ёшлардаги ғазаб ва алам.

(Х. Олимжон).

— Илк қўшиғим мен битгунимча,
Келди — кетди *баҳор* — гўзалим.
(Мамарасул Бобоев)

Шод ўтади Зайнаб кунлари,
Кўнгли *баҳор* кўқидай тоза.

(Х. Олимжон).

Ҳаммангизнинг булатда ойи,
Ҳаммангиз ҳам *баҳор* гадойи.

(Х. Олимжон).

Мана шундай семантик қирраларни *кўк* ва *осмон*, *кун*/*қуёш* ва *офтоб*; қиров ва *шабнам*, *булоқ* ва *чашина*, *дашт*/*ёбон* ва *дашт*/*аланг*, япроқ ва *барг*, бутоқ ва *шоҳ*, *ошлиқ* ва *ғалла*, *уй* ва *хона*, *чучук* ва *ширин*, ел ва *шамол*, ёт ва *бегона* вариентлари мисолида ҳам кузатиш мумкин.

Ҳозирги ўзбек адабий тилидаги синонимик уяларнинг кўпини ўзбекча сўзларнинг ўзлашма дублетлари ва вариентлари ташкил қиласи (109-бетдаги жадвалга қараинг).

Демак, ўзлашма сўзлар, жумладан тоҷикча ўзлашмалар ўзбек тили синонимлари системасини бойитган муҳим манбадир.

Ўзбек тилидаги тоҷикча ўзлашмалар бу тилдаги асл ўзбекча ёки арабча сўзлар билан антонимлик, омонимлик ҳолатига ҳам эга (110-бетдаги жадвалга қараинг).

Ўзбек тилида тоҷикча сўзларнинг ўзидан ташкил топган антонимлар ҳам бор: *баланд-паст*, *доно-нодон*, *камган-серган*, *камоб-сероб*, *душман-дўст* ва б.

Тоҷикча ўзлашмалар ўзбек тилида қўшма сўз ҳолида ёки қўшма сўз компонентларидан бири сифатида ҳам учрайди. Чунончи, ҳар икки компоненти тоҷикча бўлган қўшма сўзлар: *гармдори*, *гувоҳнома*, *гуландом*, *гульбаҳор*, *гулдаста*, *гулнор*, *даструймол*, *дилбанд*, *дилнавоз*, *нимпушти*, *навбаҳор*, *сарбаланд*, *сарбаста*; компонентларидан бири тоҷикча бўлган қўшма сўзлар: *гапқувар*,

говтикан, гузарбоши, гулюз, гулқоғоз, дастхат, дилсўз, дилтортар, донқуритгич, донянгич, дуторбўйин, дўйти совуқ, ёлғоннамо, ёнбарг, ёнишоҳ ва б.

Ўзбекча	Тожикча	Арабча	Руоча-интернационал
бордию айгоқчи босқинчи кучли	агар, магар жосус полвон	мабодо тажовузкор азамат жафо, жабр, азиат, азоб заҳмат, уқубат, изти- роб	шпион, агент агрессив
— — ёзиқ	озэр ситам гуноҳ	айб, жиноят айёр, муғомбир, мак- кор	—
кув айланай, ўргулай, қоқиндиқ	хийлагар	садақа	—
— ёлқин алдамчи, товлама- чи очик, яққол, ёр- қии, ойдин анков, овсар қўшин из	гиргиттон дард аланга	алам	—
оқсуяк тутқун	фирибгар	қаллоб	аферист
равшан меров, гўл лашкар нишон сара, сархил	аён	—	армия
— теварак, тегра аттанг, эсиз бош ашулачи, қўшиқ- чи	зодагон банди гўшанишин	аскар асар, асорат асил асил (зода) асир	аскет
тентак гавда ядов юқори яша, яшавор япроқ	гирд афсус калла	атроф таассуф	—
хонанда гўсҳўр тан (а)	—	—	—
байроқ баланд	бадан, вужуд алам	—	—
балли, офарин барг	баракалла	—	—
бахт бева	иқбол, толе, саодат	—	—
бесна	—	—	—
бекор	—	—	—
нишон, нишона бепоён	аломат, ифода	—	—

Тожикча элементлар ўзбек тили лексикасида жуфт сўз ҳоли-
да ҳам мавжуд. Жуфтлашган сўзларнинг ҳар иккиси тожикча
бўлиши (астар-пахта, афт-ангур, бева-бечора, дод-фиғон, дом-да-
рак, дон-дун, дори-дармон, ёр-дўст, зира-ниёз, кам-кўст, карнай-

сурнай, кўр-кўрона, кўча-кўй, лаб-даҳан, мош-гуруч, мўр-малаҳ, нарх-наво, ном-нишон, нон-намак, орзу-умид, оҳ-нола, оҳ-фиғон, пардоз-андоз, писта-бодом, пок-покиза, тож-таҳт, хом-хатала, хоҳ-ноҳоҳ, чор-ночор, чўп-хас, шод-хуррам, шод-хандон, шоҳ-шабба) ёки жуфт сўз компонентларидан бирининг тожикча бўлиши (афтишара, ақл-хуши, аҳд-паймон, ботмон-даҳсар, гап-сўз, гўшт-ёғ, дашт-биёбон, дов-дараҳт, ем-хашик, ёл-дум, ёр-оғайни, илм-хунар, ишчи-декон, касб-кор, касб-хунар, кўрпа-ёстиқ, майдада-чуйда, меҳр-муҳаббат, меҳр-шафқат, мўл-кўл, назар-писанд, ноз-ишва, олам-жаҳон) мумкин.

Ўзбек тилидаги тожикча сўзларнинг кўпи ўзбек тилининг одатий, зарурий сўзларига айланган. Бундай сўзларнинг аслида то-

ўзбекча	тожикча	арабча
юксак	пастак	—
тошбагир	мехрибон	—
юмшиқ	дагал	жаннат
—	дўзах	—
тутқун	озод	харажат
—	даромад	—
келим	буромад	ифлос
—	покиза	—
бой	камбағал	—
қувонч	ацдуғ	—
ёв	дўст	ракиб

жикча экани, бошқа тилдан олингани деярли сезилмайди ва ўзбеклар учун худди ўз сўзларидек туюлади: *анор, анжир, арzon, баланд, барг, банда, баҳор, бекор, бева, гадо(й), гилам, гул, гулзор, гунбаз, девор, дугор, дўст, рост, рўза, шакар, ширин, ҳафта, ҳунар* ва бошқалар. Тожикча сўзларнинг ўзбек тилига ўзлашиб, сингиб кетганини кўрсатувчи муҳим белгилардан бири бу тиллардаги муштарак сўзларнинг шаклан яқин ва ўхшашлигидир. Асл тожикча муштарак сўзларнинг кўпчилиги иккала тилда бир хилда талаффуз қилинади ва ёзилади. Масалан, *фармон, фош, хазон, ханда, хода, хурсанд, хушомад, хўранда, чора, чунки, шамшод, шодмон, шодон, шояд, якка, ғунча ҳамдам, ҳамон* ва б. Лекин тожикча ўзлашмаларнинг бир қатори ўзбек адабий тилининг орфо-эпик ва орфографик нормаларига бўйсундирилган. Масалан, *е>и: абера — абира, андеша — андеша, гелос — голос; далер — далир, даҳлез-даҳлиз, зиреҳ-зирих; парешон-паришон; ў>ү: андўҳ>андух, гўрўҳ>гуруҳ; гўғирд>гугурт, мўҳр>муҳр, оғўш>оғуш; рўҳ>руҳ; сўҳбат>сүҳбат; тўмор>тумор, шўъла>шуъла: о>а: андова>андава, қалҳот>калҳат; озмоши>азмойши; пойтоба>пайтава: у>и: ангушвона||ангуштона>ангушвона; бунафиша>бинафиша, гармдору>гармдори, дору>дори, дорухона>дорихона, кокул>кокил; а>и бародар, бародарона>биродар, биродарона; каркадон>каркидон; е>а: шамбе>шанба, душанбе>душанба, дуредгар>дурадгор; б>в: қиса-*.

бүрр>кисавур, лўбиё>ловия, мошоба>мошава, олуболу>олвони; пойтоба>пойтава; м>н: шамбе>шанба, дунба>думба; д>т: лўйирд>гугурт, пўлод>пўлат. Баъзан сўзниг ўзбекча вариантида ийроим товушларнинг қисқариши, тушиши рўй бўрган: *ангуштво-на/ангуштона*>*ангушвона*, кимиё, кимиёгар>кимё, кимёгар, кўриштипарак>кўришапалак, олуча>олча, панжшаха>паншаха, панжшанба>пайшанба, рўймол>рўмвол. Баъзи сўзлар ўзбек тилида шаклан кучли ўзгаришга учраган: биринж>гуруч, рўбарў(й)>рўнира, кафи>кавуш, кафишдўз>кавушдўз ва б.

Ўзбек ва тожик тилларидаги муштарак тожикча сўзлар ҳар икки тилда кўп ҳолда ўхшаш маъноларни ифодалайди. Шу билан бирга, тожикча ўзлашмалар ўзбек тилида баъзи семантик ўзгаришларга ҳам учрагани кузатилади. *Бахш* сўзи тожик тилида ўтмишда 1) қисм, ҳисса; 2) инъом, совфа, туҳфа; 3) истеъодод, хунар, қобилият маъноларини англатган. Ҳозирги ўзбек тилида *бағишламоқ*, ато қилмоқ маъноларидагина қўлланади.

Воя сўзи ўтмишда ҳожат, зарурат; орзу, умид; насиб, баҳра, ҳисса маъноларини берган. Ҳозирги ўзбек тилида камолотга етган, кўкарган маъноларида ишлатилади. *Гавҳар* тожик тилида: 1) қимматбаҳо тош; 2) фалсафий маънода асл зот; 3) мажозий маънода; а) насаб, аждод; б) фарзанд; в) кўз ёши, г) дандон, ёқ маъноларини берган. Ҳозирги ўзбек тилида қимматбаҳо тош; кўчма маънода энг қимматли парса маъноларида ишлатилади. *Нома* сўзи ўтмиш давр тожик тилида 1) хат, мактуб; 2) фармон, амр, хукм хати; 3) асар, китоб; 4) рўйхат каби маъноларда қўлланган. Ўзбек тилида ҳозирда, асосан, хат, мактуб маъносини англатади. *Номдор* тожик тилида 1) машҳур, шуҳратли; 2) паҳлавон, қаҳрамон, далир маъноларида ишлатилган. Ўзбек тилида ҳозирда машҳур, танилган маъносини беради.

Ўзбек тилидаги тожикча сўзларни ўз қатламдан, шунингдек ўзлашма қатламнинг бошқа тилларга хос сўзларидан ажрата олиш маълум лингвистик тайёргарликни, илмий малакани талаб қиласди. Бу учун форс-тожик тилига хос сўзларнинг ўзига хос фонетик ва грамматик белгиларини билиш алоҳида аҳамиятга эга.

АРАБЧА ЎЗЛАШМА СЎЗЛАР ҚАТЛАМИ

Ўзбек адабий тили лексикасида аслида арабча бўлган анчагина сўзлар учрайди. Арабча сўзларнинг ўзбек тилида мавжуд бўлиши ўтмишда Ўрта Осиё территориясининг араблар томонидан истило қилиниши ва бунинг тарихий-ижтимоий оқибатлари билан боғлиқдир.

Арабларнинг Ўрта Осиёга ҳужумининг дастлабки даври VII аср ўрталари (аниқроғи, 674 йил)га тўғри келади. VIII асрда араблар Ўрта Осиёни батамом истило қиласди. Бунинг оқибатида Ўрта Осиё, жумладан ҳозирги Ўзбекистон территориясида яшовчи маҳаллий халқлар араб босқинчилари истибоди ва зулмiga

дучор бўлади. Араб босқинчилари маҳаллий халқни ижтимоий-сиёсий, маданий-маънавий, диний-руҳий, иқтисодий-моддий жиҳатдан қарам, бўйсунувчи мустамлакага айлантиришга интилди. Босқинчилар барча маҳаллий халқлар, жумладан туркий халқларнинг ҳам традицион адабиёти, маданиятини йўқотиш, дини ва тилини таъқиқлашга интилди. Маҳаллий ёзувлар ўрнига араб ёзуви ишлатиладиган бўлди. Араб тили эса расмий тил сифатида мажбуран сингдирildi. Натижада араб тили маҳаллий мустамлакаларда кенг ёйилди. Барча маҳаллий тиллар (қадимий сўғд, қадимий уйғур, форс-тоҷик, қадимий хоразм тили ва б.) сингари туркий тилларга ҳам бу даврда араб тили билан алоқада бўлишга тўғри келди. Араб тилининг кенг тарқалиши, бу тилда ёзишга, ўқишига, муомала қилишга ва диний ақидаларни бажаришга тўғри келгани маҳаллий халқларнинг мальум даражада араб тилини эгаллашига олиб келди. Бу ҳол ўз навбатида ўзбек-арab икки тиллилиги ҳодисасини туғдирди. Араб маданияти ва туркий халқлар маданияти, араб дини ва маҳаллий динлар, араб тили ва маҳаллий тиллар курашининг дастлабки даврида расмий жиҳатдан араблар томони ғолиб чиқди. Бундай факторлар маданий ва маънавий, ижтимоий-сиёсий алоқанинг муҳим қуроли бўлган араб тилининг араблар босиб олган ўлкаларда кенг тарқалишига олиб келди.

Араб тилининг кенг тарқалиши, ўзбекча (туркий)-арабча ва арабча-тоҷикча икки тиллилик, пировардида, туркий тилларга кўпгина арабча сўзларнинг кириши ва ўзлашишига олиб келди. Арабча ўзлашмаларнинг ўзбек тилига кириши учун сабабчи бўлган муҳим омиллар сифатида тубандагиларни келтириш мумкин:

1) Араб тили давлат тили, расмий адабий тил эди. Давлатнинг барча расмий, юридик ҳужжатлари араб тилида олиб борилар, расмийлаштирилар эди. Давлат ва суд, савдо ва хўжалик ишлари бу тилда юргизилар эди. Араб тили ўша давр администрацияси тили эди. Бу омил араб тилининг маҳаллий халқ ва киллари нутқига таъсирини кучайтиrdi.

2) Араб тили расмий равишда бадиий адабиёт тили эди. Маҳаллий халқ адиллари ўша вақтда ўз бадиий асарларини араб тилида ҳам ёзди. Араб тилидаги адабиётни мутолаа қилиш туркий тилларга бу тил таъсирини ўтказишга сабабчи бўлган омиллардан биридир.

3) Араб тили ўша даврда Ўрта Осиё ва Шарқ халқлари учун фан ва маданият тили бўлди. Араблар ҳукмронлиги даврида барча илмий асарлар, фан ва маданиятга оид рисолалар, мажмуалар араб тилида ёзилди. Маҳаллий халқдан чиқсан олим ва мутафаккирлар ҳам ўз асарларини фаннинг расмий тили сифатида кенг тарқалган араб тилида ёзишган. Хоразмий, Форобий, Абу Райхон Беруний, Ибн Сино каби маҳаллий халқ олимлари ўз илмий ва бадиий асарларини араб тилида ёзди. Бу ҳол араб тилининг фан ва маданият тили сифатида маҳаллий халқ тилига таъсир этишига олиб келди.

4) Араб тили ўша давр таълими тили эди. Мактаб ва мадрасаларда таълим ишлари араб тилида олиб борилди. Ёзув ишлари, савод чиқариш араб ёзуви ва тилида олиб борилди. Бу ҳол маҳаллий халқнинг араб тилини эгаллашига, уни билишига йўл очди. Чет тилни билиш эса иккитиллиликнинг муҳим омилидир. Ўзбекча-арабча иккитиллилик эса ўзбек тилига арабча ўзлашма сўзларнинг кириши учун йўл очган асосий сабаблардандир.

5) Араб тили ҳукмрон халқ тили, расмий мажбурий тил эди. Юридик қоидалар, диний ва маънавий ақидалар мажбурий равишда сингдирилгани каби араб тили ҳам мажбурий равишда маҳаллий халқ орасида сингдирилди. Бу, айниқса, ҳукмрон доиранинг араблаштирилишида, араб тилида сўзлашга мажбур қилинишида кўринди. Натижада, ҳукмрон доираларда араб тилида гапириш ва муомала қилиш одат тусига киради. Бу ҳол улар тилига араб тилининг катта таъсир кўрсатишига сабабчи бўлди.

6) Араб тили дин ва шариат тили эди. Бу ҳол маҳаллий халқлар орасида узоқ вақт яшади. Араблар ислом динини маҳаллий ўлкаларда мажбурий ва бирдан-бир эътиқод сифатида сингдириди. Чунки ислом босқинчилар қўлида маҳаллий халқни тобе қилишнинг муҳим идеологик қуроли эди. Маҳаллий халққа исломни сингдиришда зўрлик, мажбурийлик усулидан, шунингдек, кишиларни моддий манфаатдор қилиш усулларидан ҳам фойдаланилди. Араблар ислом динини қабул қиласан кишиларга ҳар хил моддий-сиёсий имтиёзлар берди. Улар жузъя ва харажатлардан озод қилинди, жума номозга борганларга мукофотлар берилди. Натижада ислом дини маҳаллий халқлар орасида сингди ва бу халқларнинг асосий диний эътиқодига айланди. Араб дини сингиб, «муқаддас» эътиқодга айланга борган сари араб тили ҳам қуръон тили, ислом тили сифатида «илоҳийлаща» борди. Ислом ақидаларини пропаганда қилиш, оиласда диний расм-руссумларни бажариш, мачит ва мадрасаларда диний маросимларни адо этиш ва таълим ишлари классик араб тилида олиб борилди. Натижада ислом динини тарғиб қилиш билан бирга, араб тили ҳам ёйила борди. Келтирилган ҳоллар ўзбек тилига бир қатор диний-мистик тушунча ва тасаввурларни ифодаловчи сўзларнинг киришига сабабчи бўлди.

7) Туркий тилларга арабча сўзларнинг киришига сабабчи бўлган омиллардан бири арабча ва туркийча сўзлашувчиларнинг бевосита тўқнашуви деб баҳоланиши мумкин. Босқинчиларнинг кўпсонли аскарлари, шубҳасиз, маҳаллий туркий халқлар билан тўқнашди, улар билан турли тарзда контактда бўлди. Бунинг устига араблар пиёда қўшин ва маҳсус туркум кишиларни бўйсундирилган ва ислом динини қабул қиласан халқлардан ҳам йигарди. Мана шундай асосларга кўра араб тили билан туркий тиллар ҳарбий лагерлар, қароргоҳлар ва бошқа хил турар жойларда ҳам тўқнашди. Ҳарбий лагерь ва қароргоҳлар араб тилини маҳаллий халқ орасида тарқатувчи манбалардан бири эди.

8) Араб тилининг туркӣ тилларга таъсири маълум даражада бу тилнинг ўз лингвистик фазилатлари билан боғлиқ бўлди. Ўша даврда Ўрта Осиёда тарқалган классик араб тили луғат составининг бойлиги, илмий терминлари, поэтик услуб лексикасининг ранг-баранглиги билан характерланар эди. Бу тилда қадимги грек маданияти намуналарини ўқиш мумкин бўлар эди. Ҳуллас, араб тили адабий тил сифатида анча ишланган, силликланган тил эди. Бу фазилатлар араб тилида илмий асарлар ёзиши анча осонлаштирар эди. Масаланинг мана шу томони ҳам араб тилига эътиборни, уни ўрганишга, бу тилда ижод қилишга даъватни кучайтирган бўлиши керак. Алишер Навоий араб тилининг устунликларини ижобий баҳолаган.

9) Араб тилининг туркӣ тилларга, жумладан ўзбек тилига кучли таъсири маълум даражада бу тилнинг тарихда Ўрта Осиёда ўша даврда яшаган кўпчилик халқлар учун умумтиллик функциясини бажаргани билан боғлиқдир. Араб тили деярли 300 йил давомида ўзбек, тоҷик ва бошқа бир қатор халқлар учун умумадабий тиллик вазифасини бажарган.

Юқорида келтирилган ижтимоий-тариҳий сабабларга кўра ўзбек тилига маълум миқдорда арабча сўзлар кирган. Ўзбек тилдаги арабча ўзлашма қатламни тематик, номинацион ва лексик-семантик хусусиятларига кўра тубандаги гуруҳларга ажратиши мумкин.

Ижтимоий-сиёсий тузум, ҳуқуққа оид сўзлар: ҳуқумат, мамлакат, муассаса, давлат, ҳокимият, вилоят, ислоҳат, иттифоқ, қабила, миллат, синф, маъмурият, идора, спёсат, раис, фуқаро, арбоб, жазо, амин, амр, фармон, анжуман, аъзам, валиаҳд, валинеъмат, жиноят, ҳукм, ҳуқуқ, хизмат, ҳоким, ҳаким, амир, султон, ҳалифа, вазир, нойиб, қози, низом, амал, вакил, ваколат, диёр, истибдоҳ, мажлис, қарор, вақт, ворис, закот, истеъроғ, ихтинос, кашиоф, кибор, мавлоно, малик, малика, маҳдум, маҳкама, маҳрам, мулоғим, мусобақа, мусодара, низом, раддия, раҳбар, табақа, фирмкат, ширкат, шурӯро, қонун, ҳазрат, ҳуррият, жадид ва б.

Илм-фанга оид сўзлар: мақола, файласуф, илм, таълимот, амалиёт, назария, асос, қашф, ихтинос, аллома, асар, баён, феъл, мисол, масала, имло, каср, маҳраж, манғий, мусбат, изофа, изоҳат, илм, илова, инъикос, ислоҳ, инқилоб, инқироз, ислоҳат, истилоҳ, қашф, луғат, мавзу, мазмун, мантиқ, маънавий, мажҳул, меҳтар, меҳнат, мискин, муаммо, музокара, мунажжим, мунозара, мусибат, муқаддима, мушоҳада, наҳв, нуқта, олим, риёят, риёзат, риёзий, табииёт, тадқиқ, тадқиқот, тасниф, тафаккур, таъриф, тақриз, таҳлил, тажриба, услуб, фалсафа, фан, фозил, фозила, изоҳ, ҳандаса, жадвал ва б.

Адабиёт ва санъат тушунчаларига оид сўзлар:

а) адабиётга оид: аруз, адабиёт, байт, қисса, ғазал, ғазалиёт, маснавий, рубоий, шоир, адаб, бадиий, ҳикоя, ҳикоят, масал, ма-

қол, назм, наср, қофия, вазн, илҳом, лақаб, матн, маҳорат, мажмуда, мажозий, мисра, муболага, мувашишаҳ, мунишат, мунаққид, містазод, мұхаммас, мұшоара, радиф, сатира, сатр, тазкира, танқид, таҳаллус, ташбек, қасида, қисса, қофия;

б) санъатга оид: расм, рассом, раққос, раққоса, санъат, саҳна, мапшишоқ, сурат, тасвир, маданий, маданият, мақом, меъмор, мунаққиши, муножжат, мұсаввир, мұғанний, мұхандис, нафосат, нақи, наққиши, рамз, сайқал, ҳайкал, ҳофиз ва б.

Ишлаб чиқариш, саноат ва савдога оид сўзлар: зироат, ғалла, мол, саноат, қасб, асбоб, даллол, касод, савдо, саноат, тижорат, баққол, дўкон, қиммат, харж, ҳаражат, қасбов ва б.

Ҳарбий иш, ҳарбий тұшунчалар, қурол-яроғлар номи: асир, ҳавф, хатар, ҳарбий, мудофаа, ғаним, аслаха, талоғат, мұзаффар, жасур, ҳужум, аслаха, аскар, ҳамла, жасорат, зағар, шиддат, шүхрат, шавкат, истеҳком, истило, маҳбус, мудофаа, сұлҳ, таслим, фатҳ, ҳандак, ғалаба, ғолиб, ҳимоя, ҳифз ва б.

Китоб ва нашриёт ишлари билан боғлиқ сўзлар: нашриёт, нашр, мұхаррір, мұаллиф, матбауот, таҳрір, боб, жилд, нұсха, мұхбір, ахборот, хабар, баёз, таржима, варақ, күллиёт, мұаллиф, мұаррих, мұхбір, рисола саҳифа, табақа, ҳаттот ва б.

Мактаб-маърифат, тарбия ва таълимга оид сўзлар: таълим, ҳарф, алифбе, ҳат, савод, ҳато, дафтар, мактаб, китоб, мұаллим, мадраса, имтиҳон, қалам, котиб, дават, толиб, толиба, дарс, тарбия, тартиб, маориғ, интизом, имтиҳон, малака, маърифат, мұдаррис, мұлоқат, мұтолаа, насиҳат, одоб, сабоқ, талаба, таътил, ҳулқ, ахлоқ, савол, жавоб, мұраббий, иниш, давомат, таҳсил, ҳулқ, қироат ва б.

Қасб-ҳұндар ва у билан алоқадор тушунчалар номи: қасб, косиб, уста, асбоб, қассоб, таржимон, баззоз, баққол, зироат, котиб, мансаб, мартаба, фаррош, ходим, ходима, ғаввос, қассоб, ҳаммол, жаллод ва б.

Диний тушунчалар билан боғлиқ сўзлар: авлиё, азон, азроил, оқират, азойимхон, оллоҳ, тавба, таҳорат, фарз, дин, ҳайр, қиёмат, мачит//масжид, шариат, саловот, сўфи, жин, ҳалол, ҳаж, ҳазрат, дуо, расул, рұхоний, арвоҳ, қибла, қалима, коғир, құртөн, ҳадис, наби, оёт, сурә, тиловот, уламо, жаноза, зикр//зикир, зиёрат, имон, ислом, каромат, бисмилло, талқ, тақдир, уммат, мұмین, фотиҳа, қазо, ҳайит, эттиқод, ғин, қори, савоб, тасбек, суннат, валий, даҳр, даҳрий, диёнат, зоҳид, ибодат, имом, инишооллоҳ, инжом, инжил, кавсар, қарам, каромат, қаъба, коғир, мазхаб, макрұҳ, машойих, куфр, мұлла, мұрид, мұслим, мұсововт, мұфти, назир, назира, сабр, савоб, садақа, салла, сажда, тавоғ, такво, тоат, фано, фоний, шайтан, шайх, шаръ, шарҳ, шаҳид, шиа, шукр, ғозий, қиёмат, жаннат, жаҳаннам ва б.

Инсон ва кишилар колективи тушунчаси билан боғлиқ сўзлар: инсон, одам, оила, улфат, авлод, аъзо, шерик, аҳоли, жамият, авом, аждод, башар, башарият, башарий, давра, инсоният, миллат, наслаб, насл, омма, оммавий, рағиқ, улфат, фуқаро, ҳалойиқ, ҳалқ, шерик, шахс, шажара, қабила, қавм, жамият ва б.

Қариндошлиқ, оила, авлод-аждод ва яқинлик муносабатларини ифодаловчи сўзлар: аёл, амма, хола, волида, авлод, амаки, завжва ва б.

Түғилиш ва ўлим билан боғлиқ тушунчава нарсалар номи: ажал, вафот, видо, дағғи, дор, дорулқазо, зурриёт, каған, лаҳад, маросим, марсия, мозор, мозорот, марҳум, мақбара, таваллуд, таъзия, фотиҳа, қабр, қазо, қатл, қурбон, ҳаёт, ҳалок, ҳалокат, жаноза, жасад ва б.

Одам ва ҳайвон аъзолари номи: жисм (тан), жинс, ҳалқум, қад(бўй), қомат, сафро, асад, димоғ, меъда, қалб, жамол, башара, аъзо, бадан, вужуд, каф(ф), таносил, тимсоҳ, хартум, қад (қомат), қанот, ҳусн, жамол ва б.

Баъзи касалликлар номи: вабо, даво, кароҳат, кар, касал, мажруҳ, сил, табиб, ҳафақон, шифо, ҳайз, ҳаким, ҳуққа, жароҳат, жарроҳ, ғурра (шиши) ва б.

Тураржой, ўрин, макон тушунчаси билан боғлиқ сўзлар: айвон, ватан, ҳужайра, ҳаммом, даҳлиз, бино, иморат, ҳовли, вилоят, водий, воҳа, диёр, мавзе, манба, манзил, маскан, маҳалла, меҳроб, музофот, работ, равоқ (раввоқ), сарой, хароба, қалъа, қаср, ҳужра ва б.

Табиат ҳодисалари ва табиий предметлар номи: тўфон, ҳаво, нур, зилзила (залзала), мұхит (океан), баҳр, ёқут, саҳро, соҳил, табиат, шамол, шафак, шабада ва б.

Аср, йил, ѿй номлари: асад, аср, асрый, бадр, барот, қабиса, мавлуд, милод, милодий, мұхаррам, ражаб, савр, саратон, рамазон, сунбула, хилол, шаввол, шаъбон ва б.

Вақт тушунчаси билан боғлиқ сўзлар: фурсат, вақт, замон, замона, доим, абад, абадий, абадият, абадул абад, азал, азалий, айём, бақо, давр, даврон, дақиқа, ибтидо, ибтидоий, илк, лаҳза, маврид, мавсум, муддат, мудом, мүқаддам, мұхлат, наҳор, сана, саҳар, сония, қадам ва б.

Томон, макон англатувчи географик терминлар: жануб, шарқ, шимол, ғарб, қутб, водий, атроф, макон, мәриб, тараф, қиблла ва б.

Ер, осмон тушунчаси ва бошқа хил астрономик тасаввурлар номи: бурҷ, само, анҳор, коинот, олам, дунё, замин, Зуҳал, Зуҳро, кавказ, минтақа, Мирриҳ, муштарий, олам, самовий, фазо, фалак, қитъа ва б.

Баъзи ҳайвон, парранда ва қушлар номи: товус, парранда, ҳашарот, анқо, булбул, дүлдул, маймун, маҳлук, саман, саъва, ғазол (оҳу), ҳайвон ва б.

Баъзи ўсимлик, дарахтлар номи: хина, раийон, према (ўсма), алаф, зайдун, набот, наботот, раъно ва б.

Озиқ-овқат, ичимликлар номи: хамир, таом, шарпоб, асал, ҳалво, қанд, наввот, шакар, овқат, ғалла, ароқ, маастаба (мастаба), мураббо, мусаллас, қиём ва б.

Кийим-кечак ва безакларга оид сўзлар: астар, либос, лозима, ҳашъя, масси, садаф, тақия, маржон, жавҳар (гавҳар) ва б.

Баъзи конкрет предметлар номи: қулф, қолип, нал, сандик, соат, дасва, ҳасса, атири, қафас, қадаҳ, ханжар, сочиён, шам (свеча), арава, ҳовуз, анҳор, манқал, минбар, намат, никоб, санам, ҳарита, филоф, ҳалқа ва б.

Товуш, нутқ билан боғлиқ сўзлар: айюҳаннос, шопиз, низо, садо, ибора, жумла, калим, калом, лисон, лом-мим, мулоҳаза, нафас, наъра, нидо, нутқ, нотиқ, сукут, сұхбат, талаффуз, фасиҳ, фасиҳат, хитоб ва б.

Хуҷжат, ёзишмалар номи: ариза, васиқа, имзо, мактуб, хат, эълон, ҳужжат ва б.

Хусусият, белги, хосса ва ҳолат англатувчи сўзлар:

1) Ижобий белги, хусусият англатувчи сўзлар: азамат, абзал, ажсойиб, одил, адл, аломат, асил, афзал, афиға, аъло, ақила, доҳий, машкур, машкура, мумтоз, мўътабар, назокат, нафис, нодир, музайян, мунис, маданий, лойиқ, мувофиқ, истиҳола, камомат, камол, лаёқат, латиф, латофат, лойин, марғуб, матонат, машхур, маъзур, маъқул, маълум, маъмур, маъсум, маъсума, мавъқул, мақбул, мақсуд, моҳир, мулойим, муносиб, мустаҳкам, мушғиқ, муқаддас, одамият, оқил, оқила, салобат, саҳий, соғ, тоқат, шаҳло, қобул, қодир, ҳалол ва б.

2) Салбий хусусият англатувчи сўзлар: абллаҳ, айёр(a), золим, тақаббур, аҳмоқ, айб, баттол, баҳил, ботил, бўйтон, ваҳший, заиф, заифа, заҳар, зил, зиннат, зое(ъ), золим, иблис, иснод, ишқал, қаззоб, қасофат, маддоҳ, маккор маккора, малъун, мараз, машъум, мағрур, мудҳиш, мумсик, мунофиқ, нуқсон, осий, разил, танноз, унсур, фосиқ, ҳасис, ғаддор, ғалат, ғали, ғубор, қабих, қитмири, ҳаром, жосус, жоҳил, ва б.

3) Ижобий психик ҳолат англатувчи сўзлар: завқ, иноят, ифтихор, мамнун, манзур, масрур, мафтун, орият, роҳат, собир, сукунат, табассум, тантана, шавқ, қаҳқаҳа, ҳавас, ҳаё, ҳаловат, ҳузур, ҳур, жилва ва б.

4) Салбий психик ҳолат англатувчи сўзлар: алам, алҳазар, араз, арасот, васвас, васваса, ваҳим, ваҳшат, важоҳат, даҳшат, изтироб, кайф, кибр, кулфат, маънун, машиққат, маъюс, маҳзун, можаро, мулзам, мушкулот, ташвиш, уқубат, хавотир, хафа, хижил, хижолат, ғам, ғусса, қаҳр, ҳазар, ҳазин, ҳасрат, ҳажр, жаҳл ва б.

5) Ижобий муносабат англатувчи сўзлар: азиз, азиза, ваъда, иззат, илтифот, иноқ, инсоғ, интибоҳ, ихлос, иштиёқ, лутф, мадад,

мадҳ, маслаҳат, маҳбуба, маъшиқ, маъшиқа, мойил, мулозамат, мунтазир, муруват, мухлис, мушток, мухтарам, раҳим, ризо, садоқат, содиқ, таассуф, тасалли, тасдиқ, таъзим, таҳсин, фидо, хайр (яхши), шафқат, эъзоз, эътироф, эътиқод, эҳтиёт, эҳтиром, ҳиммат, ҳурмат ва б.

6) Салбий муносабат англатувчи сўзлар: *адоват, даъво, дағ-даға, инкор, истеҳзо, ихтилоф, ифво, киноя, луқма, маломат, маън, масхара, маҳкум, миннат, нафрат, озор, рақиб, таҳқирип, хавф, ғазаб, ғараз, қасос, қаттол ва б.*

7) Салбий ҳаракат англатувчи сўзлар: *зино, ҳусумат, хиёнат, адоват, забт, зид, зулм, интиқом, инқироз, исроф, ишрат, машшат, макр, низоъ, нифоқ, риё, таназзул, таъқиб, тажовуз, туҳмат, фисқ, фитна, фоҳииш, фоҳиша, хиёнат, хоин, шикоят, эътироф, ғалаён, ғийбат, ғор, қасд, қотил, ҳамла, ҳасад, ҳақорат, жабр, жафо, жи-нояят.*

8) Ижобий ҳаракат англатувчи сўзлар: *ҳурмат, собир, гайрат, майл, ривож, суръат, эътибор, жасорат, итоат ва б.*

9) Ёруғлик, равшанлик англатувчи сўзлар: *машъал, анвар, зариф, зарифа, зиё, зулмат, мунаввар, нисор, шамъ, шуғла, жи-ло ва б.*

10) Ўлчов, миқдор, ҳажм, сон тушунчаларини англатувчи сўзлар: *баракат, қадоқ, даража, миқдор, ҳажм, ҳисобот, абжад, абад, адад, азим, азимат, маром, марта, меъёр, миқёс, мухтасар, нафар, рақам, қисм, ҳажм, ҳисоб, ҳисса, жамъ ва б.*

11) Ранг ҳусусиятини англатувчи сўзлар: *затфар, затфарон, зилол ва б.*

12) Таъм, ҳид белгисини билдирувчи сўзлар: *лаззат, лазиз, му-аттар, мuanбар, шарбат (ширин) ва б.*

13) Ҳолат англатувчи сўзлар: *муаллақ, адo (бўлди), азият, ажнабий, оғиз, оғиза, барқ (урган), дабдаба, доира, заҳм, заҳмат, зиёд, ғариб, ғарiba, ғарқ, ғойиб, интизор, мазлум, маз-лума, маглуб, маҳрум, маҷбур, мұхайә, мусофир, мискин, сағир, мајнун, ғариб, мувофиқ, мұхожири, ғақири, ярим, ятима, равнақ, танқис, тансик, фироқ, фурқат, ҳалос, ҳароб, ҳатар, ҳилват, ҳи-лоф, ҳолис, шаффоғ, ғафлат, ғойиб, ғоғил, қаноат, ҳижрон, ҳол, ҳолат ва б.*

Абстракт тушунча ва тасаввурлар номи: *муаммо, муболага, муборак, мубтало, мураккаб, мүқаддас, аҳамият, айш, адолат, ҳақиқат, фаҳм, фаросат, бало, ақл, фикр, далил, кайф, мазмун, ҳабар, алвидо, илҳом, инсоф, назар, роҳат, асорат, гайрат, мұхаббат, васият, садоқат, имконият, истиқбол, азоб, ало-қа, анъана, ахлоқ, бало, баҳо, башорат, васф, зоҳир, зуко, зуҳур, ибо, идрок, икром, илтижо, иродда, истиқбол, истиқомат, иффат, ихтиёр, ишва, ишқ, иқбол, иқдор, иқтидоқ, мавҳум, муддао, мубтало, мурод, мураккаб, мушарраф, мүшоҳада, муштарак, мүқаррар, мүжассам, номус, сабот, саодат, таажисжуб, табар-рук, тасаввүф, тасаввур, таманно, тақдир, фазилат, файз, фароғат, фасоҳат, фаҳм, фикр, ҳабар, хаёл, хаёлот, хислат, хосият, хотима,*

хўмор, шавкат, шараф, шарт, шиёддат, шуур, шуҳрат, ғанимат, ғурур, қадр, қасам, қиммат, қисмат ва б.

Баъзи равишлар: аввал, аввалин, доим, доимо, алоҳида, асло, аслан, ахир, ахира, ақлан, воқеан, воқеаталаб, дафъатан, доиман, доир, зайл, зарур, зарурат, иттифоқан, иттифоқо, мустасно, сайин, тадрижан, тахминан, фаразан, ғоят, расман, қиёсан ва б.

Боғловчилар: лекин, яъни, фалон, аммо, ва, валекин, балки, бироқ, ҳатто ва б.

Баъзи расм-одат сўзлари: алайкум, алайкум салом, ваалайкум ассалом, салом, баракалла, вожиб, ворис, зиёфат, маърака, мерос, муборак, никоҳ, одат, расм(урф), раҳмат, табрик, талоқ, тасаддуқ, тақсир, узр, марҳабо ва б.

Модал сўзлар: албатта, ҳақиқатан, балки, тахминан, тадрижан, фақат, масалан, ахир, билъакс, вассалом, лозим, хусусан, эҳтимол ва б.

Ўзбек тилидаги арабча ўзлашмаларнинг кўпчилиги абстракт маъно ифодаловчи сўзлардир. Ҳаттоқи конкрет предмет ва ҳодисалар номи бўлган сўзларда ҳам қандайдир мавҳумлик оттенкаси мавжуд: галаён, миқёс, мавж, соҳиб, айём, ғубор ва б.

Арабча абстракт маъноли ўзлашма сўзлар кўпроқ китобий услугуб лексикасига тааллуқлидир. Улар поэтик сўзлар, илм-фан терминларидир. Шу туфайли арабча ўзлашмалар кўпроқ ўзбек адабий тилининг пассив қатламларига, жузъий услубларига тегишилидир. Шу билан бирга, арабча ўзлашмалар орасида бир қатор конкрет маъно англатувчи кенг истеъмол сўзлари ҳам мавжуд. Булар баъзи уй-рўзгор буюмлари, қурол-яроғлар, қуш ва ҳайвон номларидир: товус, саъба, қанд, асал, райҳон, сандик, қулф, арава, атири ва б.

Арабча ўзлашмаларнинг маориф ва тарбияга оид баъзи типлари ҳам конкрет маъноларни англатади: мактаб, давот, қалам, дафтар, синф ва б.

Ҳозирги ўзбек адабий тилидаги арабча сўзлар умумий тарзда баҳоланса, улар а) меҳнаткаш халқ тилига, кундалик турмуш тилига синглан, серистеъмол сўзлар (*ғалла, мол, савдо, савол, фотиҳа, таъба, одам, амма, хола*); б) китобий услугуга оид сўзлар (*миллат, фармон, ҳуқуқ, истеъмол, истибодод, низом, масалан, манфий, маҳраж, тадқиқот, мулизим, муҳандис*); в) ўқимишли кишилар тилидагина қўлланувчи баъзи сўз типларидан (*илҳом, мажмуа, ижод, мудофаа, муаллиф, оммавий, зурриёт, таваллуд*) иборатдир.

Арабча ўзлашмаларнинг кўпин ҳозирги ўзбек тилида от туркумiga мансубдир. Улар ўзбек тилига от шаклида қабул қилинган мавҳум маъноли сўзлардан иборат.

Араб тилининг ўзида турли сўз туркумларига мансуб сўзлар (сифатлар, масдар формасидаги белги англатувчи феъллар, ҳаракат номлари) ҳозирги ўзбек тилида от туркумiga киради. Чунки улар ўзбек тилида отлашган ҳолда қўлланади. Мана шунга

кўра араб тилидан ўзлаштирилган ҳаракат номлари (масдар) ҳозирги ўзбек тилида от туркумига тааллуқли: *назар*, *қабул*, *шикоят*, *қудрат*, *таъсир*, *эҳтиёж*, *эҳтиром*, *иқбол*, *истиқомат*, *маҳсул*, *тамадди*, *ақл*, *имкон*, *ишғол*, *тақсим* ва б. Арабча сифатдош формалари ўзбек тилида от (қотил, олим, шоир, котиб, мубири, мутахассис ва б.) ёки сифат (қобил, оқил, золим, муносиб, мунофиқ, мустақил, машхур, мақбул, муфассал, мукаммал, мужмал, мураккаб, мунтазам, мұтабар, мустаҳкам ва б.) туркумига мансубдир. Арабча сифатлар ўзбек тилида ҳам сифатлик функциясида қўлланади: *азиз*, *ғаріб*, *фақир*, *азим*, *нағіс*, *тайёр*, *фаол*, *жасур*, *ағзал*. Лекин арабча сифатларнинг бир қисми ўзбек тилида отлашган ҳамда шахс, предмет ва ҳодисаларнинг номи бўлиб келади: *асир*, *ғаним*, *табиб*, *қассоб*, *раққос*, *рассом*, *ҳаммол* ва б. Арабча ўзлашма равишлар ўзбек тилида ҳам ўз функциясида қўлланилади. Улар охири -о ёки -ан билан тугаган сўзлардир доимо, мутлақо, иттифоқо, аввало, тасодиған, хусусан, мазмунан, тамоман, қисман, шахсан, лутған, ҳақиқатан ва б.

Ўзбек тилига кирган арабча ўзлашмалар ўзбек тилида ўзига хос сингиш хусусиятларига эга.

Ўзбек тилига арабча сўзларнинг, асосан, бирлик англатувчи шакллари ўзлаштирилди: *боб* (*абвоб*)⁷¹, *байт* (*абёт*), *вазн* (*авзон*), *аввал* (*авоил*, *авойил*), *амр* (*авомир*), *ариза* (*авориз*), *оҳир* (*авоҳир*), *варақ*, (*авроқ*), *ватан* (*автон*), *вақт* (*авқот*), *ваҳм* (*авҳом*), *давр* (*адвор*), *дин* (*адён*), *жавоб* (*ажвиба*), *жинс* (*ажнос*), *жасад* (*ажсад*), *завқ* (*азвоқ*), *зид* (*аздод*), *азиз* (*аизза*), *либос* (*албисо*), *лутф* (*алтоф*), *мавжу* (*амвож*), *мол* (*амвол*). Аксинча баъзи сўзларнинг эса кўплик шакли ўзлаштирилди: *аффор* (*бикр*)⁷² *авзоз* (*вазъ—ҳолат*), *арасот* (*арса*), *ахлат* (*хилт*), *ақрабо* (*қарип*), *авлод* (*валад*), *вужуд* (*важҳ*), *кибор* (*кабир*), *аслаҳа* (*силоҳ*), *айём* (*явм*), *талафот* (*талаф*) ва б. Кўплик шаклида ўзлаштирилган сўзлар одатда ўзбек тилида бирлик маъносида қўлланилади. Уларнинг аслида кўплик формасидаги сўз эканлиги ўзбек тилида деярли сезилмайди: *муваффақият*, *ғолибият*, *маълумот*, *таълимот*, *зиддият* ва б. Бу сўзларнинг кўплик шакли ўзбек тилида -лар қўшимчаси ёрдамида юзага келтирилади: *муваффақиятлар*, *маълумотлар*, *таълимотлар*, *зиддиятлар* каби.

Бир қатор арабча сўзлар ўзбек тилида ҳам бирлик, ҳам кўплик шаклларида учрайди. Чунончи: *вали*//*авлиё*, *закий*//*азкиё*, *лафз*//*алфоз*, *амир*//*умаро*, *руҳ*//*арвоҳ*, *сабаб*//*асбоб*, *сир*//*асрор*, *ҳолат*//*аҳвол*, *жавҳар*//*жавоҳир*, *зулмат*//*зулумот*, *камол*//*камолот*, *малак*//*малоика*, *шайх*//*машойих*, *маърифат*//*маориф*, *маҳсул*//*маҳсулот*, *мушкул*//*мушкулот*, *наҳр*//*анҳор*, *адаб*//*одоб*, *олим*//*уламо*, *фақир*//*фуқаро*, *хотир*//*хавотир*, *хаёл*//*хаёлат*, *ҳол*//*аҳвол*, *хулқ*//*аҳлоқ*, *ҳайвон*//*ҳайвонот*, *ҳақ*//*ҳуқуқ* ва бошқалар.

Келтирилган сўзларнинг кўплик шакли ўзбек тилида кўплик маъносини бериш учун сақланган эмас, балки фарқли маъно, семантик оттенкаларни ифодалашга йўналтирилган. Бу, масалан,

⁷¹ Қавсда сўзнинг кўплик шакли берилди.

⁷² Қавсда сўзнинг бирлик шакли берилди.

ҳолат ва аҳвол, маърифат ва маориф, маҳсул ва маҳсулот, ҳақ: ва ҳуқуқ, фақир//фуқаро; хаёл//хаёлот, хулқ//ахлоқ каби сўзлар маъносидаги фарқларда ёрқин кўринади.

Арабча ўзлашмаларнинг бирлик ва кўплик формалари ўзбек тилида ўз лексик маъно фарқларига кўра турли сўз туркумларига тегишли бўлади: маълум (сифат) ва маълумот (от), закий (сифат) ва азкиё (от), алфоз (сифат) ва лафз (от), мушкул (сифат) ва мушкулот (от) каби. Баъзи сўзларнинг бирлик ва кўплик шакллари бошқа-бошқа тушунчаларни англатиш учун дифференциация қилинган: адаб (тарбия) ва адабиёт (литература), таълим (воспитание) ва таълимот (учение), назар (қарааш) ва назариёт//назария (теория), нашр (тарқатиш) ва нашриёт (муассаса) каби.

Тамоман ўзлашиб, сингиб кетган арабча сўзлар худди ўзбек тилининг ўз сўзларидек туюлади ва уларнинг этиология жиҳатдан араб ўзагига алоқадор бўлган сўзлар экани сезилмайди.

Арабча сўзларнинг ўзбек тилига сингиши бу сўзларни лингвистик жиҳатдан ўзлаштириш билан боғлиқдир. Араб элементлари ўзбек тилида унинг қонун-қоидаларига бўйсунади, унга мослашган.

Арабча сўзлар ўзбек тилига фонетик-орфоэпик жиҳатдан мослашди. Араб тилидаги вариантили ձ, ڦ товуши ўзбек тилида ڙ: билан, вариантиلى ڦ, ڻ товушлари т товуши билан, вариантиلى س، ض товушлари с товуши билан берилади. Мисоллар:

Арабча товушлар	Арабча ёзилиши	Ўзбекча товуш	Ўзбекча ёзилиши
ذ ط	ذر، ذاكر ظاهر ظالم	з	зарра, зокир зоҳир, золим
ت ط	طرف طمع تمام تر کیب	т	тараф, тамаъ. тамом, таркиб
	سعادت سلامت صیغت صنوبر	с	саодат, саломат санъат, санавбар

Араб тилига хос бўлган айн товуши ўзбек тилида бошқа товуш билан алмаштирилди (ҳайит, ҳасса, *Иногом*, *Мағруф* каби) ёки сезилмайдиган ҳолда қўшни унли товушга едириб юборилди (илм, таълим//талим каби) Сўз охирида келганда у айтилмайди, график жиҳатдан ёзилмайди: шам, наф, тоби//тобе, нав, видо, шифо каби. Араб графикасида нуқтасиз ёзилувчи x (ҳ) товуши ҳам ўзбек тилида ўзига хос тарзда ҳ билан бериладиган бўлди. Арабча сўзлар айниқса халқ тилида сезиларли ўзгаришларга учради. Халқ тилида сўзларнинг қисқарган, ўзгарган ҳолда талафуз қилиниши кўпроқ учрайди. Чунончи, *Мұхамма*д номи ўзича ва қўшма антропонимлар таркибида *Мамат*, *Мама*, *Ma*, *Mat*//*Мад*

шаклларида учрайди: *Мамат*, *Мамашукур*, *Маназар*, *Маттурди*, *Матғози* каби.

Арабча ўзлашмалар ўзбек тилига грамматик жиҳатдан ҳам мослашди, бўйсундирилди. Ўзбек тилида арабча материалдан бу тилнинг ўзида ясалган қўшма сўзлар, жуфт сўзлар учрайди. Арабча элементлар бошқа тил элементлари билан бириниб сўз бирималари, қўшма сўз ва жуфт сўзларни ҳосил қиласди. Масалан,

Сўзининг араб тилидаги асл маъноси	Хозирги ўзбек тилидаги маъноси
Қиёмат—диний маъно англатади	Қиёмат—1) жанжал, ҳақинч талаб қилиш; қиёмат қилмоқ; 2) жуда қийин: қиёматдан қийин; 3) зўр: жуда қиёмат одамда.
Сўфи—1) суф (жун): жундан кийим кийган одам; 2) тасаввух (сўфизм) йўлига ўтган киши, тақвадор, мистик.	Сўфи: 1) тақвадор; 2) азон айтувчи, кициларни намозга чақирунчи; 3) сўфи, сўфи—гўл, содда, ўзини соддатликка олувчи одам; 4) қаққайиб турувчи киши: сўфидай сўққайиш, сўққайиб.
Домулло—мусулмон диний мактабларининг ўқитувчиси	Домулла—1) мадраса ўқитувчиси; 2) диний маросимларни бажарувчи шахс; 3) замонавий олий мактаб ўқитувчisi; 4) устоз, илмий раҳбар.
Мол-мулк, жонсиз бойлик.	Мол—1) мол-мулк; 2) уй. ҳайвони; 3) товар—саноат моллари; 4) кўчма маънода; бефаҳм, гўл, маданиятсиз.
Бисот—1) гилам, тўшаладиган нарса; 2) шахмат (нард) тахтаси; 3) кенг майдон.	Бисот—1) бойлик, мол-мулк; 2) шахсий мулк, бойлик.
Важх—1) юз, бет; 2) сабаб, баҳона.	Важх//важх—1) сабаб, баҳона; 2) нарса, сотиб олиниган у-бу нарсалар.
Ҳаловат—ҳалто сўзининг кўплиги: „ширинликлар“ маъносида.	Ҳаловат—1) оиласий тинчлик, сойиншалик; 2) ёқимлилик—хузур-ҳаловат қилмоқ.
Наъл—ковуш.	Наъл//нагал—тақа.
Мараз—умуман касаллик, дард.	Мараз—1) юкумли касаллик; 2) кўчма маънода: шилжим одим; 3) кўчма маънода: заرارли, хавфли одам.
Басир—кўрувчи, ўткир кўэли	Басир—1) кўр, кўрмовчи; басир бўлгур; 2) кўчма маънода: гўл, саводсиз, янглишган;
Шаҳид—диний маънода: „дин йўлидаги уруш қурбони“.	Шаҳид—халқ, ватан учун уруш қурбони.
Савоб—1) диний маънода: яхши иш бадалига олинувчи мукофот; 2) ўғри, хатосиз.	Савоб—хайрли, яхши иш: бу ишинг савоб.
Меҳнат—захмат, азоб-уқубат.	Меҳнат—1) иш, одатий иш; 2) шон-шараф иши; 3) ташвиш: бу менга анча меҳнат бўлди.
Табаррук—диний маънода: эзгу, илоҳий, муқаддас иш.	Табаррук—1) эзгу, яхши; 2) ҳурматли, муқаддас: унинг эзгу номи; 3) эзгу эсдаллик: бу табарруқ буюм.
Миллат—1) дин; 2) диний секта, жамоа	Миллат—социал-тарихий уюшмаси, халқ уюшмаси (термин) ва б.

ҳар икки компоненти арабча бўлган қўшма сўзлар: *авомфаҳм*, *амримаҳол*, *бадриҳол*, *дориломон*, *дорилбақо*, *дорилфунун*, *Абдуҳолик*, *Абдулаҳад*, *Алимуҳаммад*, *Алимурод*, *Муҳаммадназар*, *Назарали*; компонентларидан бири арабча элемент бўлган қўшма сўзлар: *жинкўча*, *жинчироқ*, *ижозатнома*, *оламаро*, *китобсевар*, *кўкмараз*, *кўрхотир*, *малҳамдори*, *маслаҳатбоши*; ҳар икки компоненти арабча бўлган жуфт сўзлар: *божхирож*, *ваъз-насиҳат*, *давр-даврон*, *жабр-жафо*, *жабр-зулм*, *жаджадал*, *адабий-назарий*, *ажойиб-гаройиб*, *азоб-уқубат*, *алам-изтироб*, *амалий-назарий*, *амма-хола*, *арз-ҳол*, *ақл-идрок*, *бахт-иқбол*, *мурод-мақсад*; компонентлардан бири арабча элемент бўлган жуфт сўзлар: *етим-есир*, *жабр-ситам*, *жон-жачд*, *олам-аҷчиқ*, *амал-тақал*, *амр-фармон*, *асбоб-ускуна*, *аслаҳа-анжом*, *меҳр-шрафқат*, *теварак-атроф*, *қурол-аслаҳа ва б.* Арабча сўзларнинг ўзбек тилига морфологик жиҳатдан мослашиши икки ҳолатда: а) арабча сўзлар негизида ўзбек тилида янги сўзлар ҳосил қилинишида; б) арабча сўзларнинг ўзбек тилидаги грамматик форма ясовчи қўшимчаларни қабул қила олишида ёрқин кўринади.

Ўзбек тилидаги арабча негизлар ўзбекча аффикслар ёрдамида янги-янги сўзлар ясашга имкон беради ва ўзбек тили лексикасининг ўз ички ресурслари ҳисобига бойиб боришига хизмат қиласди: *жамоатчи*, *ҳимоячи*, *айёрларча*, *ваҳшийларча*, *ақлли*, *иљми*; *ибосиз*, *мадорсиз*; *хатчан*, *ҳаракатчан*; *завқланмоқ*, *абадийлаштирмоқ* ва б.

Арабча ўзлашмалар ўзбек тилига семантик жиҳатдан ҳам мослашган. Арабча сўзлар маъносидаги семантик тараққиёт узоқ давр мобайнида ўзбек тилининг коммуникатив функцияси талаблари асосида юзага келган (122-бетдаги жадвалга қаранг).

Арабча сўзлар ўзбек тилига, асосан уч йўл билан кирди:

1) Арабча сўзлар ўзбек тилига бевосита араб тилининг ўзидан китоб, мадраса ва дин орқали ўзлаштирилди. Бу сўзлар диний ва китобий лексика бўлиб, абстракт маъноларни ифода қиласди;

2) Арабча сўзлар ўзбек тилига араб тили билан яқин контактда бўлган, араб тилидан энг кўп таъсирланган форс-тожик тили орқали кирди.

Форс-тожик тили орқали ўтган арабча сўзлар ёзма манбалар орқали ўтган сўзларга нисбатан кўпчиликни ташкил қиласди. Бу сўзлар илм-фанга оид, дин ва ишлаб чиқаришга оид сўзлар, шунингдек поэтик лексикадир.

3) Ўзбек тилидаги арабча сўзларнинг оғзаки тил орқали ўтганини ҳам инкор қилиб бўлмайди. Араб оғзаки сўзлашув тилининг маҳаллий туркий шевалар билан тўқнашгани ва бу контакт туфайли халқ тилига баъзи арабча сўзларнинг кирган бўлиши шубҳасиздир. Баъзи кундалик турмуш ва хўжаликка оид сўзлар, конкрет предметлар, уй-рўзгор буюлари, озиқ-овқат номлари, шунингдек диний терминлар ўзбек тилига оғзаки тил орқали қабул қилинган бўлиши керак.

Ўзбек тилига оғзаки тил орқали кирган арабча ўзлашмалар бошқа манбалар орқали кирган сўзларга нисбатан камчиликни ташкил қиласди. Буни ўзбек шевалари лексикасида арабча сўзлар миқдорининг камлиги ҳам тасдиқлайди.

Ўзбек тилидаги арабча сўзлар қатлами, айниқса, поэтик сўз типлари Улуғ Октябрь социалистик революциясигача анча турғун ва ўзбек тили лугат составида «чўйкан» ҳолда яшади. Октябрь революциясидан кейинги даврда ўзбек адабий тили тараққиётидаги янги босқич, улуг рус тилининг ўзбек тилига баракали таъсири туфайли арабча лексик қатламда маълум ўзгаришлар юз берди. Совет даврида арабча лексик қатлам миқдори турли даражада ўзгариб турди. Умумий тенденция унинг ўзбек тилида камая борганини кўрсатади. Ўзбек матбуотининг турли йиллардаги тили лексикаси юзасидан олиб борилган кузатишлар буни яққол кўрсатган.

РУСЧА-ИНТЕРНАЦИОНАЛ ЎЗЛАШМА СУЗЛАР ҚАТЛАМИ

Ҳозирги ўзбек адабий тили ва халқ шевалари лексикасида русча-интернацонал сўзларнинг улкан, салмоқли қатлами мавжуд. Бу қатлам ўзбек гилининг буюк рус тили билан ўзаро контакти ва таъсири туфайли юзага келган. Рус ва ўзбек тиллари XIX аср охири ва XX аср бошларида тўқнашди. Бу Ўрта Осиё, жумладан Узбекистоннинг Россияга қўшиб олиниши даврига тўғри келади. Мана шу даврда Ўрта Осиёга, жумладан ҳозирги Узбекистонга рус маданияти ва тили кириб келади. XIX асрнинг иккинчи ярми ва XX асрнинг бошларида ўзбеклар ҳаётида ижтимоий-сиёсий ўзгаришлар юз берди. Бу даврда Узбекистонда замонавий саноат, фаннинг, замонавий маданиятнинг янги куртаклари пайдо бўлди. Асрлар давомида ҳукмронлик қилган феодал муносабатлари барҳам топиб, капиталистик муносабатлар юзага кела бошлади. Узбекистонда завод ва фабрикалар пайдо бўлди. Миллий пролетариат туғилди. Узбекларнинг фан, маданиятга, моддий ҳаёт ва турмушга доир тушунчалари илғор рус фани ва маданияти таъсирида ўзгара ва ўса борди. Ўрта Осиё, жумладан Узбекистонда маданият ва маорифнинг янги шахобчалари шаклланди. Бу муассасаларда ўша даврнинг илғор фан ва маданият ютуқлари ўқитилди ва пропаганда қилинди. Шундай қилиб, ўзбек ва рус халқлари ўртасида объектив ижтимоий-сиёсий, иқтисодий-маънавий, илмий-маърифий ҳамкорлик юзага келди. Бу ҳамкорлик рус ва ўзбек тиллари ўртасида ўзаро таъсирланишга асос бўлди. Ўша даврдан бошлаб рус тили ўзбек тилига таъсир этди. Бу таъсир туфайли ўзбек тилига рус тилидан бир қатор сўзлар кириб кела бошлади.

Рус ва ўзбек тилларининг ўзаро ҳамкорлиги, ўзбек тилига рус тилидан сўз ўзлаштириш, ўз характеристига кўра икки даврга бўлиб ўрганилади: I. Улуғ Октябрь социалистик революциясигача бўлган давр; II. Улуғ Октябрь социалистик революциясидан кейинги давр — совет даври.

Рус ва ўзбек тиллари ҳамкорлигининг Ўлуғ Октябрь социалистик революциясигача бўлган даври XIX аср охири, яъни Ўрта Осиёнинг Россияяга қўшиб олинишидан 1917 йилгача бўлган муддатни ўз ичига олади. Ўзбек тили рус тили билан бу даврда ўзбек халқи тили, ўз миллӣ тиллар куртаклари эндигина пайдо бўла бошлаган тил сифатида тўқнашди. Бу ўзбек тилига рус тили таъсирининг илк даври эди.

Рус тилининг ўзбек тилига таъсири бу даврда тубандаги сабабларга кўра юзага келди:

1) Ўрта Осиёнинг Россияяга қўшиб олиниши билан рус ва ўзбек тиллари биринчи бор бевосита тўқнашди ва ўзаро контактга киришди;

2) Ўрта Осиёга прогрессив рус фани ва маданияти кириб келди ва ўзбек ҳаётига ўз таъсирини ўтказди;

3) маҳаллий саноат, савдонинг янги турлари пайдо бўлди, маҳаллий миллӣ буржуазия юзага келди, янги капиталистик муносабатлар шакллана бошлади. Мана шуларга боғлиқ янги тушунчалар ўзбек тилида олдин мавжуд бўлмаган янги сўз ва терминларни талаб қилди;

4) маҳаллий ищчилар синфи, маҳаллий зиёлилар юзага келди, улар билан рус пролетариати ва интеллигенцияси орасида бевосита муносабат ва муомала пайдо бўлди. Натижада уларнинг оғзаки сўзлашув тиллари — рус ва ўзбек тиллари ўзаро тўқнашди;

5) Ўрта Осиёда рус ва ўзбек тилларида маҳаллий матбуот — газета ва журналлар нашр этила бошлади. Ўзбек тилидаги матбуотда рус фани, маданияти, шунингдек ўша давр иқтисодий, маданий ҳаётига доир материаллар, чор Россиясининг сиёсатига оид расмий давлат ҳужжатлари эълон қилинадиган бўлди. Бу туфайли ўша соҳаларга доир кўпгина сўз ва терминлар ўзбек матбуоти текстларига кириб келди ва ўзлаша борди;

6) Ўрта Осиёда, жумладан Ўзбекистонда 1905—1917 йиллар давомида марксизм-ленинизм ғоялари, прогрессив маърифий қарашлар кенг тарқала бошлади. Бу ғоя ва қарашлар ўзбеклар нутқига бир қатор ижтимоий-сиёсий терминларнинг кириб келишига сабабчи бўлди;

7) рус тили тарихий ривожланиш нуқтаи назаридан юқорироқ босқичда турган халқ тили эди. Бу тилда ўша давр фани ва санъатининг, маданияти ва маърифатининг, моддий ва маънавий ҳаётининг муҳим тушунча ва тасаввурларини англатувчи сўз ҳамда терминлар мавжуд эди. Ўша давр ўзбек тили бундай воситаларга муҳтоҷ эди. Натижада у бундай сўзларни рус тилидан олишга интилди;

8) рус тили ўз даврининг юқори даражада тараққий этган тилларидан бири эди. Бу тил ҳисбатан пухта ишланган, силлиқланган адабий тил эди. У бой лугат состави, мукаммал грамматик нормаларга эга эди. Қолаверса, рус тили ўз даврининг прогрессив демократик ғояларини ташувчи бой адабиёт тили эди;

9) рус тили чор Россиясида расмий давлат тили ҳисобланарди. Маҳаллий ўлкаларда ҳам давлатнинг расмий ҳужжатлари юридик ва савдо қоғозлари рус тилида расмийлаштирилар эди. Гимназияларда, рус-тузем мактабларида ўқитиш ишлари ҳам асосан рус тилида олиб борилар эди. Бу маҳаллий халқни рус тилини эгаллашга, билишга дайвват қиласар, бундай интилиш эса рус тили таъсирини кучайтиради.

Келтирилган сабаблар XIX асрнинг иккинчи ярми ва XX аср бошларида рус тилининг ўзбек тилига таъсирини таъминлаган омиллардир. Бундай таъсир натижасида ўзбек тилига рус тилидан бир қатор сўзлар кириб келди. Бундай ўзлашмаларнинг баъзи намуналари ўша даврда нашр қилинган маҳаллий матбуот —газета ва журналлар, расмий-юридик ҳужжатлар саҳифасида сақланиб қолган. Уларнинг тубандаги типларини кўрсатиш мумкин,

Савдо ва финансга оид сўзлар: банка (банк), акридитиф (аккредитив), аксийа (акция), бержса (биржа), бюджет (бюджет), вексил (вексел), зайум (заём), чўт (счёт), контур (контора), трактир (савдо жойи), купес (купец), шитираф (штраф), учут (учёт), сўлкавой (цельковый), пудрат (подряд), лапка (лавка), прутсент (процент), ўблигатсия (облигация), контрақ (контракт);

Расмий-юридик соҳага оид сўзлар: амнистийа (амнистия), адвакат (адвокат), прикурап (прокурор), сўд//сўт (суд), акт, ҳакун, ҳакун(чи), (закон), судия (судья), консул (лиф), турма (тюрма), сибир қиммоқ (сибирь), повуска (повестка), приступ (пристав), бўйис (волостной), спрафка (справка), политсия (полиция), чилон (член), пўмўшник (помощник), дабирнос (доссеренность) ва б.;

Техника, транспортга оид сўзлар: двигитил (двигатель), иликтричства (электричество), поиз (поезд), шофири (шофер), машина (машина), избўиши (извозчик), вагон//вагўн (вагон), завут//завўт (завод), пуржина (пружина), пабрика (фабрика), фарахўт (параход), каласка (коляска);

Алоқага оид сўзлар: тилифон (телефон), тилгироф (телефраф), пўшта /пўчта (почтa), перавўт (перевод), яшик (ящик), камверт (конверт), квитанса (квитанция), пўсилка (посилка) ва б.;

Маориф, маданият ва санъатга оид сўзлар: глубус (глобус), редақсия (редакция), газит (газет), сирк/ тсирк (цирк), театр//театру (театр); печат (печать), қарта (карта), билет//билат (билет), вистафка//вистапка (виставка), училишча (училище), кансерт (концерт), кина (кино), раёл (рояль), музга//музыка, танс (танцы) ва б.

Ҳарбий тушунча, мансаб ва унвонлар номи: афитсер (офицер), камиссар (комиссар), саллот//салдат (солдат), канбўй (конвой), генерал (генерал) ва б.;

Үй-рўзгор буюмлари, қуроллар номи: дўға (дуга), хомит (хомут), сўқа (сока), талинка (тарелка), чўтка (щетка), патнис

//патнус (поднос), чойник (чайник), самавар (самовар), устак (стол), курушка (кружка), сўрғуч (сургуч), пешка (печка) ва б.;

Баъзи ўсимликлар, улар маҳсулотининг номи: **банан**, **картушка** (картошка), **лимон**, **речиска** (редиска) ва б.;

Медицина соҳасига доир терминлар: **апиратсийа** (операция), **борной кислота** ('борная кислота), **врач**, **фелдшер** (фельдшер), **ревматизм**, **акушарка** (акушерка), **пўлёт//палат** (палата), **духтур** (доктор) ва б.;

География ва астрономия соҳасига оид терминлар: **акиан** (океан), **екватур** (экватор), **лава**, **пўлус** (полюс), **йер шари**, **кампас** (компас), **Марс**, **Камета**, **Харита**, **Материк** ва б.;

Химия соҳасига оид тушунчалар ва баъзи хом ашёлар номи: **кирасин** (керосин), **бинзин** (бензин), **парапин** (парафин), **вадародний газ** (водородный газ), **кислород**, **вадарод**, **никил** (никель) ва б.;

Ой номлари: **феврал** (февраль), **октабир** (октябрь), **декабир** (декабрь), **иайл** (июль), **иайун** (июнь), **ғинвар** (январь), **май**, **ноябир** (ноябрь) ва б.

Улчов бирликлари номи: **пут** (пуд), **дужина** (дюжина), **кавадратий** (квадрат), **сантиметр**(лик), **саржин** (сажень) ва б.;

Вақт бирликлари номи: **сотка//сутка**, **кавартал//квартал**, **числа** (число), **минит//милит** (минут) каби;

Озиқ-овқат ва бу билан боғлиқ хом ашё номи: **памил чой** (фамильный чай), **пива** (пиво), **кампит** (конфет), **папурес** (папирес), **қвас** (квас), **лимўнат** (лимонад) каби;

Матолар, кийим-кечаклар ва бошқа хил материаллар номи: **чит** (ситец), **пўлатна//фўлатна** (полотно), **калиш//калуш** (галоши), **пижжак** (пиджак), **истарапил** (стропило) каби;

Баъзи жой номлари: **чирков** (церковь), **барақ** (барак), **вакзал** (вокзал), **истанса** (станция), **Масков** (Москва), **аблас//область**, **падвал** (подвал) каби;

Бошқа хил тушунчалар номи: **пиён**, **пиёниста** (пьянный, пьяница), **фўрма** (форма), **нўмир** (номер), **ўрус** (рус), **фаранж** (француз), **музик**, **рат** (ряд), **пўп//пўф** (pop), **фар** (фара), **бено-вот** (виноват) ва б.

XIXаср иккинчи ярмидан XX аср бошларигача бўлган даврда ўзлаштирилган русча сўзларнинг кўпи конкрет предметлар номи, ўзбек ҳаёти учун янгилик бўлган моддий, маънавий тушунчаларни ифодаловчи сўз ва терминлар эканини кўрамиз. Бу давр русча ўзлашмалар орасида баъзи илмий терминлар учраса-да, улар жуда кам сонли эди. Бундай терминлар кўп ҳолда ўзбек тилига оддий сўзлар каби асосан оғзаки нутқ орқали ўзлашди.

Илк давр русча ўзлашмалар ўзбек тилига икки манбадан кириб келди: 1) оғзаки нутқ орқали; 2) матбуот ёки расмий ёзишмалар тили орқали.

Русча сўзларнинг оғзаки нутқ орқали кириб келиши асосий ҳолат бўлиб, бунда ўзбекча оддий сўзлашув нутқи ва шевалари билан жонли рус тилининг тўқнашув жараёнлари асосий роль

ўйнади. Ўзбек тилига оғзаки нутқ орқали кирган русча сўзлар маҳаллий ўзбек тили (оддий халқ тили) талаффузига бўйсундирилди, яъни русча сўзни маҳаллий халқ қандай талаффуз қиласа, у шундай айтилди ва ёзилди: *газит* (газета), *учёт* (учёт), *фараҳӯт* (параход), *минит//милит* (минута), *пӯшта* (почтa), *кампут* (конфет) ва б. Бу илк давр русча ўзлашмаларнинг талаффузи ва имлосида стихияли ҳол ҳукм сурганини, уларнинг ўзбек тилида ҳали нормалашмаганини кўрсатади. Натижада ҳатто ўзбек матбуоти тилида ҳам русча сўзлар асосан оғзаки талаффуз шаклларида ёзиларди. Бир сўзнинг бирдан ортиқ талаффуз варианtlари, шунга кўра имловий варианtlари бўлган. Маc., рояль

сўзи: *رسموار*, *سمواوar*, *رییال رایال*, *ریال*, — самовар сўзи: *اویازد*, *اویازز*, اویاز *بلات*, *بیلیت*, *بیلت*: билет сўзи: *شاكللاريда ёзилган*. Вагон сўзининг 4 хил, область сўзининг 5 хил, волость сўзининг эса 6 хил талаффузи ва ёзилиш варианtlари кузатилган.

Рус тилининг таъсири ўзбек оғзаки нутқи, матбуоти, расмий ёзишмалари тилидагина эмас, бадий адабиёти тилида ҳам кўринди. Русча сўзларнинг бадий адабиёт тилида учраши бу таъсирининг анча кучли ва самарали бўлганини кўрсатади. Уша давр ўзбек демократ шоирларидан Фурқат, Муқимий, Завқий ва бошқаларнинг асарларида бир қатор русча сўзлар ва рус тили орқали кирган лексемалар мавжуд. Маc., Зокиржон Холмуҳаммад ўғли Фурқат асарларида *гимназия*, *лотин*, *руссия*, *телегром*, *ўрусия*, *Масков июль ярманка*, *билет*, *зал//зол*, *номер* (лик), *рус*, *франсуз*, *раёл*, *театр*, *Суворов*, *закон*, *саллот*, *фарангি*, *Наполеон*, *Ёврупо*, *Австралия*, *Италиё*, *адютант*, *Овистрия*, *Милон*, *фарангий*, *кантрак*, *сентябрь*, *виставка*, *газет*, *мошина*, *мошиналик*, зовут, *Иванов*, *фонус*, *лампа*, *Манжурия*, *Ёпониё*, *Ёпон*, *казаклар*, *инглиз*, *жуография*, *раси* (Россия), *акт*, *Фалотун*, *медоли*, *тилло*, *музикон*, *доктор*, *франсус*, *фабрикант* ва б. Муҳаммад Аминхўжа Муқимий асарларида маскасчи, *Маскав*, *ўрус*, *печать*, *фабрикант*, *контор*, *заколат*, зовут, *купес*, *сейчас*, *пажолиста*, *дуррак*, нет, пошёл, *кантура*, *истарши*, приступ, *купес-молдор*, *вексил*, *шапка*, *үёз*, *палиска*, *Сибирь*, *печ*, *каласка*, *милит*, *олосной* ва б. Завқий асарларида *вексель*, *банка* (банк), пристав, *бўлус* (волость), *большевик* ва б. сўзлар учрайди.

ХХ аср бошларидан 1917 йилгача бўлган даврда рус тилининг ўзбек тилига таъсири янада кучайди ва ёрқинроқ намоён бўлди. Бунда айниқса 1905—1907 йиллар давридаги демократик революцион ҳаракатлар, Ўрта Осиёда марксизм-ленинизм ғояларининг кенг тарқалиши революцион ҳаракатнинг кучайиши, шунингдек капиталистик ишлаб чиқариш муносабатларининг ўсиши муҳим роль ўйнади. Ўзбек тили бу даврга келиб рус тилидан қатор ижтимоий-сиёсий терминларни ўзлаштирди. Улар ўзбек

тилига оғзаки тил орқали ҳам, матбуот ва ёзишмалар тили орқали ҳам кириб келди. Бу даврда ўзбек тилида давлат ва идора ишларига доир управа, судья, начальник, дума, старшина, бўйис (власть), уез, губерния, сторож, подряд, залог, сорт каби сўзлар, ҳарбий, ишга алоқадор полк, гарнизон, батальон, казарма, гардия, офицер, лейтенант, адмирал, штаб-капитан, подполковник, матрос; савдо ва молиявий ишларга доир акционер, заказ, фирма, кредит, банк, расход, доход, склад, оборот, процент, биржа, арбитраж каби сўзлар қўлланди. Шунингдек, 1905—1917 йиллар ўзбек матбуоти тилида миллий озодлик ғояларини, пролетариатнинг инқиlobий кайфиятини ифодаловчи ва ўша давр синфиий зиддиятлари билан боғлиқ бўлган партия, митинг, съезд, депутат, бюрократ, кадет, манифест, революционер, социал-демократ, социалист, автономия сингари бир қатор сўзлар ҳам қўлланда бошлади.

Рус тилининг ўзбек тилига таъсири ва ўзбек тилига русча сўзларнинг ўзлашиши бирор тил орқали юз бермади, балки бевосита бўлди. Русча сўзлар ўзлашиши ўзбек ва рус тилларининг тарихи территориал яқинлашишин ва контакти туфайли юз берди.

Улуғ Октябрь социалистик революциясигача рус ва ўзбек тиллари маълум даражада ҳамкорликка киришган ва ўзаро таъсириланган бўлса-да бу ҳамкорлик чегарали характерга эга бўлгани. Чунки буржуа жамиятнинг синфиий характери, чор Россиясининг миллий масала ва миллий тиллар масаласида тутган синфиий «сиёсати» рус тили билан маҳаллий миллий тилларнинг кенг равишда ҳамкорликка киришиши учун тўсқинлик қиласиди.

Рус ва ўзбек тилларининг ўзаро ҳамкорлиги, буюк рус тилининг ўзбек тилига баракали таъсир этишида Улуғ Октябрь социалистик революциядан кейинги давр — совет даври муҳим роль ўйнади.

Совет давлати, Коммунистик партияниң ленинча миллий сиёсати ва бунинг тантанаси туфайли СССР халқларининг миллий тиллари атрофлича ривожланиши ва камол тоини ўйлига тушшиб олди. СССР халқлари адабий тилларининг, жумладан ўзбек миллий адабий тилининг совет даврида шаклланиши ва ривожида рус тилидан таъсириланниш муҳим аҳамиятга эга бўлди. Рус тили ўзбек адабий тилининг барча системаларига баракали таъсир этди. Аммо бу таъсирининг самаралари аввало ўзбек тилининг лексикасида ёрқин кўринди.

Совет даврида ўзбек тилига рус тилидан, у орқали дунёнинг бошқа бир қатор тилларидан кўп сонли сўзлар ўзлаштирилди.

Русча-интернационал лексикасининг Улуғ Октябрь социалистик революциясидан кейинги йилларда ўзбек тилига ўзлашишининг ўзига хос бир қатор сабаб ва асослари бор. Бу асослар моҳият жиҳатдан социалистик тузум ва Совет давлатининг, ленинча миллий сиёсатнинг буюк самаралари билан боғлиқдир:

1) Улуг Октябрь социалистик революциясидан кейин ўзбек тили эркин ривожланиш йўлига тушиб олди. У революциягача кам тарақкий этган халқ тилидан ҳар томонлама камолотга етган социалистик миллат адабий тилига — **миллатий тилга айланди**;

2) социалистик миллат тилига айланган ўзбек адабий тилининг ижтимоий функцияси ниҳоятда кенгайиб кетди. Революцияга қадар, асосан, поэзия тили, юқори табақа вакилларининг расмий тили сифатида қўлланган ўзбек адабий тилининг ишлатилиш доираси совет даврларида ниҳоятда кенгайди. Ўзбек адабий тили улкан бадиий адабиёт тили, кенг тармоқли фан ва техника тили, кўп тиражли матбуот ва нашрлар тили, салмоқдор радио ва телевидение тили, мислсиз ривожланган маориф, маданият ва санъат тили, расмий — идоравий ёзишиналар ва кенг тармоқли илмий-сиёсий пропаганда тилига айланди. Булар ўзбек тили ижтимоий функциясининг ниҳоятда ривож топганидан далолат беради;

3) ўзбек тили ижтимоий функциясининг кенгайиши ва мураккаблашиши билан боғлиқ ҳолда ўзбек адабий тилида турли функционал услублар ҳам пайдо бўлди ва шаклланди. Революцияга қадар ўзбек тилида, асосан, поэтик услуб ва қисман, расмий-идоравий услуб мавжуд эди. Илмий-техникавий услуб, ижтимоий-сиёсий услуб, адабий сўзлашув услуби, матбуот услуби каби соҳалар деярли йўқ эди. Ҳозирги ўзбек тилида замонавий, юқори тарақкий этган адабий тилларда мавжуд барча услуб кўришишлари бор ва ривож топган. Ўзбек адабий тилида илмий услуб ва адабий сўзлашув услубининг юзага келиши ўзбек адабий тили эришган улкан ютуқдир. Кейинги услуб ҳозирги ўзбек адабий тилининг умумхалқ характеристига эга бўлганини, адабий тилнинг умумхалқ адабий тилига айланганини кўрсатади;

4) Ўзбекистон Совет даврида саводхон, фан ва маданият гуркираб ўсган ўлкага айланди. XX асрнинг барча муҳим янгиликлари ўзбеклар ҳаётига ҳам кириб келди. Бу ўзбеклар ҳаётида ҳам янги-янги тушунча ва тасаввурни туғдирди ва уларни ифодалаш учун янги сўзлар талаб қилинди;

5) совет даврида рус тили СССРнинг барча халқлари каби ўзбекларнинг ҳам иккинчи она тилига айланди. Ўзбеклар рус тилида таълим олди, рус тили орқали русларнинг ўзи билан ва рус бўлмаган бошқа миллатлар билан фикр олишадиган бўлди. Замонавий фан ва маданиятнинг муҳим ютуқлари билан рус тили орқали танишадиган бўлди. Рус тилини эгаллашда рус тилидаги матбуот, нашрлар, рус тилидаги радио ва телевидение кўрсатувлари, рус тилидаги оммавий доклад ва лекциялар, рус тилидаги фильмлар ҳам муҳим роль ўйнади. Буларнинг барчаси рус тилини ўзбеклар учун ҳам коммуникатив жиҳатдан иккинчи муҳим тилга, иккинчи она тилига айлантириб қўйди. Натижада совет даврида кенг тарқалган *рус-ўзбек икки тиллилиги* юзага келди;

6) рус тилида ижод қилинган ва ёзилган, бадий ва илмий кўпсонли адабиётлар ўзбек тилига таржима қилинди. Шунингдек жаҳон халқлари бадий ва илмий тафаккурининг энг муҳим бадий асарлари ўзбек тилига рус тилидан, рус текстларидан таржима қилинмоқда;

7) рус тили — расмий умумдавлат тилидир. Ўзбекистонда расмий давлат ҳужжатлари, юридик-дипломатик ёзишмалар, direktiv кўрсатмалар ўзбек ва рус тилларида баравар ёзилади ва расмийлаштирилади. Шунга кўра давлат ва партиянинг қарор ва кўрсатмалари рус ва ўзбек тилларида параллел эълон қилинади. Бу ҳол ўзбек тили расмий-идоравий услубининг рус тили таъсирида пайдо бўлиши ва шаклланишига йўл очмоқда;

8) рус тили ҳозирги даврнинг энг ривож топган тили, бой ва қудратли тил сифатида ҳам ўзбек тилига ўз таъсирини ўтказмоқда. Жаҳон адабиётининг энг яхши дурданалари, марксизм-ленинизм классикларининг бебаҳо асарлари мана шу тилда ёзилган, мана шу тилда мавжуд. Рус тили замонавий илмий-техника тили, маданият ва санъат тили, халқаро расмий тил ва СССРнинг давлат тили сифатида ниҳоятда бой лугат составига эга. Рус адабий тили ижтижий функцияси чексиз ривож топган, стилистик тармоқлари юқори даража шаклланган ва ўсган тилдир. Рус тили ниҳоятда бой ва кўп қиррали илмий терминологияга эга тилдир. Бу терминология ўз моҳиятига кўра интернационал характерда бўлиб, СССРдаги кўпгина халқ ва миллат тилларининг илмий услублари озиқланиб келаётган бебаҳо хазинадир;

9) рус тили ўзбек тилига халқ тили, оддай халқ сўзлашув тили сифатида ҳам таъсир этмоқда. Ўзбек ва рус кишилари ёки рус тилини билувчи кишилар ва ўзбеклар кундалик турмушда бирга, ёнма-ён яшамоқдалар, ишламоқдалар ва алоқада бўлмоқдалар. Бу жараёнда жонли рус ва ўзбек тиллари тўқнаш келмоқда.

Юқорида келтирилган сабаб ва факторларга кўра, рус тили ўзбек тилига улкан таъсир этди. Бу таъсир совет даврида рус-ўзбек икки тиллилигининг пайдо бўлганида, рус тилининг ўзбеклар учун иккинчи оға тилига айланганида, ўзбек адабий тилининг рус тилининг баракали таъсирида ривожланганида аниқ кўринади. Ҳар учала фактор битта улкан процессга — рус тилидан ўзбек тилига кўпгина сўзларнинг ўзлашишига сабабчи бўлди.

Ўзбек тилига рус тилидан ўзлашган русча-интернационал сўзлар ўз кўлами, маъноси номинацион-функционал белгиларига кўра жуда кўпқирралидир.

Ҳозир ўзбек адабий тилида русча-интернационал сўзларнинг тубандаги лексик-семантик гурухлари мавжуд:

У й-р ўзғор буюмлари номи: *стакан*, *кружка*, *банка*, *вилка*, *ваза*, *рюмка*, *сетка*, *чётка*, *корзинка*, *графин*, *хрусталь*, *лампа*, *люстра*, *лампочка*, *фонарь*, *грелка*, *духовка*, *каравот*, *кой-*

ка, комод, шифоньер, сервант, сервиз, сувенир, трельяж, кресло, тумбочка, диван, шкаф, гарнитур, буфет, гардероб, стол, стул, самовар, термос, душ, клеёнка, вентилятор, телефон, ванна, горелка, мясорубка, магнитофон, целофан, будильник, синька, краска ва б.

Кийим-кечак номлари: ботинка, босоножка, туфли, сандалет, кепка, кубанка, пилотка, свитер, китель, комбинзон, кушетка, пиджак, пижама, галстук, шарф, пальто, жемпер, куртка, плащ, жакет, юбка, майка, костюм, носки, чулки, туфли, кофта, бушлат, камзул, фуфайка, шинель ва б.

Материаллар номи: драп, трико, трикотаж, сардинка, маркизет, шерсть, бостон, бумазей, габардин, каламинка, капрон, кашемир, коверкот, лавсан, полотно, помбархит, сатин,нейлон, кримплэн, шапель, крепдешин, крепкоржет ва б.

Озиқ-овқат ва озиқ-овқат маҳсулотлари номи: кефир, кекс, колбаса, сосиски, кисель, бифштекс, бринза, булка, бульон, бүтербрөд, вермишель, лапша, винегрет, гарнир, горчица, икра, каша, консерва, маргарин, повидло, салат,творог, томат, торт, конфет, шоколад, мороженое, карамель, мармелад, пломбир, помадка, кекс, компот, лимонад, пиво, кофе, какао, квас, ликёр, морс ва б.

Косметика ва у билан алоқадор нарсалар номи: крем, косметика, одекалон, духи, лосьон вазелин, пудра, маникюр, парфюмерия, помада ва б.

Усимликлар, сабзавотлар, улар маҳсулотлари номи: помидори, смородина, каштан, кубанка, (буғдой), лимон, мандарин, апельсин, картошка, антоновка (олма), бамбук, банан, гладиолус (гул), женышсень, акация, ананас ва б.

Жой-ўрин тушунчаси пи аинглатувчи номлар: аванложа, автобаза, аллея, артель, аудитория, аэропорт, аэродром, аэроклуб, аэропорт, бензоколонка, бульвар, бухта, вес-тибюль, водокачка, вокзал, гараж, дача, депо, ясли, зал, инкуба-тория, ипподром, кабина, кабинет, лагерь, ложа ва б.

Иил, ой номлари: январь, февраль, март, апрель, май, июнь, июль, август, сентябрь, октябрь, ноябрь, декабрь.

Улчов бирликлари номи: аршин, балл, гектар, грамм, интервал, квартал, кило, килограмм, киловатт, километр, куб, литр, литраж, метр, метраж, миллиард, миллиграмм, миллиметр, миллион, миль, минут ва б.

Қурилиш, ободончилик, коммунал ишлари-га оид сўзлар: алебастр, арматура, архитектор, архитек-тура, асбест, асфальт, балкон, барак, бетон, веранда, водопровод, шифер, цемент, тол, замазка, канализация, каркас, карниз, картон, квартира, коммунал лак, линолеум, макет, монтаж, бульвар, сквер, аллея, парк, карусель, мемориал, обелиск ва б.

Ўқув қуроллари номи: доска, ручка, портфель, ли-нейка, циркуль, авторучка, альбом ва б.

Ҳарбий иш ва ҳарбий саноатга оид сўзлар: генерал, адмирал, маршал, матрос, солдат, сержант, лейтенант, майор, офицер, полковник, капитан, сапёр, радиист, десант, штурман, авиатор, адъютант, командир, комендант, армия, атака, разведка, контратака, батальон, дивизион, дивизия, рота, гвардия, полк, авиация, артиллерия, траншея, окоп, штурм, санбат, прицель, амбразура, взвод, гарнизон, гвардия, десант, дзот, дзор, застава, казарма, каземат, калибр, автомат, пистолет, граната, винтовка, штик, батарея, миномет, мина, снаряд, зенитка, бомба, ракетка, катер, самолёт, пушка, броневик, гаубица, гильза, карабин, катюша, крейсер ва б.

Транспорт воситалари номи: автобус, трамвай, троллейбус, автомобиль, вагон, поезд, метро, эскалатор, мотоцикл, мопед, мотороллер, вагон, купе, велосипед, коляска, тепловоз, паровоз, электровоз, теплоход, катер, дирижабль, самолёт, катер, контейнер, купе, курьер, лайнер, лифт, локомотив ва б.

Алоқага оид сўзлар: адрес, адресант, адресат, конверт, марка, телефон, телеграмма, телефонограмма, молния, телефонистка, открытка, посылка, почта, почтальон, бандероль ва б.

Илмий терминология:

1. Фан соҳалари, йўналишлари номи: агрономия, агротехника, агрофизика, агрохимия, анатомия, антропология, археология, архитектура, астроботаника, астрогеология, астрономия, астрофизика, аэробиология, бактериология, баллистика, биогеохимия, биология, бионика, биофизика, биохимия, ботаника, венерология, ветеринария, вирусология, гелиофизика, гельминтология, геология, физика, лингвистика, химия, математика, геометрия, алгебра, арифметика, ономастика, топонимика, фонетика, фонология ва б.

2. Фан методлари, аспектлари номи: академизм, витализм, физиотерапия, гипотермия, детектив, диалектизм, диалектика, догматизм, диахрония, синхрония, иммунотерапия, метафизика, материализм, механотерапия ва б.

3. Илмий-техникавий қасб әгалари номи: агроном, агротехник, астролог, астроном, аэролог, библиограф, биолог, биофизик, биохимик, бортинженер, бортмеханик, ботаник, ветеринар, гидробиолог, гидрогеолог, гидролог, гинеколог, инженер, инструктор, ирригатор, ихтиолог, кардиолог, лаборант, мелиоратор, филолог, лингвист, физик, геолог ва б.;

4. Ижтимоий-сиёсий ва илмий ташкилотлар номи: партком, партбюро, совет, местком, парткабинет, обком, райком, ревком, союз, профсоюз, интернационал, бундестаг, департамент, дума, конгресс, конфедерация, муниципалитет, палата, парламент, рейхстаг, сенат, синдикат, федерация, лаборатория, институт, университет, колледж, кафедра ва б.

5. Илмий ва илмий-сиёсий анжуманлар номи: съезд, пленум, конференция, симпозиум, сессия, конкурс, конгресс ва б.

6. Ижтимоий-сиёсий терминлар:

а) дунёқарашиб ва назариялар номи: **марксизм, ленинизм, большевизм, агностицизм, анархизм, апартеид,apolитизм, аскетизм, атеизм, гуманизм, субъективизм, фатализм** ва б.;

б) социал табақалар номи: **аристократия, банкир, бояр, буржуазия, бурмистр, вассал, герцог, губернатор, империалист, интеллигент, канцлер, капиталист, католик, князь, монополист, мэр, помешчик, пролетариат, феодал** ва б.;

в) сиёсий-социал, революцион ҳаракат ва жараёнлар номи: **революция, стачка, забастовка, манифестация, национализация, бойкот, авантюра, агрессия** ва б.

г) тарихий даврлар, формациялар номи: **социализм, коммунизм, феодализм, капитализм, империализм, монархия, монополия, матриархат, патриархат, неолит, палеозой, палеолит** ва б.;

д) ижтимоий-сиёсий оқимлар, гуруҳлар, мазҳаблар, партиялар номи: **компартия (Коммунистик партия), вандализм, гоминдан, монархизм, троцкизм, нацизм, неофашизм, ревизионизм, оппортунизм, меньшевизм, сентиментализм, сионизм, скептицизм, фашизм** ва б.;

е) ижтимоий-сиёсий соҳаларга даҳлдор шахс номлари: **коммунист, марксист, большевик, интернационалист, материалист, коммунар, комсомол, пионер, парторг, комсорг, делегат, декабрист, делегация, депутат, демократ, идеолог, космополит, диктатор, агитатор, анархист, антифашист, меньшевик, кадет** ва б.;

ж) идеологик пропаганда билан боғлиқ сўзлар: **агитация, пропаганда, агитбригада, агитпоезд, агитколлектив, агитпункт, лектор, лекция, лекторий, плакат, пропагандист** ва б.;

з) ижтимоий-сиёсий соҳага оид баъзи ҳужжатлар номи: **партий, партархив, декларация, декрет, директива, кодекс, конституция, мандат, манифест, программа, паспорт, некролог, нота, доктрина, ордер, протокол, путевка, регистрация, резолюция, рекомендация, сводка, ультиматум** ва б.;

и) ижтимоий-сиёсий соҳага оид бошқа хил тушунчалар номи: **аннекция, антагонизм, базис, баррикада, блокада, блок, визит, граждан, декада, деспот, диверсия, диктатура, интервенция, инфляция, кворум, конкуренция, кризис, мануфактура, миссия, репрессия, санкция, суверенитет**, ва б.;

к) юридик фан терминлари: **адвокат, адвокатура, алимент, легимитация, оптация, прокурор, прокуратура, суд, амнистия** ва б.;

7. Логика фанни терминлари: **аксиома, антитезис, дедуктив, дедукция, дилемма, индуктив, индукция, интеллект, интеллектуал, интуиция, логика** ва б.·

8. Музика ва музика фанига оид терминлар: **арфа, балалайка, бандура, барабан, баритон, баян, вокал, гармонь, гитара, горн, джаз, кларнет, контрабас, лира, мазурка, мандолина, оркестр, аккорд, вальс, гастроль, камер, камертон, канцата, капел-**

ла, капельмейстер, квартет, квинта, квинтет, клавиатура, клавиш, композитор, либретто, марш, медиатор, мелодика, мелодия, но-ти, обертон ва б.

9) Педагогика, психология ва маорифга оид терминлар: *абу-турисент, аспирант, аспирантура, ассистент, гимназия, декан, де-канат, дидактик, дидактика, диктант, диплом, директор, дирек-ция, докторант, докторантура, доцент, зачёт, зачётка, звонок, ин-тернат, каникул, методика, методист ва б.*

10) физкультура ва спортга оид сўзлар: *акробат, акробатика, альпинизм, альпинист, арбитр, атлетика, аут, бадминтон, бай-дарка, баскетбол, бассейн, биллиард, бокс, бомбардир, ватерпо-ло, велоспорт, волейбол, гамбит, гантель, гимнастика, гимнасти-ка(чи), гол, гроссмейстер, дамка, дзю-до, диска, домино, жюри, комментатор, кросс, кубок, матч, мотобол, нокаут, олимпиада, олимпия, очко ва б.*

11) адабиёт ва санъатга оид терминлар: *антология, баллада, драма, драматургия, интермедия, ирония, композиция, кульмина-ция, реализм, романтизм, анафора, антитеза, поэма, проза, по-эзия, образ, новелла, сатира, юмор, сюжет, роман, повесть, гипербола, драма, драматизм, драматургия, эсанр, кульмина-ция, куплет, лирика, лиризм, лирик, либретто, балет, опера, ре-жиссёр, артист, артистка, балерина, кино, кинокомедия, театр, картина, актёр, ансамбль, aria, архитектоника, аттракцион, ба-летмейстер, музей, мультфильм, мультипликация, опера, оперет-та, орнамент ва б.*

12) тилшунослик фани терминлари: *аббревиатура, алфавит, антоним, омоним, синоним, стиль, стилистика, синтаксис, морфо-логия, фонетика, орфография, пунктуация, тире, дефис, апостроф, арготизм, диалектизм, ономастика, топонимика, артикуляция, архаизм, аффикс, суффикс, вокализм, грамматика, диалектология, диалекталь, дигитонс, жаргон, идиома, идиоматика ва б.*

13) матбаачилик ва журналистикага оид сўз ва терминлар: *абзац, верстка, газета, гранка, полиграфия, журнал, журналист, титул, корректор, клише, курсив, линотип, литография, матрица, оттиска ва б.*

14) экономика, савдо ва финансга оид терминлар: *аванс, ак-ция, ассортимент, баланс, банка, буфет, бухгалтер, бухгалтерия, бюджет, галантрея, гастроном, табель, облигация, инвентарь, калькуляция, касса, ярмарка, магазин, автолавка, импорт, экспорт, киоска, кредит, лоток, павильон ва б.*

15) Табиий фанлар терминологияси:

а) физика-техникага оид сўзлар: *ватт, вольт, ампер, кулон, энергия, механика, автоматика, амплитуда, атом, гидравлика, де-монтаж, заряд, изохрон, катод, квант, масса, оптика, автоген, ав-томат, вентиляция, вибратор, включатель, вольтметр, камера, конденсатор, газопровод, генератор, комбайн, трактор, машина,*

скрепер, грейдер, бульдозер, сеялка, плуг, насос, станок, дизель, экскаватор, кран, комбайн, болт, гайка, автошина, баллон, буфет, винт, корюоратор, подшипник, поршень ва б.

б) математика фани ва ҳисоблаш соҳаси терминлари: арифметика, бином, вектор, вертикаль, гипотенуза, горизонтал, диаметр, дифференциал, икс, интеграл, квадрат, квадрант, квадрильон (сон), квинтильон (сон), кибернетика, математика, геометрия, диагональ, конус, кубик, тригонометрия, минус, плюс ва б.;

в) химия фанига оид терминлар: азот, актиний, ализарин, алкоидлар, алюминий, аммиак, аммоний, ангидрид, апатит, баббит, базальт, барий, бензол, водород, вольфрам, газ, газолин, глицерин, дейтерий, карбон, карбит, бактерицидлар, гальваник, изомерия, катализ, катализатор, колба, молекула ва б.;

г) медицина фанига оид терминлар: акрихин, анальгин, аспирин, вакцина, валерьянка, волидол, гематоген, инсулин, марганцовка, морфий, наркоз, нашатир, авитаминоз, ангина, аппендицит, бронхит, бруцелләз, гастрит, гипертония, гипатония, грипп, диабет, диспенсерия, дифтерия, инсульт, инфаркт, клиника, акушер, врач, доктор, хирург, операция ва б.;

д) биология ва ботаника фанига оид терминлар: микроб, микробиология, микроорганизм, адаптация, бактерия, ботаника, вильт, гербарий, гербицид(лар), глюкоза, иммунитет, метизация, мимоза ва б.;

е) зоология ва паразитологияга оид терминлар: амфибия, вибарий, гельминталогия, гельминтозлар, гельминтлар, зоолог, зоология, иммуналогия, карцинология, орнитология ва б.;

ж) геология, геодезияга оид терминлар: артезиан, барисфера, биолитлар, биотит, вулканит, гейзер, геология, геодезия, динамит, доломит, кварц, минерал, минерология, нивелир, нивелировка ва б.;

з) география ва метеорология фани терминлари: айсберг, Арктика, жунгли, заповедник, карта, компас, координат, горизонт, дельта, масштаб, меридиан, антициклон, метеорология ва б.;

и) астрономия ва космонавтикага оид терминлар: азимут, атмосфера, барометр, галактика, комета, планета, метеор, метеорит, биосфера, космодром, космонавт, космос, луноход, обсерватория, орбита ва б.;

й) саноатга оид терминлар: гидростанция, завод, фабрика, комбинат, гидроузел, металлургия, индустрия, домна, забой, кабель, карьер, конвейер, мартен ва б.;

к) қишлоқ хўжалигига оид терминлар: аграр, борона, бригада, бригадир, гибрид, дефолиация, колхоз, совхоз, культивация, завхоз, звено, зоотехник, ирригация, канал, культивация, мелиорация, механизация ва б.

Ўзбек тилидаги русча-интернационал сўзлар функционал-коммуникатив белгиларига кўра уч хил кўринишга эга:

1. Умумистеъмол характердаги ўзлашмалар. Буларга уй-рўзгор буюлари, озиқ-овқат номлари, баъзи конкрет предметлар

номи киради: *стол, стул, вилка, газ, буханка, помидор, самовар, чойнак* каби.

2. Специфик терминология. Бу маълум фан, техника соҳасида қўлланувчи маҳсус сўзлардир: *морфология, синтаксис, баллада, супербала, парабола, стереометрия* каби.

3. АРАЛАШ ХАРАКТЕРДАГИ СЎЗЛАР. Бу тип ўзлашмалар ҳам терминологик характерга, ҳам умумистеъмол характерга эга сўзлардир. Маориф ва маданият, ижтимоий-сиёсий соҳаларда ишлати-лувчи сўзларнинг кўпи мана шу характердаги лексикадир: *партия, колхоз, совхоз, трактор, папка, линейка, машина, радио, телевизор* каби.

Ўзбек тилидаги русча-интернационал сўзларнинг аксарияти илмий терминлардир. Бу терминлар ўзбек ҳалқи ҳёти ва тилида аввалдан мавжуд бўлмаган янги тушунча ва тасаввурларни ифодалаш учун ўзлаштирилган: *транзистор, лазер, нейлон, комбайн, мотоцикл, лампочка, электр, газ, кострюль, табель, журнал, газета* каби. Русча-интернационал сўзлар ўзбек тили илмий услубларини зарур, муҳим терминлар билан таъминлади, ўзбек тили lugat составида замонавий илмий-терминологик фонднинг пайдо бўлиши ва шаклланиши учун база бўлиб хизмат қилди.

Русча-интернационал сўзларнинг ҳаммаси ҳам ўзбек тилига тўппа-тўғри ва бирдан кириб келаверган эмас. Дастлаб русча-интернационал сўзни таржима қилишга, калькалашга интилиш кучли бўлди ёки ўзбек тилидан сўзнинг мувофиқ эквиваленти ахтарилди. Мас., *поезд* сўзи дастлаб ўзбек тилига *ўт араба, оташ араба* тарзида таржима қилинган. Шунингдек *пароход* сўзи дастлаб *оташ кема, ўт кема, вонур* ёки *йузгуч шаҳар* каби сўз ва иборалар билан берилган. Кейинчалик *поезд* ва *пароход* сўзларнинг ўзи ғолиб чиқсан. Мана шу нуқтаи назардан ёндошилса, русча-интернационал сўзларнинг ўзлашиши ва ҳозирда қўлланиш ҳолати тубандагича:

1. Дастлаб эквиваленти, дублети бўлган, ҳозирда дублетсиз қўлланувчи сўзлар: *трамвай* (аввалги дублети *конъка*), *велосипед* (аввалги дублети *шайтон арава*), *самолёт*, *аэроплан* (аввалги дублети *учар кема, тайёра ва б.*), *география* (аввалги дублети *жўғрофия*), *интернационал* (илк дублети *байналминал*), *коммунист* (аввалги дублети *иштирокиён*), *пионер* (аввалги дублети *кашиоф*) ва б.;

2. Ҳозирда ҳам дублети (калькалари) мавжуд сўзлар: *автограф//дастхат, социал//ижтимоий, сатирик//ҳажвий, санкция//тасдиқ//розилик, сварка//пайвандаш, сверка//солишириш, сводка//маълумот, том//жилд, секретарь//котиб, сетка//тўр, ситуация//вазият, системалик//доимийлик, муттасиллик, символ//рамз, некролог//таъзиянома, пролог//муқаддима, прототип//тимсол* ва б.;

3. Дублетсиз сўзлар. Булар ўзбек тилида қўлланувчи кўпсонли илмий терминлар: *апельсин, агава, агробиология, акариазис, ананас, археспора, гербарий, гербицид(лар), зооспора, кедр (ботаника терминлари), агевзил, агнозия, андексит, батофобия, би-*

область, бесалол (медицина төрмилари); *аллилбензоль, аллоксан, дицианамид, кислота, кадмий, калий, каротин, манноза, магний* (химия терминлари) ва б.

Русча-интернационал сўзлар ўзбек тилига бевосита рус тилинг ўзидан олинди. Аммо бу сўзлар таркибида генетик манбалирига кўра турли тилларга мансуб луғавий материал мавжуд. Шунинг учун ўзбек тилига рус тилидан кирган русча-интернационал сўзлар генетик-этимологик манбига кўра иккига бўлинади: I. Рус тилининг ўз сўзлари (русча сўзлар): *печка, ручка, вилка, перо, стол, совет, печать, вишка, кубок* ва б. II. Рус тили орқали бошқа тиллардан кирган сўзлар: *парус, палата, базис, олимпиада, театр* (асли грекча сўзлар); *вокзал, футбол, фильм, лидер, клуб* (асли инглизча сўзлар); *брільянт, портфель, марш, жанр, кафе* (асли французча сўзлар) ва б.

Русча-интернационал сўзлар ҳозирги ўзбек тилининг барча социал тармоқларида — адабий тилда ҳам, халқ шеваларида ҳам, фольклорда ҳам учрайди. Русча-интернационал сўзлар энг кўп учровчи манба ўзбек адабий тилидир. Русча-интернационал сўзлар ўзбек адабий тилининг барча услубларида мавжуд. Аммо бу услублар русча-интернационал сўзларни қамраши жиҳатдан маълум фарқларга эга. Русча-интернационал сўзлар энг кўп учровчи соҳа ўзбек тилининг илмий услубларидир. Медицина, физика, математикага оид адабиётларда русча-интернационал терминлар айниқса кўп қўлланади. Ижтимоий-сиёсий адабиётлар, ботаника, зоология соҳаларида русча-интернационал терминалар инсбатан кам ишлатилади. Бадиий адабиётда русча-интернационал сўзларнинг кўпроқ кенг истеъмол характердаги тиллари мавжуд. Русча-интернационал сўзларнинг конкрет услугуб, асар ёки текстда учраши кўп ҳолда текстнинг мазмунига, жанрига, авторнинг бу тип сўзларга муносабатига боғлиқ.

Ўзбек тилига кирган русча-интернационал сўз ва терминларнинг кўши кўпчилик учун тушунарли, ҳаётий ва илмий эҳтиёжлар учун зарурий сўзлардир. Улар, асосан, рус тилида қандай айтилса ва ёзилса ўзбек тилида ҳам ўшандай айтилади ва ёзилади. Сўзларнинг ўзбек ва рус тилидаги маъноларида ҳам, оғзаки сўзлашув тилидаги баъзи ҳолларни мустасно қилганда, ўхашашлик, айнанлик мавжуд. Бу ҳол русча-интернационал сўзларнинг ўзбек тилига лексик-семантик жиҳатдан сингганини кўрсатади. Русча-интернационал сўзлар ўзбек нутқи (тексти)да турли позицияларда кела олади ва гапда аниқловчи, тўлдирувчи, эга, кесим вазифаларини бажаради. Русча-интернационал сўзлар, худди ўз қатлам лексикаси каби, ўзбекча қўшимчаларни олиб турланади ва тусланади. Бу хусусиятлар ўзлашма элементларнинг ўзбек тили грамматик системасига сингишиб кетганидан далолат беради.

Русча-интернационал сўзларнинг ўзбек тили фонетикаси ва морфологиясига ўзига хос мослашганини кўрсатувчи баъзи хусусиятлар ҳам мавжуд:

1. Баъзи сўзлар охирида, урғусиз бўғинда кёлувчи *-а*, я тошулари ўзбекча талаффузда туширилади: *минут* (минута), *секунд* (секунда), *котлет* (котлета), *конфет* (конфета), *папирос* (папироса, папирозы), *пар* (пара), *фанер* (фанера), *ром* (рама), *кинат* (каната), *растрат* (растраты) каби;

2. Сўз таркибидағи грамматик родни билдирувчи *-ный*, *-ная*, *-ое* қўшимчалари ўзбек тилида тушириб айтилади: *актив* (активный), *пассив* (пассивный), *индукцион* (индукционный), *актуал* (актуальная), структура (*структурная*);

3. Рус тилига хос бўлган баъзи сўзчада суффикслар туширилади: *-ическ*, *-ич*, *-иң*, *-ник*, *-(а)ль*, *-енн*, *-ов(-ев)*, *-ец*: *граждан* (гражданин), *христиан* (христианин), *мешчан* (мешчанин), *дворян* (дворянин), *минанос* (минаносяц), *комсомол* (комсомолец);

4. Сўзниг охирги очиқ бўғинидаги кенг унли туширилади: *Карпат* (Карпаты), *макарон* (макароны), *каникул* (каникулы), *погон* (погоны);

5. Охири қўш ундош (*с+к*, *н+к* каби) билан туговчи баъзи сўзларга ўзбек тилида *а* товуши қўшиб талаффуз қилинади: *отпуска* (отпуск), *пропуска* (пропуск), *танка* (танк), *банка* (банк), *оттиска* (оттиск);

6. Қўпликни англатувчи русча *-ы*, *-и* қўшимчалари ўзбек тилида туширилиб, сўз охирида *и* ортиприлади: *консерва* (консервы), *пима* (пимы), *валенка* (валенки), *ясла* (ясли), *бриджи* (бриджи), *гантель* (гантели), *конька* (коньки), *ботинка* (ботинки), *лижка* (лыжи), *жабра* (жабры), *пинетка* (пинетки);

7. Қўпликни англатувчи русча *ы*, *и*, я қўшимчалари ўзбекча *-лар* билан алмаштирилади: *хромосомлар* (хромосомы), *брүслар* (брюсья), *гипбереллинлар* (гипбереллины);

8. Рус тилида фақат бирликда қўлланувчи сўзлар ўзбек тилида қўплик сонда қўлланаверади: *пальтолар*, *кинолар*, *мебеллар*, *тензорлар майдони* (тензорное поле);

9. Сўз охиридаги *е*, ў товушлари ўзбек тилида я билан алмашинади: *санатори я* (санаторий), *подполи я* (подполье), *сценари я* (сценарий), *правлени я* (правление);

10. Русча сўзлар охиридаги *ое* товушлари сўзниг ўзбекча шаклида *-ий* билан алмашинади: *морожн ий* (мороженое), *пирожн ий* (пироженое) каби;

11. Сўз охиридаги *-ок* қўшимчаси сўзниг ўзбекча талаффузида *-ка* билан алмашинади: *оскол ка* (осколок), *оттен ка* (оттенок), *участ ка* (участок).

12. Сўз охиридаги русча специфик қўшимча туширилиб, сўз ўзбекча *(-иқ, -ий, -вий, -авий)* қўшимчалари ёрдамида қайта шаклланади: *акуст ик* (акустический), *терм ик* (термический), *коммунист ик* (коммунистический), *партияв ий* (партийная);

13. Шахснинг бирор жой, ўринга мансублигини билдириш учун хизмат қилувчи русча *-ич*, *ец*, *(-инец)*, *-анин* (-янин), *-чанин*, *-ак-як* қўшимчаларига эга сўзлар ўз тилида *-лик* ёрдамида қайта

шаклланади: москва лик (москвич), ленинград лик (ленинградец), ялта лик (ялтинец), англия лик (англичан), парижлик (парижянин), киевлик (киевлянин), сибирлик (сибиряк).

Русча сўзларнинг ўзбек тилига мослашувида юқорида келтирилганларга кирмовчи бошқа хил ҳодисалар ҳам кузатилади: буказей (буказея), губерна (губерния), жаркоп (жарков), каламинка (каламянка), камфирак (конфорка), извошик (извозчик), комсомол (комсомолия), помбархит (помбархат), стрелка (стрела), царизм, цор (царизм, царь) чўт (счёты), чўтка (щётка), шлем (шлём), шомонизм (шаманизм) ва б.

ЎЗБЕК ТИЛИ ЛЕКСИКАСИННИГ ТАРИХИЙ-ФУНКЦИОНАЛ ХУСУСИЯТЛАРИ

Тил ривожланиб, ўзгариб турувчи ҳодисадир*. Бундай ўзгариш тил структурасида бирдан содир бўлмаса-да, вақти-вақти билан юз бериши мумкин.

Тилда содир бўлувчи ўзгариш ва ривожланиш тил лексик системасида, айниқса, равshan кўринади.

Тилда маълум объектив сабаблар, талаблар асосида янги сўзлар пайдо бўлиб туради. Янги сўз тил учун ижтимоий ҳаётда, табиат ва жамиятда пайдо бўлган янги воқсликни номлаш, аташ учун зарур. Тил ўз стилистик ресурсларини тўлдириш, кўп маъноли сўзларнинг семантик «юки»ни енгиллатиш учун ҳам янги сўзларга эҳтиёж сезади.

Тил лексикасида келтирилган қонуниятнинг акси — сўзларнинг истеъмолдан чиқиши, эскириши ҳам кузатилади. Сўзларнинг истеъмолдан чиқишига сабаб бўлувчи факторлар турличадир. Сўзнинг эскириши у ном бўлган нарса ва ҳодисанинг истеъмолдан чиқиши, қўлланишдан қолиши билан боғлиқ бўлади. Мас., ўтмишда ўзбек тилида *арбобона*, *мушриф*, *ясоқ*, *ўлпон*, *қўшипули* сингари солиқлар номи мавжуд эди. Ҳозирда бу тушунчалар ва уларнинг келтирилган номлари ўзбек тили учун эскидир. Тил ўз лексик системасидаги кераксиз дублетлардан қутулишга ҳам интилади, уларнинг кераксизларидан воз кечади. Натижада бундай дублетлардан бири истеъмолдан чиқади; партия (фирқа), совет (шўро), республика (жамхурият), автономия (мухторият) каби.

Демак, тил лексикаси ривожида икки қарама-қарши ҳодиса янгиланиш ва эскириши юз бериб туради. Тилнинг янги сўзларга, янги маъноларга эҳтиёж сезиши, аксинча баъзи сўзлардан воз кечиши битта асосий мақсадга — адабий тилнинг ўз коммуникатив функциясини яхшироқ ва мукаммалроқ бажаришга қаратилган бўлади.

Тил луғат составини ташкил этувчи луғат бирликларининг ҳаёт-тилиги сўзларнинг функционал активлиги ёки пассивлигига боғлиқ. Тилдаги сўзлар ўз қўлланиш доираси, қўлланиш частота-

* Бу бўлимни ёзишда тадқиқотчилардан Ш. Раҳматуллаев, С. Усмонов, А. В. Калинин, Н. М. Шанский, Э. Қиличевларнинг ишларига мурожаат қилдик—Э. Б.

си (даражаси) га кўра фарқланади. Баъзи сўзлар кундалик ҳаётда, кенг доирада ва тез-тез ишлатилади. Тилшуносликда бундай сўзларни *кенг истеъмол сўзлари* деб юритилади. Кенг истеъмол сўзлари ҳаётий зарур, кундалик сўзлашув учун муҳим бирликлардир. Шу туфайли бундай сўзлар туркуми тилшуносликда *актуал лексика* деб ҳам аталади. Сўзнинг қўлланиш доираси ва даражаси унинг нормативлигини белгилаш учун ҳам муҳимдир. *Норматив сўз* — актив сўздир. Актив, кенг истеъмол сўзлар тил лугат составининг актив қатламиши ташкил қиласи.

Сўз функционал актив бўлмаса ёки унинг қўлланиши сусайса, у актив сўзлар қатламидан *пассив сўзлар* қаторига ўтади, астасекин эскиради. Тилда қўлланиш доираси тор, қўлланиш даражаси сусайга ёки тўхтага сўзлар ҳам бўлади. Бундай камистеъмол сўзлар тил лугат составининг *пассив қатламини* ташкил қиласи. Пассив қатлам, одатда, адабий норматив лексика ҳисобланмайди, чунки норматив лексикага зарурй ва одатий сўзлар киради.

Шундай қилиб, тил лугат составидаги сўзлар уч хусусиятга кўра фарқланади: *замонавийлиги, эскирганлиги, янгилиги*.

Сўзнинг янгилиги ёки эскирилиги сўзнинг тилда пайдо бўлиш даврига кўрадир. Сўзнинг қўлланувчанлиги ёки эскирганлиги лексемаларнинг функционал активлиги ёки пассивлигига кўрадир.

Тил лугат составидаги сўзлар келтирилган мезонлар асосида икки катта гуруҳга ажратилади: *эски сўзлар қатлами* ва *янги сўзлар қатлами*.

ЭСКИ СУЗЛАР ҚАТЛАМИ

Тил лугат составининг ядросини *функционал-норматив сўзлар ташкил қиласи*. Функционал-норматив сўзлар тил ривожининг муайян давридаги замонавий, одатий сўзлардир. Бундай сўзлар, одатда, серистеъмол бўлади, уларда қандайдир гайритабиийлик, чегаралилик сезилмайди. Ҳозирги ўзбек тили лексикасидаги кўпгина сўзлар мана шу хусусиятга эга: *ош, нон, уй, ер, қир, тена, сой, мол, қўй, қўзи, ишламоқ, емоқ, киймоқ, кулмоқ* ва б. Аммо ўзбек тили лугат составидаги барча сўзларни мана шу хусусиятга эга деб бўлмайди. Ўзбек тилида замонавий тасаввурлар ва замонавий норма нуқтаи назаридан ҳозирда камистеъмол бўлиб қолган ва пассив лугат қатламига ўтган сўзлар ҳам учрайди. Бундай сўзлар ҳозирги замонавий нутқда (ўзбекча текстда) учраши, ишлатилиши мумкин. Аммо улар керакли ўринлардагина, зарурият туфайлигина қўлланади. Чунки бундай сўзлар моҳият жиҳатдан ўтмиш давр тушунча ва тасаввурларига оид номлардир. *Мас., амир, арбоб, ахтаки, баковул, дарбон, дафтардор, девонбеги, додхоҳ* сўзлари ўтмиш феодализм даврига оид амал, мансаб ва ун-

вонлар номидир. Бу тип сўзлар ҳозирги ўзбек адабий тили учун норматив эмас, балки эскирган лексикадир.

Эскирган сўзларга икки тип ҳодиса киради.

Ҳозирги давр нуқтаи назаридан сўз ҳам, у ном бўлиб келаётган предмет, ҳодиса ҳам эскирган, истеъмолдан чиққан бўлади: *карзон*, *карвонбоши*, *карвонсарой*; *миршаб*, *миришаббоши*, *юзбонши*, *мингбоши*. Келтирилган ҳолда сўзниң эскириши сўз ифодаловчи ҳодиса ва тушунчанинг эскириши билан боғлиқ бўлади. Бу тип сўзлар эскирган бўлишига қарамасдан замонавий нутқ ва текстда учраши мумкин. Сўз бу ҳолда ўтмиш давр ҳақида тасаввур үйготиш эҳтиёжи туфайлигина ишлатилган бўлади. Демак, сўз ўтмиш, тарих билан боғлиқдир. Шу туфайли бундай лексемалар *историзмлар* ёки *тарихий сўзлар* деб юритилади.

Историзмлар маъносига кўра ҳам, даврга **тааллуқлилигига** кўра ҳам тарихий ҳодиса, яъни тарихий сўзлардир.

Иккинчидан, баъзан нарса ёки ҳодисаларнинг тушунча ёки тасаввурларнинг ўзи эмас, балки унинг номи эскирган бўлади. Бундай ҳодисанинг сабаблари ҳар хилдир. Битта тушунчанинг қўш номи бўлган дублет ёки синонимлардан бири ўзаро «кураш»да мағлуб бўлиб, истеъмолдан чиқади. Масалан, ўзбек тилида 1920 йилларда ишлатилган тарх (*айирув*), зарб (*кўпайтув*), жабр (*алгебра*), ҳандаса (*геометрия*), мусалласот (*тригонометрия*), сарф (*морфология*), наҳв (*синтаксис*) сўзлари кейинчалик истеъмолдан чиқди ва эскирган сўзлар қаторига ўтди. Мана шу тип сўзлар *архаик лексика* ёки *архаизмлар* деб ҳам аталади. Архаизмлар замонавий нарса ва ҳодисаларнинг эскирган (*эски*) номидир.

Эскирган сўзлар функционал-норматив лексикадан эскилик оттенкасига эгалиги билан фарқ қиласди. Эскирган сўзлар замонавий текстда ўтмиш давр тасаввурларини бериш эҳтиёжи туфайли ишлатилади. Эскирган сўзлар янги давр кишисига тушунарли бўлиши, кам тушунарли бўлиши, умуман тушунарсиз бўлиши мумкин. Эскирган сўзларнинг тушунарли бўлиши ёки бўлмаслиги кишининг билим савиасига, ёшига боғлиқдир. Кўпгина эскирган сўзлар кекса авлодга тушунарли бўлган ҳолда, ёш авлод учун тушунарсиздир.

Эскирган сўз билан *эски* сўз тушунчасини фарқлаш лозим. Ўзбек тилида ҳозирда кенг қўлланувчи кўпгина сўзлар эски, яъни қадимий сўзлардир: қўл, бел, эл, тош, ол, бер, бир, ўн, беш, мен, сен, у. Аммо бу сўзлар эскирган сўз эмас, Демак, сўз ўз ҳаёт стажи ва тилда пайдо бўлиш даврига кўра эски бўлиши, аммо қўлланишига кўра замонавий (функционал) бўлиши мумкин. Эскирган сўз умумий тарзда эски сўзлар фондига киради. Аммо эскирган сўз тамоман эски сўз эмас, функционал эскирган лексемадир. Демак, сўзларнинг эскилиги бошқа, эскирганлиги бошқадир.

Эскирган сўзни ҳозирги тилда тамоман қўлланмовчи (тарихан ўзбек тилининг мулки бўлсада эндиликда функционал ўлик бўл-

ган) сўзлардан ҳам фарқлаш керак. Эскирган сўз норматив нуқтаи назардан эскирган бўлса-да, замонавий нутқда қўлланиши мумкин. Ўлик сўз ўтмиш даврларда истеъмолдан чиққан, ҳозирда деярли тушунарсиз, ҳозирги ўзбек адабий тили нуқтаи назаридан тамоман ўлик сўзлар. Масалан, Алишер Навоий асарлари тилида ишлатилган чопун (парда, тўсик), эран (мардлар, эрлар), абуишқа (эр, қари), бомчоқ (қилич дастаси), боғчол (ўрдак тури), тунқотар (тунги қоравул), жигон (камбагал), иликламоқ (қўлга олмоқ) сўзлари ҳозирги замон ўзбек адабий тили лексикаси учун ўлиkdir.

Демак, кенг маънода олинган эски сўзлар тушунчasi уч ҳодисани қамрайди: ўлик сўзлар, эскирган сўзлар, эски сўзлар.

Эскирган сўзлар икки гуруҳга ажралади: историзмлар, архаизмлар.

Историзмлар

Историзм — эскирган сўз типларидан биридир. Тилда историзмларни туғдириш асосий омил ижтимоий ҳаёт, давр, тарихий шароитдир. Давр ўтиши билан муайян пайтда замонавий ҳисобланган баъзи предмет қўлланишдан қолади. Улар тўғрисидаги тасаввурлар эскиради ва тарихий фактга айланади. Натижада бу нарса ва ҳодисаларни ифодаловчи сўзларни ишлатиш ҳам сусайди ва сўз аста-секин тил луғат составининг актив қатламидан пассив қатламига ўтади. Муддат ўтиши билан предмет ҳам, унинг номи ҳам ўтмиш давр ҳодисаси (тарихий ҳодиса)га айланади, қўлланишдан қолади.

Шу сабабли бу тип сўзлар фанда ўтмиш давр факти — историзм, яъни тарихий сўзлар деб юритилади.

Демак, историзмлар эскирган нарса ва предметларнинг эскирган, тарихий номларидир. Историзмларни юзага келиши, буниг сабаблари табиат ва жамиятдаги ўзгаришлар, янгиланиш ва эскиришлар билан алоқадордир. Ҳаёт, турмуш бир ерда турмайди. Ижтимоий-сиёсий ҳаёт, тарихий формациялар ўзгариб, алмашиниб туради. Натижада кишиларнинг моддий ва маънавий ҳаёти, турмуши, давлат тузилиши, диний, этнографик тасаввурлари ўзгариб, янгиланиб туради. Ижтимоий-сиёсий ҳаётдаги ўзгаришлар баъзи амал, мансаб ва унвонларнинг эскиришига олиб келади. Кундалик моддий турмушдаги ўзгарчлар баъзи рўзгор буюмлари, кийим-кечаклар, истеъмол моллари, қурол-асбобларнинг эскиришига, қўлланишдан чиқишига сабабчи бўлади. Ижтимоий-сиёсий тузум, бу билан боғлиқ ҳолда кишиларнинг маънавий, диний қарашларидағи ўзгариш ва янгиланишлар бу соҳаларга доир ҳодисалар, тушунча ва тасаввурларнинг эскириши, унутилишига боисдир. Мана шу асосда маълум даврда замонавий ҳисобланган нарса ва ҳодисалар, тушунча ва тасаввурлар эскиради, истеъмолдан чиқади, тарих мулкига айланади. Бу би-

лан боғлиқ ҳолда уларнинг номи бўлган сўзларнинг ҳам замонавийлиги, актуаллиги йўқолади ва эскирган предмет, тасаввурномига айланади.

Шу туфайли ҳам историзмларни ифодаловчи тушунчалар ўтмиш даврга оид ҳодисадир. Историэм эски лугат бирлигидир. Историзм синхроник шутқада қўлланиши ва қўллана олишига кўра замонавийдир, холос. Замонавий шутқада қўлланган историзмда эскилик оттенкаси сезилиб туради, сўз баъзи ҳолларда ҳозирги давр кишини учун тушунилиши қийин ва умуман тушунарсанз бўлиши ҳам мумкин. Бундай сўзлар учровчи текстлар маҳсус изоҳлар билан таъминланади.

Ўзбек халқи ҳаётида Улуғ Октябрь социалистик революциясидан кейин юз берган жуда катта ижтимоий, сиёсий, маддий ва маънавий ўзгаришлар туфайли ўтмиш — феодализм даврига оид кўпгина нарса ва ҳодисалар, тасаввурлар эскирди, истеъмолдан чиқди. Мана шу ўзгаришлар билан боғлиқ ҳолда ўзбек тили лексикасидаги кўпгина сўзлар ҳам эндиликда историзмлар қаторига ўтди. Бу сўзлар ҳозирги ўзбек тилида маълум эҳтиёж туфайлигина ишлатилади ва ҳозирги давр ўзбек адабий тилининг луғавий нормаси ҳисобланмайди.

Ўзбек тили лексикасидаги историзмларнинг тубандаги типларини кўрсатиш мумкин.

I. Ижтимоий-сиёсий ҳаёт билан боғлиқ сўзлар:

а) сининфлар, табакалар, сулолалар номи: *султон*, *бой*, *подшоҳ*, *хон*, *қўйи*, *каниз//канизак*, *дарвеш*, *гулом*, *қўлоқ*, *батрак*, *аслизода*, *бойвачча*, *дўрма* (*қуллар*), *заминдор* (ср эсаси, феодал), *зартиштий*(лар), *ноҳин* (*брахман*), *нақиб* (*эттиборга сазовор киши*), *нақиб ҳўжга* (*сайидлар*), *нақибанди*, *иуён* (*улуг бек*), *оксан*, *қоллар* (*манрабдорлар*), *жадид*, *жасидилар*, *сунний*(лар), *шия*(лар), *ҳоқон*, *ҳоқонлик*, *шариф* (*бадавлат уруғ вакили*), *ҳоқим*, *муштумзўр* ва б.;

б) мансаб, амал, унвонлар номи: *амин*, *амир*, *арбоб*, *оталиқ*, *бек*, *бий*, *вазир*, *дастурхончи//шарбатдор*, *дафтардор*, *девонбези*, *жагирдор*, *жиловдор*, *закотчи*, *иноқ*, *доруғи*, *иноқи* *калон*, *иктиидор*, *мехтар*, *мирза*, *мирзабоши*, *мироҳўр*, *мишаб*, *ноиб*, *парвоначи*, *понсад*, *садр*, *тавочи*, *тўра*, *тўқсона*, *юрчи*, *удайчи*, *шотир*, *шифосул*, *қози*, *қушибеги*, *қўрбониши*, *ҳоқим*, *минебонни*, *юзбоши*, пристав ва б.;

в) қасб-ҳунар, машғулотлар номи: *ахтаци*, *божгир*, *дарбон*, *жаллод*, *жарчи*, *миров*, *сайис*, *сарроф*, *фаррош*, *чоракор*, *ҳаннот*, *баззоз*, *баққол*, *воғуруш*, *дўкондор*, *бозорчи*, *судхўр*, *шотир* (*жиловдор*), *шукурчи* (*соябон тутувчи*), *ҳаннот* (олиб сотар) ва б.;

II. Баъзи ҳужжатлар номи: *васиқа*, *мурофаа*, *санад*, *маҳзар*, *вақф*, *вақфнома*, *ёрлиқ*, *иноятнома*, в б.;

III. Мактаб ва маориф соҳасига доир тушунчалар номи: *мулла*, *муллабачча*, *халфа* (*халифа*); *отин*, *отинбуви*, *мадраса*, *мударрис*, *абжад*, *ҳафтияк* ва б.;

IV. Ҳарбий соҳага оид тушунчалар, қуроллар номи: *шамшир*, *совут*, *найзабардор*, *камон*, *садоқ* (ўқдон), *берданка* (қурол), *сарбоз*, *лашкар*, *навкар*, *элнавкар*, *тўпчибоши*, *басқоқ* (лашкарбоси), *гурзи*, *жийба* (ҳарбий кийим), *чокар* (қуролли ўигитлар), *ясовул*, *қиличдор*, *шамширдор*, *қуролбардор*, *яргобардор*, *синоҳ-лар*, *хандақ*, *суворий*, *доруга*, *черик* (лашкар) ва б.;

V. Кийим-кечак, безак ва матолар номи: *бўз*, *адрас*, *кимхоб*, *банорас*, *мисқоли*, *қалами*, *кундал*, *чориқ*, *зуннор* (чилвор), *тарк* (уруш кийими), *тақя*, *қулоҳ*, *жанда* ва б.;

VI. Озиқ-овқат ва бу билан алоқадор хом ашёлар номи: *кўмач*, *зогора*, *ёрма*, *атала*, *бода* (май), *алик* (ем-хашак), *буғро* (бир хил овқат), *қулоҳ* (ширинлик тури), *тутмоҳ* (хамир оши тури), *ўркамач* (таом тури) ва б.;

VII. Уй-рўзғор буюмлари, қуроллар номи: *сандал*, *карсон*, *чиғириқ*, *чарҳ дук* (дуг), *каждава*, *файтун*, *жүевоз*, *патефон*, *халлаҗи*, *кашкул* (*садақа солинувчи идиш*), *ёрғучоқ*, *туфанг* (ов қуроли), *кўш*, *омоч* ва б.;

VIII. Ўлчов ва пул бирликлари номи: *ботмон*, *қадоқ*, *чорак таноб*, *чақирим*, *даҳсар*, *пуд*, *мисқол*, *аршин* ва б.;

IX. Ой, куп, йил ва пайт номлари: *барот*, *муҳаррам*, *сафар*, *асад*, *ражаб*, *шабон*, *рамазон*, *мезон*, *ақраб*, *қавс*, *ҳамал* ва б.;

X. Диний тасаввур ва ақидалар билан боғлиқ сўзлар: *хўжа* (хожа), *эшон*, *имом*, *имомат*, *мурид*, *шариат*, *ғазот*, *шаҳид*, *аъзам*, *мұфти*, *бүрхон*, *бут*, *санам*, *вақф*, *саид*, *тавлиёт* (мұтаваллийк), *шайх*, *шайхұлислом*, *қаландар*, *қози*, *пир*, *зикр*, *дев*, *чилтон-лар*, *чориёр* ва б.;

XI. Этнонимлар: *барлос*, *қипчоқ*, *ўғуз*, *жалойир*, *қарлук*, *чиғил*, *яғмо*, *арлот*, *хитой*, *найман*, *минг*, *юз* ва б.;

XII. Солиқлар номи: *аминона*, *дорғона*, *жусузъя*, *закот*, *миробона*, *мушириф*, *солғут*, *ясоқ*, *ўллон*, *кўши*, *пули*, *ҳирож* ва б.;

XIII. Ўтмишга оид бошқа хил предмет ва ҳодисалар номи: *зиндан*, *қозихона*, *дұмахона*, *тархон*, *тахт*, *тож*, *амирлик*, *беклик*, *арқ* (ички қалъа), *даҳа*, *мұлки хирож*, *мұлки холис* (феодал ер эгалиги) кўринишлари ва б.

Историзмлар турғун иборалар, биринчилардан иборат бўлиши мумкин: *падари* бўзруквор, аъло ҳазрат, *фотиҳи мұзаффар*, *фармони олий*, *фармони ҳұмоян*, *давлатпаноҳ*, *даргоҳи мұкаррам*, *қасри олий*, *ҳақ таоло*, *амри вожиб*, *аркони ҳарб*, *аркони давлат* ва б.;

Қисқартма сўзлар ҳам историзмлар қаторига ўтади: *НЭП*, *НЭПчи*, *РКИ*, *ГПУ*, *МОПР*, *КИМ*, *фирқўм*, *қўшиқўм* ва б.

Историзмларнинг кўпи сўз ҳам, ушинг маъноси ҳам эскиришидан туғилади. Бу тўлиқ маънодаги историзм тини бўлиб, сўз билан боғлиқ бўлгани туфайли *лексик историзм* дейилади. Баъзан сўз материал томонидан эмас, балки маъно томонидан эскириради. Бунда сўз янги даврда янги маънода қўлланаверади, ушинг олдинги маъноси эса тарихга, ўтмишга тегишли бўлиб қолади. Бу каби историзмлар *семантик историзмлар* деб юритилади. Солишибринг:

Сўзнинг эски маъноси (историзм)	Сўзнинг янги маъноси (неологизм)
<p>раис—диний расм-русум назоратчиши; арбоб—қишлоқ оқсоқоли, аристократ оқсоқол—маҳалла бошлиги, маълум гуруҳ бошлиги сарой—хон, подшоҳ қароргоҳи, савдо-сотиқ жойи баҳодир—урупида жасоратӣ учун берилувчи уйнов бой-феодал, феодал синф вакили домула//домла--диний мактаб ўқитувчиси, дин ҳ мийин</p>	<p>ранс—бошлиқ, колхоз раиси, мажлис раиси, комиссия раиси арбоб—фап соҳасида берилувчи фахрий учсон оқсоқол—кекса, ҳурматли киши. сарой—маданий тадбирлар жойи, санъат саройи каби. баҳодир—мард, жасур, қўрқмас. бой—бадавлат, лаёкатли; сероб, мўл. домла—олиӣ мактаб ўқитувчиси; устоз ва бошқалар.</p>

Историзм кўпроқ ўтмиш ҳақида ҳикоя қилувчи замонавий асарларда учрайди. Историзмдан тарихий мавзуларга бағишланган бадиий асарлар, тарих ва этиография фанларига оид тадқиқотларда фойдаланилади.

Историзм ўз тўғри маъно ва функциясида ўзгаришсиз қўлланганида ҳеч қандай стилистик вазифа ўтамайди. Историзмда стилистик бўёқ кўчма мажозий маъноларда қўллансанагина пайдо бўлади.

Историзмлардан замонавий нутқда фойдаланиш маълум эҳтиётликни талаб қиласи. Историзмдан ўриши фойдаланиш учун утегиши бўлган давр ва историзм ифодаловчи маънени аниқ билиш лозим бўлади. Бу жиҳатдан анахронизм ҳодисасини историзмдан фарқлаш лозим. Анахронизм янги давр луғатига оид сўз (ном)ни эски давр парса ва ҳодисаси номи ўринида ишлатиб юборишидир. Масалан, XV асрга оид туркий этноними ўринида йўзбек сўзини қўллаш, ўрта асрнинг ҳукмрон синфи феодал, мулкдор сўзлари ўринида капиталист сўзини қўллаш ва б. Анахронизм нутқий хатоликдир.

Архаизмлар

Архаизм эскирган сўз типларидан бири бўлиб, замонавий нарса ва ҳодисаларниг эскириб қолган номлариdir.

Историзмда предмет ёки ҳодисанинг ўзи ҳам, номи ҳам эскирган бўлади, архаизмда эса предмет ёки ҳодиса замонавий бўлиб, унинг ўтмиш номи ёки номларидан бири истеъмолдан чиқади, эскиради. Натижада предмет ёки ҳодиса ҳозирда янги, бошқа ном билан юритилаётган бўлади. Шу учун предметнинг эскирган номи унинг янги номи олдида қандайдир нотабиийроқ туюлади. Мана шу нотабиийлик архаик лексиканинг норматив (одатий) лексикага нисбатан олингандা қандайдир эскилик, эскирганлик оттенкасига эга бўлишини кўрсатади.

Архаик сўзлар эҳтиёж талабига кўра, замонавий-синхроник нутқ (текст)ларда ишлатилувчи, аммо замонавий нормага кирмовчи сўзлардир.

Мана шу функциясига кўра архаизм тамоман унтилган ўлик сўзлардан фарқланади. Ўлик сўзлар функционал-норматив жиҳатдан тамоман эскирган сўз типлариdir. Уларни ўтмиш ёки узоқ ўтмиш давр тили намуналарида учратиш мумкин. Ўлик лексика адабий тилнинг замонавий нормаси нуқтаи назаридан тамоман унтилган сўзларdir. Шу туфайли бундай сўзларнинг маъно ва функциялари кўп ҳолда маҳсус изоҳлар ва этикологик кузатишлариз ноаниқ ва тушунарсиз бўлади. Мас., Алишер Навоийнинг тубандаги мисраларида ўлик сўз намуналари мавжуд:

Бир ёндин ўгул ғамуши икани жи,
Бир ёндин абу шқадарду ранжи
(«Лайли ва Мажнун»).

Муносиб эмас тоз бошига тож,
Тумоға нутуқчига не эҳтиёж
(«Садди Искандарий»).

Келтирилган мисралардаги шиканж—азоб, қийноқ; абушқа—эр, қарис, киши; тумоға—қўлга ўргатиб олингунича қуши бошига кийдириб қўйиладиган қайши тумоқ; нутуқчи — қушининг бир тури сўзлари ҳозирги ўзбек тили лугат состави учун ўлик лексемалардир.

Архаизмнинг эскирганлиги бу тип сўзларнинг замонавий нутқда қўлланиш даражаси, нарса ва ҳодисалар номи сифатидаги ҳолатига кўра белгиланади. Бунда индивидуал, жузъий нутқ фактлари эмас, оммавий нутқ, сўзниг оммавий қўлланиш ҳолати ҳисобга олинади. Мана шу нуқтаи назардан баҳоланганди архаик сўзлар иоактив сўзлар, актив лугат фондидан пассив лугат фондига ўтиб, эскирган лексемалардир. Демак, архаизм тил пассив лугат фонди мулкидир.

Нарса ёки ҳодисанинг ўзи эмас, балки номи эскирганлиги ва предметнинг ҳозирда бошқа бир замонавий номга эгалиги, унинг ҳозирда бошқача аталаётганлигини кўрсатади. Масалан: *йўқсул* (эскирган номи) — *пролетариат* (функционал ном), *фирқа* (эскирган ном) — *партия* (функционал ном), *муҳандис* (эскирган ном) — *инженер* (функционал ном), *кашиоф* (эскирган ном) — *пионер* (функционал ном) каби. Демак, архаик сўз предмет ёки ҳодисанинг қўш номидан бири, функционал жиҳатдан эскирган номидир. Агарда историзмлар ўтмиш давр предмет ёки ҳодисаларининг бирдан бир номи бўлса, архаизм замонавий, яъни ҳозирда ҳам ишлатилувчи предмет ёки ҳодисанинг номларидан биридир. Демак, предмет ёки тушунча икки хил — ҳам тарихий (архаик), ҳам замонавий номга эга бўлади. Бу хусусият ҳар қандай архаик сўзниг замонавий синоними, дублети борлигини кўрсатади.

Архаизмнинг замонавий дублети (синоними) бу сўз устидан функционал-норматив жиҳатдан голиб чиқсан сўздир. Архаизм историзмдан тил актив лугат составида замонавий дублети (синоними) бўлиши билан ҳам фарқ қиласади.

Архаизмнинг ўрни билан замонавий нутқда қўлланиши уни норматив, одатий лексика билан яқинлаштиради. Уни замонавий лугатга хос қилиб туради. Бу жиҳатдан архаизм норматив, яъни замонавий (актуал) лексикага замондош бўлади.

Предмет ва ҳодисанинг замонавий (функционал) номи унинг эскирган (нофункционал) помини доимо ишкор қиласди, унга норматив жиҳатдан йўл бермасликка итилади. Бу олдинги (архаик) помнинг функционал жиҳатдан пассив лугат составида қолиб кетишига, одатий нормадан чиқишига сабабчи омилдир. Шундай қилиб, архаик лексика предмет ва ҳодисанинг амалдаги номига нисбатан эскирган, эскилик бўёғига эга бўлган сўзлар қатламидир.

Тилда эскириш турли кўринишда намоён бўлади. Сўз ёки сўз маъноларидан бири эскиради. Ёхуд эскиргаи бўлак бутун сўз эмас, балки унинг морфематик таркибига тааллуқли бўлиши ҳам мумкин. Бунда баъзи сўз ясовчи ёки форма ясовчи қўшимчалар фаолияти пассивлашган, тўхтаган бўлади. Шунингдек баъзи сўзларнинг имловий ёки талаффуз шаклларишинг эскириши ҳам кузатилади. Худди шунингдек тилда турғун иборалар — фразеологик бирликларнинг ҳам эскириши мавжуд ва б.

Эскириш лингвистик материалдан қайси бирига тегишли эканига кўра архаизмлар уч катта группага бўлинади: 1).*Лексик архаизмлар*; 2).*Грамматик архаизмлар*; 3).*Фразеологик архаизмлар*.

Лексик архаизмлар эскирган материалнинг характеристига кўра ўз навбатида иккига бўлипади: *лексик архаизмлар, семантик архаизмлар*. Бу икки тип *архаизм-сўз, архаизм-маъно* деб ҳам юритилади.

Лексик архаизм — эскирган сўз (ном)дир. Нарса ёки ҳодисанинг номларидан бири эскиради, тилнинг пассив қатламига ўтади. Лексик архаизм бадий ёки илмий мақсадларда ўтмишга мурожаат қилинганда эсланади, тилга олинади. Ўзбек тилида 1920—1930 йилларда ишлатилган, ҳозирда лексик архаизмга айланган сўзлардан намуналар: *дорулғунун* (университет), *жабҳа* (фронт), *шўро* (совет), *кашиоф* (пионер), *иштирокион* (коммунист), *совтиёт* (фонетика), *учқич*, *тайёра* (самолёт, аэроплан), *муҳторият* (автономия), *муҳандис* (инженер), *байнаминал* (интернационал), *ижтимоион* (социалистик), *омион* (демократия), *сармоядор* (капиталист), *мухолофот* (оппозиция), *ҳандаса* (геометрия), *риёзиёт* (математика), *ҳикмат* (физика), *муҳофазакорлик* (консерватизм), *мусаллас* (учбуручак), *ўтомоч* (трактор), *чопархона* (почтахона), *ўзикайнар* (самавар), *ўзгариш* (революция), *ўртоқчилик* (коммунизм), *йўқсиллар* (пролетариат), *истеҳсолот* (производство), *бўхрон* (кризис), *иртижо* (реакция), *мужаррад* (абстракт), *мубодала* (алмашиш—обмен) ва б.

Лексик архаизм сўзнинг, сўз функциясининг эскириши бўлса, семантик архаизм кўп маъноли сўз маъноларидан бирининг эскиришидир. Бунда сўз шакли эскирмайди, балки сўз семантик

структурасидаги ячейкалардан бирн — маъно эскиради. Сўз қобиги ўша маънони энди англатмайдиган, ифодаламайдиган бўлиб қолади. Ўша маънони англатиш сўзининг ҳозирги эмас, ўтмиш функцияси ҳисобланади. Натижада сўзининг ўша маъноси эскирган, эндилликда унитилган бўлади. Масалан, *анжуман* сўзи бир касб эгаларининг ўзига хос йигилишини ҳам англатган. Ҳозирда бу маъно эскирган; *афанди* сўзи авваллари ўқитувчи маъносига ҳам эга бўлган. Шунингдек, *байроқ* сўзининг «бир байроқ тагига бирлангани, тўплланган лашкар», *баковул* сўзининг унвои ва мансабдан ташқари «ошибаз» маъносини ҳам ҳозирда эскирган.

Семантик архаизмлар сўз ва сўз лексик маъносин билан боғлиқ бўлгани учун лексик арханизм таркибига киради. Шу учун баъзи семантик архаизмлар *лексик-семантик архаизм* деб ҳам юритилади.

Лексик архаизмларга сўзининг шаклий ва талаффуз хусусиятлари билан алоқадор бўлган *лексик-фонетик*, *лексик-орфографик*, шунингдек *акцентологик архаизмлар* ҳам киради.

Лексик-фонетик архаизмда сўзининг ҳозирги шакли ўтмишдаги шаклидан таркибидаги баъзи товушларининг ўзгаргани билан фарқланади. Сўзининг аввалги шакли замонавий порма талаблари олдида эскирган ҳисобланади. Масалан, *лузум* (*лозим*), *лузумсиз* (*лозимис*), *эжод* (*ижод*), *ичинда* (*ишида*), *ўлди* (*бўлди*), *ўлмас* (*бўлмас*), *иҳтиром* (*эҳтиром*), *игирмак* (*йигирмоқ*), *иваз* (*эваз*), *зиҳн* (*зәҳн*), *залзала* (*зилзила*) каби.

Лексик-орфографик арханизм сўзининг эскирган имловий шаклари дидир. Ўзбек тилининг 1935 йили нашр этилган имло лугатида ҳегемон (*гегемон*), ҳипербола (*гипербола*), ҳипотеза (*гипотеза*), ҳўризонт (*горизонт*), ҳиҳтиром (*эҳтиром*), *йилга* (*жилга*) каби ҳозирда ирҳаик орфограммалир учрайди.

Лексик-орфографик арханизмни тудириувчи омил сўз талаффуз нормаларидағи ўзгариши ва имловий кодификациядаги янгича нуқтаи назарлардир.

Акцентологик архаизмни сўз, яъни сўзининг талаффуз томони билан боғлиқ бўлгани учун шартли равища лексик арханизмларга киритиш мумкин. Акцентологик архаизм сўз ургуларидаги ўзгаришилар натижасида содир бўлади. Сўз ургуси вақт ўтиши билан бошида бўгинига кўчади. Ургунинг олдинги ҳолати эскиради. Масалан, *сымсол*, *эпіграф* сўзлари рус тилида авваллари *символ*, *эпиграф* деб талаффуз қилинган. Бу талаффуз ҳозирда эскирган, архаик ҳисобланади.

Эскириш сўзининг бутун таркибида эмас, балки унинг морфематик қисмида юз бериши мумкин. Бундай эскириш грамматик *архаизмни* туғдиради. Сўз таркибида ҳозирда функционал бўлмаган, тилнинг ўтмиш даврига хос бўлган сўз ясовчи ёки сўз ўзгартивчи қўшимча бўлади. Масалан: *Наҳот бу борада қилган меҳнатим зое кетди, деб ўйлай сен* (*Одил Ёқубов*). *Келгуси авлод тарихга қараб ҳукм юрита дур, устод! — деди. Тарихни эса илм аҳли битадур...* Бунга шубҳа қилмаг айсан, *устод!* (*Одил*

Е́к у б о в). Пухта ўйладинг м у? Кейин пушаймон чекмайсан м у? (О д и л Е́к у б о в).— Қани ортимдан юр, сенга айтад урга н чна бир сўзим бор! (О д и л Е́к у б о в). Грамматик архаизм сўзга, яъни сўз таркибига алоқадор бўлгани учун лексик-грамматик прихаизм деб ҳам аталади.

Архаизм ва историзмларни хронизмдан фарқлаш лозим бўлади. Хронизм бирор воқелик номини вақти келиб бошқа бир ном билан алмаштиришдир. Масалан, РСДРП>РКП(б)>ВКП(б)>>КПСС; РКСМ>РЛКСМ>ВЛКСМ, Қизил Армия>Совет Армияси; «Қизил Ўзбекистон»>«Совет Ўзбекистони»; «Совет Ўзбекистони маданияти»>«Ўзбекистон маданияти» (газета); «Ўзбекистон хотин-қизлари»>«Саодат» (журнал) каби.

Хронизмлар истеъмолдан, қўлланишдан чиққан воқеликнинг эмас, балки мавжуд нарса ёки ҳодисанинг алмашган номидир. Историзм бўлса қўлланишдан чиққан, тарихга айланган воқелик номидир. Хронизм ҳисобланувчи эски ва янги номлар ўзаро синоним бўлолмайди. Архаизмлар учун эса ўзаро синонимлик хусусияти хос. Мана шу белгиларига кўра хронизм историзм ва архаизмлардан фарқ қиласди.

Юқоридаги мулόҳазалардан кейин архаизм ва историзмнинг ўзаро фарқини тубандагича белгилаш мумкин:

1) историзм ўтмиш даврдаги предмет ёки ҳодисанинг эскиргани номи, архаизм эса ўтмишда ҳам, ҳозирда ҳам мавжуд нарса ёки ҳодисанинг эскирган номи;

2) историзм ўтмиш давр предмет ёки ҳодисасининг бирдан-бир эскирган номи, архаизм ўтмишга тегишли, аммо ҳозирда ҳам ишлатилувчи нарса ёки ҳодисанинг эскирган номларидан бири. Историзм бирдан-бир якка ном, унинг ўрнини босувчи сўз йўқ, архаизм қўш номнинг эскириб қолганларидан бири, эскиргани;

3) архаизм замонавий синоними, дублети мавжуд сўз ва у ўз синоними билан бир даврда ишлатилади, қўллана олади. Историзмнинг эса синоними бўлмайди;

4) архаик сўзнинг эскирганлиги унинг дублет ёки синонимига қиёсан баҳоланади. Историзмда бу имконият йўқ. Историзмнинг эскирганлиги даврга кўра, сўзнинг функционал белгиси, яъни давр тили лексик нормаларига алоқадорлигига кўра баҳоланади;

5) архаизм — синоним, стилистик синонимлардан бири шу учун ҳам у нутқда стилистик вазифа ўтайди. Архаизм синонимик уядан эҳтиёжга қараб таилаб олинади ва ишлатилади. Историзмда бу имконият йўқ. У ўтмиш даврга оид нарса ва ҳодисанинг ягона номи. Шу туфайли эҳтиёж туғилиб қолганда историзмнинг ўзи ишлатилади. Историзмни бошқа сўз билан алмаштириб бўлмайди;

6) историзм — номинатив функция бажаради. Архаизм эса ҳам номинатив, ҳам стилистик вазифа бажаради;

7) историзмни нолингвистик (экстраграмматик) омиллар туғдиради: предмет, ҳодиса эскириши, ўтмишга айланиши билан унинг номи ҳам истеъмолдан чиқади. Архаизмни туғдирувчи омил

тилнинг ўз ички қонуниятларидир. Архаизм синоним ёки дублетларнинг, грамматик воситаларнинг ўзаро кураши ва адабий тил норматив қонуниятлари талаби туфайли туғилади.

Архаизм ва историзмни ўзаро яқинлаштирувчи, уларни бир тушунча атрофида бирлаштирувчи асосий белги ҳар иккаласининг эскирган, нонорматив лексика эканидир. Шу туфайли историзм ва архаизм эскирган сўз сифатида тилнинг пассив қатламидан ўрин олади.

ЯНГИ СЎЗЛАР ҚАТЛАМИ

Тил лексикасига эскириш хусусияти билан бир қаторда янгилини ҳам хосдир. Тилда кўриб ўтилганидек, баъзи сўзлар эскириши, истеъмолдан чиқиши қонуний ҳол бўлгани каби, унда янги сўзининг туғилиши, яратилиши ҳам табиийдир.

Жамият ривожи, объектив борлиқ ва табиатдаги ўзгаришлар, улар ҳақида кишилар тасаввури ва тушунчасининг бойиши, инсоният илмий, маънавий ва маданий тафаккурининг камол топа бориши, янги сўз, янги термин ва ибораларга эҳтиёжни туғдирувчи асосий омиллардир. Мана шу эҳтиёжни қондириш учун тилда янги сўзлар юзага келади.

Янги сўз, яъни сўзининг янгилиги адабий тил ривожининг муайян даврдаги ҳолатига нисбатан белгиланади. Масалан, ўзбек адабий тилининг Улур Октябрь социалистик революциясидан кейинги совет даври ривожи мана шундай этаплардан биринди.

Ўзбек миллий адабий тили лексикаси совет даврида ниҳоятда бойиди. Бу бойиш ўзбек тилида янгидан пайдо бўлган сўзлар, терминлар, суз бирикмалари ва иборалар, шунингдек атоқли отлар ҳисобига амалга ошиди. Масалан: *марксизм, ленинизм, социализм, коммунизм, партия, актив, учбуручак, учҳад, эритма, чизма, ўлчам, радиоманба, телемарказ, агентлик* (сўз ва терминлар); *ишилаб чиқариш, беш йиллик, партия контроли, ҳалқ контроли, интернационал тарбия, коммунистик ахлоқ* (сўз бирикмалари); бир овоздан, бошини сукмоқ (янги иборалар); Ўзгариш, Янги ҳаёт, Янги турмуш (жой номлари), «Қизил тонг» (фабрика), «Қизил ўлдуз» (колхоз), Адіба, Бахтигул, Даврия, Наргиза, Намуна (исмлар) ва б.

Ўзбек тилида совет даврида пайдо бўлган янги луғавий бирликлар бу тил лексикасининг янги сўзлар қатламини ташкил қиласиди.

Янги сўзлар қатлами тилшуносликда янги лексика деб ҳам юритилади. Янги лексиканинг янгилиги ўзбек тили луғат составидаги тарихий-традицион қатлам ёки эскирган сўзлар қатламига солишибилганда яққол кўринади.

Янги сўзга экспрессивлик — *янгилик бўёғи* хос бўлади. Янги сўз биринчи дуч келган кишига, айниқса эски тил лексик нормаси билан таниш кекса авлодга ғайри табиийдек туюлади. Бу ҳол лингвистикада *лексик идиосинкразия* деб юритилади.

Объектив әхтиёж туфайли ва тил қонун-қоидаларига мөс ра-
вишда яратилган янги сўз тил лексикасини бойитади.

Янги сўзлар совет даври ўзбек тилида қўйидаги йўллар билан
яратилди:

1) ўзбек тилининг маҳсулдор сўз ясаш моделлари асосида:
исёничи, ўқитувчи, ленинчи, сайловчи, тадқиқотчи; озодлик, котиб-
лик, якшанбалик, воқелик, тенгсизлик; тажрибакор, муҳофазакор,
бастакор, ижодкор, тажовузкор, ҳамкор, ҳужумкор ва б.;

2) Унча маҳсулдор бўлмаган баъзи морфемаларни
активлаштириш асосида. Масалан, -дош аффикси: қуролдош,
синфдош, елкадош, тақдирдош, қабиладош, мусобақадош, мактаб-
дош, замондош, фикрдош, иттифоқдош; -гич аффикси: ўлчагич,
ёзгич, улагич, намюнгич, буғлатгич, тўгрилагич, ўчиргич, нурлат-
гич, -ма аффикси: ўйналма, тиркалма, айрма, ёйилма, оғма, тенг-
лама, эритма ва б.;

3) сўзларни қўшиш асосида (қўшма сўзлар): ўйлнома, ёдно-
ма, ҳурфикр(лик), үмумхалқ, китобсевар, санъатсевар, инсонсе-
вар, отчопор (инподром), қабулхона, қуртхона, нурхона ва б.;

4) сўзларнинг жуфт ва қўшалоқ моделларидан фойдаланиш
асосида: маданий-маърифий, маданий-машии, маданий-тарбия-
вий, ҳисобот-сайлов, ижтимоий-сиёсий, ишчи-ёшлар, илмий-наза-
рий, ишчи-хизматчи, шахсий-хусусий, ийгирув-ўров (ҷехи) ва б.;

5) ўзбекча қисқартма сўзларни яратиш асосида: бошбуҳ (бош
бухгалтер), ТошДУ (Тошкент Давлат университети), ЎзТАГ (Ўз-
бекистон ССР телеграф агентлиги), БМТ (Бирлашган Миллатлар
ташкилоти), ЎзКП (Ўзбекистон Коммунистик партияси), ЎзССР
(Ўзбекистон Совет Социалистик Республикаси) ва б.;

6) традицион сўзларни янги маъноларда қўллаш асосида:
миллат, ватан, сиёсат, мафкура, мажбурият, масала, зиёрат, айём,
аъзо, доира, инқилоб, меҳнат, озодлик, эрк, ҳуррият сўзларининг
янги маънолари;

7) традицион сўзларни терминлаштириш асосида: ўлчов (метр
маъносида), қўшиув, қўшиши, олув, олиш, чизик, бўлув, бўлиши (ма-
тематика терминлари), оқчил, бўртмача, тошма, оқма, тухумдон
(медицина терминлари), оҳак аччиқтоши, чақмоқтоши (химия тер-
минлари) ва б.;

8) сўз ўзлаштириш асосида: крем, одекалон, портфель, ботин-
ка, пальто, костюм, плашиб, майонез, макарон, колбаса, лифт, стол,
стул, электр, лампочка, радио, телевизор ва б.;

9) ўзлашма сўзлардан янги ўзбекча сўзлар ҳосил қилиш асо-
сида: экранлаштириш, машиналаштириш, киночи, спортчи, мичу-
ринчи, метросоз, метрочи, партиявий, партиявийлик, музикавий,
музикачи; фигурали (~ учиш), педагогик, лекторлик, адвокатлик
ва б.;

10) сўзларнинг янги гибрид моделларини юзага келтириш асо-
сида: баримарказ, радиомарказ, радиотўлқин, карбонсувлар, тер-
можуфт, ультратовуш, ультрақисқа, газюлгич, газтақсимлагич-
ва б.

Янги сўзниг янгилик даражаси унинг маъно ва структурасига кўра турлича бўлади:

а) сўз ҳам маъно, ҳам шакли томондан янги бўлса, бу ҳақиқий (тўлиқ) маънодаги, яъни биринчи даражали янги сўздир. Ўзбек тилига рус тилидан ва у орқали бошқа тиллардан ўзлаштирилган сўзлар мана шу гуруҳга киради;

б) сўз шаклан тамоман янги бўлмасдан, таркибида фақатгина янги морфема бўлса, бундай сўз иккинчи даражали янги сўз деб юритилади. Традицион ўзбекча лексикага тоҷикча ёки интернационал морфемалар қўшиб ясалган янги сўзлар мана шу гуруҳга киради (ўзбекча сўзлар бўлимига қаранг);

в) янги сўз олдиндан мавжуд сўзларнинг комбинациясидан иборат бўлиши мумкин. Сўзниг материали эски, аммо бу материалнинг ўринлашиши ва ундан вужудга келган лексик бирлик янги бўлади. Мана шу тинчликсевар, бузоқбоқар, паррандабоқар, дунё-қараши (дунё ва қараш), сўз боши ва б.

Янги сўзлар қатламидаги лексик бирликлар янгилик стажига кўра, шунингдек янгилик бўёғини қанчалик сақлагани ёки сақлаганига кўра фарқланади. Мас., ҳозирги ўзбек тилидаги ииши ва нурчи сўзлари пайдо бўлиш даври, стажига кўра фарқланади. Ииши ўзбек тилида XX аср бошларида юзага келган Ҳамза асарларида ҳам ишлатилган бўлса, нурчи, нурчилар (электр станцияларини қурувчи маъносида — «гидростроители») асосан 1970 йилларда қўллана бошлади. Худди шунингдек, ўзбек тилидаги телефон ва космонавт сўзлари ҳам янгилик стажига кўра фарқланади. Телефон ўзбек тилида XIX аср иккинчи ярмидан бери бор, космонавт сўзи ўзбек тилида 1955—1960 йилларда кенг қўллана-диган бўлди. Демак, ииши, нурчи, телефон, космонавт ўзбек тилидаги янги сўзлар, аммо уларнинг янгилик даражаси турлича. Келтирилган хусусият асосида янги сўзлар қатламига киравчи лексемалар иккига бўлинади: янги сўзлар ва энг янги сўзлар.

Янги сўзларнинг янгилиги тилда пайдо бўлиш даврига кўра-дир. Мас., сўз ўзбек адабий тилининг совет даври ривожи учун янги ҳисобланади. Аммо янги сўзлар энг янги сўзлардан пайдо бўлиш ва хизмат стажига кўра кексароқдир (ииши сўзи нурчи сўзига нисбатан). Янги сўзниг традицион ва эскирган лексикага нисбатан янгилиги — янги сўзлиги сезилса ҳам, унинг ўта янги экани сезилмаслиги мумкин. Агарда сўз тилда актив қўлланса, норматив тус олса, тилга сингишиб кетса у одатий лексикага айланади, ундаги янгилик оттенкаси кучсизланади. Ҳозирги ўзбек адабий тилида кўпгина янги сўзлар мана шу хусусиятга эга.

Энг янги сўз тилда эндиғина пайдо бўлган ёки анча авваллар пайдо бўлса ҳам тилга тамоман сингиб кетмаган, янгилик хусусияти аниқ сақланниб турган бирликдир. Энг янги сўз янгилик оттенкаси, яъни янгилик бўёғи кучли сўздир.

Демак, сўзларнинг янги бўлиши сўзниг ўз янгилик бўёғининг сақланниб туришидан фарқланади. Ўзида янгилик бўёғини сақлаган янги ёки энг янги сўз неологизм деб юритилади.

Неологизмлар

Неологизм пайдо бўлиш даврига кўра янги ёки энг янги сўз бўлиб, унда янгилик оттенкаси яқол сезилиб туради. Неологизм тилда янги пайдо бўлган сўздир. У тилнинг норматив сўzlари қаторига ўтиб улгурмаган лексемадир. Шу туфайли неологизмлар луғат составининг пассив қатламига мансуб сўзлар ҳисобланади. Неологизмларда сўзниң янгилиги ёки ўта янгилиги аниқ сезилиб туради. Масалан: *прорабхона, киноленинноманинг яна бир саҳифаси, киносеварлариниң Тошкент клуби, Мурунтов олтинтопарлари... С него съёмка чиларниң текшириш натижаларига қарагандা...*

Неологизмнинг бошқа сўз типларидан фарқланишига хизмат қилувчи асосий мезон сўзда янгилик бўёғининг сақланиб турганлигидир. Неологизмда икки томон муҳим: сўзниң янгилиги ва бу янгилик бўёғининг қачонгacha сақланиб туришлиги. Янгилик бўёғи сақланиб турган сўзлар тилда анча авваллар пайдо бўлишига қарамасдан неологизмлар қаторида қолаверади. Чунончи, Миртемир 1928 йилда қўллаган *ошқиниб-ошқиниб*, 1929 йилда қўллаган *дақиқалаб*, 1928 йили қўллаган *оқин* сўзлари ҳозирда ҳам янги сўзлик бўёғини сақлаган. Мисоллар: *Юраклар ошқиниб-ошқиниб, қувониб урмасинми?* (Миртемир. Танланган асарлар, 1958, 17). У — темир ироди эгаси: *дақиқалаб зафар қучмоқда* (Ушасар, 26-бет); *Сўйла йигит! Ургандингми оқинни?* (Ушасар, 40-бет). Аксинча, сўз янгилик бўёғини йўқотса, тилда актив қўлланиб, одатий сўзлар қаторига ўта олса у неологизм қаторидан чиқади. Масалан, ўзбек тилида 1920—1930-йиллар даврида неологизм ҳисобланган бир қатор сўзлар ҳозирда неологизм эмас: *колхоз, совхоз, бригадир, зевено, коллективлаштириши, социализм* ва б. Ҳатто яқин даврларда янги сўз — неологизм ҳисобланган баъзи сўзлар истеъмолдан чиқди ва эскирган сўзлар қаторига ўтди. Чунончи: *МТС, женотдел, патефон* ва б.

Демак, неологизм ниҳоятда нисбий тушунчадир. Неологизмнинг янгилик бўёғини йўқотиб одатий, норматив сўзлар қаторига ўтиши тиник қонуниятдир. Сўз энди пайдо бўлганида, янгилик бўёғини сақлаб турганида неологизм хусусиятини сақлайди. Янги сўз тил томонидан тамоман ўзлаштирилмагунча; лексиканинг актив запаси фондига қўшилмагунча; янгилик, яъни ғайри табиийлик оттенкасини йўқотмагунча неологизм бўлиб қолаверади.

Янги сўзниң неологизмлиқдан чиқиши вақт, муддат билан боғлиқ эмас, балки бу сўзниң функционал характеристиқ табиатига боғлиқдир. Сўз тезда умумтил нормасига айланиши ёки кўп вақт қўлланмасданоқ тезда истеъмолдан чиқиб эскириши, пассив қатламга ўтиб кетиши эҳтимол. Аксинча сўз тилда қанча кўп яшамасин янгилик хусусиятини йўқотмаслиги, неологизмлигича қолавериши мумкин.

Неологизмнинг норматив, функционал тақдири унинг қандай доирада пайдо бўлганига ҳам боғлиқ. Янги сўз умумтил (умумнутқ) доирасида, индивидуал нутқ (авторлар нутқи) доирасида бўлиши мумкин. Мас. М. Шайхзода асарларида шундай неологизмлар учрайди: *шўролашибин*, *ираклашибин*, *суворланган*, *ташвиқлайман*, *советистон*, *нурестон*, *колхозистон*, *саломобод*, *инқилобдош*, *ойдошлиар*, *қабрдош*, *ўриндош*, *фазошумул*, *беморхона*, *хастахона*, *долларшоҳ*, *меҳнатнома*.

Келтирилган сўзлар М. Шайхзода нутқига хос неологизмлар — индивидуал нутқ **неологизмлари**dir.

Индивидуал нутқ неологизмлари алоҳида ёзувчилар, шахслар ижод қилган янги сўзлардир. ШоирFaфур Fулом асарларида *курашдош*, *ҳамранг*, *дўстпарвар*, *нурсирамоқ*, *яловкаш*, *шарофобод*, *дарёдил*, *долларзод* каби неологизмлар мавжуд.

Ўз пайдо бўлиш доираси, муҳитига кўра неологизмлар иккига бўлинади: *умумтил* (*умумнутқ*) **неологизмлари** ва **индивидуал нутқ неологизмлари**.

Умумтил неологизмининг тилда умумистеъмол сўзга айланиши, неологизмикдан чиқиши осон. Индивидуал нутқ неологизми одатий, норматив сўзга айланиши учун у аввало умумтил фактига ўтиши лозим бўлади. Индивидуал нутқ неологизмлари алоҳида адиллар, шахслар томонидан *фавқулодда яратилган* сўзлардир. Шу туфайли бу тип сўзлар тилшуносликда *окказионаллизмлар* (окказионал сўзлар, окказионал лексика) деб юритилади.

Индивидуал нутқ неологизмлари, одатда, алоҳида адаб ёки олим нутқининг, яъни алоҳида асар тилининг ўзига хос мулки ҳисобланади. Индивидуал нутқ неологизмларининг кўпи умумхалқ тили фактига айланмайди ва у миллий тил лексикасидан ўзига хос ўрин берилишини талаб ҳам қилмайди. Бу тип неологизмларнинг асосий вазифаси *стилистик функция* ўташдир.

Юқорида баён қилинган мулоҳазалар асосида неологизм билан умумтил лексикаси ва эскирган лексика орасидаги муносабат ва фарқни схемада қуйидагича кўрсатиш мумкин.



Неологизмлар объектив эҳтиёж тақозоси туфайли янги нарса ёки ҳодисаларнинг шу кунгача тилда бор бўлмаган янги номи сифатида юзага келади.

Неологизмлар материал жиҳатдан уч усулда таъминланади:

1) бошқа тиллардан сўзлар қабул қилинади: *космонавт, астронавт, луноход, лифтномобиль*;

а) янги сўзлар ясалади: *Тошкент область китоб севарлашамияти, ... хўжалик бўрдоқибоқарлари. У СССР Халқ хўжалиги ютуқлари кўргазмаси совриндори бўлган аёллардан бири, дарахтешарлар, тартиббузарлар, нурхона, нурхона—китобхона: китобхона-нурхонализм. Почта жўнатмаларининг оқими йил сайн ўсиб бормоқда. Оиласадош мусобақадошлар. Мелихон ўз сменадоши ва турмуш ўртоғи Муса Абдуллаев билан мусобақадош. Автоном республикада бу баҳор сергастрол кўринади.*

3) мавжуд сўз янги маънода ишлатилади: *шарбат (сок маъносида), қомус, қомусчилар* (энциклопедия, энциклопедистлар маъносида), *йўлдош* (ер сунъий йўлдоши маъносида), *пайвандчи* (электросварщик маъносида), *қиличбоз, қиличбозлик* (фехтовальщик,, фехтование маъносида) ва б.

Неологизмлар тил лексик системасининг ривожланиш тенденцияларини ўзида гавдалантирувчи муҳим қатламdir. Неологизмлар адабий умумистеъмол лексиканин тўлдириб, такомиллаштириб туришнинг асосий манбайдир. Неологизм тилга сингиб, ўзлашиб кетиши учун икки етакчи талабга жавоб бермоғи керак:

1) янги сўз — неологизм тушунарли бўлиши, маъноси аниқ, тингловчига тез етиб борадиган бўлмоғи керак;

2) у тилда мавжуд ва яшовчан моделлар асосида яратилмоғи лозим.

ЎЗБЕК ТИЛИ ЛЕКСИКАСИННИГ СТИЛИСТИК ҚАТЛАМЛАРИ

Ҳозирги ўзбек адабий тили лексикаси объектив борлиқдаги, ижтимоий ҳаётдаги барча ҳодисаларни аниқ англатишга қодир. Бу лексикага бирлашувчи луғавий бирликларга эътибор берилса, баъзан айни бир тушунчанинг турли хил луғавий бирликлар билан ифодаланиши маълум бўлади. Буни қўйидаги сўзлар мисолида аниқ кўриш мумкин: *баҳс, тортишув, мунозара, мубоҳаса; баҳт, иқбол, толе, саодат, аниқ, очиқ, яққол, равшан, ёрқин, оидин; агрессия, тажсовузкорлик, тажсонуз, босқинчилик; ҳеч, асло, асти, сира, мутлақо, зинҳор, бутунлай, ҳаргиз, тақир, заррача, зиғирча, тирноқча; гараз, кек, кин, гидир* кабилар.

Сўзловчи маълум бир фикрни баён қилишида, алоқа-аралашув (коммуникация) процессида келтирилган сўзлардан бирини танлаб ишлатади. Бунга бир синоним қаторинга бирлашувчи сўзларнинг стилистик бўёқдорлик жиҳатдан фарқланishi ва шу фарқланиш асосида турли нутқ турлари (функционал стиллари) да қўлланишга хосланиши сабаб бўлади. Мас., *емоқ, тамадди қилмоқ, тановул қилмоқ, истеъмол қилмоқ, тотмоқ, олмоқ, туширмоқ, урмоқ, ҳам-ҳам қилмоқ, чангини чиқармоқ* каби сўз ва иборалар *емоқ* тушунчасини турли стилистик рангда англатади. Сўзловчи қандай вазиятда ва қандай мақсадда фикр баён қилмоқчилигига боғли равишда синонимик қатордаги сўзлардан бирини таплаб қўллайди. Коммуникация расмий вазиятда содир бўладиган бўлса, *тамадди қилмоқ, тановул қилмоқ, истеъмол қилмоқ;* оддий муомала вазиятида бўлса, *емоқ, олмоқ, ҳар* қандай расмийликдан холи бўлган оддий муомала вазиятида бўлса, *туширмоқ, урмоқ, чангини чиқармоқ, ҳам-ҳам қилмоқ* каби сўз ва иборалар ишлатилади. Бунда сўзловчининг сўз танлаши онгли равишда содир бўлади, чунки танланган сўз предметлик — мантиқийлик (кенг маънода) тушунчасидан ташқари шу тушунчага унинг субъектив баҳо муносабатини ҳам англатади. Мас., *ҳам-ҳам қилмоқ* сўзи *емоқ* маъносидан ташқари ҳаракат қаратилган объектни мутлоқ менсимаслик, писанд қилмаслик каби экспрессив-стилистик бўёқ ҳам англатади: *Ёғоч полвон қичқираётганларга масхараомуз қараб илжаяр, бекорга бақиряпсизлар, ҳозир полвонингизни ҳам-ҳам қилиб қўяман дегандек кўзини қисиб қўярди* (Сайд Аҳмад). Худди шунингдек, расмий муомалада спиртли иҷимлик иҷ-

моқ маъносида қадаҳ кўтармоқ, жуда оддий муомалада олиб юбормоқ, отмоқ, ташлаб юбормоқ каби сўзлар ишлатилади. Кўрсатилган муомалаларни акс эттирувчи нутқ турларида бу сўзларни алмаштириб қўллаб бўлмайди (Расмий зиёфатда ҳозир бўлган меҳмонларга Қадаҳ кўтаришингизни илтимос қиласман дейиш ўрнига *Отиб юборинглар* формасида мурожаат қилишни тасаввур қилиб кўриш). Демак, сўзларнинг фарқловчи экспрессив-стилистик белгилари уларнинг алмашиниб қўлланишига монелик қилувчи муҳим омиллардан ҳисобланади.

Қўйидаги мисолларда 10 сўм тушунчасини англатувчи *червон* сўзи ва қизил пул номинатив бирикмасининг ишлатилишини қиёсланг: *Яппа-янги сўлкавою мулла червон қайнасин* («Муштум»). Уларга биз ҳам устига тўрттадан қизил пул бериб олганимиз («Муштум»).

10 сўм номинатив бирикмаси нейтраллик бўёғига эга. У барча нутқ кўринишларида қўлланаверади. *Червон*, қизил пул сўзлари эса асосан оғзаки нутқда қўлланишига хосланган. *Червон* сўзида архаиклик белгиси аниқ сезилиб туради. Бу сўз рус тилидаги *чевонец* сўзининг фонетик жиҳатдан ўзгарган формаси бўлиб, 1922—1947 йилларда 10 сўмлик қофоз пул маъносида ишлатилган. Ҳозирги тилда бу маънода кам ишлатилади, ишлатилган тақдирда эса маълум бир стилистик бўёқни ифодалаш мақсад қилинган бўлади.

Юқорида айтилганлардан маълум бўладики, сўзловчи ҳар қандай лексик бирликни (ва умуман тил воситасини) ўзи кузатган коммуникатив мақсадлардан келиб чиқкан ҳолда умумхалқ тилидан танлаб олиб ишлатади. Бу мақсадлар фикрни ифодали, таъсирли, аниқ ва равшан, кипояли ё жиҳдий ва шу каби стилистик оттеекалар билан ифодалаш орқали рўёбга чиқарилади.

Шундай қилиб, сўзлар стилистик белгиларига кўра маълум нутқ тури (функционал стиль) да қўлланишига хосланган, шунга биркитилган бўлади.

Сўзнинг эмоционал-экспрессив жиҳати билан унинг қайси нутқ услубида қўлланишига хосланганлигининг ўзаро боғлиқлиги ўзбек адабий тили луғат составини ташкил қилувчи лексикани икки хил: функционал-экспрессив ва функционал-стилистик аспектда ўрганишини тақозо этади.

ЎЗБЕК ТИЛИ ЛЕКСИКАСИННИГ ЭМОЦИОНАЛ-ЭКСПРЕССИВ БҮЕҚДОРЛИК ЖИҲАТДАН ХАРАКТЕРИСТИКАСИ

Маълумки, тилнинг асосий ва бирламчи функцияси коммуникатив функциядир. Бироқ кишилар коммуникация жараёнида фақат фикр алмасиши билангина чекланиб қолмай, борлиқ воқеа-ҳодисаларига ўз муносабатларини ифодалашга ҳам интиладилар. Зоро, «*Кишиларнинг эмоцияларисиз ҳеч маҳал кишиларда ҳақиқатни қидириш бўлмаган, бўлмайди ва бўлиши ҳам мумкин эмас*» (В. И. Ленин).

Инсон борлиқ ҳодисаларини идрок қилар экан, бу ҳодисалар қайсиdir жиҳатлари билан ўзларига нисбатан унда турли эмоция (ҳис)лар қўзғотади. Бу ҳол, албатта, тилда ўз ифодасини топмай қолмайди, чунки «*Тил борлиқ тилидир*» (К. Маркес).

Дарҳақиқат, лугат составидаги сўзларни кузатиш уларнинг баъзилари бирор нарса, ҳодисаларни атабгина қолмай, айни пайтда сўзловчининг ифодаланаётган тушунчага ўз баҳосини, муносабатини ифодалашини ҳам кўрсатади. Бу муносабат доирасига ғазаб, эркалаш, қойил қолиш, нафратланиш жирканиш, киноя каби хилма-хил эмоционал муносабат кўринишлари киради. Хусусан, *азамат, ўқтам, қойилмақом, сўлқилдоқ, бопламоқ, олчоқ, малъун, разил, сатанг, санқи, асфаласофин, миёнқи, қойил, дўндирма, момоқаймоқ* каби сўзлар, маълум тушунча англатишдан ташқари, сўзловчининг шу тушунчага лоқайд қарамаслигини, аксинча, ижобий ва салбий эмоционал муносабатда эканлигини ҳам кўрсатиб туради. Бу баҳо элементи тингловчи томонидан ҳам одатда сўзловчи назарда тутгандагидек идрок этилади.

Тилшунослиқда бундай хусусиятга эга бўлган лексика эмоционал-экспрессив бўёқдор лексика, стилистик бўёқдор лексика, экспрессив-стилистик лексика терминлари остида ўрганилмоқда. Бундай аташ, умуман олганда, объектив ҳақиқатга мос келади, чунки бу хил атамалар бу тип лексиканинг энг муҳим жиҳатини — эмоционал-экспрессив баҳо элементига эга эканлигини назарда туради.

Ҳозирги тилшунослик фани тилнинг фикр алмашув қуролиги на бўлиб қолмай, эмоциялар ифодалаш қобилиятига ҳам эга эканлигини тан олади.

Шу билан бирга тилшунослиқда эмоционал лексика ва эмоцияларни атовчи тушунчаларни қориштириш ҳоллари учрайди. Эмоционал лексика дейилганда, юқорида келтирилган сўзлар каби негизининг ўзи орқали англатилаётган воқеа-ҳодисага сўзловчининг субъектив баҳо (эмоционал) муносабатини англатувчи лексика назарда тутилиши лозим. Ҳолбуки ҳисларни атовчи (уларнинг атамалари бўлган) лексика ҳам баъзан эмоционал лексика термини билан юртилади. *Мас., ғам, хафалик, ғазаб, жирканниш, муҳаббат, нафрат, жаҳл* каби сўзлар шу термин билан изоҳлананини кўриш мумкин.

Айнан шундай фикрлар туркологик тадқиқотларда ҳам учрайди. Хусусан, баъзи ишларда *яхшилик, ёмонлик, севмоқ, кўйполлик, сулув, ёмон* каби сўзлар ҳиссиётни аниқ ифодалайдиган лексика сифатида талқин қилинади ва том маънода эмоционал муносабат ифодаловчи *айланай, ўнгмаган* каби сўзлардан қатъий фарқланмаган ҳолда, бу икки хил лексика бир хил лексик категория сифатида қаралади. Ўзбек тили стилистикасини тадқиқ қилишга бағишлиланган баъзи ишларда ҳам *севинч, қувонч, табассум, даҳшат, ҳийлагар* каби сўзлар «ўз лексик маъноси билан ҳис-туйғу, кечинма ва ҳаяжон ифодаловчи сўзлар» сифатида баҳоланганини кўриш мумкин. Бу сўзлардан фақат *ҳийлагар* сўзи эмоцио-

нал баҳо элементига эга. Умуман, санаб ўтилган сўзларнинг кўпчилиги (*ғам, хафалик, ғазаб, севинч, қувонч, жаҳл* кабилар) бевосита турли хил ҳиссиётларни англатишга хизмат қиласи, холос. Шунинг учун бундай лексикани эмоционал лексика сифатида баҳолаш каби нуқтаи назарга қўшилиб бўлмайди.

Булардан ташқари, умуман на эмоцияларни аташга, на эмоционал баҳо элементларига эга бўлмагац *марксист, коммунист, дўст, ўртоқ, душман, жиноят, ёлғон, туҳнат, қардошлиқ, гвардия, тенглик, озодлик, адолат* каби сўзлар баҳо элементларига, ижобий ё салбий муносабат ифодалаш хусусиятига эга бўлган эмоционал лексика сифатида баҳоланади. Бу тиңдаги лексика ўзлари англататиған ҳодисаларга нисбатан сўзловчининг эмоционал муносабати ифодаламаслигини, улар гўё эмоционал хусусиятга, «тамға»га эгадек туйилишини, ижтимоий нуқтаи назардан ижобий ё салбий баҳоланадиган ҳодисаларни, жамиятда қораланувчи ёки, аксинча, мақтовга лойиқ бўлган ҳодисаларни атovчи лексика сифатида баҳоланмоғи керак. Баъзи ишларда «ижобий сўзлар» рубрикаси остида яхши, гўзал, *хурсанд, саҳий, одил, камтар* сўзлари, «салбий сўзлар» рубрикаси остида эса юқорида келтирилган сўзларнинг антонимлари бўлмиш ёмон, *хунук, хафа, хасис, жоҳил* каби сўзларнинг берилганини кузатиш мумкин. Бунда сўз англатган тушунча баҳосини сўзга тил бирлиги сифатида бериладиган баҳога тенглаштириб қўйилганини сезиш қийин эмас. Дарҳақиқат, адабий тил луғат составидаги барча сўзлар тил бирлиги сифатида «ижобий»дир, чунки улар маълум тушунчалар англатишга хизмат қиласи. Сўзлар ифодалаган тушунчаларнинг қандай (салбий ёки ижобий) баҳоланиши эса бутунлай бошқа ҳодиса бўлиб, кенг маънода сўз англатган предмет, белги ва ҳодисанинг баҳоланиши демакдир. Хусусан гўзал сўзи — ижобий белги номини, *хунук* сўзи эса салбий белги номини англатади, лекин бу сўзлар тил бирлиги сифатида шу (ижобий ва салбий) хусусиятларга эга бўлиб қолмайди.

Шундай қилиб, ўзбек тили луғат составидаги эмоция тушунчилиги алоқадор бўлган, эмоцияларни англатувчи (атовчи) лексик қатламга мансуб сўзларни, шунингдек ижтимоий нуқтаи назардан ижобий ё салбий баҳоланувчи ҳодисаларни атovчи сўзларни том маънодаги эмоционал-экспрессив лексикадан фарқланмоқ лозим.

Тилда эмоционал-экспрессив бўёқ тўрт хил: 1) лексик, 2) сўзни метафорик қўллаш, 3) аффиксация, 4) контекстуал усулларда реаллашади.

Эмоционал-экспрессив бўёқнинг лексик усулда ифодаланиши. Бу усулда стилистик бўёқ сўз негизининг ўзи билан ифодаланади. Бу ҳолда сўзларнинг ўз лексик маъносидаги табиатан, аслан баҳолаш элементи мавжуд бўлади.

Тилда эмоциянинг ифодаланиши доим экспрессивдир, бироқ тилдаги экспрессия доим эмоционал бўлмайди. Бошқача айтганда, эмоционалликнинг экспрессивликка муносабати хусусий ҳоди-

латнинг умумий ҳолатга муносабатидекдир. Баъзи олимлар юқоридаги ҳолатларни қайд этиб, ёзади: «Ҳар қандай эмоционаллик экспрессивликдир. Шунинг учун фанда «эмоционал-экспрессив» термини қўлланади». Бунга қўшимча қилиб шуни айтиш мумкини, «экспрессия» сўзининг биринчи маъноси «ифодалилик» бўлса, иккинчи маъноси «(ҳис-ҳаяжонларнинг) намоён бўлиш кучи»дир. «Эмоционал-экспрессив» жуфт термин составида экспрессив сўзи ифодалиликдан ташқари англатилаётган тушунчага нисбатан сўзловчининг эмоционал муносабати кучли намоён бўлишини ҳам билдиради, яъни эмоционал-экспрессив термини лингвистик ҳодиса моҳиятини тўла акс эттиришга хизмат қилади. Шундай қилиб, бу терминни қўллаш эмоцияларни атовчи ва ижтимоий нуқтаи назардан салбий ё ижобий баҳоланувчи лексикага оид сўзлардан эмоционал-экспрессив муносабатни ифодаловчи сўзларни аниқ фарқлашга ёрдам беради.

Эмоционал-экспрессив бўёқдор лексика одатда оддий сўзлашув нутқида (*валакисаланг*, *валдирвасар*, *санғи жинни каби*) ёки китобий-поэтик, тантанавор нутқда қўлланади (*умумбашарий*, *ҳайратомуз*, *даҳо*, *порлоқ*, *раҳнамо*, *парисиймо* кабилар).

Сўз ифодалаган экспрессивликка кўра одатда уч қатлам ажратилади: нейтрал лексика, юқори стилистик бўёқли лексика, паст стилистик бўёқли лексика.

Сўзлашув лексикасига оид эмоционал-экспрессив лексика одатда паст стилистик бўёққа, китобий лексикага оид эмоционал-экспрессив лексика эса юқори стилистик бўёққа эга бўлади. Умумистеъмолдаги сўзлар эса экспрессив бўёққа эга эмаслар, шу жиҳатдан улар нейтрал лексикани ташкил этади.

Эмоционал-экспрессив лексик қатламга мансуб сўзлар воқеаҳодисаларга сўзловчининг субъектив эмоционал муносабатини ифодалashi нуқтаи назаридан икки катта гурухга ажратилади: ижобий муносабат англатувчи лексика ва салбий (пейоратив) муносабат англатувчи лексика.

Ижобий эмоционал-экспрессив муносабат англатувчи сўзлар қаторига қўйидагилар киради: *азамат*, *қойил*, *дўйндиқ*, *дўймиллақоқ*, *дўйндиրмоқ*, *маҳлуқо*, *дилоро*, *жилмаймоқ*, *табассум қилмоқ*, *мунаввар*, *порлоқ*, *нурафишон*, *кетворган*, *лобар*, *тамтам*, *дилдор*, *дилбар*, *мард*, *тант* кабилар.

Ижобий маъно оттенкалари ниҳоятда ранг-барангдир. Улар орасидан қўйидагиларни ажратиб кўрсатиш мумкин:

1) юқори, тантанаворлик бўёғига эга бўлган сўзлар: *даҳо*, *зако*, *абадул-абад*, *абад*, *алвидо*, *мумтоз*, *марҳабо*, *ҳайратомуз*, *ғазабкор*, *бузруквор*, *оламишумул*, *олиймақом* (зот), *жонбахши* кабилар;

2) юқори поэтик сўзлар: *танноз*, *гулбадан*, *дурафион*, *афсунгар*, *сайқал бермоқ*, *оғуши*, *қалқмоқ*, *кошона*, *хиром*, *хүшсурат*, *жилвакор*, *фусункор*, *парирўй*, *офтобсиймо*, *ҳурмонанд*, *оӣпарча*, *ҳассос*, *лолагул*, *сурур*, *нуроний*, *малаксиймо*, *ажисиб*, *олижсаноб* кабилар.

Эмоционал-экспрессив маъноли сўзларда салбий маъно оттенкаларининг турлари ижобий маъно оттенкаларига нисбатан ҳам ишча ранг-баранглиги билан фарқланади. Баъзи маъно оттенкаларини кўрсатамиз:

1) нафратланиш оттенкасига эга бўлган сўзлар: *устамон, тишмас, номард, келгинди, анди, иғвогар, шарманда, маккор, ўғри, кикроб, сатанг, сурбет, қўшмачи, ювуқсиз, беномус, ебтўймас, пайдирдор, ўғрибоши, хоин, нонкўр* кабилар;

2) ҳақорат англатувчи сўзлар: *даюс, гар, бузуқ, фоҳиша, ювин-тихўр, ялоқи, ифлос, ярамас, ноинсоф, абраҳ, муртад, кофир, кўрнамак, мурдор, ўлакса, итялоқ, лаънати, ватанфурӯш, имонсиз, иқнадар, олчоқ, галамис, малъун, ҳароми* кабилар;

3) номинатив маънога салбий баҳо оттенкаси қўшувчи сўзлар: *вайсамоқ, валақламоқ, валдирамоқ, санқимоқ, сакилламоқ, дайшимоқ, тентирамоқ, суллоҳ, мижғов, меров, довдир, чақчаймоқ, бўлаймоқ, безраймоқ, тирриқ* кабилар;

4) менсимаслик маъно оттенкасига эга бўлган сўзлар: *тирран-ча, мишиқи, ҳам-ҳам қилмоқ* кабилар.

Юқорида келтирилган сўзлар, номинатив (аташ) функциядан ташқари ўzlари ифодалаётган тушунчага нисбатан сўзловчининг субъектив баҳосини ҳам кўрсатиб туради. Уларнинг бу хусусияти эмоционал-экспрессив бўёқ жиҳатдан нейтрал бўлган сўзларга таққосланганда айниқса яққол кўзга ташланади. Мас., чиройли сўзи маълум тушунчани нейтрал билдиради, *кетворган* сўзи эса чиройли сўзи англатган тушунчани англатиш билан бирга, бу тушунча белгиларининг ортиқ даражада мавжудлигини ва сўзловчи ҳам нутқ предметига лоқайд қарамай, ортиқ даражада ижобий муносабатда эканлигини ифодалайди. *Дўндиқ, дўмбоқ, тамтам* ва шу каби сўзлар ҳам ижобий муносабатни юқорида айтилган усула ифодалайди: *Лутфиниса оппоқ, юрса сўлқилла йдига н... тўлагина қиз* (Сайд Аҳмад). Бундаги *сўлқилладиган* сўзи семиз тушунчасидан ташқари сўзловчи томонидан ижобий эмоционал баҳоланиш элементига ҳам эга.

Шундай қилиб, эмоционал-экспрессив лексик қатламга оид сўзлар, номинатив маъно англатишдан ташқари, бу маънонинг доимий ва объектив элементи бўлган, унинг узвий компоненти ҳисобланган ёрқин стилистик бўёқка эга. Бу бўёқ сўзловчининг нутқ предметига нисбатан ижобий ё салбий эмоционал муносабатини ифодалаш формасида намоён бўлади.

Эмоционал-экспрессив бўёқнинг сўзни метафорик қўллашнатижасида ифодаланиши. Тилда номинатив маънода стилистик бўёқдан холи бўлган, кўчма маънода эса ёрқин эмоционал-экспрессив бўёқ касб этувчи жуда кўп сўзлар мавжуд. Метафора ана шундай бўёқ ҳосил қилувчи муҳим воситалардан ҳисобланади.

Маълумки, маънонинг ўхшашлик принцип асосида кўчиши метафоранинг муҳим белгисини ташкил этади. Бироқ предметлар ёки ҳодисалар орасидаги ташқи ўхшашлик асосида кўчирилган

маънолар (тактанинг кўзи, деразанинг кўзи, булоқнинг кўзи, столнинг оёғи, тогнинг бели, дуторнинг бўйни ва ҳ.) билан предмет (кенг маънода) ва унинг ҳаракати номларининг инсонга нисбатан, унинг табиати ва ҳаракати белгиларини характерлашга мўлжаллаб ишлатилиши (эшак, ит, тўнғиз, қўчқор, қўзичоқ, бўталоқ, илон, чаён, лочин, булбул, акилламоқ, вақилламоқ, сайрамоқ каби сўзларнинг метафорик қўлланиши) натижасида ҳосил бўлувчи маънолар орасида катта фарқ бор. Биринчи ҳолда сўзнинг метафорик қўлланиши борлиқ ҳодисаларининг маълум бир ташқи белги, хусусиятларини образли англатиш тақозоси билан содир бўлган. Образлилик эса ҳар қандай метафорик қўллашга хосдир.

Иккинчи ҳолда эса метафорик қўлланган сўз нутқ субъекти (сўзловчи) нинг нутқ обьекти (бунда: шахс ва унинг ҳаракати) га нисбатан ёрқин субъектив эмоционал-экспрессив муносабатини ифодалайди.

Тилда одамнинг турли хил белги, хусусиятларини англатувчи қатор сўзлар амал қиласди. Хусусан, унинг аҳлоқий, интеллектуал социал белгиларини, шахсий хусусиятларини англатувчи *ифлос*, *ярамас*, *доно*, *мард*, *жасур*, *ботир*, *сахий* ва шу каби сўзлар юқорида айтилган тематик группага бирлашадиган сўзлардир. Бу сўзларнинг лексик маъноларида нутқ предмети (одам)ни ижобий ё салбий эмоционал баҳолаш элементлари мавжуд.

Бироқ тил арсеналидаги бу каби сўзлар нутқ субъекти (сўзловчи) назарида унинг фикрини ўз истаги даражасида эмоционал-экспрессив ифодалашга ожизлик қилиб қолади. Мана шу нуқсонни бартараф этиш мақсадида онгли равишда ҳайвон, газанда, қуш ва шу кабиларни, шунингдек уларнинг хатти-ҳаракатларини англатувчи сўзларни метафорик маънода қўллашга ўтилади.

Бу хилда ишлатилган сўзларнинг қай тарзда эмоционал маъно касб этишини компонент таҳлил усулига мурожаат қилинса, аниқроқ тасаввур қилиш мумкин: *Ичib олгин бу эшак. Бўлмаса бирорни уриб, ғизизон бўй кетадими хотинталоқ* (У. Ҳошимов). Бу мисолдаги эшак сўзи номинатив (бош) маънода 'ўй ҳайвонининг бир тури', 'аҳмоқ', 'ярамас' семаларига эга, метафорик маънода эса 'аҳмоқ', 'ярамас', 'одан' семаларидан ташкил топган. Номинатив ва метафорик маъно структурасини кузатиш бу икки номинатив маъно учун умумий бўлган семалар 'аҳмоқ', 'ярамас' семалари эканлигини кўрсатади. Худди мана шу умумий семалар эшак сўзининг метафорик маъно ҳосил бўлишида асосий ролни ўйнаган, бу ҳодисанинг лингвистик асосини ташкил этган.

Демак, бу типдаги маъно кўчишида ҳам метафорага хос ўхашлик белгиси муҳим омиллардан ҳисобланади. Бироқ бу ўхашлик ташқи белгилар (столнинг оёғи, тогнинг бели ва шу кабилардаги сингари) ўхашлиги эмас, балки интеллектуал, характерловчи белгилар ўхашлигидир ва маъно кўчиш ҳам мана шу ўхашлик асосида содир бўлган.

Юқоридаги мисолда сўзловчи эшак сўзи ўрнига 'ярамас, аблак' сўзларини қўллаш билан ҳам нутқ предмети бўлмиш одамга нис-

батан салбий эмоционал муносабат ифодалаши мумкин эди. Бироқ бунда ‘уй ҳайвонининг бир тури’ семаси билан одам семаси (фарқловчи семалар) орасида пайдо бўладиган семантик контраст ҳосил бўлмас, демак, метафорик қўллаш натижасида содир бўладиган стилистик-экспрессив, эмоционал эффект ҳам ифодаланмай қолган бўларди. Семантик контрастнинг метафорик маъно структурасида эмоционал баҳо элементи вужудга келтиришига сабаб шуки, умумий семалар фарқловчи семалар фонида ижтимоий онгда турлича қиймат билан баҳоланади. Мас., *эшак* (уй ҳайвонининг бир тури) ва *одам* семалари (фарқловчи семалар) фонида *эшакка* хос бўлган бефаҳмлик ва бошқа салбий (бу ўринда) белгилар одамга хос шундай белгилардан ўта даражада ортиқ деб баҳоланиши метафорик маънода жуда ёрқин, ортиқ даражадаги салбий эмоционал маъно ҳосил қилинишига асос бўлади. Кўрина-дики, бу типдаги маъно кўчишида ўзаро боғлиқ икки ҳолат амал қиласи: 1). умумий семалар англатадиган белгилар ўхшашлиги; II. фарқловчи семалар англатадиган маънолар контрасти.

Умумий семалар, юқорида айтилганидек, метафорик маъно ҳосил қилишнинг лингвистик асосини ташкил этса, фарқловчи семалар салбий (юқоридаги каби) ё ижобий эмоционал муносабат ифодалашнинг асосини ташкил этади.

Ижобий эмоционал-экспрессив маъно ҳосил бўлиш механизми ҳам формал жиҳатдан салбий эмоционал-экспрессив маъно ҳосил бўлиш механизмига ўхшайди. Мас., «*Тиришганинг тўйқомоги тошга чега қоқар*»,— дер. *Яшнар далаю-боғлар, Иш бошида кекса шер* (Миртемир) мисолидаги *шер* сўзи метафорик маънода «кучли, ботир одам» семаларидан ташкил топган. Умумий семалар (*кучли, қўрқмас*) асосида ҳосил бўлган метафорик маъно фарқловчи семалар асосида ҳосил бўлувчи семантик контраст фонида ёрқин ижобий эмоционал маъно касб этади: йиртқич ҳайвонга хос бўлган кучлилик, ботирлик белгиси инсонга хос шундай белгилардан бекиёс даражада юқори туради. Инсонга хос бу белгиларнинг ижтимоий онгда юксак баҳоланиши ҳосил бўлган метафорик маъно структурасида ёрқин ижобий эмоционал баҳо элементи пайдо бўлишига сабаб бўлади.

Умуман, одамга нисбатан ҳар қандай ном кўчиришлар юқорида кўрсатилган механизм асосида эмоционал-экспрессив маънолар ҳосил бўлишига олиб келади. Бу қоида *латта, ошқовоқ, сакилламоқ, ирилламоқ, ҳанграмоқ, илон, чаён, қузғун, лочин, қарға, хўроз* ва шу каби сўзларнинг метафорик қўлланишида ҳам бир хил кучга эга бўлган қоида сифатида амал қиласи.

Сўзнинг метафорик маънода қўлланаётганини англаб олиш одатда қийинчилик туғдирмайди. Бунинг сабаби шундаки, метафорик маъно касб этган сўз қўлланадиган лексик қуршов (контекст) бу сўзнинг номинатив маънода қўлланиши мумкин бўлган контекстдан фарқ қиласи. Хусусан, *Ишиб олган бу эшак* (Ў. Хошимов). *Иш бошида кекса шер* (Миртемир), *Кўкчатовда кўк камзулли бир оҳу кўрдим, Таажжубки, оёғида қизил этикча*

(А. Орипов) мисолларидағи *эшак*, *шер*, *оҳу* сўзларининг номинатив маънода келтирилган контекстларда қўлланишини тасаввур қилиб бўлмайди. Дарҳақиқат, (*ароқ*) ичиб олган сўзи номинатив маънодаги (уй ҳайвонининг бир тури маъносидаги) *эшак* сўзи билан, *иш бошида* сўзлари номинатив маънодаги (ёввойи йиртқич ҳайвоннинг бир тури маъносидаги) (*кекса*) *шер* сўзлари билан, номинатив маънодаги *оҳу* сўзи *кўк камзулли*, *оёғида қизил* этикча сўзлари билан семантик алоқага, демак, синтактика алоқага ҳам кириша олмайди. Акс ҳолда мантиқий номутаносиблик пайдо бўлган бўлар эди (*ароқ* ичиб олган эшакни, эгнига кўк камзул, оёғига қизил этикча кийган оҳуни, иш бошида турган шерни тасаввур этиб кўринг). Демак, кўчма маънода одамни ёки унинг бирор ҳаракатини англатувчи сўз семантик мослих қонунига мувофиқ маълум бир маъноли сўзлар билангина семантик ва синтактика алоқага киришади. Бу лингвистик қонуният сўзларнинг метафорик маънода идрок этилишига ёрдам беради.

Ўзбек тилида метафорик қўлланиш натижасида эмоционал-экспрессив маъно ҳосил қилувчи жуда кўп сўзлар бор. Булар орасида зооморфизмлар (кишиларнинг образли характеристикасини бериш мақсадида ҳайвонлар, паррандалар, ҳашаротлар номлари ни метафорик маънода қўллаш) алоҳида ўрин тутади. Зооморфизмлар умумий хусусиятларига кўра қўйидаги тематик группаларга бирлаштирилиши мумкин.

1. Йиртқич, ёввойи ҳайвонларни англатувчи сўзлар: *бўри*, *сиртлон*, *тулки*, *шер*, *йўлбарс*, *тўнғиз*, *айш*, *фил* ва б. Масалан: *Сизни оғзи қон бўри дедим, чунки сизда раҳм йўқ* (А. Қодирий). *Хой, бўрилар, сўзларингдан қайт...* (*Ҳамза*). *Яхшилигингишни унуди тўнғиз...* (А. Қодирий). *Фозил хўжга. — Ўлик соядек эргашиб қолди менга...* *Бўрилар, сиртлонлар кўзлари ёниб, тобора мени қуршаб олишияти* (*Яшин*).

2. Уй ҳайвонлари ва уларнинг болаларини англатувчи сўзлар (лексикализациялашган сўз бирикмалари): *ит*, *эшак*, *ҳўқиз*, *бўта*, *қўчкор*, *қўзи*, *итвачча*, *кучуквачча*, *чўчқа*, *мегажин*, *улоқ*, *така*, *шумтака*, *сассиқтака*, *бузоқ* (амманнинг бузоги) ва б.: *Олиб чиқинг бу итни, кучуквачча арини ҳам йўқотинг* (*Яшин*). *Онағ осилдими, отанг ўлдими, сен етим қолдингми, қайғурма қўзим* (*F. Fулом*). *Бўтам, сиз менга ким бўласиз?* (*С. Аҳмад*).

3. Қушлар ва уй паррандаларини англатувчи сўзлар: *булбул*, *қарға*, *қузғун*, *калхат*, *лочин*, *сарлочин*, *бургут*, *синчалак*, *читтак*, *тўти*, *бойқуш*, *жисблажибон*, *хўроз*, *товорқ*, *жўжса*, *жўжахўр*оз ва б.: *Она тилим, сен борсан, шаксиз, Булбул куйин шеърга соламан. Сен йўқолган кунинг, шубҳасиз, Мен ҳам тўти бўлиб қоламан* (А. Орипов). *Отим — Бердимурод, мен халқимнинг ўғли, Саҳрода сайровчи сайроқ булыгу ли* (Бердақ). Дарҳақиқат. *Фаластин қаршилик ҳаракати...* *Тель-Авив қузғунларининг экспансиячиллик режаларини амалга ошириш йўлидаги асосий ғов бўлиб қолди* («Совет Ўзбекистони»).

4. Газандаларни англатувчи сўзлар: газанда, бақа, тошбақа, күрбақа, илон, чаён, калтакесак, мингоеқ ва б.: Илонсан, тилингдан томади заҳар... (Яшин). Эй чаён, заҳрингни менинг мана бу юрагимга солсанг бўлмасмиди? (Яшин). Мен нодон гендай газандаға шишонганим учун етарли жазбландим (Ш. Рашидов).

5. Ҳашаротларни, қурт-қумурсқаларни англатувчи сўзлар: чигиртка, ўргимчак, зулук, чумоли, бий ва б.: Хон — жаллод, қозикалон — ўргимчак, ясовулбошилар эса зулук эди (Ж. Шарипов). Жалол Мансур: Амир — фил, сизу биз чумоли (Яшин).

Диний-афсонавий тушунчаларни англатувчи сўзлар ҳам метафорик маънода эмоционал-экспрессив бўёқ яратади: алвости, жодугар, хизир, азроил, фариишта, шайтон, иблис, дөв, жаннат, дўзах, жаҳаннам, дажжол, ажина, аждар, аждаҳо ва б.: Яхши рўзгор — жаинат, ёмон рўзгор — дўзах (Мақол).

Қасалликни англатувчи сўзлар ҳам метафорик маънода эмоционал-экспрессив бўёқ ифодалайди: пес, мохов, сил, мараз, куйдирги, кўксов, киёнчиқ, безгак ва б.: из қолмас... миллатбуруши ўша песлардан (Миртемир). Қўлинг торт мендан, э хоин, мунофиқ! Қоч, яқин келма, мараз, бетавфиқ! (Яшин).

Жонсиз предмет, ўсимлик, уй-рўзгор буюмлари, турли предмет номларини, озуқа номларини англатувчи гул, ошқовоқ, думбул, терак, кесак, тош, елим, латта, эгов, тўнка, шакар, асал, кулча, новвот, шоколад, ширмон, сумалак ва шу кабилар метафорик маънода эмоционал-экспрессив бўёқ касб этади. Ўзи ўтакетган елим одам дейшишади (П. Турсун), ... ўйлаб қарасам, думбул эканман, пишигунимча шоширма (И. Рахим). Ҳа, сумаляк, намунча чўзилдинг? (Сўзлашувдан). Хотиним ҳам ғингший бошлиди: «Каллаварам бўлмасам, сенга ўхшаган тўнка га турмушга чиқармидим?» (Муштум).

Ҳайвонлар, қушларнинг товуш чиқариш ҳаракатини англатувчи сўзлар метафорик маънода стилистик бўёқдор бўлади: сайрамоқ, кукуламоқ, акилламоқ, пирилламоқ, ғингшишмоқ, улиммоқ, вақилламоқ, вақирламоқ, вовагламоқ, бўйирмоқ, ўкирмоқ, чийилламоқ ва б.: Э, акиллашиберасан-да, Сафар! — деди бўқоқ. Биз нима деяпмиз-у, сен нима деяпсан! (А. Қодирӣ). Бу билан у (Сайфи Соқиевич) «ғингшиб нима қиласан» дегандай бўйлар, бундан Шерзоднинг баттар ғаши келар, аммо нима қилишини билмасди (Ў. Ҳошимов). Уч талоқ қўйиб кетибди-ку, энди дидингдагини топиб берарсан, кўп вакирилашиб ер ма (М. Исмоилий).

Шуни қайд этиш лозимки, сўзловчининг коммуникатив мақсадига мос равишда метафорик қўллашда баъзи полисемантик сўзларнинг фақат битта семаси актуаллашади. Мас., Оҳ, баҳтсиз маликам! Менинг булбулим... қайдасан. Нега сайдрама ёса? (Яшин) мисолида сайрамоқ сўзининг ёқимли, оромбахш товуш чиқармоқ семаси актуаллашган. Бунда сайрамоқ сўзи ижобий эмо-

ционал-экспрессив бўёққа эга. Қуйидаги мисолда эса бу сўз кескин салбий эмоционал-экспрессив бўёққа эга: *Кўп са йрай ве рема, овозингни ўчири* (сўзлашувдан). Бу ҳолда *сайрамоқ сўзининг «тўхтовсиз ва bemazmun товуш чиқариши» семаси актуаллашган*.

Қуйидаги қўлланишда эса *сайрамоқ сўзининг «азоб бериб, мажбуран гапиртироқ» семаси актуаллашган*: *Мен аниқ биламан, яширган душман, Саройга юборган бу шум жосусни! Рухат бер, са йратай қўлига саншиб иғнани!* (Яшин).

Жаннат, жаҳаннам, дўзах сўзлари ҳам метафорик қўлланганда уларнинг лексик маъно структурасига кирувчи маълум бир семаларнинг актуаллашуви натижасида турли хил кўчма маънолар касб этади. Мас., жаҳаннам сўзи маъно структурасига кирувчи қуйидаги семалар актуаллашади: 1) Чуқур семаси: ... ҳамма гап сувда-да. Мана шу жаҳаннам да оқаётган сувни баланд кўтариб, ҷўлларни обод қиммоқчи бўлган дейдилар (Ойдин). 2) Даҳшатли қийнок семаси: *Нега она тўнгич қизини жаҳаннам азобига ташламоқчи* (И. Раҳим). 3) Жуда қаттиқ иссиқ семаси: *Кун иссиқ бўлса ҳам, ёз ойларининг жаҳаннамига нисбатан бу фаслининг ҳавоси покистонликлар учун жуда мулоҳит, ҳатто салқиндек сезилар эди* (Ойбек). 4) Ҳамма нарсани күйдирувчи даҳшатли олов семаси: *Юрьев батапеялари...* ёв устуга жаҳаннам оташи ёғдирди (И. Раҳим).

Худди шунингдек, Яхши хотин — жаннат. ёмон хотин дўзах мақолида метафорик ишлатилган жаннат сўзининг роҳат семаси, дўзах сўзининг эса *азоб* семаси актуаллашган.

Баён қилинган фикрлар асосида қуйидаги холосаларга келиш мумкин:

1. Баъзан ўзбек тили арсеналидаги мавжуд лексик воситалар сўзловчининг нутқ предметига нисбатан эмоционал муносабатини унинг истаги даражасида ёрқин, образли қилиб ифодалашга ожизлик қиласи. Бу нуқсонни сўзловчи сўзни метафорик қўллаш усули билан бартараф этади, яъни ёрқин эмоционал-экспрессив маънолар ифодалашга эришади.

2. Эмоционал-экспрессив метафорик маъно ҳосил қилиш механизми инсонга нисбат бериб ишлатилувчи барча атамалар (булар сўз туркумларидан асосан от ва феъл билан ифодаланади) учун бир хилдир. Эмоционал-экспрессив маънолар икки усул билан ифодаланади: 1) сўзларнинг асл лексик маъно компонентининг таркибий қисми сифатида; 2) нарса-ҳодиса (кенг маънода) номларининг инсонга нисбатан қўлланиши натижасида ҳосил бўлган метафорик маъно сифатида. Эмоционал-экспрессив метафорик маънолар умумий семалар асосида ҳосил қилинали. Уларда салбий ё ижобий муносабат элементларининг ҳосил бўлиши эса фарқловчи семаларнинг ижтимоий онгда қандай баҳоланишига боғлиқ.

Эмоционал-экспрессив бўёқнинг аффиксация усули билан ифодаланиши.

Сўзга -ча, -хон, -жон, -гина, -кай, -лок, -чак, -чоқ, -вой (бой), -той, -ой, -бону каби форма ясовчи, шунингдек сўз ўзгартувчи (эгалик) аффикслар қўшилиб, ижобий эмоционал-экспрессив маънолар ифодаланади.

Эмоционал-экспрессив маънионинг бу хилда ифодаланиши асл лексик ҳодиса эмас, балки морфологик ҳодисадир. Бироқ айрим аффиксларниг эмоционал-экспрессив маънолари турли хил оттенка билан ифодалашида улар қўшилаётган сўзниг семантик жиҳати ҳал қилувчи аҳамиятга эга бўлиб қолади. Шунинг учун бу аффикслар воситасида ҳосил қилинган эмоционал-экспрессив бўёқни тасвирилашда улар қўшилган сўзларниг семантик хусусиятлари эътиборга олиниши керак.

-ча, -гина, -жон, -чак, -чоқ морфемалари эркалаш, кичрайтиш каби маъноларни ифодалашга хизмат қилиши маълум. Бироқ бу аффиксларниг маъно оттенкалари мавжуд манбаларда кўрсатилган маънолардан анча бой ва хилма-хилдир. Ҳар бир аффикс ифодалаган конкрет эмоционал-экспрессив маъно оттенкалари улар қўшилган сўзниг семантик хусусияти билан чамбарчас бўғлиқ ҳолда рўёбга чиқади. Шундай экан, қандай ҳолларда қандай эмоционал-экспрессив бўёқ оттенкалари ифодаланишини алоҳида кўриб чиқиш лозим бўлади.

-гина аффикси. Бу аффикс омонимлик хусусиятига эга, шунинг учун у қўшилган ҳар қандай сўз эмоционал-экспрессив маъно ифодалайвермаслиги ўз-ўзидан аён. Мас. бу аффикс воситасида: 1) Таъкид ифодаланади: *Она доимо орқасидан юриб у чала қолдирган шиларни бажарапкан. «Ҳа бўйниг и на и г узилмагур, ҳа, оғзингдан бол тушибмагур» деб гапириб юриб ши қиларди* (Сайд Аҳмад). *Шу битта гина Турсунбой уларниг қувончи бўлиб ўсади* (Сайд Аҳмад); 2) -гина аффикси белги англатувчи сўз (асосан сифат)ларга қўшиб ишлатилганда булар англатган белги даражаси меъёрга етмагацлик, нормадан паст эканлик маъноси ифодаланади:— *Йўқ, отахон, олмайман... Менинг соатга қараб қиласидиган шим йўқ...* *Инженер чол ҳам қайсар гина экан, оласан деб туриб олди* (Сайд Аҳмад). *Ичкалидан ўқтин-ўқтин йиғи товуши келиб турибди. Қора гина бир киши шошиб келағди* (Сайд Аҳмад). Қантак ўрик тагида қирқ беш ёшлилардаги хинрўй гина бир жувон тўлганиб ётарди (Сайд Аҳмад). 3) Таъкид-айриш маъноси ифодаланади: *Полсон ёшли кўзларини унга қадади.*— *Битта гина йўл бор. Жон ука, илло-билло йўқ демайсан* (Сайд Аҳмад). *Лутфинисга тош фонарни ёқиб, айвон даҳанига қўйганда гина уни таниди* (Сайд Аҳмад).

-гина аффикси эмоционал-экспрессив маъно ифодалаганда эса қўйидаги холатлар кузатилади.

I. a) Нейтрал (ноъл экспрессив бўёқли) сўзга қўшилиб, эркалаш, ардоқлаш, ҳурмат маъноларини англатади:

Кошлари қундуз қиз гина
Кўзлари юлдуз қиз гина (Кўшиқ)

Ўғлингиз... қўлмидан тутиб орқадаги ҳимоячингиз томон бошиладилар. Бордим. Қарасам, миши мушукларингиз бор-ку, ўша жонивор гина түғиб ётибдилар (Н. Аминов).

б) Нейтрал бўёқли сўзга қўшилади, ундан кейин эса эгалик аффикси қўлланади: *Она боласини бағрига босди. Терлаб тупроқ-қа қоришган юзларидан ўпар, йиғлар эди. Оҳ, болагинам, болагинам* (Сайд Аҳмад). *Она гина минг ийгири масини тўйдек ўтказдим. 120 кило гуруч тушди қозонга* («Тошкент оқшомми»).

II. Аслан стилистик бўёқка эга бўлган сўзга қўшилади. Бунда икки ҳолат кузатилади:

а) ижобий эмоционал-экспрессив маъно англатувчи сўзга қўшилганда, бу маъно янада бўрттирилади: *жажжигина, дўндиққина, дўмбоққина, оппоққина, ширингина, сўлқилдоққина* кабилар: *Сизни ҳам Ҳожи онангиз «сой бўйи» қизларига айлантириб қўймоқчи. Ҳушёр бўлинг, Латифахон, оппоққина Яна ихтиёр ўзингизда,—депти* (F. Фулом). *Мен ўша вақтда сенга ўхшаган оппоққина, дўндиққина жувон эдим* (М. Исмоилий).

б) -гина аффикси салбий эмоционал-экспрессив маънони у қадар кескин ифодаламайдиган тентак сўзига қўшилиб, бу маънони нейтраллаштиради, унга эркалаш маъно оттенкасини қўшади. Бунда -гина аффиксидан сўнг одатда биринчи ва иккинчи шахс бирликни англатувчи эгалик аффикслари қўшилади (эгалик аффиксларининг стилистик хусусиятлари ўз ўрнида кенгроқ баён қилинади): *Жаннат инграгандек жавоб қилди:— Тентак кина мга тансиқроқ бир нима пишириб берай десам, ўтин қолмапти* (Сайд Аҳмад). *Ранги-рўйингга қара, сенга нима бўлди, болам... Нима еб, нима ичиб юрибсан, тентак кина м* (Сайд Аҳмад).

Шуни таъкидлаш керакки, салбий эмоционал-экспрессив маънони жуда ёрқин ифодаловчи сўзларга -гина (кина) аффикси қўшиб ишлатилмайди, чунки бу аффикс ўта кучли ифодаланган салбий бўёқни нейтраллаштиришга ва унга ижобий маъно оттенкаси беришга ожизлик қиласи. Шунинг учун ҳам ярамас, ифлос, каллакесар, аблак, разил каби сўзларга -гина аффиксини қўшиб, ижобий эмоционал-экспрессив маъно англатиб бўлмайди.

Ижобий эмоционал-экспрессив маънони кучайтириш мақсадида баъзан -гина аффикси -жон аффиксидан сўнг қўлланади: *Мунчалар ширинсиз, ўзимнинг ойижон гина м, мунчалар ширинсиз!* (С. Караматов). *Аъзамхон. «Волга»нг гаражда. Эрта мижозларга мол тошишган. Хал ишининг отаси—пил. Акпамхон (суюлади)* *Узгин амининг дадажон гина м* (Х. Фулом).

-жон аффикси. Ижобий эмоционал муносабат, хусусан, кучли ҳурмат, эркалаш маънолари -жон аффикси воситасида ҳам ифодаланади. *Дадажон, мени кечиринг. Мен тинчман. Лутфи соғомон...* (Сайд Аҳмад). — *Ҳаммаси таҳт, аяжон. Ўй ҳам, овқат ҳам бор* (Сайд Аҳмад).

-жон аффикси одатда шахс отларига, шунингдек ижобий баҳоланувчи ҳайвонлар (кийикжон), қушлар (булбулжон, майнажон)

номига қўшилиб, ижобий эмоционал маъно ифодалашга хизмат қилади.

*Гулга кон —
Бу макон.
Булбул жон,
Сайра, жон,
Беармон (Қ ў ш и қ).*

Жон сўзи нутқ қаратилган шахс номидан олдин қўлланганда, одатда сўзловчининг тингловчидан бирор ҳаракат-ҳолатни бажариш ёки бажармасликни чуқур илтижо билан сўраши, баъзан эса ортиқ даражала эркалаш, меҳрибонлик қилиш каби маънолар англашилади:— Жон ака, ўша жойини ўзингиз тифрилай олмайсизми, а? (М.-Исмоилий). Сенга талабгор бўлиб чиқаман. Иккилиб берасан. Жон ука, агар ишнадай қилемасанг, ўзимни ўзим чавақлаб ташлайман (Сайд Аҳмад). Жон опа, ўзингиз ёза қолинг, мен адашиб кетаман. Жон опа (Сайд Аҳмад). Жон хотин, шарманда қилма, оёқ ювган сувингга чой қайнатиб берсанг ҳам ичаман, деб илтижо килибди (Ф. Фулом). Сенга нима бўлди, жон қизим? (С. Караматов).

-хон аффикси қўйидагича семантик гуруҳларга оид сўзларга қўшиб ишлатилади:

1) аёлларга мурожаат қилиш формалари бўлмиш ойимча, гўзал, сулув сўзларига қўшиб ишлатилади: Вой қулоқларингнинг қимирлашига ўзгинам ергиттон бўлай. Уни каранг, ойимча хон, қулоқлари бирам чиройли қимирлайдики... (Ф. Гулом);

2) эркаклар исмига қўшилади: Салим хон, Саттор хон, Турди хон, Аҳмад хон, Азиз хон ва б.: Фофир Фулом ёзибди. Бутун Ўзбекистонга достон қилибди. Менимча, энди Азиз хонга бирор чурқ этмайди (Сайд Аҳмад);

3) ота, она, бола сўзларига қўшилиб ўта ҳурмат, эъзозлаш, эркалаш каби маъноларни англатади: Ота хон, сиз Азиз полвоннинг дадасимисиз? (Сайд Аҳмад). Кўтаришга уриниб, бир куччаниб кўрди. Машина ярим қаричча ўтилди кўтапилди.— Бийлади. Бешовлан бемалол бурворамиз. Келинглар, ака хонлар! (Сайд Аҳмад);

4) овқат, ичимлик номлари (конъяк, палов кабилар)га қўшилиб, уларга ишебатан ёркин ижобий эмоционал мунисабат ифодалашга хизмат қилади: Жуда жала қўйиш кетди. Ҳаво айниди. Шундай чоқда иссиқ ўйу, палов хон бўлса (Шукрулло). Таъбинг бир оз очилдими, конъяк хондан ур (Шукрулло).

Эмоционал бўйқин қуюқлаштириш мақсадида баъзан паловхон сўзидан сўнг тўра сўзи келтирилади: Топиб олганингиз чойхона, ўй-фиркингиз ичкилигу палов хон тўра (М. Абдукаримов). ... сен, дарров савзи арч. Мен бир палов хон тўра ясай, болалар ҳам ҳали замон шидан келишади (Ф. Фулом).

-ча аффикси эмоционал-экспрессив маъно ифодалашга хизмат қилганида бу маъно мазкур аффиксининг кичрайтиш функцияси

билин боғли ҳолда, шу орқали рўёбга чиқади: қизча, ўғилча, қушча кабилар.

Бу аффикс киноя, кесатик маъноларини ифодалашга ҳам хизмат қиласди: ойимча, жононча, хонимча, акача, тоғача каби: *Ҳўш, ойимча, муҳаббат* — ҳаёт зийнати, дил хазинаси. Севги йўлида ширин жон бериш... йўқол, маккор! (Ҳ. Фулом). Ҳа, хонимча. сиз ҳам хўжайинингизнинг ёнини оласиз-да-а? (Ҳ. Фулом). Рашикингиз зўр экан-а! Қўрқманг, хонимча, Салимжонни еб қўймайман (Ғ. Фулом). Киноя маъноси II шахс формасидаги эгалик аффиксларининг қўшилиши билан кучаяди: акачанг, тоғачанг каби.

Бу аффикс аслан ижобий эмоционал-экспрессив бўёққа эга бўлган сўзга қўшилганда, бу бўёқни янада кучайтиради:

Дўндиқчаю мўндиқча
Хизмат қиласай ўлгунча
(Ҳ. Ҳ. Ниёзий)
Сайил-да! Қиз кўп! Ана
Фоз келар бир дўндиқча
(О. Матчон).

Ана кўрмайсанми, бу қандай оппоқ дўндиқча! Мана бу менинг бирдан-бир арзандам, келажакда сенинг хотининг бўлади (С. Айний). Ҳа. буни яхши қилгансиз, айланай сиздан, дўндиқчам (Ойбек).

-лоқ аффикси эркалаш маъносини англатади: бўталоқ, тойлоқ, қизалоқ каби: Ҳа, етим то йлоғим, қайси гўрларда бесару самон йўқолиб кетдинг (Ғ. Фулом). Ҳадича. Болам бечора дарс тайёрлайвериб чўп устихон бўлиб кетди. Үлсин имл шунақа қийин бўлмай. Тура қол, бўталоқ (Ҳ. Фулом).— Феруза соғми? Кута-кута тоқатум тоқ бўлди... Тойлоғими и қачон олиб келасиз? — Тойлоғими из чопқиллаб юрибдими? — деди ниҳоят Азиз (Ҳ. Фулом).

-чоқ, -чак аффикслари ҳам ижобий эмоционал (кичрайтиш — эркалаши, ардоқлаш каби) маъноларни англатади: тойчоқ, қўзиҷоқ, келинчак каби. Тойчоқ, қўзиҷоқ сўзлари метафорик маънода қўлланганда экспрессивлик кучаяди. Мас.: Нозик ҳам бирга борадими? — Боради, боради. Тура қол, қўзиҷоқ (Ҳ. Фулом).

Сен кетдинг
Дилларни ўртаб, ёндириб.
Юракларда қолди алам-тугунчак.
Ҳаётни севардинг,
Кандоқ севардинг
Кўчамизинг кўрки эдинг,
Келинчак
(Э. Вожидов).

-вой (бой) аффикси. Бу аффикс жинни, тентак каби салбий эмоционал маъноли сўзларга қўшилиб, салбий маънони сусайти-

ришга, нейтраллаштиришга хизмат қилади ва шу асосда сўзловчининг тингловчига бўлган яқин, самимий ва оддий муносабатини билдиради: *Тўлан, жинни в ой, Зирилламага борганда ҳам пиқиллайверма. Хотининг эрим мушук бўлиб қолибди деб таёқ билан уриб юрмасин* (Сайд Ахмад). *Тур деяпман, тентак в ой, аданг ҳам «дарров турсин» дедилар* (Х. Фулом).

-вой аффикси болалар шутқида *ада, она* каби сўзларга ҳам қўшиб ишлатилади. Бу ҳолда эркаланиш эмоцияси ифодаланади: *Она в ой, бизлар боғчада қўғирчиқ ясадик, ҳи...* (Болалар нутқидан).

-той аффикси эркалаш муносабатини англатади: *Тура қол, эрката то й! Хўжа то й, тур, соат ўн бўлди. Дарров чойингни ишиб, имтиҳонингни топшириб кела қол. Нима деялти бу ўзидан-ўзи. Ширин то й, тура қол энди* (Х. Фулом).

-лар аффикси ҳам стилистик бўёқ ифодаловчи восита сифатида амал қиласи: а) салбий эмоция англатувчи ибора таркибида бу маънони кучайтиради. *Назирбиби. Агар орзу-ҳавас шунақа бўлса, қуриб лар кетсин-e!* (Шукрулло). б) бу аффикс шахс отига қўшилганда одатда асл ҳурматни (бунда контекст ҳам катта аҳамият касб этади), ҳурмат қилинаётган шахсга тегишли нарса-предметни (кенг маънода) англатувчи сўзларга, шунингдек, предмет ҳаракатини кўрсатувчи феълларга қўшилганда, ўша шахсга бўлган ҳурматни хушомадгўйлик оттенкаси билан ифодалашга хизмат қиласи: ...*Тўрахон ака!... мош мушуклари ингиз борку, ўша жониворгина тугиб ётиб дилар...*—*Бор, Тўрахон, акамнинг мушуклари енгил бўлганлар, атала пишириб бер, дедим* (Н. Аминов).

-ой, -бону каби асл лексик маъносидан четлашган элементлар аёллар исмига қўшиб ишлатилади ва эркалаш, эъзозлаш каби ижобий муносабатни англатади: *Трубкадаги шовқин йўқолиб, Нафисанинг тиниқ товуши янгради...—Нафиса ой!...—деди Азиз ўпкаси юмшаб, қўзларига қайноқ ёш қалқиб келди* (Х. Фулом). *Буларнинг жанжални яқин орада ҳеч адо бўлмайди, Чаманда бону* (Х. Фулом).

Эгалик аффикслари ҳам ижобий ё салбий эмоционал-экспрессив муносабат ифодалашда иштирок этади. Бунда икки ҳолат кузатилади:

I шахс бирлик ва кўплликни кўрсатувчи эгалик аффикси ундалма вазифасида қўлланувчи сўзга қўшилади ва ижобий эмоционал муносабат англатади. Бунинг сабаби шундаки, эгалик аффикси формасидаги сўз англатган предмет (кенг маънода: у шахс, жонсиз предмет ва ҳ. бўлиши мумкин) сўзловчига қарашли бўлади. Мана шу қарашлилик асосида эса ижобий (эркалаш, ўзига яқин олиш каби) муносабат ифодалаш имкони туғилади. *Арслон им, наъра солиб бос ёвни* (Фольклар). *Алла айтай меҳр билан, Ухлаб қол, қўзичоғим* (Фольклор).

Баъзи манбаларда эркалатиш маъноси *арслон, йўлбарс, шер* каби ёввойи ҳайвонлар, *тойлок, тойчоқ, бўталоқ, қўзичоқ* каби

уй ҳайвонлари номларига эгалик аффикси (-м, -им) қўшиш билан ҳам англатилиши атилади. Бу фикрга аниқлик киритиш лозим. Үнда эркалатиш маъносининг ёввойи ҳайвонлар ёки уй ҳайвонларининг номларига эгалик аффикси қўшиб ифодаланиши ҳақида эмас, балки нима учун бу (ижобий эмоционал-экспрессив муносабатни билдирувчи) маъно юқорида кўрсатилган ҳайвонлар номига қўшилганда ифодаланиши мумкинлиги ҳақида фикр юритилиши лозим эди.

1 ап шундаки, 1 шахс эгалик аффикси ҳар қандай ёввойи ё уй ҳайвонлари номига қўшилиб, ижосни муносабат ифодалашга хизмат қиласермайди (тўнгизим, бўрим, шоқолим, эчим, ҳўқизим каю қўллашлар йўқлиги бежиз эмас). 1 шахс эгалик аффикси метафорик қўлланганда ижобий баҳоланувчи тушунча англатувчи ёввойи ва уй ҳайвонлари номларигагина қўшилиб ижобий эмоционал муносабат ифодалашга хизмат қиласади. Бунинг сабаби эса, юқорида айтилганидек, сўзловчи фақат ижобий баҳоланувчи предметларнигина (кенг маънода) ўзига қарашли қилиб гапиради. Демак, бунда психологик фактор ҳам муҳим аҳамият касб этади. Сўзловчининг нутқда салбий баҳоланувчи нарса-ҳодисаларни тингловчига қарашли маъносида (11 шахс эгалик формасида) қўллаши ҳам мана шу психологик фактор билан изоҳланади (*итвачсанг, ҳўқизинг, илонинг* каби қўллашлар салбий эмоционал муносабат ифодалашга хизмат қиласади).

Эгалик аффиксининг эмоционал-экспрессив маъно англатиш учун қўлланиши қўйидагича: стилистик жиҳатдан нейтрал бўёқли үўлган сўзга қўшилари ва эркалаш маъноси ифодаланади:
Уғлиниг аччиқланаётганини кўриб, она сергакланди: Хўп, хўп, болам. Энди гапирмайман (Сайд Аҳмад).

Ака сўзига қўшилган бу аффикс тенгдошлар ёки ёш жиҳатдан бир-оирдан кескин фарқ қиласермайдиган кишилар орасидаги оддий муомалада киноя, ҳазил маъноларини ифодалаш учун қўлланади. *Ҳа, а кам, кўринмай кетдингиз? Оббо, а кам-эй, дунёнинг бир четини гуллатиб юрибман денг?* (Оддий сўзлашувдан).

2. Аслан стилистик бўёқдор бўлган ёки жон, -гина, -ча ва шу каби аффикслардан бирортаси қўшилиши натижасида бўёқдорлик касб этган сўзга қўшиб ишлатилади. Бунда ўша сўзларга хос ижобий стилистик бўёқ кучайтирилади (*дўмбогим, оппоғим, укагинам, қизгинам, дўндиққинам, дўндиқчам, укажоним* каби):
Болагинам қаерларда юрганикин? (Сайд Аҳмад).

II шахс эгалик аффикси ҳам ижобий эмоция англатишга хизмат қиласади. Бу ҳолда: 1) севиш, эркалаш эмоцияси тингловчига қарашли бўлган предметни (кенг маънода) англатувчи сўзларга аввал эркалаш аффикслари (-гина, -жон, -ча кабилар), сўнг эгалик аффикси қўшиш орқали ифодаланади: — Ҳа, болагинаг кўпайгур-а, бу нима қилик, ҳали ҳам ётибсанми? (Сайд Аҳмад). — Чой ичмадинг-ку, чой гинагни ичмадинг-ку, тентагим (Сайд Аҳмад). Икроммисан? Тинчмисан, болам? Арзанда-

и на нег ўйнаб-кулиб юрибдими? (Сайд Аҳмад); 2) эгалик аффикси билан қўлланувчи сўз англатган шахс сўзловчи ва тингловчи учун бир хилда яқин бўлса, эркалаш, ҳурмат эмоцияси фақат тингловчига эмас, сўзловчига ҳам бирдек тегишли эканлиги маъноси англашилади: *Мана, бормаганингдан дада ги на нег но нуштани кутиб-кутиб, оч-наҳор қишлоққа тушиб кетибди* (Сайд Аҳмад).

Онанинг болага мурожаатини тасвирловчи бу гапда *дада* сўзи англатган шахс сўзловчи учун ҳам (унинг ёстиқдоши), тингловчи учун ҳам (унинг отаси) бирдек яқин. Яна бир мисол: *У хотинини кўриб аччиқланди.— Ўзинг келяпсанми?... ўғлингга айтсанг бўлмасмиди? Неча марта айтамин, юк кўтарма деб,— Жаннат ҳечқиси йўқ дегандек илжайди.— Турсунбой ги на негиз ухлаяти... Уйғотгим келмади* (Сайд Аҳмад). (Бунда Турсунбой сўзловчи ва тингловчи шахсларнинг фарзанди).

Ундалма функциясида қўлланган *дадаси, онаси, ойиси* каби сўзлар составида қўлланган III шахс формасидаги эгалик аффикси ҳурмат маъноси ифодалашга хизмат қиласи:— *Ҳа, келинг, дада си. Ўғлингизни нима қилдингиз?*— *Қўчириб келдим, ой иси...* (А. Муқимов). (Бундай қўлланышлар эвфемистик характерда бўлиб, «болаларимнинг дадаси, онаси» ибораси билан боғлиқ бўлган деб тахмин қилиш мумкин. Буни оддий сўзлашувда қўлланувчи «Ҳа, акаси ининг укаси, соғ-омон юрибсизми?» каби иборалар ҳам тасдиқлайди).

Опаси, шу холангизга жой беринг. Акаси, шу кўчатларни уйнингга олиб кет каби гапларда қўлланган *опаси, акаси* сўзлари таркибидаги эгалик аффикслари ўз асл функцияларида идрок этилмайди. *Опаси (акаси) айлансин* типидаги бирималарнинг компонентлари эллипсисга учраши натижасида пайдо бўлган бу мурожаат формаси ёш жиҳатдан катта бўлган сўзловчининг тингловчига нисбатан эркалаш ёки юмшоқ формада илтимос қилиш маъноларини англатади (тengdoшлар орасидаги муомалада бу сўзлар ҳазил, киноя маъноларини ифодалайди).

Эмоционал-экспрессив бўёқнинг контекстуал ифодаланиши. Контекст воситасида: 1) стилистик бўёғи нейтрал бўлган сўз стилистик бўёқ касб этади. 2) аслан стилистик (эмоционал-экспрессив) бўёқдор бўлган сўз ўз стилистик бўёғига зид стилистик бўёқ касб этади.

I. Нейтрал сўзнинг стилистик бўёқдор бўлиб қолиши маъно кўчиши асосида содир бўлади. Мас., *Шу ҳам уй бўлдими, каталақ-ку* («Муштум») мисолидаги стилистик жиҳатдан аслан нейтрал бўлган *каталақ* сўзи шу контекстда кўчма маънода — *жуда тор* деган маънода қўлланган ва айни пайтда сўзловчининг нутқ предметига нисбатан кескин салбий эмоционал-экспрессив муносабатини билдирган. Бунда *каталақ* сўзи ўрнида жуда тор биримасини ишлатиши мумкин. Бироқ бу ҳолда нутқ предметига нисбатан сўзловчининг салбий эмоционал-экспрессив муносабати ифодаланмай қолган бўларди. Яна қиёсланг:

Ягона гул, дурдона, ҳей,
Анор и дона-дона
(Қўшиқ)

Бу контекстда гул сўзи қиз сўзи маъносида қўлланиб, ёрқин ижобий эмоционал-экспрессив муносабат ифодалашга хизмат қилмоқда. Анор сўзи ҳам кўчма маъно касб этиб, кучли ифода воситаси сифатида амал қилмоқда.

Айни бир сўз турли контекстда турли маъно ва стилистик бўёқ касб этади. Мас., *калла* сўзи шундан хусусиятга эга: *Оббо, калла-еї, шу масалани ҳам ечолмадингми?* (с ўзлашувдан) гапида калла сўзи *беақл* маъносида қўлланиб, салбий эмоционал-экспрессив муносабат ифодалашга хизмат қиляпти.

Зап калласи бор-да, калласи зўр шилайди каби қўллашларда бу сўз ақл маъносини англатади ва ижобий стилистик бўёқ касб этади. Қуйидаги контекстда ҳам *калла* сўзи ақл маъносини англатади. «*Қўрқманг,—деди ўшанда профессор Шерзодни юпатиб: Бу мия чарчашидан бўлади... Ўйламанг*». «*Одам ўйламаса, калла нимага берилган,—Шерзод каравотни гирчиллатиб чалқанча ётиб олди.—Бирон дақиқа ўйламай туриш мумкин-ми?*» (Ў. Ҳошимов).

Бироқ бунда, юқорида келтирилган контекстлардагидан фарқли равишда, *калла* сўзи стилистик жиҳатдан нейтралдир. Бу ҳодиса контекст характери билан боғлиқдир: биринчи ҳолда белги англатувчи *зап*, *зўр* сўzlари калла сўзининг ижобий эмоционал-экспрессив бўёқ касб этишига асос бўлган. Сўнгти контекстда бундай асос йўқлиги сўзни стилистик бўёқдан маҳрум қилган.

II. Аслан стилистик бўёқдор сўзниг тескари стилистик бўёқ касб этиши икки турли контекстда: 1) макроконтекст (кенг контекст)да ва 2) микроконтекст (тор контекст)да содир бўлади.

Макроконтекст бирор воқеа-ҳодиса ҳақида кенг, атрофлича информация берувчи кенг нутқий парчадир. У икки ва ундан ортиқ гаплардан ташкил топади ва бирор сўзниг стилистик бўёқ касб этганилиги шу контекст мазмунни фонида аён бўлади.

Сўзларниг тескари стилистик бўёқ касб этиши шу контекст мазмунига зид қўйилиши асосида содир бўлади: салбий баҳола-нувчи воқеа-ҳодиса тасвири берилган контекстда қўлланган ижобий эмоцион-экспрессив бўёқли сўз салбий бўёқ касб этади ва аксинча, ижобий мазмунга эга бўлган контекст фонида салбий бўёқли сўз ижобий эмоционал-экспрессив бўёқ касб этади. Мас., «Совет Ўзбекистони» газетасида берилган бир лавҳада чайқовчилик билан шуғулланган олтиариқлик баязи шахсларниг кирди-корлари фош этилган текст (бу текст бир қанча гаплардан таркиб топган) макроконтекст бўлиб, унинг охирида «*Балли, олтиариқлик азаматлар!*» деган гап берилган. Бу гапда қўлланган *балли*, *азамат* сўzlари аслида ижобий эмоционал-экспрессив бўёқли сўзлардир, лекин юқоридаги ҳолатда — салбий мазмунли макроконтекст фонида бу сўзлар тескари стилистик бўёқ касб этиб, аччиқ кесатиқ, киноя каби маъноларни англатишга хизмат қилган.

Шу лавҳадан яна бир мисол көлтирамиз. Бунда ҳам салбий мазмун ифодаланган макроконтекст ижобий стилистик бўёқли шоввоз сўзининг тескари стилистик бўёқ касб этишига асос бўлган (бундай сўзлар одатда қўштириноқда берилади): *Фарғона водийсидан Москва шаҳрига юқ олиб борувчи «шоввоз»ларнинг асосий хизматчилари*, беминнат дастёри 33-поезд экан.

Ленин орденли илгор пахтакор Аҳмаджон Шукуревнинг ҳаёти ва меҳнат фаолияти тасвириланган «Қандингни ур, «Чатоқ!» лавҳасида («Муштум»), салбий стилистик бўёқли чатоқ сўзи ижобий стилистик бўёқ касб этиб, ижобий муносабат ифодалашга хизмат қилган (Чатоқ сўзининг сарлавҳада қўштириноқда берилиши ҳам шунга ишора қилиб туради). Шу лавҳадан кичик парча келтирамиз: *Аҳмаджоннинг чатоқлиги сиртдан қарагандага унчалик бўртиб кўзга ташланиб турмайди. Унинг чинакам чатоқлиги, чинакам ўжарлиги кенг паҳта даласида яққол кўринади-қолади.* ...Аҳмаджон Шукуревни бекордан-бекорга ҳурмат қилишимайди. Қаранг, ҳосилдорлик гектаридан 21 центнердан эди. Эндиликда 60 ни кўзлаб туришибди. Қандингни ур, Аҳмаджон «Чатоқ!»

Бундай қўлланишларда баъзан сўзининг салбий эмоционал-экспрессив бўёғи ижобий оттенка касб этганини бу типдаги сўз билан ижобий эмоционал-экспрессив муносабат англатувчи сўзининг синтактик конструкция таркибида ёнма-ён қўлланиши ҳам кўрсатиб туради: *Тупроқ қазиб, дўнгга ташидим. Йигирма тўрт кубометр тупроқ ўпирдим. Ўпирганимни юқорига ўзим ташидим...* Икромжон ўрнидан турраб (АЗИЗХОННИНГ) елкасидан қучди,— Оббо аз амат-э, оббо эси йўқ-е!

(Сайд Аҳмад)

Аслида эси йўқ лексикализациялашган биримаси салбий эмоционал муносабат ифодалайди. Бироқ келтирилган гапда у ижобий муносабат (эркалаш муносабати) ифодалашга хизмат қилмоқда. Акс ҳолда эси йўқ лексик бирлиги номинатив маъносида ижобий эмоционал муносабат ифодаловчи азamat сўзи билан бир контекст доирасида, бир хил функцияда қўллана олмаган, у билан семантик оппозиция ҳосил қилган бўлар эди. Демак, зид стилистик бўёқли сўзларнинг бир гап доирасида қўллана олиши улардан бирининг ўз стилистик бўёғини йўқотиб, бошқаси билан бир хил стилистик бўёқли бўлиб қолганлигини кўрсатувчи муҳим белгилардан биридир.

Микроконтекст сўз қўлланаётган кичик бир нутқий парча, яъни гапдир. Сўзининг тескари стилистик бўёқ касб этиши шу гап доирасида содир бўлади. Балли сўзининг микроконтекстда тескари стилистик бўёқ касб этишини кузатайлик. Бу сўз аслида ижобий эмоционал-экспрессив бўёқли сўздир: *Аммо лекин юзингизни ерга қаратмайман: қанақа иш бўлса ярайман. Тог қўйпор дессангиз, қўйпораман.— Ҳа, балли, деди чол* (Сайд Аҳмад). Охунбобоев мамнун илжайди-да, чой ичиб ўтирган Эш полвон олдига келиб елкасига қокди. *«Ориятингга балли, Эшмуҳаммад, сендан жуда хурсандмиз* (Сайд Аҳмад).

Бунда балли сўзининг ижобий эмоционал бўёғи билиниб турди, чунки бу контекст мазмунидан тасвирланаётган воқеалар ижобий баҳоланишга лойиҳ эканлиги аниқ кўриниб турди. Худди шунинг учун бу сўз асл эмоционал-экспрессив маъносида идрок этилади. Қуйида эса у салбий бўёқ касб этган: *Балли-эй, олтиариқликлар шаънига доғ туширган учарлар* («Совет Узбекистони»).

Бунда балли сўзининг тескари стилистик бўёқ касб этишида шу сўз билан мазмун алоқасига киришган *доғ туширмоқ*, учар сўзлари англатган тушунчаларнинг мантиқан таҳсинга сазовор бўла олмаслиги, яъни балли сўзи англатувчи ижобий баҳога зид келиб қолиши асос бўлган. Бундай ҳолни *Қоийл, ёлғонни ҳам дўйндиридинг. Ҳа, шер, ваъдага вафо қўлладилар-ку*, гапларидағи қойил, метафорик қўлланган *шер* сўзларининг тескари стилистик бўёқ касб этишида ҳам кўриш мумкин.

Юқоридагилардан кўриниб турибдики, макроконтекстда ҳам, микроконтекстда ҳам сўзининг тескари стилистик бўёқ касб этиши зидланиши асосида амалга ошади. Биринчи ҳолда сўзининг тескари стилистик бўёқ касб этиши унинг кенг контекст мазмунига зид қўйилиши асосида, иккинчи ҳолда эса гап составидаги бирор сўз англатган тушунчага зид қўйилиши асосида содир бўлади.

Контекстда стилистик бўёқ касб этган сўз одатда жуда кучли бадиий тасвир воситаси сифатида хизмат қиласади.

ФУНКЦИОНАЛ-СТИЛИСТИК ВА ФУНКЦИОНАЛ-ЭКСПРЕССИВ ЛЕКСИКАНИНГ УЗАРО МУНОСАБАТИ

Ўзбек адабий тилининг стилистик дифференциация қилинишиниг ҳар икки — функционал-стилистик ва функционал-экспрессив жиҳати бир-бири билан анча зич алоқададир. Бу ҳол шу нарса билан изоҳланадики, лугат составидаги лексик воситаларнинг функционал нутқ турларига биркитилиш қонуниятлари кўп жиҳатдан бундай воситаларда эмоционал-экспрессив бўёқдорликнинг мавжудлиги ёки мавжуд эмаслигига ҳам боғлиқдир.

Дарҳақиқат, китобий ва сўзлашув лексикасига эътибор берилса, китобий лексиканинг асосан бадиий, публицистик нутқ турлар (стиллар)ига оид қатламлари эмоционал-экспрессив бўёқ-қа эга эканлигини кўриш мумкин. Илмий, расмий иш стилларида қўлланувчи лексика бундай белгидан кўп вақт холи бўлади.

Бу ҳол ҳар бир функционал нутқ турининг маълум бир коммуникатив мақсадга қаратилганлиги билан изоҳланади. Мас., илмий ва расмий иш стилларининг коммуникатив характери қатъий мантиқий фикр юритиши, тадқиқот объекти бўлган нарса, ҳодисалар номларини турлича изоҳлашга йўл қўйилмайдиган даражада аниқ аташни талаб қиласади. Шунинг учун ҳам бу стилларда бир маънолиликни таъминловчи терминларнинг кўп қўлланниши характерлайдир. Эмоционал-экспрессив бўёқдор (юқори ва паст стилистик

бўёқли) лексиканинг бундай услубларда қўлланиши талаб қилин-
маслиги ўз-ўзидан аён. Чунки бундай лексика нутқ предмети бўл-
миш воқеа-ҳодисаларга сўзловчининг субъектив эмоционал му-
носабатини билдириш талаби билан қўлланадики, бундай талаб
воқеликни образли акс эттирувчи бадиий услугба, қисман эса пуб-
лицистик ва сўзлашув услубларига хосдир.

Айтилганлардан маълум бўладики, луғатларда «китобий»,
«сўзлашув», «поэтик» каби пометалар (бу пометалар сўзнинг
функционал-стилистик хусусиятини акс эттиради) билан берилган
сўзлар нутқнинг маълум функционал турида ишлатилишга хосла-
ниб қолган.

Эмоционал-экспрессив бўёқдор лексиканинг луғатларда «юқо-
ри услуг» пометаси билан берилувчи ва ижобий баҳо англатувчи
қисми асосан китобий услугда қўлланишга хосланган. Мас., ҳай-
ратомуз, гегемон, даҳо, мозий, монолит бирлик, ипак тола ижод-
корлари каби сўз ва иборалар нутққа тантанавор тус беради ва
аксарият ҳолларда китобий услугда қўлланади. Щу билан бирга,
нутқнинг маълум бир функционал-стилистик турида қўлланувчи
сўзларнинг белгиларига эътибор берилса, сўзларнинг функционал-
стилистик дифференциация қилиниши асосида аслида уларнинг
эмоционал-экспрессив (экспрессив-стилистик) белгилари ётиши
маълум бўлади. Бу ҳол, гарчи сўзлар функционал-стилистик ва эмо-
ционал-экспрессив каби икки аспектда фарқлансалар ҳам, аслда бу
аспектлар ўзаро алоқадор эканлигини кўрсатади. Дарҳақиқат, лу-
ғат составидаги эмоционал-экспрессивликни англатувчи сўзлар маъ-
лум бир функционал стилларга биркитилган бўлади. Хусусан, «Ўз-
бекча-русча луғат»да (М., 1959) бран. — бранное слово, выраже-
ние — сўкиш сўзи, ибораси, «вульг.— вульгаризм» (дағал, қўпол
сўз), «неодобр.— неодобрительно — манфий маънода», «през.—
презрительн.— жирканч», «пренебр.— пренебрежительно — менси-
маслики ифода қиласидиган сўз», «шутл.— шутливое слово — ҳа-
зил сўз, ибора» каби пометали сўзлар бу сўзларнинг стилистик
классификация қилинишининг иккинчи — функционал-экспрессив
жиҳатини кўрсатади. Айни пайтда бу типдаги сўзлар функционал-
стилистик жиҳатдан асосан сўзлашув услубига оид эканлигини
пайкаш қийин эмас.

Шундай қилиб, ўзбек адабий тили лексикасининг функционал-
стилистик ва функционал-экспрессив каби икки хил стилистик ас-
пектда тасвирланиши бу аспектларнинг бир-бири билан зич боғ-
лиқлиги ва чуқур муносабатдош эканлигини кўрсатади.

ЎЗБЕК АДАБИЙ ТИЛИ ЛЕКСИКАСИННИГ ФУНКЦИОНАЛ-СТИЛИСТИК ХАРАКТЕРИСТИКАСИ

Ўзбек тили системасидаги лексик бирликларнинг нутқда танланиб ишлатилиши тилнинг социал ҳодиса сифатида иносон фаолиятининг турли соҳалари билан боғлиқ бўлган функцияларга мослашганлиги билан изоҳланади.

Сўзларнинг қўлланиш доираси ва хусусиятлари тил воситаларининг нутқ турларига кўра ажратилишини, бу ҳол эса адабий тилнинг бир қанча стилларнинг жамлигидан иборат эканлигини кўрсатади.

Тил воситаларининг маълум бир функционал стил (нутқ тури) га хосланиш хусусияти фақат лексикада эмас, фонетика ва айниқса грамматика соҳасида ҳам кузатилади.

Грамматик воситаларнинг стилистик дифференциацияланиб қўлланиши деярли барча грамматик муносабатларнинг ифодаланишида кўринади. Хусусан, расмий иш услуби ва илмий услубда қўлланувчи сабаб эргаш гапли қўшма гаплар одатда *шу сабабли, чунки боғловчилари воситасида шаклланади*. Чунки боғловчисининг синонимлари бўлмиш *негаки, нега десангиз, сабабки, сабаб десангиз* каби боғловчилар эса оғзаки нутқда қўлланади.

Баъзи боғловчилар эса қатъий стилистик белгига эга эмас. Мас., *шунинг учун, чунки боғловчилари расмий нутқда ҳам, сўзлашув нутқида ҳам, хуллас, барча нутқ турларида қўлланаверади*. Бу хусусиятлари билан улар қатъий стилистик белги (маркировка)га эга бўлган бошқа боғловчилардан фарқ қиласди.

Чунки боғловчиси қўлланган конструкциялар илмий, публицистик ёки расмий услугба оид бўлса, бу боғловчини унинг бошқа синонимлари билан алмаштириб бўлмайди. Мас., *Барча совет кишилари сингари совет коммунистлари ҳам КПССнинг давлат ва жамиятимиздаги раҳбарлик роли Конституцияда мустаҳкамлаб қўйилганлигидан партия учун асло қандайдир имтиёзлар келиб чиқмаслигини жуда яхши тушунадилар*. Аксинча, бу партия зимиасига оширилган масъулият юклайди, чунки КПСС ўзининг раҳнамолик йўлини ҳокимиятнинг кучи билан эмас, ўзининг юксак обрў-эътибори ва оммага ўтказадиган ғоявий таъсири орқали амалга оширади («Совет Ўзбекистони») мисолидаги чунки боғловчисини айни шу боғловчи ифодалайдиган сабаб — асос маъносини ифодаловчи *нега десангиз, негаки, наинки* каби боғловчилар билан алмаштириб бўлмайди. Бунга текстнинг характеристи — унинг сиёсий-публицистик руҳи, публицистик услугба оидлиги монелик қиласди.

Шундай қилиб, ўзбек адабий тили стилистик жиҳатдан бир қанча турларга бўлинади. Адабий тилнинг стилистик жиҳатдан дифференциация қилиниши тушунчаси унинг ижтимоий функцияларининг кенгайиши тушунчаси билан чамбарчас боғлиқдир. Дарҳақиқат, Улуғ Октябрь социалистик революциясидан сўнг ўзбек халқининг ҳаёти ва жамият структурасида содир бўлган чуқур ре-

волюцион ўзгаришлар, ўзбек халқининг илмий, маданий, ижтимои-иёсий даражасининг мисли кўрилмаган даражада тез суръатлар билан юксалиб кетиши, революция туфайли ҳаётнинг турли соҳаларига оид бўлган янги тушунчаларнинг пайдо бўлиши ўзбек тили функционал доирасининг кенгайишига олиб келди ва унинг амал қилиш (иш кўриш) формаларида ўз аксини топди.

Ўзбек адабий тили таркибида ўзбек халқининг янги ижтимои-иёсий ҳаёти, социалистик турмуш тарзини акс эттирувчи қўйидаги функционал услублар чегараси аниқ кўзга ташланадиган бўлиб қолди: сўзлашув услуби, бадиј услуб, публицистик услуб, илмий услуб ва расмий иш услуби.

Функционал стиљ дейилгандаги биз ўз таркибий қисмларидаги элементларининг нисбатан турғунлиги билан фарқланувчи мураккаб нутқий системани англаймиз. Бу элементлар, юқорида кўриб ўтганимиздек, лексикага ҳам, грамматикага ҳам оид бўлиши мумкин.

Лексикология бўлимида бизнинг диққат марказимизда, албатта, лексик воситаларни стилистик чегараланиши масаласи туради. Шу жиҳатдан қараганда жуда кўп сўзлар маълум бир нутқ услубларида қўлланишга хосланиб қолган.

Ўзбек тилидаги мавжуд луғатларда қўйидагича стилистик по-металар берилганини кўрамиз: разг. уст. (эскирган, сўзлашувга хос сўз), офиц. (расмий сўз, ибора), поэт. (поэтик сўз), неодобр. (манфий маънода). («Ўзбекча-русча луғат, М., 1954»; «китобий», «оддий сўзлашувга хос» (Азим Ҳожиев. Ўзбек тили синонимларининг изоҳли луғати, Тошкент, 1974) ва б. Бу по-металар кўпгина сўзларнинг маълум нутқ стиллари доирасидагина қўлланадиган бўлиб қолганини кўрсатади. Бу ҳол лексикани объектив равища стилистик жиҳатдан классификация қилиш имконини беради.

Дарҳақиқат, оптика, хромосом, анемия, пальпация, нейтрали-тет, нейтрон, невроз, авага-чавага, гапирмоқ, пўнғилламоқ, мин-ғилламоқ, даҳо, офтобсиймо, врач, шифокор, дўндиқчаю-мўндиқча, лаб, дудоқ, киприк, мужда, учрашув, висол, суллоҳ, даюс, емоқ, жигилдонга урмоқ, уриб ташламоқ (одобга риоя қилмай еб қўймоқ) каби сўзлар турли хил нутқ услубларига оидdir. Хусусан, оптика, хромосом, анемия, нейтрон, невроз, пальпация сўзлари илмий услугба; тўнғилламоқ, авага-чавага, минғилламоқ каби сўзлар сўзлашув услугига, офтобсиймо, даҳо, нурафшон каби сўзлар эса поэтик услугба оидdir.

Сўзларни стилистик жиҳатдан классификация қилиш уларнинг эмоционал-экспрессив хусусиятлари билан чамбарчас боғланаб кетади. Эмоционал-экспрессив хусусиятга эга бўлган лексика нейт-рал лексик қатламдан фарқли равища сўзловчининг маълум бир ҳодисага муносабатини ифодалайди. Бу муносабат ижобий ё салбий бўлади. Эмоционал-экспрессив бўёққа эга бўлган лексика одатда сўзлашув ва бадиј нутқларда кўп қўлланади. Эмоционал-экспрессивликнинг характеристига кўра бундай маънони ташувчи сўз маълум нутқ услубларида қўлланишга хосланган бў-

лади. *Мас., моҳитобон, нурафшон, сиймо, офтобжамол, парирӯй* каби сўзлар поэтик нутқда қўлланади. Булар ва бу каби сўзлар эмоционал-экспрессив муносабат ифодалаганликлари учун шундай муносабатни ифодалашга мўлжалланмаган илмий ёки расмий иш услубларида қўлланмайди.

Демак, лексиканинг эмоционал-экспрессив муносабат ифодалаш хусусиятлари ёки бундай муносабат ифодалашдаги нейтраллиги унинг қайси нутқ услубига тегишли бўлишини ҳам белгилаб беради. Ҳозирги ўзбек адабий тилида стилистик жиҳатдан лексиканинг қўйидаги қатламлари ажратилади: 1) стилларарапо (нейтрал) лексика, 2) ёзма нутқ лексикаси, 3) оғзаки нутқ лексикаси.

Стилларарапо (нейтрал) лексика

Барча нутқ услубларида бирдек қўлланаверадиган сўзлар стилларарапо лексик қатламни ташкил этади. «Стилларарапо» термини бу лексик қатламнинг барча нутқ услубида бефарқ қўлланавериш хусусиятини акс эттиради. Стилларарапо лексик қатламга оид сўзлар эмоционал-экспрессив бўёқдорлик жиҳатдан бетараф, нейтрал ҳолатдадир. «Нейтрал» термини бу лексик қатламнинг мана шу хусусиятига ишора қиласди. Стилларарапо лексика борлиқ ҳодисаларининг асл номини англатади. Нейтрал лексика умумлексиканинг асосини ташкил этади. Шунинг учун ҳам барча муҳим ҳаётий предмет, ҳодиса, ҳаракат, ҳолат, белги, хусусият тушунчалари нейтрал лексика орқали ифодаланади: *ош, нон, юз, кўз, қулоқ, ўй, тун, гапирмоқ, ёзмоқ, ҳусн, ичмоқ, емоқ, ухламоқ, ишонч, ўйва б.*

Стилларарапо лексика маълум нутқ услубига хос бўлган бўёқдорликдан маҳрум, лекин бу ҳол мазкур лексика умуман ифодалик, тасвирийликдан маҳрум деган холосага олиб келмаслиги керак. Қўйида мисол тариқасида келтирилган парчалар нейтрал лексика турли нутқ услубида қўлланаверишини аниқ кўрсатади:

Бадий услубдан мисол: *Баҳор қуёши кўкнинг тиниқ ферузасида Ҳиротнинг «Гавҳаршод» мадрасасининг ҳайбатли гумбази устида порлар, гумбазнинг аз амат пештоқларининг нақшлари шуъзлаларда жонли, ҳавоий бир чаманзор каби турли-туман олов ранглар чақнатар, кабутарлар дам учиб, дам сирпаниб қўниб, гумбаз теварагида қувонч билан иноқ ўйнашар эди* (Ойбек).

Бу парчада тиниқ, ҳайбатли, гумбаз, уст, пештоқ, нақш, шуъзла, жонли, чаманзор, турли-туман, олов ранг, учмоқ, дам-дам, сирпанмоқ, қўнмоқ, қувонч, иноқ, ўйнамоқ сўзлари нейтрал лексика ҳисобланади.

Сўзлашув услубидан мисол: *Ҳамробуви* (шовқин солиб): — Жодугар илму амал қилгандан кейин нима деб ёзар эди, яхши деб ёзади-да!..

Холнисо. *Вой, қуда... йўқ, қўшини, оғзингизга қараб гапиринг. Жодугар деб бир айтдингиз, индамадим, икки айтдингиз, индамадим.* (Шовқин солиб) Ким жодугар?! (А. Қаҳҳор).

Ҳамробуви. Ҳу, турқинг қурсин!..

Ҳафиза (ҳайрон бўлиб). Нима бўлди? (А. Қаҳҳор).

Мавлон. Мен Деконбойни билмаган эканман. Деконбой мени обрўйимдан маҳрум қилмоқчи деб ўйлабман. Ҳафиза кетса, Деконбой ҳам кетади деган хаёлда шу ишини қилган эдим. Лекин кўзим очилди. Кечалари чиқиб комсомол участкасини кўрдим!.. Уйладим. Бугун яна ўйладим. Деконбой мени эмас, мен Деконбойни хафа қилган эканман. Шундан кейин опамга бошқа хат ёздим. Мана, яшикка ташламоқчи эдим, ҳозир ташлагани келган эдим (А. Қаҳҳор).

— Ма, Деконбой, ўқи! (А. Қаҳҳор).

Рахимжон. Бай-бай-бай! Ҳай аттанг! (А. Қаҳҳор).

Бўстон (бирдан). Войдод! Ноқобил ўғилнинг дастидан дод! (А. Қаҳҳор).

Бу парчада ишлатилган қилмоқ, кейин, нима, яхши, ёзмоқ, ўйқ, оғиз, гапирмоқ, мен, билмоқ, ўйламоқ, кетмоқ, хаёл, иш, кўз, комсомол, бугун, опа, хат, бошқа, келмоқ ва бошқа шу каби сўзлар нейтрал лексикани ташкил этади.

Публицистик услубдан мисол: Улуғ Октябрнинг 60 йиллиги нишонланган ва мамлакатимизнинг янги Асосий Қонуни — СССР Конституцияси қабул қилинган йил ниҳоясига етмоқда. Бу йил бутун совет халқи сингари республикамиз меҳнаткашларига ҳам олам-олам қувонч ва улкан зафарлар келтирди. Саноатимиз марди-майдонлари, қишлоқ хўйсалик меҳнаткашлари, ижодкор зиёлиларимиз шавқ-завқ билан ишлаб, ўнинчи беш йилликнинг иккинчи йилини зарбдор меҳнат билан якунламоқдалар. Беш йилликнинг учинчи йили топшириқларини СССР Конституцияси қабул қилинган куннинг бир йиллигида бажарии юзасидан Тошкент ишичлари бошлигар ҳаракат бутун республикамизга кенг ёйлиб, барча колективларнинг жанговар шиорига айланишига шубҳа ўйқ! («Совет Узбекистони»).

Бу парчада ҳам нейтрал лексикага оид сўзлар кўп учрайди. Булар қуйидагилар: 60 йил, мамлакат, янги, бу, халқ, республика, меҳнаткаш, ҳам, саноат, ижодкор, зиёли, билан, шиламоқ, ўн беш, йиллик, иккинчи каби сўзлар барча нутқ услубларида бирдек қўлланаверувчи нейтрал лексикадир.

Расмий иш услубидан мисол: 2-модда, СССР Конституциясининг 135-моддасига биноан депутатлар сайлаш умумийдир. СССРнинг 18 ёшга кирган барча граjdанлари уларнинг ирқи ва миллати, жинси, диний эътиқоди, билим даражаси, ўтроқлиги, ижтимоий чиқиши, мол-мулки ва ўтмишдаги ишидан қатъи назар, СССР Олий Советига депутатлар сайлашда қатнашиш ҳуқуқига эгадирлар. Қонунга мувофиқ тартибда ақлдан озган деб топилган кишилар бундан мустаснодир.

110-модда. Мансабдор шахс ёки сайлов комиссиясининг аззоси сайлов ҳужжатларини қалбакилаштирса, берилиган овозларни атайин нотўғри ҳисобласа ёки яширин овоз бериши тартибини бузса, қонунга мувофиқ белгиланган жинои жавобгарликка тортилади (СССР Олий Советига сайлов тўғрисида Низом, Тошкент, 1970). СССРда барпо этилган социалистик тузум пенсия таъми-

нотини гарантиялайди... (Совет Социалистик республикалари Иттифоқининг қонуни. Давлат пенсиялари тұғрисида. Тошкент, 1975).

Келтирілгандықтан көзіндеңдегі текстлердегі *конституция, сайлаш, умумий, 18 ёш, улар, ирқ, миллат, жинс, билим даражасы, мол-мұлк, ұтмиш, иши, ұхқық, қатнашиш, киши, бу, атзо, хужжат, атайин, яширин* ва шу каби сүзлар нейтрал услугуга мансуб лексикалар.

Илмий услугдан мисол: *Эритритлар «фазовий химия», яъни стериохимияда моносахаридларнинг конфигурациян тузилишини аниқлаш учун ишлатилади.* (О. С. Содиқов ва бошқалар. Органик химия, Тошкент, 1971). Кейинги йилларда бутадиондан стереорегуляр тузилишига эга бўлган ва совукқа чидамли, чўзилувчан, мустаҳкам, кам емирилувчан хоссаларга эга каучуклар олинди (*Кўрсатилган китоб*).

Бу парчада қўлланган яъни, тузилиш, аниқлаш учун, ишлатилмоқ, кейинги, ийл, совук, чидамли, чўзилувчан, мустаҳкам, олинмоқ каби лексемалар нейтрал услугуга оиддир.

Шу билан биргаликда, юқорида кўриб үтилган парчаларда фақат айни бир услугуга оид бўлган, бошқа услугубларда қўлланмайдиган, яъни нейтрал бўлмаган лексика ҳам мавжуд. Хусусан, Ойбек романидан олинган парчада қўлланган *кўк* (осмон маъносида), *феруза, ҳавоий, порламоқ, олов ранглар, чақнамоқ* каби сўз ва иборалар асосан бадиий услугуда, А. Қадҳорнинг «Янги ер» (*«Шоҳи сўзана»*) пьесасидан олинган парчада *илму-амал қилмоқ,вой, оғизга қараб гапирмоқ, ҳу, турқ, (кўз)и очилмоқ, бай-бай, бай, ҳай аттанг,войдод, дастидан дод* каби сўзлар ва фразеологизмлар сўзлашув услубида қўлланади.

Публицистик услуг хусусиятини намойиш қилиш учун келтирилган мисоллардан *улкан зафарлар, шавқ-завқ, зарбдор меҳнат, ниҳояга етмоқ, жанговар, шиор, юзасидан* каби мустақил ва ёрдамчи сўзлар асосан шу услубда қўлланиши билан характерладиди.

Расмий иш услубидан келтирилган мисолларда ишлатилган *барпо этилган, таъминот, модда, биноан, граждан, қатбий назар, мувофиқ, мустасно* каби сўзлар асосан шу услубда қўлланишга хосланган.

Илмий услуг терминология лексиканинг кўп қўлланиши, бу лексиканинг кўп ҳолларда фақат тор доирадаги мутахассисларга тушунарли бўлиши билан фарқланади. Дарҳақиқат, биз келтирилган парчадаги *эритрит, моносахарид, конфигурациян, бутадион, стереорегуляр* каби сўзлар англатган тушунчалар фақат маълум илм — химия билан шуғулланувчи кишиларга аён. Бошқа фанларга оид сўз-терминалар ҳам худди шундай хусусиятлари билан ажралиб туради.

Стилистик нуқтаи назардан нейтрал бўлган лексика ҳар хил сўз туркumlаридан бўлиши мумкин.

От: *хизмат, қариллик, меҳнат, сўм, иш, ҳақ, йигит, уйқу, одам, қуда, севги, ош, ноң, уй, гул, шодлик, ғазаб, ватда, оила, хотин,*

ақл, құча, пахта, дон, дарахт, мева, от, тиши, чойнак, қоғоз, елка, настіхат, ихтиёр, бола, ҳаво, булат вә б.

Сифат: яхши, ёмон, тиник, қизиқ, күк, қора, янги, ҳушчақчақ, кечки, қузги, баҳорғи, деворий, баланд, аччиқ, ширин, бадқовок ва б.

Феъл: үқимоқ, ёзмоқ, шиламоқ, югурмоқ, қурмоқ, эшиштоқ, сезмоқ, бормоқ, келмоқ, айтмоқ, гапирмоқ, билмоқ, кийинмоқ, топмоқ, севмоқ, хафаланмоқ, кесатмоқ, яширмоқ, турмоқ, ухламоқ, пичирламоқ, қувмоқ, тутмоқ, эркаламоқ, чиқмоқ, читирламоқ, шикилламоқ, ширироқ, йрмоқ ва б.

Сон: бир, икки, ўн, ўн беш, йигирма, ўттиз, қирқ, минг ва б.

Олмош: мен, сен, у, биз, сиз, улар, ҳамма, барча, кимдир, нимадир, ҳеч ким, ҳеч қачон;

Равиш: тез, аста, әрталаб, тобора, кечқурун, ноилож, индин, бириси куни ва б.

Құмакчи: учун, орқасида, каби, сингари, сари;

Юклама: а, -ми, ахир, худди.

Боғловчи: чунки, шунинг учун, ҳам, аммо, лекин, бироқ, ҳам... ҳам ва б.

Мустақил ва ёрдамчи сўзларнинг жуда кўпчилик қисми нейтрал лексикани ташкил қиласди. Булардан ундов ва юкламалар анча кескин фарқ қиласди. Улар табиатан маълум эмоция ифодалашга хизмат қилганликлари учун ҳеч қачон нейтрал лексик қатламга мансуб бўлолмайди.

Шундай қилиб, нейтрал лексика ҳар қандай нутқ услубида қўлланаверадиган лексикадир. Стилистик жиҳатдан чегараланган, яъни функционал жиҳатдан фарқли лексика фақат стилистик жиҳатдан нейтрал бўлган лексика фонидагина ажратилиши ва шу фонидагина эмоционал-экспрессив хусусиятлари аниқ намоён бўлиши мумкин.

Ёзма нутқ лексикаси

Адабий тил икки хил — ёзма ва оғзаки формаларда яшашин маълум. Адабий тилнинг турлари бўлмиш функционал (публицистик, бадний, илмий, расмий иш, сўзлашув) стиллар кўрсатилган икки форманинг бирида намоён бўлади.

Функционал стилларнинг одатда китобий стиллар деб юритилувчи публицистик, бадний, илмий, расмий иш турлари ёзма формада амал қиласди.

Демак, ёзма нутқ лексикаси дейилганда қўлланиши асосан адабий тилнинг ёзма турлари доираси билан чекланган лугавий бирликлар назарда тутилади. Ёзма нутққа хосланган лугавий бирликлар оғзаки нутқда деярли ишлатилмайди, ишлатилган тақдирда эса маълум бир стилистик мақсад кузатилган бўлади.

Китобий лексика

Юқорида кўрсатилган функционал стилларда қўлланишга хосланган сўзлар китобий лексикани ташкил этади.

Шу нутқ стилларининг характеристига мос равища ҳозирги ўзбек адабий тилининг китобий лексикаси илмий, ижтимоий-снёсий, техника, медицина ва бошқа фан соҳаларига оид терминлар, шунингдек, адабий тилнинг шаклланишида муҳим роль йўнаган бадиий нутқ лексикасидан ташкил топган. Публицистик, бадиий, илмий, расмий иш стилларининг барчасида қўлланаверадиган лексика умумкитобий лексика дейилади.

Ҳар бир нутқ стилида қўлланишга хосланган лексика шу стилнинг спецификасини намоён қилувчи воситалардан бири бўлиб, стиль яратувчи лексик восита сифатида баҳоланади. Дарҳақиқат, анемия, склероз, инфаркт, галлюцинация, хромосом, оптика, нейтрон, невроз, позиция, синус, косинус, параметр, юрисдикция каби китобий сўзлар илмий стилнинг лексик хусусиятларини кўрсатувчи луғавий бирликлардир.

Илмий стиль, образли қилиб айтганда, кўп қатламли стиллар. У жуда кўп ва хилма-хил фанларга оид тушунчаларни англатувчи сўзлар (аниқроги: терминлар) ни қамраб олади.

Бадиий стиль лексикаси

Бадиий стиль лексикаси ҳам ранг-баранглиги билан фарқланади. Борлик ҳодисаларини образли йўсида акс эттирувчи бадиий адабиёт инсон кўп қиррали фаолиятининг барча томонларини акс эттиради. Бу ҳол бадиий адабиёт текстларида асар мавзуига боғли равища радиотехника, балиқчилик, самолётсозлик, электрон ҳисоблаш машинаси ва шу каби фанларга оид маҳсус илмий лексикани, сўзлашув лексикасини, поэтик лексикани қўллашга олиб келади. Щунинг учун ҳам баъзи тадқиқотчилар бадиий стилни алоҳида нутқ тури сифатида ажратишга қўшилмайдилар. Бироқ бошқа функционал стиллар учун хос бўлган лексика (масалан, илмий ва расмий иш услубига хос бўлган терминлар) нинг бадиий стилда кенг қўлланмаслиги ва фақат бадиий стилда қўлланувчи маҳсус лексик воситаларнинг мавжудлиги бадиий стилга хосланган лексикани алоҳида ажратишга асос бўлади.

Ҳозирги ўзбек адабий тилида бу стилга хосланган лексика лутратларда поэт (поэзияга хос), юқори (юқори стиль), кт. (китобий), эск. кт. (ескирган китобий) пометалари билан бериб келинмоқда. Улардан баъзиларини кўриб ўтайлик: кт. (китобий) пометаси билан берилган сўзлар: зуҳур, изо, иддаочи, закий, замир, устивор, фатила, айём, дамодам, дабдурустдан, густоҳ, бадкирдор, баъдаз, бадгир, асно, ақида, абадия, абадиян, абадул-абад, абира, бор (марта, карра), бод, биҳишт, ганжина (хазина), воқеан, бўса, водариго, виқор, башарият, дарҳақиқат, девонаваш, даҳма, басалобат, бемисл, беодоб, болиғ, икром

(хурмат, иззат), забун, ёрон, дориламон, дуруг, дудок, елдирим, дилпазир, дилнавоз, дилафруз, дилгир, диласо, ватангадо, ибтидо кабилар; эск. кт — эскирган китобий пометаси билан берилган сўзлар: ойламоқ, алҳол, аркон, аӯён, аӯзом, адам, адно, васф, иламноу, алалхусус, фаттон, фарсанг, филҳақиқат, фосид, завол, замҳарир, залолат, жувонмард, жувонбахт, дору, ёрий, бадиа, бадишиёт, ағёр, аҳбоб, ақроб, ақрабо, воиз, восил, воажаб, вобаста, вовойло, бовар, бовужуд, битик, воҳид, бузрук, бузруквор, ботин, боз, бехирад, беҳтар, бул, абас, абр-найсон, аҳмол, асрор, баъдида, авсат, алфоз, аълам, гӯшанишин, гүҳар, гуштигирилик, дасиса, даҳр, дигар, ижтиҳол, ибн (ҳоқон ибн ҳоқон — ҳоқон ўғли ҳоқон маъносида).

Ҳозирги адабий тил нуқтаи пазаридан қараганда, юқоридаги «китобий» ва «эскирган китобий» пометалари билан берилган сўзлар орасида жуда катта фарқ сезилмайди, шунинг учун ҳам бу сўзларнинг кўпчилигини ўзбек тилида сўзлашувчи ҳозирги авлод вакили архаизм китобий сўзлар тарзида қабул қилади.

Ҳозирги кунда бу сўзлар тарихий мавзуларга бағишлиланган прозаик ва драматик асарларда тасвирланаётган давр колоритини, персонажларнинг нутқий характеристикасини беришда кучли стилистик восита сифатида фойдаланилади.

Бадиий стиль лексикасига мансуб луғавий бирликлар орасида асосан шеърий нутқда қўлланувчи поэтик сўз (поэтизм)лар қатлами алоҳида ажралиб туради. Бу қатлам бадиий стилга оид лексиканинг мағзини ташкил этади.

Юқорида қайд этилган «китобий», «эскирган китобий», «эскирган» (архаизм) пометалари билан берилган сўзларнинг анча қисми ҳозирги адабий тилнинг поэтик лексикасига оид. Бу бежиз эмас. Чунки ҳозирги ўзбек адабий тили таркибида амал қилувчи поэтизмларнинг анча қисми анъанаий поэтик воситалардан бўлиб, асардан асарга, даврдан даврга кўчиб үелган.

Поэтик лексикага оид сўзларни кузатиш уларнинг асосан арабча, форсча ва камроқ миқдорда қадимги туркий сўзлар эканлигини кўрсатади. Бу ҳол ҳозирги авлодга мансуб шоирлардан Эркин Воҳидов ва Абдулла Ориповнинг шеърларида ҳам кўзга ташланади. Э. Воҳидовнинг шеърий асарлари («Чарорбон», Тошкент, 1970; «Достонлар», Тошкент, 1973)дан олиниган поэтик лексикага эътибор беринг: лолагун, қаён, нечун, не, неки, қай, узра, фиркўк (от), завқи-ла, шавқ, баҳорий (илиқлик), нигоҳ, висол, фироқ, нечоглик, хандон, туғбардор, шаҳсувор, наизадор, ўдум, илк бора (ўйга) чўмган, мурғак (фикр), моҳитобон, малак, пари, санам, мунис, не ажаб, кошона, жонбахш (ҳаво), ишваноз, хиром, қошига (ёнига, олдига маъносида), хуисурат, ўлтирма, бунчалар, шунчалар, ул, сор, лочин, ўғлон, дилбанд. даҳо, шояд, бағоят, орзупараст, нурафишон, дилтанг, ҳазин, пинҳон, осуда, эзгу, уқпар (қанот), уфурмоқ, гўша, алҳол, дафъатан, ханда, завол, хоб, само, йўғирмоқ, осуда, уммон, нуқра-нуқра, машум, ҳассос, бажо этмоқ, санжоб қилмоқ, жилвакор, фусункор, раҳна-

мо, сабо, фидо, сокин, тин олмоқ, ташбиҳ, ором, фазогир, хушнуд, сарафroz, нигорон, бамисли, янглиғ, аро, ичра, ҳаргиз, ибтидо, канора, муззам, не тонг, сийна, замину замир, жонфизо, мукаррам, сурур, бурро, ғамгузор, муғаний, нидо, жозиба, қаър, маскан, ғулу, кўкс, туғён, барқарор, боқий, сабот, соҳибқирион, соҳибжамол, айру, нурафишон, рўшинолик кабилар.

Абдулла Ориповнинг «Рұхим» (Тошкент, 1971), «Ҳайрат» (Тошкент, 1974), «Юртим шамоли» (Тошкент, 1976) тўпламлари га киритилган шеърий асарларида луғатларда «китобий», «эс-кирган китобий» пометаси билан берилувчи поэтик лексика ва лексикализациялашган ибора анча кўп учрайди: *сарбаланд, ажиб, рангин, кошона, даҳо, мунажжим, сония, занах, фараҳ, фишон, неки, пойдор, жунун, бешак, бокира, башар, сархуш, безавол, қабоҳат, нечук, нечун, чараклар, қаҳкашон, айласин* (тайёр), гулгун, эҳтилож, шамси, талъат, моҳтоб, жабҳа, пешкаш, пешвоз, забун, барбод, эврилмоқ, ялдо кечаси, дилтанд, читубатли, ризвона, ришита, ринд, хунхор, азал-абад, нисор, бот-бот, воқиф, ўшал, бекач, ногоҳ, ногоҳон, алҳол, ёвқур, шаъшаа, заминзироат, мосуво, не тонг, фахрия, фаромиш, соҳиҳ, абри-найсон, хилқат, ғулу, бақо, беназир, имдод, мардум, ғаддор, зотан, шарора, афсунгар, само, синоат, хонанишин, абас, шикаста, арши атло, гар маъсум, сиймүзар, гарчанд, тавоб айламоқ, мусалло, бехишит, гирдибод, қитки, бильякс, жабҳа, атмол, үшибу, букун, маҳзан, кадар, ашбор, елдиним, слвагай, покдомон, фаромуш, интиҳо, ибтидо, тугал, чарх, сангзор, муҳтасар, ҳудуд, турфа, најжоткор кабилар.

Юқорида келтирилган поэтик сўзларнинг аксарияти ҳозирги жонли нутқда ишлатилмайди. Улар, асосан, поэтик нутқда қўлланишга хосланган.

Поэтик нутқ мустақил сўзлардан бўлган архаик лексик воситаларнинггина эмас, ёрдамчи сўзлар, модал сўзлар архаик грамматик воситаларнинг ҳам анча кепг қўлланиши билан характерланиди. Буни ўзбек совет ёзувчиларининг катта авлодига мансуб F. Фулом, Ойбек, Ҳ. Олимжон, Уйғун, Миртемир, Шайхзода, Зулфия каби шоирлардан тортиб, сўнгги давр шоирлари Э. Воҳидов, А. Орипов ва энг ёш бўғинга мансуб шоирларнинг асарларида ҳам кузатиш мумкин. Бу ҳол илмий адабиётларда традицион-поэтик лексика деб аталиб келаётган луғавий бирликларнинггиша эмас, балки, умуман, традицион-поэтик лексик, лексик-грамматик, грамматик ва модал воситалар мавжудлиги ҳақида гапириш мумкинлигини ҳам кўрсатади. Уларнинг баъзи бирларини кўрсатамиз.

Ёрдамчи сўзлар (лексик-грамматик воситалар): *уэра, аро, қош, ичра, гар, гарчанд, тоинки, бамисоли, бамисли, мисли, мисоли, бирлан, бирла, ила, -ла, зероки, илло, ёхуд* кабилар. Бу ёрдамчи сўзлар кўпроқ поэтик нутқда қўлланишга хосланган. Бу фикр шу нарса билан асосланадики, поэтик лексикага

оид сўзларниң баъзилари бадиий нутқининг бошқа жанрларидә (масалан, прозада) қўйланиши мумкин. Ердамчи сўзларда эса бу ҳолат деярли кузатилмайди. Улар одатда поэтик нутқда қўйланади. Баъзи мисоллар келтирамиз.

Чуқур ўйлар и чра толиқар олим (Г. Фулом).

Ҳайрат ичра ёниб, ярқираб,
Аста мендан сўпар юлдузлар (Э. Водидов).

Шонрлар бор ўз юртин бутун
Оlam aro атаган танҳо (А. Орипов).

Ўрмонлар шовиллаган
Олис юртда ҳали ҳам
Номсиз тепалик узра
Ухлаб ётибди отам (Э. Водидов).

Бир номард қошида ожиз қолганда,
Пахлавон Маҳмуддан сўрадим мадад (А. Орипов).

Чўчиб уйғонаман,
Онам қошимда.
Саҳроий ўзбекман, толеим кулиб
Муқиммаи, ўз юртим бирлан ҳаётмаш (А. Орипов).

Уларни тинч ижод, меҳнат завқи-ла
Ҳаёт дафтарига киритар билак (Э. Водидов).

Ўрмон қўйнидадир сеҳр ила жоду (А. Орипов).

У титрап бамисоли киприқдаги ёш,
Ё интизор она ёқиб қўйган шам (Э. Водидов).

Чўлларда елдирим мисоли елдим (А. Орипов).

Бойқаро иргишлаб истак отида
Жаҳонга боққанда мисли бола шер (А. Орипов).

Оққуш янглиғ сузиб юрар
Ой сукут аро (Э. Водидов).

Шимол шичиси ҳам қувнарди, балким,
Шарқдан бориб қолса бу янглиғ садо (А. Орипов).

Китобийлик характеристига эга бўлган боғловчилардан зероки, тоинки, гоҳи-гоҳи, ёҳуд, ундовлардан хайҳот, эвоҳ, дариф, во дарифо, во ажаб, вовайло кабиларни кўрсатиш мумкин.

Поэтик нутққа оид баъзи сўзларга хос хусусиятлардан бири уларниң фонетик қиёфасининг ҳозирги адабий орфографик норма талабидан бошқача тусда шаклланишидир. Mac., қаро, яро, яқо, ошно, талош каби сўзлар фақат поэтик нутқда шу фонетик қиёфада қўйланадики, бу, бир жиҳатдан, қофия талаби билан изоҳланса, иккинчи томондан, поэтик традиция таъсири билан изоҳланади:

Қанийди ўттиз йил орқага қайтиб,
Севги баён қилсам яқо қилиб чок (F. F улом).

Балки сайд этгали мавжларинг бўйлаб
Тагин қайтажакман, эй ошно уммон (F. F улом).

Ҳулкар шамдек пирпираиди,
Осмон тим қаро (A. Орипов).

Азиз Баҳром, ачингил мен бенавога,
Рақиблар тифи-ла бағри ярога (Яшин).

Бекор бўлди иқтидорим, бекор бўлди юрагим,
Бекор бўлди шеъриятим у гўзалнинг қошида.

Бекор бўлди саёҳатим, бекор бўлди юрмагим,
Бекор бўлди Ереван ҳам туйфулар талошида

(A. Орипов).

Юқорида баён қилинганлар ва келтирилган фактлардан маълум бўладики, ҳозирги кунда поэтик лексика номи билан юрити-лаётган сўзларнинг анча қисми бундан 6—7 аср илгариёқ поэтик нутқда қўлланишга хослана бошлаган. Бундан келиб чиқадиган хулоса шуки, баъзи лексик бирликлар қатъий равишда поэтик нутқда хосланиб қолган. Худди мана шу қатламга нисбатан *архаик китобий сўзлар*, яна-да аниқроғи, *архаик поэтик сўзлар* терминини қўллаш ўринли бўлади.

Юқорида айтилганларда поэтик лексикасиз поэтик нутқ ва умуман бадиий нутқ бўлиши мумкин эмас, деган хулоса келиб чиқмаслигини алоҳида таъкидлаб ўтиш лозим. Поэтик лексика бадиий нутқ лексикасининг муҳим элементигина, холос. Бу элементнинг поэзия тилида мавжуд бўлиши шарт эмас.

Китобий лексикага экзотизмлар ҳам киради. Экзотизмлар яхши таниш бўлмаган тиллардан олинадиган сўз ва иборалар бўлиб, ўша тил, эгаларининг ўзига хос яшаш шароитларини, урф-одатларини, миллий хусусиятларини акс эттиради. Экзотик лексика асосан илмий, публицистик, бадиий асарларда учрайди. Кейинги даврларда бошқа халқлар билан маданий ҳамкорлик кенг йўлга қўйилиши муносабати билан ўзбек китобхонларини шу халқларнинг бадиий ижоди билан танишириш ҳам авж олди. Натижада таржима асарлар кўпайди, бу ҳол, табиий, ўзбек тилида нашр қилинган китобларда экзотизмларнинг кўплаб қўллашишга олиб келди.

Бундай асарларда экзотизмлар изоҳи одатда сноскада келтирилади.

Баъзи таржима асарлардан келтирилган мисоллар экзотизмлар ҳарактерини тушуниб олишга ёрдам беради. Норвеж ёзувчisi Тор Хейердалнинг «Қон-Тики»да саёҳат» китобида қуидаги экзотизмлар келтирилиб, изоҳи берилган: *каяк* — эскимос қайифи, *иглу* — эскимос кулбаси, *сукре* — Эквадор тангаси, *мачете* — (испанча) шакарқамишни кесиш ва қирқиши учун ишлатиладиган каттакон оғир пичоқ, *спагетт* — ичи тешик бўлмаган жуда

ингичка итальянча макарон, кумара — Жанубий Америка ҳамда Полинезияда битадиган ширин картошка ва б.

Ироқ ёзувчиси Фойиб Туама Фармонинг «Беш нид» романида қуидаги экзотизмлар учради: *куфия* — арабларнинг миллий бош кийими, *робу* — сутни ачитиб тайёрланадиган ичимлик, *шадуф* — қудуқдан сув тортишда ишлатиладиган маҳсус идиш ва б.

Ҳинд ёзувчиси Борен Бөшунинг «Сипоҳийлар» романида ҳинд халқининг ҳаётини, одатини, қариндошлик муносабатларини акс эттирувчи кўплаб экзотизмлар бор: *сорий* — ҳинд хотин-қизларининг миллий кийими, *дхоти* — эрларнинг уст кийими, *межа* — ўртанча ака, *жий соҳиб* — ҳурматли жаноб, *бабу* — жаноб, афанди маъносида бўлиб, эҳтиромни ифода қилиш учун эрларнинг номига қўшиб айтилади, *лучи* — қатлама, *пайш* — ширгуруч ва б.

Экзотик лексиканинг баъзи бирлари нисбатан кўп қўлланганидан бошқа тилга анча ўзлашиб, шу тил вакиллари учун «таниш» бўлиб қолади, хусусан, ўзбек тили вакиллари учун *леди*, *дженртъмен*, *мадам*, *мистер*, *синъор*, *синъора*, *сэр*, *виски*, *фермер*, *бизнесмен*, *доллар* каби экзотизмлар шундай хусусиятга эга.

Баъзи экзотизмлар социал ҳаёт шароити ўзгариши, давр ўтиши билан тўлиғича ўзлаштирилади. *Мас.*, *салют*, *пионино*, *аккардeon*, *гармон*, *дирижер*, *вульгар*, *хоккей*, *бокс* каби сўзлар ўзбек тили учун экзотизмлигини йўқотган. Улар энди алоҳида стилистик қатламни ташкил этмайди.

Экзотизмлар стилистик мақсадда — бадний асарларда тасвирланаётган воқеа-ҳодисаларга маҳаллий колорит бериш учун қўлланади.

Бу жиҳатдан экзотизмга варваризмлар яқин туради. Варваризмлар ҳам чест тил сўзлари бўлиб, уларнинг муҳим белгилаидан бири ҳали транслитерацияга учрамаганлиги, қайси тилга оид бўлса, шу тил график воситаларида берилишидир. Тор Хейердалнинг юқорида кўрсатилган романида қуидаги варваризмлар учради: *Quel boleau?* Сноскада «қандай кема?» Французча — деган изоҳ берилган. *Un momenlo*. «Бирнафас». Испанча,—деган изоҳ берилган. *Ios expedicionarios*—«экспедиция қатнашчилари» Испанча деган изоҳ берилган.

ОҒЗАКИ НУТҚ ЛЕКСИКАСИ

Оғзаки нутқ лексикаси дейилганда, тилнинг оғзаки формаларида қўлланувчи лексика назарда тутилади.

Оғзаки нутқ лексикаси икки жиҳатдан ажратилади.

1. Норматив аспект. (кенг маънода бу функционал-стилистик аспект сифатида қаралади). 2. Функционал-экспрессив аспект.

Биринчи аспектда оғзаки нутқ лексикаси адабий тил нормаларига яқинлиги ёки узоқлиги, адабийлик даражаси нуқтаи назаридан оддий (дағал бўлмаган) сўзлашув лексикаси, дағал сўзлашув лексикаси (вульгаризмлар) турларига ажратилади.

Оддий сўзлашув лексикаси адабий тил нормалари талаблари доирасида туриши билан характерланади.

Цагал сўзлашув лексикаси эса адабий тил нормаларидан узоқлиги, баъзан эса бу норма доирасидан четда туриши билан характерланади.

Функционал-экспрессив аспект сўзлашув лексикасининг стилистик (эмоционал-экспрессив) бўёққа эга ёки эга эмаслигини назарда тутади.

Сўзлашув лексикасига оид сўзлар одатда паст стилистик бўёққа эгалиги билан фарқланади. Бироқ бундан мазкур қатламга оид лексика фақат салбий эмоционал-экспрессив бўёққа эга бўлади деган фикр келиб чиқмаслиги керак, албатта. Улар орасида ижобий эмоционал муносабат англатувчилари ҳам анча-мунча учрайди (булар ҳақида ўз ўрнида муфассал гапирилади).

Оддий сўзлашув лексикаси

Сўзлашув лексикасига оид сўзлар оддий, эркин муомалада қўлланади ва уларинг анча қисми эмоционал-экспрессив бўеқдорлиги билан характерланади. Бу бўёқдорлик салбий ва ижобий муносабат ифодалаш билан боғлиқ бўлади. Сўзлашув лексикасининг стилистик бўёқдорлиги нейтрал ёки китобий лексикага оид сўзлар фонида, яъни шу лексикага оид сўзлар иштирок этган синонимия қаторида айниқса яққол кўринади. Қиёсланг:

Нейтрал лексика	Китобий лексика	Оддий сўзлашув лексикаси
лойиқ	монанд, мустаҳиҳ	боп
марта	дафъа	қайта
емоқ	тановул қилмоқ,	олмоқ
жаҳл	истеъмол қилмоқ	
ёлғончи	разаб, қаҳр	аччик, зарда
жанжал, тўполон	каззоб	алдамчи, алдоқчи
	шўриш	ғалва, ғавғо,
жирканмоқ	ҳазар қилмоқ	машмаша
жуда	фоят, бағоят	йирғанмоқ
чиройли	зебо	обдон, ўлгундай
чидам	бардош, матонат	қаттиқ
чол	мўйсафиид	кетворган
чора	тадбир	тўзим
		қария, оқсоқол,
		бобой
		эп (эв),

Нейтрал лексика билан оддий сўзлашув лексикасини қиёсланг:

Нейтрал лексика

лойиқ
ёлғон гапирмоқ
жуда
қачонгача
анқаймоқ
лекин
жинни
иҷмоқ
қорин
емоқ
кампир
мұлжалламоқ
муносабат
мұлчилик
нөвча
нола
номига
озгина
олифта
осон
օғир
пул
пушаймоқ
роҳат
соглиқ
соя
суҳбатлашмоқ
шунақа
у-бу демоқ

Оддий сўзлашув лексикаси

боп
опқочмоқ
ёмон (жуда ёмон маъносида)
токай
ғалваймоқ
лекигин, аммо-лекин
жиннивой
отмоқ, урмоқ
меш
урмоқ, туширмоқ
кампиршо
чүтламоқ
ора
кенгчилик
дароз
дод
йўлига
қиттай, андак, жичча
пўрим
ўнгай
зил, зил-замбил
муллажиринг
аттанг
маза
тоб
кўланка
ҳангамалашмоқ
шунақанги
алай-балай демоқ

Оддий сўзлашув лексикасининг ўзига хос экспрессив имкониятларидан ёзувчилар жуда кучли бадиий восита сифатида фойдаланадилар. Ўшинг ифода кучи бир контекст таркибида нейтрал лексикага зид қўйилганда айниқса яққон намоён бўлади:

Балки полкдош бўлган оталаримиз,
Балки бир оконда бирга ётишган.
Биллур қадаҳларда шароб *и ч с а к* биз,
Улар флягадан спирт *отишиган*
(Э. Воҳидов).

Бунда воқеа содир бўлаётган жой (окон) расмий муносабатлар ўрни эмаслиги, воқеа иштирокчилари (окондош дўстлар)нинг эса ўзаро муомаласи ҳам шу вазиятга мос равишда ҳар қандай расмийлик аломатларидан холи эканлиги аён. Шоир оддий муомала пайтида қўлланувчи *отмоқ* сўзининг оддий сўзлашувга хос стилистик бўёғини ниҳоят нозик сезиб, уни ўз ўрнида жуда ўринли ишлатган.

Яна қиёсланг.— Қани, ука, банияти шифо деб бир отиб юборасан-да, энди! Мана шу қимизни бир оқ уриб беринг (Сайд Аҳмад).— Соғ бўлиши учун остановкани билиш керак-да. Нима дуч келса ураверадими, меш жониворгай (У. Ҳошимов). Ошпаз ҳам ўзимизнинг укамиз эди. Ошни қийиб ташла бди («Тошкент оқшоми»).

«Сўзлашув тили» нометаси бу хилдаги сўзларнинг асосан оғзаки нутқда тарқалганлигига, бу функционал нутқ турни адабий тилда мазкур сўзлар учун табиий бир қўлланниш доираси эканлигига ишора қиласди.

Сўзлашув нутқи турларида қўлланувчи лексика оғзаки нутқ лексикасини ташкил этади. Сўзлашув нутқига эса расмий муомала ва урф-одатлар талаби билан чегараланмаган, өддий муомалада, яъни дўстона сұхбат, ҳангома пайтида қўлланувчи лексика киради. Бу лексика одатда ёзма нутқда, илмий мақолаларда, техникага онд адабиётларда, расмий иш ҳужжатларида, дарсларда қўлланмаларда ҳам ишлатилмайди. Ишлатилган ҳолларда эса бу нутқ турлари оғзаки нутқ руҳини касб этади.

Оғзаки нутқ лексикаси илмий, публицистик, расмий иш услубига нисбатан бадиий нутқда кўпроқ ишлатилади. Бунинг сабаби шундаки, бадиий нутқ борлиқни образли тасвирлашга қаратилган. Сўзлашув лексикаси эса эмоционал-экспрессив бўёқдорлик билан характерланади ва бу жиҳатдан бадиий нутқ учун жуда қулай ифода воситаси бўлиб хизмат қиласди. Масалан, Ойбек «Олтин водийдан шабадалар» романидаги нутқ лексикасидан Аширмат образини яратишда жуда ўринли фойдаланади. Томорқадаги бир қатор шафтолиларни силкиб қоқади-да, дарахтлар остида чўққайиб ўтириб, ўл гуда ийдиди. Кейин олмалардан саралаб узиб, этакни тўлдириб сунага келади-да, даккам-дуккам бесўнақай тишлари билан росағажи ийди. Қовун ва тарвуз бобида эса Аширматнинг иштаҳасини сўраманг. Ҳар кун тонгда «қовун есанг, сахар е. Сахар смасанг, заҳар е» деги дунгеда ўчирини битта ўзи, соқолларини ширага ювиб, уриб олади (Ойбек).

Текстдаги ўлгудай, ғажийди, сўраманг, уриб олади сўзлари оғзаки нутқ лексикасига киради.

Бу тип лексикага онд сўзлар турли хил сўз туркумларига мансуб бўлади ва уларнинг баъзилари жуда ранг-баранг стилистик оттенкаларни ифодалашга хизмат қиласди: кетди-ворди, меров, овсар, валақламоқ, калла, сумраймоқ, бориб турган, ҳали-ҳозир, алай-балай, ҳозиру-нозир, хонумон, паққос, ёрлақамоқ, тайибмайиб, қоғоз (пул маъносига), сўлкавой, палакат, қаланги-қасанғи, бебош, бетизгин, жон-пон, сира-сира, эс-эс (сал-пал маъносига), гиринг демаслик, чор-ночор, барзанги, давангидай//давангирдай (йигит), илло-билло, ёқимтой, ёлғондакам, ростакам, ёвғонсирамоқ, ёдакай, тирранча, жавр, жаврақи, жазза (жазо), жазман, жилла (жуда маъносига), зап, зинғирча, жониқмоқ, мулла-

жиринг, дўндирма, домонгир, далигули, далатоб, гапчи, бундақа, бундақанги, ади-бади, бўлис, бурноғи, бўшанг, бўш-баёв, ванг (авжида маъносида), биттанга (бир танга), бояқиши, бебилиска, бирам (жуда, ўта маъносида), бирваравай, бирварақайига, будушуд, борди-ю (мабодо маъносида), де, дейман, десангиз, аввалимбор, аввалам, валдирвасир, асти, арилламоқ, ахийри, илгаритдан, жин (кишининг табнати маъносида: жинимга ёқмайди), ҳаш-паш дегунча, ана-мана, ажабтовур, азза-базза, алғов-далғов, алдам-қалдам, аспаласофин, аямажиз, валақисаланг, бало-хўр, гунгалак, гунгурсдай, гўр-ер, жиз-биз ва ҳ.

Келтирилган сўзларнинг стилистик хусусиятларига эътибор берилса, оддий сўзлашув лексикасига оид барча сўзлар ҳам эмоционал-экспрессив бўёқдорликка эга эмаслиги маълум бўлади. Бу лексик қатламнинг катта қисмини эмоционал-экспрессив бўёқдорлик жиҳатдан нейтрал сўзлар ташкил қиласи. Мас., юқорида келтирилган сўзлардан ҳали-ҳозир, тайиб-майиб, эс-эс, ёлғондакам, жавр, ёдакай, жилла, бундақа, бурноғи, биттанга, жилла, десангиз, асти, азза-базза ва шу каби сўзлар фақат функционал-стилистик белгига эга бўлиб, функционал-экспрессив бўёқдан маҳрумдирлар.

Оддий сўзлашув лексикаси таркибига рус тилидан турли фонетик ўзгаришларга учраб ўзлашгани лексика ҳам киритилмоғи лозим. Чунки бу типдаги лексика функционал хусусияти жиҳатидан фақат сўзлашув стилида қўлланади ва одатда асар персонажларини нутқий жиҳатдан характерловчи восита сифатида амал қиласи. Бу лексика эмоционал-экспрессив стилистик жиҳатдан кўпроқ нейтрал ва салбий бўёқли бўлади.

Ижобий эмоционал муносабат ифодаловчи ўзлашмалар камроқ учрайди.

Рус тилида сўзлашув стилига оид буржуй сўзи нафрат англатади. Ҳозирги ўзбек тилига бу сўз рус тилидаги функционал ва экспрессив-стилистик хусусиятларини сақлаган ҳолда ўзлашган: Петров бойларни буржуй деб гапиради ҳар вақт... (Ойбек).

Дардларга даво келди, буржуйга бало келди (Миртемир).

Сўзлашув тилига ўзлашган бир қатор сўзлар ўзбек тили та-лафуз нормаларига бўйсунгани ҳолда ҳар хил фонетик деформацияларга учраган. Буларга буржуй, жужур (дежурный), тўлка (только), мошин, моладес (молодец), матасекил (мотоцикл), ме-лиса (милиция), исталавой (столовая), абиид (обед), участка (участок), губир (губернатор), бўлис (волостной), баниса (больница) бенавот (виноват), кузир (козырь), аристон (арестованный), бошпүт (паспорт), Москоп (Москва), исмен (смена) закун (закон), метинка (митинг), дакалат (доклад) каби сўзлар киради. Баъзи мисоллар: Шундай бўлишига Болтабойнинг ўзи бенавот (Миртум уҳси). — Ҳа, жужурман. Эл-юрга ҳар ким қўлидан келган хизматини қиласи. Сиз жужур ҳам эмассизда, хоним, тўлка хотинсиз (А. Қаҳҳор). Қоп-қора зулукдай «Волга». Олдинги-

иқкита ципраси ноль-ноль эди. Нон урсин агар, ноль-ноль эди (Ү. Ҳошимов). *Машина Беркинот самоварчининг сўриси олдида тўхтади. Ундан инженер Белявский тушди... Бирпасда шивир-шишивир гап бўлиб қолди. Ўрис мироб келди... Сувтўра келдилар.—Губирниг сувчиси келди (Сайд Аҳмад).* Ултармада ғулу чиқди. Шаҳардан солдат келиб, анча одамни ҳайдаб кетди, буларни губирнинг ўзи сўроқ қиласар эмиш деган гап тарқалган эди (А. Қаҳҳор).—Ойим қанилар?... Банниса эшигида қолдилар.—Абдувоҳиднинг хотини овози титраб, кафти билан юзини тўсди (Ү. Ҳошимов).

Луғатларда маҳл.— маҳаллий шевага хос сўз, обл.— областга хос сўз каби пометаларни кўриш мумкин. Бу пометалар билан белгиланган сўзлар — диалектизмлар қўлланиш доираси жиҳатдан оддий сўзлашув лексикасига ўхшашиб бўлган, адабий тил чегарасидан четда турувчи лексик бирликлардир.

Демак, диалектизмлар функционал-стилистик нуқтаи назардан оддий сўзлашув лексикасига мос келади. Функционал-экспресив жиҳатдан эса диалектизмлар одатда нейтрал бўёқли эканлиги билан фарқланади. Адабий тил системасида фойдаланиладиган диалектизмлар одатда номинатив функция бажаради. Улар кўп ҳолларда маълум территориягагина хос бўлган нарса-ҳодисаларнинг номи (реалий)ларини ёки воқеа-ҳодиса, ҳаракат-ҳолатларнинг муайян шевага хос номларини англатади. Диалектизмларга хос эмоционал-экспресив бўёқдорлик адабий нутқ системасида эмас, диалектал нутқ системасида ўрганилади: *жумалак жинни, шиқлингдан олсин* (Чимкент шевасида аёллар қарфиши); *каттазалик қилмоқ* (Андижон шеваси) кабилар.

Адабий тилнинг ривожланиши жараёни кўп жиҳатдан унинг луғат составига диалектизмларнинг ўзлашиб бориши билан ҳам боғлиқ. Бу жараён одатда бадиий асарлар тилида қўлланган диалектизмларнинг аста-секин адабий тилга сингиб бориши орқали содир бўлади. Бунда, айниқса, атоқли ёзувчиларнинг роли алоҳида ўрин тутади.

Адабий тил ва диалектизмларнинг ўзаро муносабати, диалектизмларнинг бадиий адабиёт тилида анча кенг қўлланниши бу лексик қатлам маълум даражада стилистик имкониятларга эга эканлигини ва уларни стилистик планда ўрганиш мумкинлигини кўрсатади.

Ўзбек ёзувчилари томонидан яратилган кўпгина бадиий асарларда диалектизмлар асарда тасвирланган ҳодисалар рўй берадиган территорияда яшовчи кишиларнинг (булар асар персонажлари сифатида тасвирланади) характеристикасини ва маҳаллий колорит яратиш мақсадида қўлланганини кўриш мумкин. Мас., М. Исмоилийнинг «Фарғона тонг отгунча» асарида қўлланган *йўғаса, кўтарам, невлай, шангиф* диалектизмлари, Сайд Аҳмаднинг «Уфқ» трилогиясида қўлланган *эшик* (уй), *ая* (эна), *шак* (шу ёқ), *шаттан* (шу ердан), баққа, анжан (Андижон) диалектизмлари, Ҳ. Гуломнинг «Фарғона ҳикояси» композициясидаги

уятаман, очқат, атайна, бағда каби диалектизмлар Фарғона шеваси вакили бўлган нарса қаҳрамонларнинг нутқий характеристикасини бериш учун ишлатилган. Ж. Шариповнинг «Хоразм» романидә *ёшули, дегиши, қуёшлама, ойдинлик, бароз* каби диалектизмлар шева хусусияти ва хоразмлик персонаж нутқини акс эттириш учун ишлатилган.

Ў. Ҳошимовнинг «Нур борки, соя бор» асарида қўлланган *ада, туший, манам (мен ҳам), қаттан, этвотганим, сўравотман, опкелдиз, эмвотти, ойи* каби диалектизмлар эса Тошкент шеваси вакиллари бўлган персонажларнинг нутқий характеристикасини яратиш воситаси сифатида қўлланган. Бу асарда киши исмлари ҳам (*Мұҳай, Сурай, Зулай*) Тошкент шевасининг хусусиятини, шунингдек, болаларга хос нутқий характеристикани кўрсатиш мақсадида ишлатилган.

Шундай қилиб, диалектизмлар луғат составида том маънодаги стилистик қатлами ташкил этмайди. Бироқ улар оғзаки нутқда маълум бир стилистик мақсадларда унумли қўлланади. Бу ҳол уларни оддий сўзлашув лексикаси қаторида ўрганиш учун асос бўлади.

Дағал оддий сўзлашув лексикаси

Оғзаки нутқ лексикаси ичida дағал сўзлашув лексикаси (вульгаризмлар) ажралиб турди. Бунга ҳақорат англатувчи сўзлар ёки лексикализациялашган иборалар киради: *аблаҳ, итвачча, коғирвачча, хотинталоқ, савил, зормонда, зинда, малъун, лаънати, оқпадар, ифлос, фоҳиша, бузук, баҷчагар, даюс, жувонмарг, жувонсўхта, гўрсўхта, наҳс, молфаҳм, пўстакфаҳм, муттаҳам, ит, ордона, байталмон, нокас, жиннивачча, далла, ҳезалак, ҳезимкаш, корчалон, сатанг, ювуқсиз, гардкам, ювиндихўр, қароқчи, исқирт, ялтоқи, жирканч, каллакесар, келгинди, анди, тирриқ, гумроҳ, муртад* кабилар.

Келтирилган мисоллардан маълум бўладики, метафорик қўллаш натижасида турли салбий эмоционал-экспрессив муносабат англатувчи лексика ҳам (*илон, чаён* каби) дағал сўзлашув лексикаси хусусиятини касб этади.

СЕМАСИОЛОГИЯ

Семасиология — лексикологиянинг луғавий бирликлар семантикаси ва у билан боғлиқ бўлган ҳодисаларни ўрганувчи бўлимни.

СУЗ ВА УНИНГ МАЪНОСИ

Сўз, юқорида кўриб ўтганимиздек, пайдо бўлишидаёқ ўз товуш қиёфасига ва маълум бир маънога эга бўлади. Инсон тилида маъноси йўқ сўзниңг бўлиши мумкин эмас. Бу — тилдаги барча сўзлар учун умумий хусусият. Лекин сўзлар ифодалайдиган маънолар энг умумий белги-хусусиятларига кўра ҳам ҳар хил бўлади ва бу ҳар хилликлар асосида сўзлар маълум группаларга ажрапади.

Аввало, сўзлар объектив борлиқдаги нарса-ҳодиса, белги, ҳаракат кабиларни билдириши (тушунча ифодалаши) ва бундай хусусиятга эга эмаслигига кўра икки гурӯҳга бўлинади: 1) тушунча ифодалайдиган сўзлар; 2) тушунча ифодаламайдиган сўзлар.

Тушунча ифодалаш — фақат мустақил сўзларга хос хусусият. Мас., китоб, қизил, ўйламоқ сўзлари маълум объектив нарса, белги, ҳаракатни билдиради, шу нарса, белги, ҳаракат ҳақидаги тушунчани ифодалайди. Бу хусусият шу сўзларнинг маъноси ҳисобланади. (Мустақил сўз туркумидан фақат олмош туркумига оид сўзлар тушунча ифодаламайди. Бу ҳақда кейинроқ, «Лексик маъно» баҳсида гапирамиз).

Мустақил сўз туркумларидан бошқа туркумларга оид сўзлар объектив борлиқдаги нарса, белги, ҳаракат кабиларни атамайди, яъни тушунча ифодаламайди. Масалан, ундовлар сўзловчининг турли эмоциясини, буйруқ-хитобини билдиради: эҳ (хурсандлик билдиради), аттанг (ачиниш билдиради), беҳ-беҳ (чақириш билдиради) ва б. Ундов билдирган ачиниш, чақириқ, хитоб, таажжуб кабилар унинг (ундовнинг) маъноси ҳисобланади. Объектив борлиқдаги нарса-ҳодиса, белги, ҳаракат кабиларни атамаслиги, фақат эмоция, буйруқ-хитоб ифодалаши сабабли, бу туркумга оид сўзлар жуда саноқли.

Тақлид сўзлар, юзаки қараганда, борлиқдаги турли товуш, шарпа ва ш. к.ларнинг атамасидек кўринади. Мас., тақ, гум, лип-лип, йилт-йилт сўзлари шундай товуш ва шарпа (образ)ларнинг атамаси каби туюлади. Ҳақиқатда эса тақлид сўзлар товуш, шарпа ва ш. к. ларни атамайди, балки уларни тил товушлари билан

акс эттиради. Товуш, турли ҳаракат, шарпа ва ш. к. образини акс эттириш тақлид сўзниг маъносидир.

Модал сўзлар ва юкламалар ҳам тушунча ифодаламайди (нарса, белги, ҳаракат кабиларни атамайди), балки фикрнинг борлиқ-қа бўлган турли муносабатини, яъни фикрнинг реаллигини, гумонлигини, тахмин каби маъноларни билдиради: *албатта, балки, дарвоҷе, фақат, ҳатто, наҳотки* ва б.

Кўмакчи ва боғловчилар гап бўлаклари ёки гапларни ўзаро боғлаш, ўзаро боғланган (алоқага кирган) компонентлар ўтасидаги турлича маъно муносабатларини ифодалаш учун хизмат қиласди. Демак, кўмакчи ва боғловчиларга хос маъно грамматик маъно ҳисобланади. Уларнинг маъноси нутқда реаллашади. Нутқдан ташқарида эса қандай маънога эгалиги аниқ бўлмайди. Масалан, *каби, учун, билан, ва* сўзлари шу ҳолида (контекстсиз) бирор маънони реаллаштирумайди.

Хуллас, маъносининг объектив воқеликдаги нарса-ҳодиса, белги, ҳаракат кабиларга муносабати нуқтаи назаридан тилдаги сўзларнинг роли (қиймати) бир хил даражада эмас. Фақатгина тушунча ифодаловчи сўзларгина борлиқдаги нарса, белги, ҳаракат кабилар ҳақида маълумот беради, уни атайди. Тилдаги сўзларнинг асосий қисмини ҳам ана шу типдаги сўзлар ташкил этади. Мустақил бўлмаган туркумларга оид сўзлар айтилган хусусиятга эга бўлмаганидан, бу туркумларнинг ҳар бири тилда жуда кам миқдордаги сўзга эга. (Масалан, юклама ва модал сўзлар).

СЎЗНИГ СЕМАНТИК СТРУКТУРАСИ

Сўзниг семантик структураси лексик маъно ва шу лексик маънога қўшимча тарздаги оттенкалардан иборат бўлади.

Лексик маъно

Юқорида кўриб ўтганимиздек, мустақил сўзлар объектив борлиқдаги нарса-ҳодиса, ҳаракат, белги кабиларни билдиради. Масалан, *олма, ўрик, шафтоли, беҳи, нок* сўзлари мевали дараҳтларнинг маълум турини: *югур, ўйна, сакра* сўзлари маълум типдаги ҳаракатни: *уч, беш, ўн* сўзлари маълум миқдорни билдиради ва ҳ. Сўзниг объектив борлиқдаги нарса-ҳодиса, ҳаракат, белги ва шу кабилар ҳақида маълумот (тасаввур) берувчи мазмуни *лексик маъно* дейилади¹.

Сўзлар ўз маъноси билан объектив борлиқдаги нарса, ҳаракат, белги кабиларнинг конкрет (айнан) ўзини эмас, балки улар ҳақидаги тушунчани ифодалайди. Тушунчача — бу объектив борлиқдаги нарса-ҳодисаларнинг киши онгидаги умумлашган тарздаги

¹ Айрим сўзлар билдирадиган нарса-ҳодисалар объектив ҳолда бўлмаслиги (йўқ бўлиши) мумкин. Масалан, *худо, шайтон, дўзах* кабилар. Лекин бу «нарса-ҳодисалар» бор деб тушунилгани учун уларни ифодаловчи сўзлар юзага келгана.

инъикосидир. Нарса-ҳодиса ҳақидаги тушунча шу турдаги нарса-ҳодисаларга хос умумий белгиларни бирлаштиради. Хусусий томонларни эътибордан соқит этиб, умумий белгиларни бирлаштириш ҳатто аниқ (конкрет) нарсаларга оид тушунчаларда ҳам бўлади. Масалан, төғ, тош, дараҳт ҳақидаги тушунча барча төғ, тош ва дараҳтларга хос умумий белгиларни бирлаштиради. Уя (қуш уяси) ҳажми, шакли, ясалиш усули ва б. жиҳатдан турлича бўлиши мумкин. Лекин уя тушунчаси бундай хусусий томонларни эътибордан соқит этиб, барча уялар учун умумий бўлган белгини бирлаштиради. Ана шу умумий белгисига (белгилариға) кўра шу турдаги ҳар бир предмет (конкрет ҳолатда қандай бўлишидан қатъи назар) уя деб тушунилади (ую ҳисобланади). Уя сўзи ана шу тушунчани реаллаштиради, унинг лексик маъноси шу тушунча ҳақидаги маълумотdir (шу тушунчанинг ифодасидир).

Маълум бўладики, лексик маъно билан тушунча ўртасида умумийлик (бирлик) бор. Тушунчага хос умумлаштириш хусусияти лексик маънода ҳам бор. В. И. Лениннинг «Тилда фақат умумийлик мавжуд» деган таърифи сўзнинг (сўз маъносининг) моҳиятига ҳам жуда мос келади.

Сўзнинг тушунча ифодалаш (тушунчани аташ) имкони алоқа воситаси бўлган тилнинг жуда муҳим хусусиятидир. Бу имкониятсиз тилнинг бўлишини ҳам тасаввур этиш мумкин эмас. Чунки агар объектив борлиқдаги ҳар бир конкрет нарса-ҳодиса алоҳида сўз билан аталадиган бўлса, у ҳолда сўз саноқсиз даражада бўлар эди. Мас., дунёда мавжуд бўлган тошнинг (яъни бир турдаги предметнинг) миқдорини тасаввур этиб бўлмайди. Агар ҳар бир тош учун бир сўз қўлланадиган бўлса (ҳар бир тош бир сўз билан аталадиган бўлса), фақат тошга нисбатан қўлланадиган сўзларнинг ўзиёқ сон-саноқсиз бўлади ва бу сўзларни ёдда сақлаш ва фикр олишувда улардан фойдаланиш имкони бўлмайди. Демак, бир турдаги сон-саноқсиз нарса-ҳодисаларни бир сўз билан аташ ҳодисаси фикр олишувдаги жуда катта имкониятлардан ҳисобланади.

Сўз тушунча ифодалар экан, яъни сўзнинг маъноси тушунча билан боғланар экан, ўз-ўзидан, лексик маъно билан тушунчанинг ўзаро муносабати ҳақида гапиришга тўғри келади.

Аввало тушунча — логик категория (тафаккурга хос), лексик маъно ва уни ифодаловчи сўз эса тилга оид, тил структурасига хос категория.

Тушунча билан сўз ва унинг лексик маъноси турли типдаги категория экани билангина эмас, балки яна бошқа хусусиятлари билан ҳам ўзаро фарқланади.

Аввало, тушунча фақат сўз ёрдамида эмас, балки тилнинг бошқа бирликлари, жумладан турғун бирикмалар ёрдамида ҳам ифодаланади. Масалан, *молия министрилиги*, *жавоб бермоқ*, *тамдан тараша тушгандай* бирикмалари маълум бир тушунчани билдиради.

Тушунча ифодалаш, кўриб ўтганимиздек, фақат мустақил сўзларга хос хусусият. Мустақил сўзларнинг ҳам фақат номинатив маънога эга бўлганлари тушунча ифодалайди. Номинатив маънога эга бўлмаган мустақил сўзлар (масалан, олмошлар), шунингдек мустақил бўлмаган сўзлар (масалан, ёрдамчи сўзлар, ундовлар) тушунча ифодаламайди. Лекин улар ҳам маънога эга. Масалан, *ие,вой* ундовлари ажабланиш, қўрқиш ҳис-туйғусини; *албатта, балки* сўзлари фикрнинг чин ва гумонлигини билдиради. Булар шу сўзларнинг маъноси ҳисобланади. Демак, ҳар қандай сўз маънога эга бўлгани ҳолда, тушунча ифодалаш — фақат маълум типдаги сўзларга хос хусусият. Сўзниг фақат номинатив маъносигина тушунча билан боғланади (Номинатив маъно ҳақида 206-бетга қаранг).

Сўзниг номинатив маъноси тушунча билан боғланар экан, ўз-ўзидан, кўп маъноли сўзлар бирдан ортиқ тушунча ифодалайди (кўп маъноли сўзниг ҳар бир номинатив маъноси тушунча билан боғланади). Масалан, *боши сўзи одамнинг боши, кўчанинг боши, қурувчиларга бош, бош масала* сўз бирикмаларида бошқабошқа маъноларни, бир-биридан фарқли тушунчаларни билдиради.

Олмошларнинг мустақил сўз туркumlари қаторига кириши маълум. Лекин бу туркумга оид сўзлар аниқ (конкрет) бир лексик мазмунга эга бўлмайди. Улар от, сифат, сон каби сўзлар ўрнида қўлланади, лекин шу сўзлар билдирадиган тушунчани атамайди, балки унга ишора қиласди (уни кўрсатади). Шунинг учун ҳам, мас., *у* олмоши конкрет ва абстракт, жонли ва жонсиз нарсаларни билдирувчи минглаб сўзлар ўрнида қўллана олади. Олмошлар маълум бир тушунча ифодаловчи сўзлар ўрнидагина эмас, балки мураккаб тушунча билдирувчи сўз бирикмалари, шунингдек тугал фикр ифодаловчи гаплар ўрнида, ҳатто жуда мураккаб фикр ифодаловчи нутқнинг маълум бир парчалари ўрнида ҳам қўллана олади. Бир мисол: *Йўл-йўлакай 1941 йилда Лъвов шаҳрида рўй берган воқеани айтиб берди.*

— Биз бундан уч ийл олдин, худди мана шундай ёз фаслида Лъвовда Йўлдошев, Королёв, Валиев, Каримовлар билан бирга худди шу кунгидай кинони томоша қилиб, қизлар билан ўйин тушдик, саир қилиб қисмга қайтдик. Дарё қирғоги... Дараҳтзор, унинг теварагида оқ ҷодирлар ўрнатилган. Оқшом ҳавоси шу қадар мусаффо, қайин дараҳтларининг гулларидан сочилаётган ҳидни ҳаво билан қўшиб, ҳар қанча шимирсанг ҳам тўймайсан киши... Етдик, бир маҳалгача нимагадир ухлай олмадим. Кўзим уйқуга кетгандай бўлди-ю, ўзимни яна уйғоқ ҳис қиласман. Қаёқдандир пулемёт овози эшитилгандай бўлди. Ҷодирда қатор каравот, жангчилар ширин уйқуда. Мен билан ёнма-ён ётган Йўлдошев додлаб ўрнидан туриб ўтириди, у худди инжиқлик қилаётган ёш бола сингари тебраниб йиглар эди. Мен: «Йўлдошев, босинқираяпсизми? Тинч ётинг!» деб кулдим ва уни ётқизиб қўйдим. Йўлдошевнинг йигиси борган сари пасайиб, нихоят хўрсина-хўрсина жим қолди...

ёнбошим ҳўл бўлиб, иссиқ бир нарса пилчиллайди... Қайрилиб қарасам, ҳамма ёним қон. Шошиб қолдим. Йўлдошев тинч ётар эди. Унинг чап ёнида ухлаб ётган Кисилёв сакраб ўрнидан турди-да, бирдан ерга йиқилди, чурқ этмасдан у ҳам ётиб қолди. Ўйқум ўчиб, хаёлим қочиб кетди. Атрофдаги чодирлардан ҳам дод-фарёд овозлари эшитила бошлади. Та什қарига югурниб чиқдим. Немис аэроплани шу қадар паст учмоқда эдики, ҳатто фашист учувчиси менга муштини кўрсатиб пулемётдан йқ узди. Бу 1941 йилнинг 21 июнь кунидаги Львов шаҳрида бўлиб ўтган эди. (Н. Сафаров).

Келтирилган мисолда бу олмоши ўзидан олдинги бутун бир нутқ парчаси ўрнида қўлланган, у ана шу нутқ парчаси орқали ифодаланган мазмунга ишора қиласпти. Шу фактнинг ўзиёқ олмошларнинг конкрет бир тушунчани ифодаламаслигини, конкрет бир лексик маънога эга бўлмаслигини, олмошларнинг маъноси контекстда, нутқ ситуациясида реаллашувини кўрсатади.

Юқорида сўзнинг тушунча ифодалаши, умумлаштириш хусусиятига эгалиги алоқа воситаси бўлган тилнинг жуда катта имконияти (ютуғи) экани айтилди. Бу жиҳатдан олмошларнинг нутқда тутган ўрни ҳам ниҳоятда муҳимдир. Чунки гарчи тушунча ифодаламаса-да, тушунча ифодалайдиган минглаб сўзлар ўрнида биргина олмошни қўллаш мумкинлиги, ҳатто жуда мураккаб мазмунни ифодалайдиган нутқ парчалари ўрнида биргина олмошни қўллаш мумкинлиги ўзаро алоқадаги (фикр олишувдаги) жуда катта имконият ҳисобланади. Бу ҳодиса фикр олишувда фақат ихчамликнинг таъминланишигина эмас, балки алоқа қуроли бўлган тилнинг муҳим хусусияти, имкониятидир. Юқорида келтирилган мисолдаги катта бир парча орқали ифодаланган мазмунга ишора қилувчи бир сўз (олмош) бўлмаганида, кейинги жумлада, яъни бу олмоши ўрнида ўша парчани яна қўллаш керак бўлар эдики, бу йўл билан фикр олишиш жуда қийин бўлишини тасаввур этиш қийин эмас.

Лексик маъно (семема) структураси

Лексик маънога муносабатига қўра атоқли отлар ҳам мустақил сўзлар ичida ўзига хос ўрин тутади. Қўпчилик мутахассислар атоқли отларнинг лексик маънога эга эмаслигини таъкидлаганлари ҳолда, айрим ишларда уларнинг лексик маънога эгалиги айтилади.

Юқорида кўриб ўтдикки, сўзлар (мустақил маъноли сўзлар) нарса, белги ёки харакатнинг айнан ўзини эмас, балки улар ҳақидаги тушунчани билдиради. Атоқли отлар эса бундай хусусиятга эга эмас. Улар айнан бир шахс ёки нарсанинг номи (атамаси) ҳисобланади, демак, улар айнан бир шахс ёки нарсанинг ўзини билдиради. Шунинг учун ҳам атоқли от билдирган шахс ёки нарса таниш бўлсагина, унинг кимни ёки нимани билдириши маълум бўлади. Акс ҳолда атоқли от ҳеч нарсани билдира олмайди (шахс ёки нарсанинг ўзига қараб унинг конкрет атамасини билиб бўл-

майди). Масалан, *ўрмон* сўзи маълум бир тушунчани ифодалагани учун, бу сўзниг ўзи ҳам, унинг маъноси ҳам ҳаммага маълум. Лекин у атоқли от сифатида бўлганида конкрет бир шахсни атайди. Бу шахс таниш бўлсагина, *ўрмон* сўзининг кимни аташи маълум бўлади. Ана шунинг ўзиёқ атоқли отлар конкрет шахс ёки нарсани билдиришини, лексик маънога эга эмаслигини кўрсатади.

Лексик бирлик сифатида сўзни лексема деб аташ маъқул кўрилганидек, лексик маънони семема деб аташ ҳам одат тусига кирди. Бу терминлар сўз семантикасини ўрганишда айниқса қўл келади. Лекин сўз семантикасининг таҳлилида фақат шу терминларни қўллашни тавсия этиш тўғри бўлмайди. Сўз ва лексема, лексик маъно ва семема терминларининг ҳар биридан фойдаланавериш мумкин.

Сўзлар ўзларига хос фонетик, сўз ясалиш, морфологик каби структураларга эга бўлгани сингари, ўзига хос семантик структурага ҳам эга бўлади. Шу билан бирга, сўзининг семантик структурасига кирувчи лексик маъно (семема) ҳам маълум компонентлардан таркиб топади. Бундай компонент (қисм)лар сема деб аталади. Баъзан лексик маъно структураси билан сўзининг семантик структурасини бир хил ҳодиса сифатида қараш ҳолларини ҳам учратиш мумкин. Лекин улар бир-биридан фарқли ҳодисалар. Лексик маъно сўзининг семантик структурасидаги компонентлардан ҳисобланади. (Бу ҳақда «Сўзининг семантик структураси» баҳсида гапирилади).

Лексик маънони унинг компонентлари (семалари) асосида таҳлил этишга кейинги вақтларда алоҳида эътибор берила бошлиди. Бундай усуздаги таҳлил сўз семантикасига алоқадор жуда кўп ҳодисаларнинг моҳиятини тўғри белгилашга имкон беради. Чунки семалар семеманинг мундарижасини ташкил этади. *Мас., атроф* лексемасининг семемаси ҳамма ва томон семаларидан; *касал* лексемасининг бир семемаси организм, фаолият ва бузилмоқ семаларидан; *кучаймоқ* лексемасининг бир семемаси кучли, дарража ва олмоқ семаларидан таркиб топган.

Семеманинг семаларини конкрет белгилаш маъно жиҳатдан ўзаро қандайдир алоқаси бўлган сўзлар муносабатини, шунингдек кўп маъноли сўзлар семемаларини тўғри белгилашга имкон беради. Чунки ўзаро қандайдир алоқаси бўлган семемаларда улардан ҳар бирiga хос бўлган, шунингдек умумий бўлган семалар мавжуд бўлади. *Мас., полисемантик* сўзларда унинг семемалари учун умумий бўлган ва семемаларнинг ўзига хос бўлган семалари бўлади. Ана шу семаларни аниқ белгилаш полисемантик лексемалар семемаларининг, шунингдек полисемантик сўз билан омонимни тўғри фарқлашга имкон беради (Булар ҳақида полисемия, синонимия, антонимия каби бўлимларда кенгроқ тўхттаймиз).

Тилшуносликда лексик маъно компонентларининг ўзаро муносабатда олиб қаралаётган семемалардаги иштироки ва б. хусусиятига турлича ёндошиш натижасида семемаларнинг турлича фарқланиши ва турлича номланишини учратиш мумкин: *архисема, уму-*

мий сема (муштарак сема), дифференциал сема (фарқловчи сема), классема (синтагмема) ва ҳ. Лекин муайян лексик-семантик группага онд семемалардаги семаларни, шу семалар учун умумийлик ёки хусусийликка эгалигига кўра, икки турга бўлиш мумкин: 1) умумий сема, 2) дифференциал сема.

Умумий семалар полисемантик сўзнинг семемаларида бир хил (умумий) бўлган семадир. Мас., термоқ феъли кўп маъноли. Шулардан қўйидаги уч маъноси (семемаси) нинг семалар составига эътибор берайлик;

1. Тарқоқ ҳолдаги жойидан бир-бир олмоқ (тўплаш, йиғиш мақсадида): пахта термоқ, помидор термоқ, олма термоқ; 2. Орасидан (қаторидан) бир-бир олмоқ (тозалаш, тартиблаш ва ш. к. мақсадда): гуручнинг курмагини термоқ. Соқолингиз устарага илинмайди, лекин аямнинг қоши тераадиган мўйчинакларида юлсангиз ҳам бўлади (Санд Аҳмад). 3. Маълум тартиб билан бир-бир (ёнма-ён, устма-уст ва ҳ.) жойлаштироқ: кабобни кўрага термоқ; саватга анжирни термоқ. У токчалардаги чойнакниёла, патнус, ликобчаларни тартиб билан терди... (Ҳ. Фуло м). Ҳаётхон бечора ип эшиб, марваридларни тершига ўтиреди (М. Исимоилий). Термоқ феълининг келтирилган учала лексик маъносида ҳам «бир-бир» («бірмә-бір») семаси бор. (учала маъно учун ҳам умумий сема). Биринчи ва иккинчи маъноси (семемаси) учун эса «олмоқ» семаси ҳам умумий.

Полисемантик сўз семемаларида иштирок этадиган, юқорида кўрилганидек, умумий (бир хил) семадан ташқари, бирида йўқ, лекин бошқасида қатнашувчи сема ҳам бўлади. Масалан, термоқ феълининг учинчи семемасидаги «жойлаштироқ» семаси биринчи ва иккинчи семемасида йўқ. Бундай семалар дифференциал сема деб аталади. Демак, бирдан ортиқ семеманинг бир лексемага бирлашиши умумий сема асосида бўлса, ўзаро алоқадор маъно (семема) нинг бир-биридан ажralиши дифференциал сема асосида бўлади. Ана шундай умумий ва дифференциал сема бўлмаган тақдирда полисемия ҳақида гапириш мумкин бўлмайди.

Умумий ва фарқловчи семалар бир семантик майдонга мансуб сўз (лексема)ларда ҳам бўлади. Мас., кўлам сифатларининг барчасида «кўлам» семаси, сезги ифодаловчи сифатларининг барчасида «таъсир этиш» семаси бўлади. Кўлам сифатлари: чуқур 'қўйинга узунлик кўлами катта', ўғон 'эн ва ён кўлами катта'; узоқ 'узунлик кўлами катта' ва ҳ. Сезги ифодаловчи сифатлар: мулойим 'тусмоллаш органига ёқимли таъсир этувчи'; ширин 'таъм сезиш органига ширали таъсир этувчи' ва ҳ. Демак, бунда умумий семалар семемаларни бир лексемага эмас, балки шу семемалар асосида лексемаларни маълум семантик майдонларга бирлаштиради. Бундай семалар лингвистик адабиётларда архисема деб ҳам юритилади.

Лексик маъно типлари

Сўзнинг лексик маъносига турли нуқтаи назардан ёндашилади ва шу асосда лексик маъно типларга ажратилиб, махсус номлар билан аталади. Лекин типларга ажратишдаги нуқтан назар турлича бўлганидан, лексик маънони типларга ажратишда, шунингдек бу типларни аташда ҳам ҳар хилликлар бор. Лингвистик адабиётларда лексик маънога нисбатан *этимологик маъно*, *генетик маъно*, *архаик маъно*, *бош маъно*, *асос маъно*, *ясама маъно*, *ҳосила маъно*, *тобе маъно*, *тўғри маъно*, *кўчма маъно*, *номинатив маъно*, *фигурал маъно*, *эркин маъно*, *богли маъно* ва шу каби бир неча хил терминларнинг қўлланиши лексик маънога турли нуқтаи назардан ёндошиш ва унинг типларини ҳар хил тушуниш натижасидир.

Лексик маънога синхроник планда қаралганда, яъни типларга ажратишда ҳозирги тилга оид лексик маъно кўзда тутилганда, унга қўйидаги жиҳатлардан ёндошиш керак бўлади: 1) ясалиш муносабатига кўра, 2) объектни ифода этишига кўра, 3) нутқда реаллашиш ҳолатига кўра.

Ясалиш (ҳосил бўлиш) муносабатига кўра лексик маъно икки турга бўлинади: асос маъно ва ясама маъно.

У ёки бу маънонинг юзага келишида асос бўладиган маъно асос маъно, унинг таъсирида (асосида) ҳосил бўлган маъно ясама маъно ҳисобланади. Мас., тугун сўзининг қўйидаги биринчи гапдаги маъноси асос маъно, иккинчи гапдаги маъноси эса ясама маънодир: *Девона белбогининг тугунига астойдил ёпишган ҳолда: Ўғирламадим тентак. Ҳожи поччамнинг тўйидан олдим, жинни!—деди* (А. Қодир ий). Адолат бошидаги тугенини, орқасидаги қопчигини ерга қўйиб. *Шакархонга қаради* (И. Рахим).

Ясалиш муносабатига кўра лексик маъно икки турга (асос ва ясама маънога) ажратилар экан, ўз-ўзидан, бунда бирдан ортиқ маънонинг ўзаро муносабати ётади. Демак, лексик маънони бундай типларга ажратиш ва номлаш полисемантик сўз маънолари учун характерли. Бир маъноли сўзларда лексик маънонинг бундай типлари бўлмайди.

Маълумки, полисемантик сўзларнинг маъно миқдори ҳар хил (икки ва ундан ортиқ) бўлади. Бунда ясама маъноларнинг ҳаммаси бир маъно асосида ҳосил бўлавермайди албатта, яъни полисемантик сўзларда асос маъно ҳамма вақт битта бўлавермайди. Асос маъно полисемантик сўзларда битта ёки бирдан ортиқ бўлиши мумкин. Масалан, аъзо сўзи қўйидаги маъноларга эга:

1. Одам ёки ҳайвон танасининг муайян вазифани бажарувчи қисми: *Сезги аъзолари*; 2. Бирор гуруҳ, колектив ва ш. к. га мансуб шахс: *Кохоз аъзолари*. 3. Бирор иш-ҳаракат, фаолият қатнашчиси: *Делегация аъзолари*. Кейинги икки маъно биринчи маъно асосида юзага келган. Демак, бу сўзда бир асос маъно ва икки ясама маъно бор. *Ўйин* сўзининг маънолари муносабатида бошқачароқ ҳолни кўрамиз. Бу сўз қўйидаги маъноларга эга:

а) кўнгил очиш, дам олиш мақсадидаги эркин (эрмак) машғулот. У жуда зерикуб, нима ўйин ўйнашини, ким билан ўйнашини билмас эди (Ойбек).

б) рақс: *Кўпчилик йигитлар ўртасида оқ кофтали, қора юбкали, қомати ихчам Фотима ҳозир ўйинга тушиб кетадигандай қувониб турар эди* (П. Турсун).

в). ютиш-ютқизиш асосидаги эркин (эрмак) машғулот: *чиллак ўйини. Картада ўйини.*

г) Маълум қоидалар асосида бўладиган, мусобақага асосланган машғулот. *Футбол ўйини. Шахмат ўйини.*

Ўйин сўзининг 2- ва 3-маънолари 1-маъноси асосида юзага келган. 4-маъноси эса 3-маъноси асосида юзага келган. *Ушламоқ* феълининг қўйидаги мисоллардан иккинчи гапда ифодалайдиган маъноси биринчи гапдаги маъноси асосида, учинчи гапдаги маъноси эса иккинчи гапдаги маъноси асосида юзага келган: *Йўлчи бир қўли билан деразанинг дастасини ушлади* (Ойбек). Улар (қизлар) чимчиловчиларни қаргайдилар, *ушлаб олсалар, урадилар* (Ойбек). Дарҳақиқат, *Кумуш энг нозик жойдан ушлаган эди* (А. Қодирий).

Демак, ясама маънонинг ўзи бошқа маъно (ёки маънолар) нийг юзага келишига асос бўлиши, бинобарин, бу маъноларга нисбатан асос маъно ҳисобланиши мумкин.

Объектни қай тарзда ифодалашига кўра лексик маъно икки турга бўлинади: номинатив маъно ва фигурал маъно.

Номинатив маъно нарса, белги, ҳаракат ҳақидаги бевосита маълумот, улар билан бевосита боғланадиган маънодир. Фигурал маъно эса предмет, белги ёки ҳаракат билан бевосита боғланмайди, яъни сўз фигурал маъноси билан предмет, белги ёки ҳаракатнинг номига айланган бўлмайди, фигурал маъно номинатив маъно орқали предмет, белги, ҳаракат билан боғланади. *Тарвуз есанг, Анорбойникидан е, шираси тилингни ёради* («Муштум»). *Овознинг шираси қочган, кексалик...* (А. Мухтор). *Кўкламда она-бала тоғ этагидаги қўриққа чиқиб...* лалми буғдой экишиди, лекин қурғоқчилик бўлиб *урукка ҳам чув тушишиди* (П. Қодиров). *Низомул-мулк фитна уруғини узоқни мўлжаллаб, жуда маҳфий сепмоқда* (Ойбек). Сувонжон тол тагидаги камарга *шунғиб, ... анчадан кейин қўлида балиқ билан чиқиб келарди* (С. Азорбоев). *Ҳакимжон ҳеч кимнинг сўзи, таклифини кутиб турмасданоқ аввалгидек шига шунғиди-кетди* (С. Зуннова). *Ольга Петровна...* касалнинг тилини чиқартириб *кўрди* (М. Исмоилий). *Рустам деҳқончиликнинг тилини яхши ўрганган* (Ойбек). Келтирилган мисолларда *шира, уруғ, шўнғимоқ, тил* сўзларининг биринчи гапдаги маъноси — номинатив маъно, иккинчи гапдаги маъноси эса фигурал маъно.

Номинатив маъно ва фигурал маъно муносабати ҳам полисемантик сўз маънолари учун характерли. Полисемантик сўз маъноларидан фақат ясама (ҳосила) маъногина фигурал маъно бўла

олади. Лекин ясама маънолар доирасида ҳам фигуран маъно номинатив маънога нисбатан жуда кам миқдорни ташкил этади.

Нутқда реаллашиш ҳолатига кўра лексик маъно икки турга бўлинади: эркин маъно ва боғли маъно.

Эркин маъно нарса, белги, ҳаракат билан бевосита боғланадиган маъно бўлиб, унинг реаллашуви маълум контекстга, сўз қуршовига боғлиқ бўлмайди. Мас., *ўйин* сўзининг рақс маъноси, *чекмоқ* сўзининг ичга тортмоқ маъноси, *югурмоқ* фесълининг чопмоқ маъноси, *чап* сўзининг ўнгнинг акси маъноси эркин маъно ҳисобланади. Бу маънолар ҳеч қандай қўшимча воситага боғлиқ бўлмаган ҳолда реаллаша олади. Худди шу хусусиятига кўра бу тирадиги лексик маъно эркин маъно дейилади.

Боғли маъно маълум сўз ёки сўзлар қуршовидагина реаллашади. Бу маъно воқелик билан бевосита боғлана олмайди. Сўзининг боғли маъносида қўлланиш доираси жуда чегараланган бўлади, яъни у шу боғлиқ маънони реаллаштирадиган сўз ёки сўзлар билангина қўлланади. Мас., *юқоридаги* *ўйин*, *чекмоқ*, *югурмоқ*, *ўчмоқ*, *чап* сўзларининг қўйидаги гапларда билдирадиган маънолари боғли маъно ҳисобланади: *Қизники қийин билан*, *ўғилники ўйин билан битар* (Мақол). *Онажон, ғам-ғусса чекманг* (А. Мухтор). *Раис Умурзоқ отага ўхшаш обрўли, тажрибакор пахтакорларни қўлга олиш ниятида озмунча югурмади* (Ш. Рашидов). *Ғафур тобора асабийлашар эди, бунинг оқибатида қўзлари хиракалишиб, лаблари тирипирап, ранглари ўчиб, қўллари титрапди* (Ш. Рашидов). Ҳеч гапдан ҳеч гап йўқ, икки ёзувчи ё санъаткор бир-бира гап, бир-бiri билан қирпичоқ бўлиб қолишади (Уйғун). Бу мисолларда *ўйин*, *чекмоқ*, *югурмоқ*, *ўчмоқ*, *чап* сўзларига хос маъно улар билан қўлланадиган билан битар, *ғам-ғусса*, *қўлга олиш ниятида*, *ранглари*, *бир-бира гап* сўзлари ёрдамида реаллашыпти, яъни маънонинг реаллашуви шу сўзларининг қўлланиши билан боғлиқ. Худди шу сабабли бу маънолар боғли маъно ҳисобланади.

Контекстуал маъно

Кўриб ўтдикки, лексик маъно нутқдан ташқарида ҳам мавжуд бўлади ва у сўзининг семантик структурасида албатта иштирок этувчи компонент ҳисобланади. Бундан ташқари, сўзлар маълум контекст (ситуация)лардагина реаллашадиган маъно билан қўлланиши ҳам мумкин: *Матқовул ака, мен нон топармиканман деб қорин гамида мактаб очганим йўқ* (М. Исмоилий). Ҳар кала-мушларимиз борки, буғдойни шолига, арпани маккажўхорига аралаштириб тортгани-тортган (С. Махкамов). *Назир жавоб ўрнига бош эгди. Лоп этиб ёдига қишилоқ, сайдироқи келин аяси тушди* (С. Ражабов). *Кимдир шошиб жавоб қайтарди; бу гал унинг (душманнинг) кузи келади* (Н. Сафаров). *Сўзлаганда ҳам ўз фикрини чиройли қилиб, мақоллар билан тасдиқлаб мошгуруч қilmай ифодалар экан*. (Р. Рахмонов).

Мисоллардаги қорин сўзи тирикчилик, ейиш-ичиш маъносини, каламуш сўзи омбордаги хиёнатчи маъносини, сайроқи сўзи но-маъқул гапларни тұхтосиз, күп гапирадиган маъносини, куз сўзи ҳаётнинг охири маъносини, мошгуруч қилмай сўзи аралаш-қура-лаш қилмай маъносини билдирапти. Лекин бу маънолар қорин, каламуш, сайроқи, куз, мошгуруч қилмоқ сўзларининг семантик структурасида йўқ, фақатгина келтирилган гап (контекст) да реаллашаётган маънодир. Сўзниң ана шундай характердаги (контекстда реаллашадиган) маъноси контекстуал маъно дейилади. Демак, бундай маъно нутқий ҳодиса ҳисобланади. (Лингвистик адабиётларда бундай маъно «оккозионал маъно», «нутқий маъно» деб, сўзниң шундай маъно билан қўлланиши эса «лексик қўллаш» деб ҳам юритилади).

Маълумки, кўп маъноли сўзлар гапда бирор маъноси билан қатнашади, у ёки бу маъносида қўлланади. Гап (контекст) шу маънони конкретлаштиради. Бир мисол: Ҳаётхон бечора ип эшиб, марваридларни теришига ўтириди (М. И smoилий). Термоқ феъли кўп маъноли. Унинг маъноларидан бири қаторлаб тизмоқ, тахламоқдир. Келтирилган гап термоқ феълининг шу маъносини реаллаштирияни, унинг худди шу маъноси билан қўлланастганини аниқлаяпти. Демак, нутқда кўп маъноли сўз маъноларини конкретлаштиришда контекст муҳим роль ўйнайди. Лекин бунда контекст шу маънони келтириб чиқарувчи восита бўлмайди. Бу маъно сўзниң ўзида бор бўлиб, контекст сўзниң бошқа маъноларида эмас, балки худди шу маъноси билан қатнашаётганини реаллаштиради. Демак, сўзниң аслида мавжуд бўлиб, контекстда аниқ ажralадиган кўп маъноларидан бири лексик маъно бўлаверади. Реаллашуви контекста боғлиқ, контекст доирасида бўлавердиган маъногина контекстуал маъно ҳисобланади.

Лексик маъно маълум бир нарса, белги ёки ҳаракат ҳақидаги маълумот, сўз уларнинг атамаси бўлганидан, у (лексик) маъно шу нарса, белги ёки ҳаракат ҳақида аниқ тасаввур берид туради. Контекстуал маънода бундай хусусият йўқлигидан, унда лексик маънодаги каби конкретлик йўқ, бу маъно кўп ҳолларда жуда умумийлик характерига эга бўлади. *Кавак* сўзининг қуйидаги уч гапдаги маъносига эътибор беринг: Омбуриң қўлингда, бир қавак да ҳайдаса, бошқа қавак да тиши суғуриб айшинги қилаверасан (А. Қаҳҳор). Қизимни шу ерда бир клиникага жойлаштириб қўйишнинг иложи бормикан деб бошимни урмаган қавак қолмади (И. Укта мов). Тавба, ажойиб. Ешиш шунгача келиб бундайларни энди эшиштдим. Бутун умр қавак да ўтди (Ойбек).

Контекстуал маъно контекста боғлиқ бўлса-да, лекин уни «контекста хос маъно» деб тушунмаслик керак. Бу маъно ҳам сўзниң ўзига хос бўлади. Контекстуал маънонинг потенциал имконияти шу сўзниң ўзида бўлади. Акс ҳолда, мас., юқоридаги *кавак* сўзига хос маънони унинг ўрнида хоҳлаган сўзни қўллаш билан ифода этиш мумкин бўларди. Контекст сўздаги ана шу им-

кониятни рўёбга чиқаради, бу имконият контекст доирасида воқе-лик ҳолатида бўлади. Лексик маъно эса рўёбга чиқадиган, воқе-ликка айланадиган нарса эмас, балки бор нарса.

Полисемия

Тилдаги сўзларнинг бир ёки бирдан ортиқ маънога эга бўлиши маълум ҳодиса. Бир маънолилик ҳодисаси моносемия, кўп маънолилик ҳодисаси эса полисемия деб юритилади. Кўп маънолилик сўзнинг семантик структурасига оид ҳодисалардан биридир.

Бирдан ортиқ маънога эгалик (полисемия) деярли барча сўз туркумларида учрайдиган ҳодиса. Мисоллар: *Ўзбек ойим боши билан келинига ризолик билдириб, «баракалла!» деб кўйиди* (А. Қодир ий). *Шу савол бошига келганда, кўзига тўсатдан Канизак кўриниб, Сидиқжоннинг юраги ўйнаб кетди* (А. Қаҳҳор). *Пахта — бош вазифа* (Ш. Рашидов). *Биринчи жангда ёқ бош ўғли ўлди* (Х. Шарипов). *Назир кўрнинг плани навкарни боши из қолдириш эди* (Ж. Шарипов). *Сенга бир вазифа, — деди Марҳамат Аҳмаднинг қўлига қалин дафтар тутқазиб...* (Х. Назир). *Куёш секин-аста кўтарилиб, қалин шохлар орасидан мўралай бошлиди* (И. Раҳим). *У асли дадамнинг қалин ўртоғи бўлган* (А. Мухтор). *Сораҳон тез фурсат ичидагининг кўнглидан Мунисхон ишқини ювиб чиқарди* (А. Қаҳҳор). *Ҳарорати кучли, юрак урши фавқулодда тез эди* (А. Қодир ий). *Ғуломжон супадан пастга тушди* (М. Исмоилий). *Мана, мудирликдан тушди-ю, хийла одамшаванд бўлиб қолди* (П. Турсан). *Аҳмаджон шериклари билан урушдан хийла узоқда дам олиб ётган бир қисмга келиб тушганди* (А. Қаҳҳор).

Юқорида бош, қалин, тез тушмоқ сўзларининг икки-учтадан маъносига мисол келтирдик. Аслида шу сўзларнинг ўзи яна бошқа маъноларга ҳам эга.

Ҳар қандай сўз пайдо бўлишидан конкрет бир маънени билдиради, яъни бир маъноли бўлади. Полисемия сўз семантик структурасининг тараққиёти натижаси ҳисобланади. Демак, кўп маънолилик ҳодисаси тил тараққиёти процессида юз берар экан, бу нарса ўз навбатида тилнинг тараққиёт даражасини ҳам кўрсатувчи фактлардан ҳисобланади. Чунки бир сўз ёрдамида бирдан ортиқ нарса-ҳодисаларни ифодалаш имкони тил структурасининг ихчамилигини таъминлайди.

Кўп маънолик тил тараққиёти процессида келиб чиқадиган ҳодиса экан, уни келтириб чиқарадиган сабаб ва асосларнинг бўлиши ҳам табиий. Мана шу сабаб ва асосларни белгилаш сўз семантик структурасининг тараққиётини ўрганишда муҳим аҳамият қасб этади. Бундан ташқари, полисемия анча мураккаб ҳодиса бўлиб, сўз семантик структурасида мавжуд бўлган ҳар бир маънени белгилаш қийин, шу билан бирга ҳам амалий, ҳам назарий

аҳамиятга молик нарсадир. Бунда, айниқса, полисемияни ўзига ёндаш бўлган ҳодисалардан фарқлаб олиш муҳимдир.

Айтиб ўтилдики, полисемия сўзнинг бирдан ортиқ маънога эга бўлишидир. Сўзнинг бирдан ортиқ маъно касб этиши эса турли ҳодисалар натижасида содир бўлади. Булардан асосийлари қуидагилар: 1) *Сўзнинг янги маъно касб этиши натижасида*, 2) *кўп маъноли (полисемантик) асосдан ёки полисемантик аффикс ёрдамида сўз ясалиши натижасида*.

Ном кўчиш ҳодисаси янги маънони (шу билан бирга полисемияни) юзага келтирувчи асосий ҳодиса ҳисобланади. Ном кўчиши деганда, бирор нарса, ҳаракат, белги атамаси (номи)нинг бошқа нарса, белги ёки ҳаракатнинг ҳам номига (атамасига) айланиши тушунилади. Шундай ҳодиса юз берганда полисемия юзага келади. Мисоллар: ...*ҳўйл сочиқ билан кўкрак, бўйин ва яғриналарни обдон шиқалаб, қонини бетга тентирди* (Шуҳрат). *Ҳовлида хотинларнинг шовқин-сурони,, кўкрак эмадиган болаларнинг чирқиллаб йиглашлари ва қий-чув товушлар янгради* (Ойбек). ...*костюм ҳали бўйига нисбатан ингичка бўлган қаддига кенглик қилади, кўкраги бир оз халта бўлиб ёқаси кўчиб турибди* (Л. Кодиров). Эртадан — кечгача яйлов ғалада тинмай ўйнаб чарчаган шўх болаларни бир лаҳзада ва бирдан уйку олди (Ойбек). О, бизнинг йигитлар жуда шўх бўлади (Шуҳрат). Дўстлар, қанча шодлик, қанча мазмун бор. Голиб колхозчининг шўх ялласида (Уйғун); ...*қўйножидан ўзининг қадрдан йўлдоши — ўткир пичоғини олди-да, нонни кесаверди* (Ойбек). *Йўлчи ҳали гапини битирмаган эди, Мирзакаримбой уни кесди* (Ойбек). Улгуржи савдогарларга сотиладиган молларнинг нархини ҳожи Ҳамдам кесиб берарди (М. Осим).

Бу текстларда *кўкрак, шўх ва кесмоқ сўзларининг учтадан маъносини тасдиқловчи гапларни келтирдик*. Бу сўзларнинг ҳар бири дастлаб бир нарса, бир белги ва бир ҳаракатни билдирган Mac., *кўкрак* сўзи тананинг бўйиндан қорингача бўлган қисмини билдирган. Кейинчалик *кўкрак* товуш комплекси кейинги икки мисолдаги нарсаларни ҳам билдирадиган (атайдиган) бўлган, уларга ҳам ном бўлиб кўчган. Натижада *кўкрак* сўзининг (шу номнинг) маъно микдори кўнайган — *кўкрак* полисемантик сўзга айланган. *Шўх, кесмоқ сўзлари ҳақида ҳам худди шуларни айтиш мумкин*.

Янги маъно эллипсис натижасида, шунингдек семантик калька натижасида ҳам ҳосил бўлади ва бунинг оқибатида ҳам полисемия юзага келади: Mac., кенг сўзининг «ҳимматли» маъноси эллипсис натижасида, яъни *фебли кенг бирикмасидан феъл* сўзининг тушиши натижасида ҳосил бўлган: *Холам қўли очиқ, кенг. Овқатни улашар тенг* (Қ. Мұхаммади). *Тўқима сўзининг нерв тўқимаси, мушак тўқимаси* каби бирикмаларда билдирадиган маъноси русча *нервная ткань, мышечная ткань* терминларини калька йўли билан ўзлаштириш натижасида ҳосил бўлган.

Умуман, янги маъно ҳосил бўлиши натижасида полисемиянинг юзага келиши кўп маънолилик ҳодисасининг ривожланишидаги асосий йўл ҳисобланади. (Янги маънонинг ҳосил бўлиши ва бунга олиб келувчи факторлар, ҳодисалар ҳақида «Сўз семантик структурасининг ўзгариши» бўлимида гапирилади).

Кўп маъноли сўздан янги сўз ясалганда, ясама сўз бир маъноли ёки кўп маъноли бўлиши мумкин. Mac., дил сўзи кўн маъноли, *дилкаш* сўзи эса бир маъноли. Агар кўп маъноли сўзниң бирдан ортиқ маъноси асосида сўз ясалса, ясама сўз ҳам кўп маъноли бўлади. Mac., эрта сўзи ‘барвақт’ ‘келаси кун’ маъноларига эга. Ундан -ги аффикси ёрдамида ясалган эртаги сўзи ‘эртапишар’ ва ‘келгуси кунга оид’ маъноларини ифодалайди. *Раъно сув салқинида бугун ҳам эрта ухлаб қолди* (И. Раҳим)... иши бўлмаса ётинглар, эрта вақтлироқ туриб ёвонга гўнг ташийсизлар (С. Айнӣ). Эртаги машғулотлари ёдига тушиб, «ётиш керак», деди (Шуҳрат). Колхозда эртаги, ўртанги ва кечки сабзавот, картошка ва резавор экинлари экши плани тўла бажарилган («Совет Узбекистони»).

Полисемантик сўз печа маънога эга бўлса, ундан ясалган сўз ҳам шунча миқдордаги маънога эга бўлавермайди. Айтиб ўтганимиздек, кўп маъноли сўзниң нечта маъноси сўз ясалишида асос бўлса, ясама маънонинг миқдори шунга қараб (оз ёки кам) бўлади. Mac., қолмоқ феъли ҳозирги ўзбек тилида йигирмага яқин маънога эга. Ундан ясалган қолоқ сўзи эса ‘тараққиёт даражаси наст’, ‘илфорнинг акси’ каби саноқли маъногагина эга. Шуннингдек, термоқ феъли ўнга яқин маънога эга бўлгани ҳолда, ундан ясалган терим сўзи бир маънога эга. Чунки-им аффикси ёрдамида сўз ясалишида термоқ феълининг биргина маъноси ясовчи маъно сифатида қатнашади: *пахта термоқ — пахта терими*. Термоқ феълининг бошқа маънолари-им аффикси ёрдамида от ясалишида иштирок этмайди.

Ясама сўзниң кўп маъноли бўлишида ясовчи аффиксининг кўп маъноли бўлиши ҳам роль ўйнайди. Mac., *гулчи* сўзи гул экиб, тарбиялаб етиштирувчи ва гул сотувчи (*гулфуруш*) маъноларига эга: Секретарнинг отаси — собиқ оддий мардикор ҳам нозик гулчи эди (Ойбек). Улар... гулчилардан гул сотиб олиб, қизларга гул тақдим қилдилар. (П. Турсун). Гул сўзи кўп маъноли. Лекин *гулчи* сўзининг икки маънога эгалигига сабаб унинг гул сўзи икки маъноси асосида ясалаётгани эмас, балки-чи аффиксининг асосдан англашилган нарса билан шуғулланувчи, уни етиштирувчи ва шундай нарса билан шуғулланувчи маъноларига эгалиgidir (шундай маъноли от ясаш хусусиятидир). Қисёланг: *пиллачи* — пилла етиштирувчи, *кўкчи* — кўк сотувчи. Демак, гул сўзининг бир маъноси асосида ясалган *гулчи* сўзи-чи аффиксининг икки маъноси таъсирида у ҳам икки маъноли бўляпти. Сутли сўзида ҳам унинг сут асоси бир маъноси билан қатнашади, лекин сутли сўзи қуйидаги маъноларга эга: 1. Сути бор, сут солинган:

*сутли идши, сутли чой; 2. Сут берадиган, соғиладиган: сутли си-
гир; 3. Серсүт.*

Хуллас, туб сўзларда полисемиянинг юзага келиши сўзда янги маъноларнинг юзага келиши билан боғлиқ. Ясама сўзларда эса бу ҳодиса сўз ясалиш асоси ёки ясовчи аффикснинг кўп маънолилигига ҳам боғлиқ. Лекин ясама сўзларда ҳам ном кўчиши, эллипсис каби ҳодисалар натижасида янги маъно ҳосил бўлади. Мас., *байроқдор* сўзининг етакчи ўринда борувчи, ўrnak — намуна кўрсатувчи маъноси сўз ясалиши натижасида эмас, балки ном кўчиши натижасида ҳосил бўлган. Сўз ясалиши эса қўшин, намойишчилар ва ш. к. олдида байроқ кўтариб борувчи маъносини келтириб чиқарган. Қуйидаги икки мисолни қиёсланг: *Элмурод саф олдига югуриб кетди ва баироқ доор билан ўрин алмашиби* (П. Турсун). Қишлоқ коммунистик меҳнат ҳаракатининг *баироқ доорларига янги муваффақиятлар бўлсин!* («Совет Узбекистони») *Боғламоқ* сўзининг қуйидаги биринчи гапдаги маъноси боғ асоси ва-ла аффикси маъноси асосида келиб чиқади. Иккинчи гапдаги маъноси эса ном кўчиши асосида келиб чиқсан маънодир: *Хотинлар боя отларнинг оёғига ёпишиб йиғлагандা, паранжси ичиде келтиришган қорамтирилди* (М. Исмоилий). *Бошқарма бизга кексашичилардан боғлаб қўйисин* (А. Мухтор).

Кўп маънолилик ҳодисасини ўрганишда икки нарса энг муҳим. Биринчидан, кўп маъноли сўз маъноларини аниқ белгилаш, демак, сўзининг полисемантиклик ҳолатини аниқ белгилаш. Иккинчидан, полисемияни омонимиядан тўғри фарқлаш.

У ёки бу сўзининг полисемантик сўз экани унинг бирдан ортиқ лексик маънога эгалигидир, яъни сўзда лексик маънонинг бирдан ортиши полисемияни юзага келтиради. Шундай экан, полисемияни тўғри белгилаш ва полисемантик сўз маънолари миқдорини тўғри белгилаш лексик маънони тўғри (ашиқ) белгилашига боғлиқ. Контекстуал маъно (ёки маънолар) ҳеч вақт полисемияни юзага келтирмайди, фақатгина лексик маънонинг бирдан ортиқ бўлниши полисемия ҳисобланади. Бир мисол: *Оқшом ҳавоси шу қадар мусаффо, қайнин дараҳтларининг гулларидан сочиллаётган* (Н. Сафаров). Шу гапда сочилмоқ ва шимирмоқ сўзларининг қандай маъно ифодалаётгани маълум. Лекин бу маънолар шу гап доирасида реаллашаётган маънолар, яъни контекстуал маънолардир. Шу сабабли улар сочилмоқ ва шимирмоқ феълларининг асл маънолари ёнига қўшилувчи лексик маъно бўла олмайди. Бинобарин, улар сочилмоқ, шимирмоқ феълларини полисемантик сўзга айлантира олмайди.

Кўриб ўтдикки, бир сўзининг, аниқроги бир номнинг бирдан ортиқ маънога эга бўлиши — полисемия. Номнинг (товуш қобигининг) бир (битта) бўлиши билан полисемия ва омонимия ўртасида ёндошлиқ, ўхашлиқ бор. Лекин улар бир-биридан таомнила фарқли ҳодисалардир.

Полисемия бир сўзниг кўп маънога эгалигидир, яъни бунда маънолар миқдори қанча бўлишидан қатъи назар, сўз битта бўлади. Омоним эса товуш қобиғи (номи) бир хил, лекин бошқабошқа сўз бўлади. *Мас., ўт* (олов) ва *ўт* (кўкат); *боф* (мевали дарахт, ток ва ш. к. ишрол этган майдон) — *боғ* (боглайдиган нарса). Омоним бошқабошқа сўзлар бўлиши туфайли уларнинг маъноси ўртасида боғланиш бўлмайди: *тўр* (сетка) — *тўр* (уй, супа кабиларнинг юқори қисми). Полисемантик сўзниг маънолари ўртасида боғланиш бўлади. Узмоқ феълининг куйидаги гапларда ифодалайдиган маъноларига эътибор беринг: Дуторчи дуторнинг қулогини жаҳл билин қаттиқ бурао торини уз иб юборди. (А. Қаҳҳор). *Мастура патирни рапидасиз узуб олди-да, куйган қўлини... сувга ботирди* (Ойбек). *Қўрқмасим ҳам борми, ўзинга эҳтиёт бўл, хатингни узма* (Н. Сафаров).

Хуллас, полисемия — бир сўзниг кўп маънога эгалиги, омонимия — товуш қобиғи бир бўлган бошқабошқа сўзлар (Полисемия билан омонимиянинг ўзаро фарқи ҳақида «Омонимия» баҳсида муфассал гапирилади).

Қўшимча оттенкалар

Семантик структурадаги қўшимча оттенкаларга маъно оттенкаси, эмоционал-экспрессив оттенка ва стилистик белги киради.

Маъно оттенкаси. Сўзниг номинатив маъноси тушунча билан боғланишини кўрдик. Лекин бу ҳол сўзга хос лексик маъно билан тушунчанинг тенглигини кўрсатмайди. Лексик маъно тушунча билан боғланган ҳолларда ҳам, яъни сўз тушунча ифодалаган ҳолларда ҳам лексик маъно билан тушунча бир-бирини тамомила қоплай олмайди. Лексик маънода нарса, белги ёки ҳаракатнинг айрим томони акс этмаслиги ва, аксинча, уларнинг айрим томони алоҳида (таъкидли тарзда) ифодаланиши мумкин ва ҳ. *Мас., бурч, вазифа* сўзлари зиммадаги иш, мажбурият маъносига эга. Лекин *бурч* муҳим, масъулиятли вазифани билдиради, яъни *бурч* сўзининг маъносида тушунчанинг ана шу томони (қирраси) ҳам акс этади. *Тингламоқ* феъли умуман эшитишни эмас, балки диққат-эътибор билан эшитишни билдиради ва бошқалар.

Сўзниг лексик маъносидаги тушунчадан фарқли ана шундай белги-хусусиятлар (бундай белги-хусусиятлар жуда хилма-хил) маъно оттенкалари дейилади.

Маъно оттенкалари турли-туман бўлиб, улар лексик маънонинг тушунча билан умумий ёки конкрет тарзда боғланишида, лексик маънода нарса, белги ёки ҳаракатнинг маълум томонлари таъкидли тарзда акс этишида, сўз маъносининг маълум ҳодисалар доирасида чегаралашганлиги (шунга хосланганлиги) ва шу ҳаракатларда кўриниади. Сўзниг маъно оттенкаси, яъни лексик маънога қўшимча тарздаги юқоридаги каби хусусиятлар, унинг (сўзниг) бошқа сўзлар билан бирекиши имконини белгилайди. Буни

айниқса синонимларда жуда аниқ күриш мумкин. Мас., *кесмоқ* ва *қирқмоқ* феъллари бир умумий маънога эга бўлгани ҳолда, лентани *қирқмоқ*, бедани *қирқмоқ* каби бирикмалардаги *қирқмоқ* ўрнида *кесмоқ* феълининг кўлланмаслиги (*лента кесмоқ*, *беда кесмоқ* дейилмаслиги); *ўсмоқ*, *улғаймоқ* феъллари бир умумий маънога эга бўлгани ҳолда, *улғаймоқ* феълининг одамдан бошқа жонлини билдирувчи сўзлар билан бирика олмаслиги (*той улғайди*, *чўчқа улғайялти* дейилмаслиги), *касал* сўзи жонли ва жонсиз нарсаларни билдирувчи сўзлар билан бирика олгани ҳолда (*касал одам*, *касал мол*, *касал дараҳт*), бетоб сўзининг фақат инсонни билдирувчи сўзлар билан бирика олиши (*бетоб киши*, *бетоб аёл ва б.*) сўзга хос маъно оттенкаларининг таъсирида юз берувчи ҳодисадир.

Белги билдирувчи сўзларда лексик маънога қўшимча тарздаги бундай хусусият, яъни маъно оттенкаси белги даражасининг турлича бўлишида ҳам кўринади. Мас., *оҳ*, *фифон*, *ағғон*, *фарёд* сўзларида белги даражаси маънода умумийликка эга бўлган *нола* сўзидагига нисбатан кучли; *дуруст*, *тузук*, *бинои* сўзларида белги даражаси ўзаро маънодош бўлган *яхши* сўзидагига нисбатан кучсиз ва бошқалар.

Хуллас, сўзининг турли маъно оттенкаларига эга бўлиши ҳам лексик маъно ҳажми билан тушунча ҳажми бир-бирига тенг келавермаслигини тасдиқловчи фактдир.

Йўқорида айтилганлар ва келтирилган фактлардан маълум бўладики, бир томондан, тушунча фақат сўз орқали эмас, балки тилининг бошқа бирликлари билан ҳам ифодаланади. Иккинчи томондан, ҳар қандай сўз тушунча ифодалайвермайди, лекин ҳамма вақт лексик маънога эга бўлади. Учинчидан, бир сўз (кўн маъноли сўз) бирдан ортиқ тушунча ифодалай олади. Ниҳоят, тўртинчидан, сўзининг маъноси тушунча билан боғли бўлган ҳолларда ҳам лексик маъно ҳажми билан тушунча ҳажми ўзаро тенг бўлавермайди, балки улар ўртасида маълум фарқлар бўлади.

Эмоционал-экспресив оттенка. Сўзининг семантик структурасига эмоционал-экспресив оттенка ҳам киради (эмоционал-экспресив оттенка «эмоционал-экспресив бўёқ» деб ҳам юритилади). Эмоционал-экспресив оттенка сўзининг, лексик маънога қўшимча тарзда, субъектнинг турли муносабатини, ҳис-туйғусини, кайфиятини ифодалаш хусусиятидир. Сўзининг семантик структурасида лексик маъно албатта бўлади. Эмоционал-экспресив оттенка эса бу структурада албатта қатнашувчи (доимий) компонент эмас. Айрим сўзлар бундай оттенкага эга бўлмаслиги, яъни эмоционал-экспресивликка нисбатан нейтрал (бетараф) бўлиши, баъзи сўзлар эса эмоционал-экспресив оттенкали бўлиши мумкин. Мас., *гавдали*, *барзанги* сўзларидан *гавдали* сўзи эмоционал-экспресивликка нисбатан нейтрал. *Барзанги* сўзи эса салбий эмоционал оттенкага эга.

Эмоционал-экспресив оттенка субъектнинг қандай муносабатини кўрсатишига кўра иккি турли бўлади: 1) ижобий, 2) салбий,

Масалан, чеҳра сўзи юзни ижобий эмоционал оттенка билан ифодалайди (юз сўзи эмоционал-экспрессивликка нисбатан нейтрал); тиржаймоқ сўзи жилмайишни салбий эмоционал оттенка билан ифодалайди (жилмаймоқ сўзи эмоционал-экспрессивликка нисбатан нейтрал) ва б.

Стилистик белги. Сўзниң семантик структурасига оид компонентлардан бири стилистик белгидир. (Айрим ишларда бу белги «стилистик бўёқ» деб ҳам юритилади). Стилистик белги сўзниң нутқи услубларидан бирига мансублигини қўрсатувчи, сўзни нутқи услубига кўра характерловчи хусусиятдир. Мисоллар: *Негаки, одам боласи ақлини танигандан бошлаб умрининг охирга орзу-ҳавас оғушида яшайди* (Ё. Шукров). Кейин ўзига ўхшаган ўртоғи билан куни бўйи роса тортди (А. Убаидулла). *Охирги нафаси чиққунча сув деб ётди боёқиши* (Ж. Абдуллахонов). Ўтапниң қистови билан ошга қолган Жўравой ота ҳамон ўй сурини ўтирган афторда қизига деди (Ҳ. Фулом). Бу мисоллардаги оғуш сўзи бадий услугуга, тортмоқ сўзи шу маъносида (ичмоқ маъносида) оддий сўзлашувга, боёқиши сўзи оддий сўзлашувга ва кўпроқ аёллар нутқига хос. Афтода сўзи эса китобий ва эски услугуга хос.

Ҳар қандай сўз ҳам маълум бир услугуга хос бўлавермайди. Тилдаги сўзларниң кўпгина қисми умумнутқа оид бўлади, яъни нутқи услубига нейтрал муносабатда бўлади. Мас., оғуш, тортмоқ, боёқиши сўзларининг синоними бўлган қучоқ, ичмоқ, бечора сўзлари умумнутқа хос, стил жиҳатдан нейтрал (бетараф) сўзлардир (Сўзларниң нутқи кўришишларига хосланганлиги нуқтаи назаридан характеристикаси алоҳида бўлимда ёритилади).

Маълум бўлдики (сўзниң семантик структурасига лексик маъно, маъно оттенкаси) эмоционал-экспрессив оттенка ва стилистик белги киради. Лексик маънога қўшимча тарздаги компонентлар сўзниң семантик структурасида бўлиши ҳам, бўлмаслиги ҳам мумкин.

Юқорида кўриб ўтдикки, сўзниң турли маъно оттенкаларига, эмоционал-экспрессив ва стилистик оттенкаларга эга бўлиши унинг (сўзниң) тушунчанийнан ифодаламаслиқ белгисидир. Агар сўз маъно оттенкаси ва эмоционал-экспрессив оттенкаларга эга бўлмаса, у тушунчанийнан ифодалайди, сўзниң лексик маъноси тушунчанийнан ифодалайди. Бу ҳолни аввало терминларда кўриш мумкин.

Терминлар ўз лексик мундарижасининг аниқ чегараланганлиги билан характерланади. Улар одатда қўшимча оттенкаларга эга бўлмайди, тушунчанийнан ифодалайди. Мас., тилшуносликка оид фонема, аффикс, геометрияга оид учбуручак, пирамида; қишлоқ хўжалигига оид бороналаш, шудгорлаш каби терминлар тушунчанийнан ифодалайди, улар қўшимча оттенкаларга эга эмас. Кўп маъноли сўзлар у ёки бу маъноси билан термин бўлганида, қўшимча оттенкаларга нисбатан нейтрал бўлади. Мас., кўз сўзи жуда кўп маънога эга. Шулардан кўриш органини

билирвчи сўз сифатида у анатомик термин ҳисобланади. Бу маънода у тушунчанинг айнан ўзини билдиради (қўшимча оттенкаларга эга бўлмайди). Бошқа маъноларида эса қўшимча оттенкаларга эга бўлиши мумкин.

У ёки бу синонимик қаторда қўшимча оттенкаларга нисбатан нейтрал ва қўшимча оттенкага эга сўзлар бўлиши мумкин. Булардан қўшимча оттенкага нисбатан пейтран тарздагиси тушунчани айнан ифодалайди ва термин вазифасида қўллана олади (термин бўла олади). Қўшимча оттенкага эга сўзларда эса маъно ҳажми билан тушунча ҳажми тенг бўлмайди. Шу сабабли улар термин бўла олмайди. Мас., юз, бет, чехра, турқ синонимларидан юз сўзи тушунчанинг айнан ўзини ифодалайди ва бу тушунчани ифодаловчи термин сифатида фақат шу сўз қўлланади. Қолган сўзлар эса маълум оттенкага эга, бинобарин, улар тушунчани айнан ифодаламайди ва термин ҳам бўла олмайди (терминлар ҳақида тўлароқ маълумот олиш учун «Терминологик лексика» баҳсига қаранг).

Тушунчанинг айнан ўзини ифодалаш сон туркумiga оид сўзлар учун ҳам характерлидир. Бу туркумга оид сўзлар конкрет бир сон, миқдорни билдиради: бир, икки, уч, тўрт, беш, олти, ярим, чорак ва ҳ. Демак, сон-миқдорнинг конкрет бўлишининг ўзи бу сон-миқдорни ифодаловчи сўзларнинг қўшимча маъно оттенкасига эга бўлмаслигига, тушунчани айнан ифодалашига сабаб бўлади.

Сўзнинг семантик структураси ҳақида айтилганлар ва келтирилган фактлардан маълум бўладики, бу ҳодиса анча мураккаб бўлиб, барча сўзларда бир хилда эмас. Айрим сўзларнинг семантик структураси фақат лексик маънодан иборат бўлади (сўзнинг семантик структурасида лексик маъно албатта бўлади). Шу билан бирга семантик структурада маъно оттенкаси ва эмоционал-экспресив оттенка ҳам бўлиши мумкин. Айрим сўзларнинг семантик структурасида лексик маъно билан қўшимча оттенкалар иштирок этгани ҳолда, баъзи сўзларда лексик маъно ва қўшимча оттенкалардан бири бўлиши мумкин. Қуйидаги уч мисолин олиб қўрайлик: *Канал битиб, сув с е р о б бўлиб боғ-роғ қилганимизда, албатта шунинг данагидан экамиз* (А. Қаҳхор). *Овозини ўчирамиз унинг тўрам, — деди оқсоқол патир нонни тез-тез қавшаб туриб* (Ж. Шарипов). *Нормаг ини кўрди-ю, Ильчевкадаги бемор кампир кўз олдига келди* (И. Раҳим). Биринчи мисолдаги сероб сўзи кўп сўзи билан умумий маънога эга бўлгани ҳолда масофа ёки вақтнинг кўплигини ифодалаш учун қўлланмайди. Масалан, *кўп йўл юрдик, вақтимиз кўп* кабилардаги кўп сўзи ўрнида сероб сўзини қўллаб бўлмайди. Бу унинг маъно оттенкасига кўра ўзига хос хусусиятидир. Иккинчи мисолдаги *кавшамоқ* феъли салбий эмоционал оттенкага эга. Учинчи мисолдаги *бемор* сўзи фақат инсонга нисбатан қўлланади ва маълум даражада ижобий эмоционал оттенкага эга. Демак, бу сўзнинг семантик структурасида лексик маъно, маъно оттенкаси ва эмоционал оттенка бор.

Сўз семантик структурасининг ўзгариши

Сўзниг семантик структурасига лексик маъно ва қўшимча оттенкалар киришини кўрдик. Тил тараққиёти процессида семантик структурадаги ана шу компонентлар турлича ўзгаришга учраши мумкин, яъни семантик структурада лексик маъно нуқтаи назаридан ҳам, қўшимча оттенкалар нуқтаи назаридан ҳам ўзгариш юз бериб туради. Бундай ўзгаришлар тил тараққиёти процессини белгиловчи фактлардан ҳисобланади.

Ҳар қандай сўз конкрет бир маънони ифодаловчи сифатида юзага келади. Сўзниг бирдан ортиқ маънога эгалиги шу сўз ҳаётининг кейинги даврларига хос бўлади. Шунингдек, сўзлар пайдо бўлишидаётк лексик маъно билан бирга қўшимча оттенка ёки оттенкаларга ҳам эга бўлади дейиш қийин. Бу ҳодиса ҳам (қўшимча оттенкаларга эгалик) сўз ҳаётининг кейинги даврларида (суз пайдо бўлгандан анча кейинги вақтларда) юз беради. Демак, кўп маънолилик ва қўшимча оттенкаларга эгалик сўз семантик структураси тараққиётининг натижаси деб қаралиши керак.

Сўз семантик структурасининг тараққиётида унинг ҳар бир компонентида, яъни лексик маънода, шунингдек қўшимча оттенкаларда ўзгариш юз бериши мумкин экан, бу ҳодиса таҳлил этилганда, уларнинг ана шу икки асосий томонини ҳисобга олиш керак бўлади: 1) семантик структуранинг лексик маъно нуқтаи назаридан ўзгариши, 2) семантик структуранинг қўшимча оттенкалар нуқтаи назаридан ўзгариши.

Семантик структуранинг лексик маъно нуқтаи назаридан ўзгариши

Сўзниг семантик структурасида лексик маъно нуқтаи назаридан бўладиган ўзгарища бир-биридан фарқли икки асосий ҳодиса кузатилади: 1) лексик маъно миқдорининг ўзгариши, 2) лексик маъно ҳажмининг ўзгариши.

Тил тараққиёти процессида асосий ҳолат, тараққиётни белгиловчи ҳодиса лексик маъно миқдорининг ўзгаришидир. Маъно ҳажмининг ўзгариши асосан маълум жинсдаги нарсалар туришинг ортиши, лекин жинс тушунчасини атовчи сўзниг айнан сақланишида кўринади. Мас., *нон* сўзи хамирдан тайёрланиб тандир ёки бошқа қизитилган жойда пишириладиган конкрет бир егуликни билдирган. Ҳозирда ноннинг тури жуда кўп, лекин умумий ном (*нон*) ўзгарган эмас. Демак, *нон* сўзининг лексик маъно ҳажми кенгайган. Агар ноннинг ҳар бир тури мустақил ном олса, янги сўз ҳосил бўлади: *оби*, *гижда*, *патир* ва б. Агар бу сўз бошқа турдаги нарсаларни ҳам қўшиб, умумлаштириб атайдиган бўлса, унинг янги маъноси ҳосил бўлади: *Мирзакаримбой ўйлаб қолди: мен и он бермасам, үлар нима қилар эди?* (О й бек). Бу мисолда *нон* — умуман егулик-ичгулик, гирикчиликда истеъмој нарсалари.

Лексик маъно миқдорининг ўзгариши. Бундай ўзгариш икки турли бўлади: 1) сўзининг маъно миқдори ортади, 2) сўзининг маъно миқдори камаяди.

Тил тараққиёти процессида сўз семантик структурасида маъно миқдорининг камайишига нисбатан маъно миқдорининг ортиши, кўпая бориши асосий ҳодиса ҳисобланади. Зеро тил тараққиёт қонунишинг ўзи шундай бўлишини тақозо этади.

Кўп маъноларидан бири ёки ундан ортигининг ўйқ бўлиниши — нисбатан кам учрайдиган ҳодиса. Бу ҳол сўзининг бирор маъноси билдирадиган нарса-ҳодиса табиат ёки ижтимоий ҳаётда ўйқолиши ёки уни бошқа сўз ифодалайдиган бўлиши натижасида содир бўлади. Бу ҳодиса тил тараққиёти процессидаги асосий (бетгиловчи) ҳолат ҳисобланмайди ва уни маҳсус текшириш ҳам алоҳида аҳамият касб этмайди.

Кўп маънолилик, сўзининг маъно миқдори жиҳатдан бойиб бориши тилнинг тараққиёт даражасини, ривожланиш процессини кўрсатувчи факторлардан ҳисобланади. Чунки бу ҳодиса, аввало, тилдаги энг асосий талаблардан бири, яъни, ихчамлик талабини таъминлайди. Шу ихчам восита билан керакли даражада фикр олишиш, ўзаро алоқа имконига эга бўлиниади.

Тил тараққиёти процессида тилнинг у ёки бу соҳасида бирор ҳодисанинг пайдо бўлиши ва ривожланишининг маълум сабаби ва қонуниятлари бўлганидек, сўз семантик структурасида маънолар миқдорининг ортиши (семантик структуранинг маънолар миқдори ҳисобига бойиши) ҳам ўз сабаб ва қонуниятларига эга.

Объектив борлиқдаги нарса-ҳодисаларнинг ўзгариши, ижтимоий ҳаётнинг барча соҳаларида бўладиган ўзгаришлар, объектив ҳодисаларнинг моҳиятини тобора аниқроқ чуқурроқ ўрганиш ва шу кабиларнинг ҳаммаси, шубҳасиз, тилда ўз ифодасини топиши керак бўлади. Бундай талабнинг амалга оширилиши эса турличадир. Ҳудди шундай талаб асосида тилда юз берадиган ҳодисалардан бири сўзининг янги маъно ёки маънолар касб этишидир. Чунки сўз маъносининг миқдор жиҳатдан ортиши, кўпайиши у ифодалайдиган нарса-ҳодиса миқдорининг (нарса-ҳодиса турининг) ортиши натижасидир. Масалан, *қўтармоқ* феъли ҳозирги ўзбек тилида йигирмага яқин маънога эга: 1. Ердан ёки ётган жойидан юқори томон узиб олмоқ: *тошни қўтармоқ*; 2. Ердан узилган ҳолда ўзида (кўлида) тутмоқ; *портфель қўтармоқ*, *бона қўтармоқ*; 3. Юқори (баланд) ҳолатга олмоқ: *бошини қўтармоқ*, *қўлинин қўтармоқ*; 4. Даражасини, кучини оширмоқ: *овозини қўтармоқ*; 5. Чидамоқ, бардош бермоқ: *ғам-ташвишини қўтармоқ*, *операцияни қўтармоқ* ва б. Албатта, *қўтармоқ* феъли пайдо бўлиши биланоқ шундай маъноларнинг ҳаммасини ифодалайверманган, балки дастлаб улардан бирини ифодаловчи сифатида пайдо бўлган. Қолган маънолари эса шу сўзининг ўз ҳаёти давомида яна бошқа-бошқа типдаги ҳаракатларни ҳам ифодалайдиган бўлиши натижасидир. *Ер* сўзи ҳам кўп маъноли. Шулардан қуёшдан кейинги учинчи — биз яшаб турган планета қуруқлик (сув билан

қопланган оламнинг акси) маънолари объектив борлиқ планеталар ҳақидаги билим (маълумот)нинг чуқурлашуви, янги нарсанинг аниқланиши ва уни ифодалаш талаби натижасидир. *Асос* сўзи оддий сўзлашувда биргина (бош) маъносига ҳам жуда кам қўлланади. Лекин ижтимоий ҳаёт, фан ва техникининг ривожланиши натижасига бу сўзниг семантик структураси лексик маънолар миқдорининг ортиши ҳисобига анча бойнди. Унинг умумадабий тилдаги маъноларидан ташқари, математика, химия ва б. соҳаларга онц тушунчаларин ифодалаши бунга датил бўла олади: *Асос* 1. Нарсанинг барча қисмини тутиб, кўтариб турувчи қисми, таянч қисм; 2. Геометрик шаклиниг баландлигига перпендикуляр бўлган томон. 3. Кислоталар билан ўзаро таъсир қилиб, туз ҳосил қиласидиган бирикма ва б.

Сўзниг янги маъно касб этиши яна бошқа сабабларга кўра ҳам бўлади. *Мас.*, *дори* сўзининг спиртли ичимлик маъноси. Спиртли ичимликларнинг ҳар бирининг ўз атамаси (*номи*) бор. Лекин спиртли ичимлик тушунчасини пардалаш талаби билан (эвфемизм) уларни *дори* сўзи орқали аташ ҳам юзага келди. Шу йўсинда *дори* сўзининг сўзлашув тилига хос спиртли ичимлик маъноси пайдо бўлди.

Хуллас, тилдаги сўзларнинг бирдан ортиқ маънога эга бўлиши ўз сабабларига эга.

Сўзниг янги маъно касб этишига маълум объектив сабаблар бўлса-да, лекин сўзлар ҳеч вақт маълум қонуният (асос)дан ташқари у ёки бу маънога эга бўлиб кетавермайди. Ҳар қандай янги маънонинг юзага келиши маълум қонуният ва имкониятлар асосида бўлади. Янги маънонинг юзага келишига имкон берадиган, унга асос бўладиган ҳодисалар турлича. Бу ҳодисалар жуда мураккаб бўлганлиги сабабли, мутахассисларнинг узоқ вақтлардан бери шуғулланиб келишларига қарамай, янги маъноларнинг қандай ҳодисалар асосида юзага келиши масаласида шу вақтга қадар бир хил фикрга келинган эмас. Ҳатто, янги маъно ҳосил бўлишининг энг муҳим асослари ҳам лингвистик адабиётларда етарли ёритилган эмас. *Мас.*, айrim ишларда янги маънонинг ҳосил бўлишида лингвистик ва нолингвистик ҳодисалар амал қилиши кўрсатилса, кўпчилик ишларда бу ҳақда ҳеч нарса дейилмайди ва янги маъно ҳосил бўлишида амал қилувчи нолингвистик фактор ҳақидагина гап боради. Лекин нолингвистик ҳодисаларнинг тури, миқдори ҳақида ҳам бир хил фикрга келинмаган. Айrim ишларда янги маънонинг юзага келиши маъно кўчиши ҳодисаси асосида рўй берини айтилса, баъзи ишларда эвфемизм, дисфемизм ва бошқа ҳодисалар асосида ҳам янги маъно ҳосил бўлиши айтилади ва ҳ.

Узбек тили факталари ҳам янги маъноларнинг юзага келишида лингвистик ва нолингвистик ҳодисалар амал қилишини тасдиқлайди. Шу сабабли уларни алоҳида ажратиш ва ҳар биридаги ўзига хосликларни ёритиш керак бўлади.

Янги маънонинг иолингвистик ҳодиса асосида юзага келиши

Бу ҳодисанинг тури, миқдори ҳақидаги қарашлар ҳар хил. Лекин кўнчлик томонидан эътироф этилгани ном кўчиши асосида янги маънонинг ҳосил бўлишидир.

Ном кўчиши асосида янги маъно ҳосил бўлиши. Бу ҳодиса — янги пайдо бўлган ёки аслида бор бўлган нарса, белги, ҳаракат кабиларни тилда бор бўлган сўзлар билан аташ. Мисоллар: 1. *Лайлакнинг бўйи нозча, тумшуми бор тарновча* (Уйғун). *Холиқ кўплаб туриб оғир этигининг тумшуми билан бир төпди*. (Ҳ. Пазир). 2. *Оғир тошини сув элтмас* (Мажол). У ҳар қандай оғир юмушларни қилиб ўрганган бўлса ҳам, тўнка кавламаган эди (Ойбек). 3. *Қори тугунчани очиб, ўрикдан иккитасини Сидиқжонга узатди* (А. Қаҳҳор). Ахир сиз билан биз катта иш қиляпмиз, ўзбек хотин-қизлари ҳаётида бутун бир савр очяпмиз. (А. Мухтор). Бу уч пунктда келтирилган мисол-цитаталар *тумшук, оғир, очмоқ* сўзларининг ҳар бирининг иккитадан маъносини тасдиқлади (Аслида бу сўзлар яна бошқа маъноларга ҳам эга). Биринчи мисоллардаги маънолар шу сўзларининг бош маъноси бўлиб, иккичи гапларда билдирадиган маънолари кейин ҳосил бўлган маъноларdir. Бошқача айтганда, қушларнинг оғиз билан бириккан, чўқиш учун хизмат қиладиган ўткир учли аъзосининг номи бўлмини *тумшиқ* бирор нарсанинг олдинга чиқиб турган уч қисми тушунчасига ҳам кўчган, уни ҳам атайдиган (билдирадиган) бўлган. Шу билан унинг (*тумшук* сўзининг) маъноси ортган. *Оғир, очмоқ* сўзларининг юқорида келтирилган иккичи маъноларини касб этишида ҳам худди шундай ҳолни кўрамиз. *Тумшук, оғир, очмоқ* сўзларининг янги нарса, белги ва ҳаракатиниғ ҳам атамасига айланинида бирон бир лингвистик фактор роль ўйнаётгани (қатишаётгани) йўқ. Ном кўчиши қандайдир ўхшашлик, нарсалар, белгилар, ҳаракатлар ўртасида маълум алоқадорлик асосида юз беряпти. Шунинг учун ҳам ном кўчишига олиб келувчи бундай ҳодисалар иолингвистик ҳодиса ҳисобланади.

Янги маънонинг ҳосил бўлиши ном кўчиши асосида юз бериши эътироф этилгани ҳолда (яъни бунда ном кўчиши пазарда тутилгани ҳолда), нима учундир, жуда кўпчилик ишларда бу ҳодиса «маъно кўчиши», «маъно кўчиши натижасида янги маъно ҳосил бўлиши» деб таърифланади. Аслида эса маъно кўчиш ҳодисаси йўқ. Маъно кўчиши билан янги маъно ҳосил бўлмайди. Умуман, маъно кўчиши ҳақида гап бўлиши мумкин эмас. Чунки маъно нарса — предмет, белги, ҳаракат кабилар ҳақида маълумот беради, уларни ифодалайди. Тушунча эса борлиқдаги нарса-ҳодисаларнинг энг муҳим белгилари асосида киши оигидаги интикосидир; тушунча асосида борлиқдаги нарса-ҳодисалар ётади. Демак, маъно кўчди деган сўз — тушунча кўчди деган сўз — шу тушунча ифодалаган нарса, белги ёки ҳаракат кўчди деган сўз; нарса,

белги ёки ҳаракат кўчди деган сўз — шу ҳаракат, белги, нарса бошқа ҳаракат, белги, нарсага ўтди (айланди) деган сўздир. Шундай экан, маъно кўчади дейиш, аслида, бор бўлган маъноНинг йўқолиб, бошқа маънога айланишини тап олиш бўлади. Бирор маънонинг бошқа маънога айланиши билан сўзниг маъно миқдори ортмайди. Юқорида ҳам кўрдикки, ном кўчиши асосида янги маъно ҳосил бўлиши билан сўзниг дастлабки маъноси йўқолмайди, балки сақланади (маълум вақтлар ўтиши билан бош маънонинг йўқолиши мумкинлиги бошқа ҳодиса).

Хуллас, сўзниг маъно миқдорининг ортиши, сўз семантик структурасининг маънолар миқдори ҳисобига бойиши сўз маъносининг эмас, балки сўзга хос товуш қиёфасининг, материал қобиқнинг (тушунча атамасининг) янги тушунча ёки тушунчаларга ҳам кўчиши, уларнинг ҳам атамасига айланиши натижасидир.

Ном кўчиши асосида янги маъно ҳосил бўлиши барча мутахассислар томонидан эътироф этилса-да, лекин ном кўчишига олиб келувчи ҳодисалар, уларнинг тури масаласидаги қарашлар турлича. Баъзи ишларда ном кўчишига олиб келадиган ҳодисанинг икки тури кўрсатилса, айрим ишларда бундай ҳодисаларнинг ундан кўп турлари кўрсатилади. Лингвистик адабиётларнинг кўпчилигига эса (айниқса, кейинги вақтларда нашр этилган адабиётларда) ном кўчишига олиб келувчи ҳодисанинг тўрт тури келтирилади: 1) метафора, 2) метонимија, 3) синекдоха, 4) функциядошилик.

Метафора. Ном кўчиши йўли билан янги маъно ҳосил бўлишига олиб келувчи асосий ҳодисалардан бўлиб, бу ҳодиса янги маъно ҳосил бўлиши ҳақида фикр юритилган ишларнинг деярли барчасида қайд этилади. Метафора асосида ном кўчиши — нарса, белги ёки ҳаракатга хос атаманинг (сўзниг) ўзаро ўхшашлиги бўлған бошқа белги, нарса, ҳаракат ҳақидаги тушунча учун ҳам қўлланиши, шу тушунчанинг ҳам номига ўтиши (айланиши)дир: *Қўлларини биқинига тираб чуқур уф тортди* (С. А норбоев). *Махсум чўққининг шундай биқинидан қайнаб чиқаётган ёилоқка ювинди* (С. А норбоев). У торозининг икки палла сини ҳам баб-баравар кўздан кечириб, шундан кейингина тош қўядиган тактиканинг тарафдори эди (И. Раҳим). *Ёрмат... тарвузни кесди. Бир палла сини ўзи олиб, иккинчи палласини Иўлчи ва Ўроз олдига қўйди* (Ойбек). Бу мисолларда биқин сўзи билдирган икки нарса ўртасида, шунингдек, палла сўзи ифодалаётган икки хил предмет ўртасида ўхшашлик борлиги аниқ сезилиб турибди. Худди шу ўхшашлик асосида биқин ва палла сўzlари шу нарсаларга ўхшашлиги бўлган бошқа предметнинг ҳам номига айланган, шу асосда биқин ва палла сўzlари нинг янги маъноси ҳосил бўлган. Коса сўзининг қўйидаги икки мисолдаги маъноси палла сўзининг юқоридаги маъноларига қиёсланса, бу ҳодиса яна ҳам очиқ кўриниади: ...*меҳмонлар учун дам ясоғлиғ патнуслар, дам чой... дам косаларда шўрвалар та-*

шишиди (Ойбек). *Патнус кўкча ва шакарпалак косалари билан тўлиқ эди* (М. И smoилий).

Метафора асосида ном кўчиши ўзаро ўхшашлиги бўлган конкрет нарсалар доирасида бўлганида, бу ҳодиса аниқ сезилиб турди. Мавҳум нарса-ҳодисалар доирасида бўлганида эса уни сезиш бир оз қийинроқ бўлади. Бир мисол: *30 октябрь кечаси душман марказ группасининг авангард қисмлари чайка дарёси бўйига чиқиб, Қизил Армия кучларининг авангарди билан тўқнашиди* (И. Раҳим). *Партия синфнинг авангарди иди...* (В. И. Ленин). Бу икки гапда *авангард* сўзи ўзаро фарқли икки тушунчани билдирияпти. Лекин бу тушунчалар ўртасида умумийлик, ўхшашлик бор. Бу ўхшанилик иккаласининг ҳам илгор қисм, етакчи қисм, бошловчи қисм эканлигидир. Ана шу ўхшашлик бир тушунчани билдирувчи *авангард* сўзининг бошқа тушунчани ифодалашига, унинг ҳам номига айланишига имкон берган. *Кўшини, арафа сўзларининг қуйидаги мисоллардаги маъноларидан бири ҳам метафора асосида ҳосил бўлган: Қурбон ҳайити ирафа сида қишилоқи мурид Тиллабой яна бир қўй келтириб ташлади* (П. Турсын). *Бугун байрам арафаси, — деди Тургенев жангчиларга ўйчан тикилиб* (И. Раҳим). Бир қаричликдан дугорни севаман. Бир қўшини келинчакдан ўрганган эдим (Ойбек). Йигит ялт этиб қўшини далага қаради, у ерда хотин-халажлар, бола-чакалар ҷувиллашиб пахта тершишетган эди (М. И smoилий).

Метафора асосида ном кўчишига (янги маънонинг ҳосил бўлишига) юкорида келтирилган мисолларининг ҳаммаси от туркумнинг оидидир. Лекин ҳодисалар ўртасидаги ўхшашлик фақат предметлар доирасидагина бўлмай, ўзаро ўхшашлик белгилар, шунингдек ҳаракатлар ўртасида ҳам бўлади. Шунинг учун ҳам бу ҳодиса (метафора) асосида ном кўчиши белги билдирувчи сўзлар ва ҳаракат билдирувчи сўзлар ўртасида ҳам бор. Белги билдирувчи сўзлардаги бу ҳодисага мисол: *Тақир ҷўлни қилади бўстон, унинг номи уста нахтакор* (Зулфија). *Енидаги бўш стулдан сидирға қора баҳмал дўпписини олиб тақир бошига кийди* (С. Анорбоев). *Йўлдош aka тақир шолчага худди саккиз қават* кўрпачага ўтиргандай бамайлихотир ёстаниб олди (Х. Назир). Ҳаракат билдирувчи сўз (феъл)лардаги бу ҳодисага мисол: *Ғуломжон супургини ташлаб, қўлларини қоқди* (М. И smoилий). *Кумуш кўзини очиб куч билан қўлини эрининг елкасига ташлади* (А. Қодирий). *Поезд Хилково станциясига ташлайди-ю, кетаверди* (Оидин). Мен барча одамларни ғўза парваришига ташлайман (Ш. Рашидов). *Келтирилган мисоллардаги тақир* сўзи билдирган белгилар, *ташламоқ* феъли билдирган ҳаракатлар ўртасида ўхшашлик борлигини сезиш қийин эмас. Белги билдирувчи узоқ ва ҳаракат билдирувчи учмоқ сўзларининг қуйидаги гапларда ифодалайдиган барча маънолари асосида метафора ётади: *Узок уфқда чақмоқ чақилди* (С. Айний). *Узок кеча, қийналур юрак,...* (Файратий). Мехмон

узоқ қариндоши — отасининг аммаваччаси Аширмат эди (Ойбек). Ойқизчи, у ҳам ёш, кекса Муродалининг фикр-зикрини билишдан узоқ (Ш. Рашидов). Баҳор ҳидидан бесаранжом бўлган қарғалар қагиллаб далалар устида учаради (А. Каҳҳор). Соқолли солдат от тагида қолди, униси отдан учиб юмаланиб кетди (М. И smoилий). Саҳро ухлар... Поезд учаదи... (Е. Мирзо). Лаблардан уча р ҳасратли фарёд (Файратий). Ҳали гугурт чақиб берган руснинг башарасини базур таниди — бошининг бир бўлаги учиб кетганди (Ойбек). Дарвосе, Райхоннинг нимасига уча қолдим (Ж. Абдуллахонов). Маъмуржон кўчадан ичиб келган эканми, юз грамм шампанни отди-ю, учиб қолишига сал қолди (Ш. Холмирзаев).

Метонимия. Метонимия ҳам ном кўчиши билан янги маъно ҳосил бўлишига олиб келувчи ҳодисаларнинг асосийларидан ҳисобланади. Шу сабабли бу ҳодиса ҳам ном кўчиши йўли билан янги маъно ҳосил бўлиши ҳақида гап борган ишларнинг ҳаммасида қайд этилади. Метонимия — нарса-предметлар, белгилар, ҳаракатлар ўртасидаги алоқадорликка (боғлиқликка) кўра ном кўчишидир. Объектив борлиқдаги айрим нарса-предметлар, белгилар, шунингдек, ҳаракатлар ўртасида маълум умумийлик, алоқа (боғланиш) бўлади. Ана шунинг таъсирида бирор нарса, белги ёки ҳаракатнинг номи у билан алоқаси (умумийлиги) бўлган бошқа нарса, белги, ҳаракатни ифодалаш учун ҳам қўлланади, унга ҳам ном бўлиб кўчади. Натижада бир предмет, белги ёки ҳаракагнинг номи бўлган сўз икки ёки ундан ортиқ предмет, белги ёки ҳаракатнинг атамасига айланади — сўзининг маънолар миқдори ортади. Мас., *кулгу сўзининг асосий маъноси билан масхара, маҳаҳ деган маъноси ўртасида, из сўзининг оёқ изи, қуён изи каби бирикмалардаги маъноси билан Арслон изидан, йигит сўзидан қайтмас мақолидаги маъноси ўртасидаги алоқа* (боғланиш) борлигини сезиш қийин эмас. Атроф, қўпол, топмоқ сўзларнинг қўйидаги мисоллардаги маъноларига эътибор беринг: *Кун ботган, атроф қоронғилашган эди* (С. Айний). *Бу — Қорабулоқ қишилоги ва атрофига қозилик қилгувчи маълум зот эди* (М. И smoилий). *Асрорқўлнинг кўз атрофи қизаруб, юзида соҳта табассум акс этди* (А. Каҳҳор). Тахтадан қўп олгина қилиб ясалган узун столга қизил алвон ёзилган (Х. Фулом). *Раиснинг қўп ол эътирозини эшишиб турган Бекбўта, ...ўзини тутолмай, кескин гапириди* (Ш. Рашидов). *Бу қўп ол гуноҳини тасодифан чиққан хайрли натижага бағишилаши, бундан кейин шундай хато қилса, қаттиқ жазо кўришини унга тушунтириш керак* (С. Айний). *Фабриканинг йўлидан рўмолча топиб олдим, Топиб олди деманглар, меҳнатга сотиб олдим* («Қўшиқ» дан). *Топа олмаган бўлсак ўзингиз айтинг!* (А. Қодирий). Гражданларнинг ўз меҳнатлари билан топган даромадлирига... шахсий әгалик ҳукуқини қонун қўриқлади (Ўз ССР Конституцияси).

Алоқадорлик ҳам фақат нарса-предметлар доираси билан чегараланмай, бу ҳол белги ва ҳаракат-ҳолатлар ўртасида ҳам мав-

жуд. Шунинг учун ҳам алоқадорлик асосида ном кўчиши (яни маъно ҳосил бўлиши) фақат от туркумига оид сўзларгагина эмас, балки сифат, равиш ва феълларга ҳам хос. Атроф, қўйол, топмоқ сўзларининг метонимия асосида ном кўчиши билан ҳосил бўлган маъноларига келтирилган фактларнинг ўзиёқ бунга далил бўла олади.

Метонимия асосида ном кўчишда предметлар, белгилар ва ҳаракатлар ўртасидаги алоқадорлик асос бўлишини кўрдик. Бундай алоқадорлик эса турлича бўлади. Жумладан, предмет билдирувчи сўз (от)ларда метонимия асосида ном кўчиши, асан, нарса-предметлар ўртасидаги қўйидаги боғланиш (умумийлик)ларга кўра юз беради:

1) нарса-предметлар умумий материали бир хил бўлади. Шу асосида бир предметнинг номи худди шу умумий нарсадан ясалган бошқа предметни аташ учун ҳам қўлланади, унинг ҳам номига айланади. Ойна ва пилик сўзларининг қўйидаги маъноларига эътибор беринг: Туманланган дераза ойналари га йирик қор парчалари оқ капалакдай уринади (Ойбек). Ойна га қараб ўзини тузатди (Шухрат). Ойна ортидан тикилиб турган бир жуфт ўтли кўз унинг онгига анчадан кейин етди, таниш чеҳра тумандан лип этиб чиққандай бўлди (П. Қодиров). Мойи тугаб пилиги сўхта бўлган чироқ бир лип этиб сўнди (Сайд Аҳмад). Сочини майда ўриб учига пилик таққан эди (Сайд Аҳмад). Камзулининг чўнтағидан қамишга ўралган бир қанча пиликни олиб,... (И. Рахим). Чилла сўзининг қўйидаги уч гапда ифодалайдиган маънолари ҳам ўзаро шундай муносабатда: ...ёз чилласи, Менинг шаҳримнинг ўткир қуёш яллуғи нақ ёндирияти (Ҳазир). Чакалоқча чилласида касал тегди-ю, аъзойи бадани яра бўлиб кетди («Эртак»дан). Амру маъруф, чилласи, шубҳасиз бу ҳийлалар. Барчасидан мағсадим, танга-червон, тиллалар (Ҳамза);

2) нарса-предметлар ўзларига хос ҳаракат-ҳолат, хусусият қабиллар жиҳатидан маълум умумийликка эга бўлиши, алоқадор бўлиши мумкин. Ана шундай ҳолатларда ҳам бир предметнинг номи билан бошқаси аталиши (ном кўчиши) мумкин.

Мас., овлоқ сўзи аслида ов қилинадиган жойни билдирган (шу маънени ифодалаган). Маълумки, ов қилинадиган жой аҳоли яшайдиган жойдан четда, хилватда бўлади. Демак, бунда «четлик», «хилватлик» белгиси бор. Худди шу белги асосида овлоқ сўзи «аҳоли яшайдиган жойдан, инсондан чет, пана жой»ни ифодалаш учун қўлланадиган бўлган; шундай жойнинг атамаснiga айланган: Кимсан биринчи учрашув овлоқроқ ерда бўлса деб хаёл қилган эди (А. Мухтор). Қалдирғоч, бешик сўзларининг қўйидаги мисолларда келтирилган иккинчи гапдаги маъноларига эътибор беринг: Бешикда ги Учқун уйдаги ҳаракатни сезиб, овозларни эшишиб, ҳадегандা ухлайбермади (Ҳ. Ғулом). Москвамиз инқилобнинг бешиги... (Ҳабиби). Битта қалдирғоч келиши билан баҳор бўлмайди, бироқ битта қалдирғоч ҳам баҳор-

нинг жарчиси бўла олади (Ш. Рашидов). Колхозимизда янги ва улуг шининг... қалдирғочлари бўласиз (Ш. Фуломов). Боланинг туғилишидан сўнг ўсиб-улғайиши, тарбиясининг бошлангич (дастлабки) ўрни эскида бешик бўлган. Шунга кўра, бирор воқеа-ҳодисанинг юзага келган, тарбияланиб улғайган (ривожланган) бош ўрни бешик сўзи билан атала бошлаган, яъни шу асосда ном кўчиш имкони бўлган. Қалдирғоч эса баҳор даракчиси, уни «бошловчи» рамзи бўлган. Шунга кўра бошловчи (дарак берувчи) шахс ёки нарсани қалдирғоч сўзи билан аташ имкони бўлган ва аталадиган бўлган;

3) бирор нарса-предмет номи билан унинг жойлашган ўрни (унга оид жой) аталади: *Дирекция*: 1. Корхона, муассаса каби-ларнинг директор бошчилигидаги раҳбарлик аппарати; 2. Шу аппарат жойлашган хона, бино; *Мия*; 1. Одам ва баъзи ҳайвонлар нерв системасида марказий қисмни ташкил қилувчи, бош косасида ва умуртқа поғонасида жойлашган модда; 2. Бошнинг ана шу нарса жойлашган қоқ тесаси ва б;

4) баъзан, нарса-предметларнинг ўзи жойлашган ўрнини билдирувчи сўз билан аталиши ҳолатлари ҳам бор: *Ич*: 1. ички томон, акси сирт; 2. Ошқозон (қорин, меъда). *Қўзинг оғриса қўлингни тий, ичинг оғриса нафсингни тий* (мақол).

Нарса-предметлар ўртасидаги алоқа ҳаракат-ҳолат, хусусият шунингдек жойлашиш ўрни нуқтаи назаридан ҳам бўлиши мумкин. Шунга кўра, ном кўчини алоқадорликнинг шу кўринишларига кўра бўлиши мумкин: *Душ*: 1. Ювениш ёки даволаниш учун сувни майда тешиклардан ёмғирдай ёғдириб берадиган қурилма; 2. Шундай ёмғирлатадиган сувда даволланиш усули; 3. Шундай қурилма ўрнатилган хона;

5) ҳаракат-ҳодисанинг номи шу ҳаракат-ҳодиса бажариладиган вақтга кўчирилади, яъни ҳаракат-ҳодиса бажариладиган вақт шу ҳаракат-ҳодисанинг номи билан аталади: *Мачитдан шом аз онни эшитилди*,... (Ш. Тошматов). *Шу бўйи туни билан йиғлаб чиқибди*, сўнг... аз онга яқин бир илож қилиб қочибди (П. Турсун);

6) нарса-предметнинг номи шу нарса учун асосий (характерли) бўлган белги-хусусиятга ном сифатида кўчади. *Мас., елим сўзининг шилқим, ёпишқоқ маъноси, шайтон сўзининг айёр, қув маъноси, шалтоқ сўзининг ифлос, исқирт тутадиган маъноси шу асосда келиб чиққан*;

7) ҳаракат, ўйин обьекти номи шу ҳаракат, ўйиннинг ўзига кўчади. *Мас.*, кўпкарида ўртага эчки (улоқ) сўйиб ташланган. Ўйин, мусобақанинг обьекти шу улоқ. Шу алоқадорлик асосида ўйин-мусобақанинг ўзи ҳам улоқ деб атала бошлаган — обьектнинг номи ўйин-мусобақага кўчган. Улоқ сўзининг қуидаги биринчи ва учинчи гапда ифодалайдиган маъноларига эътибор беринг: *Хозир юзлаб майин жунли қўзи ва улоқ қа эгамиз* (С. Анорбоев). *Улоқ олиш учун чавандоз бўлиши керак, укам Обиджон* (Ойбек). Ҳар йили даромад тўйида пешонасини тан-

ғиб улоқ чопадиган Болтабой учун қийин күнлар бошланди (Садид Аҳмад);

8) ўлчов бирлиги номи билан ўлчайдиган асбоб ҳам аталадиган бўлади. *Соат сўзининг қутидаги икки маъносига эътибор беринг: Элмурод ўқшига киришиди. Соатлар давомида ҳеч ким чурқ этмади (П. Турсун). Спасск башнясидаги соат саккиз мурта жаринелади (И. Рахим);*

9) парса-предмет номи ундан ясалган предметга кўчади. *Мас., шиша сўзининг бош маъноси кварц қумига бошқа моддаларни қўшиб эритиш ва кимёвий ишлов бериш йўли билан олинадиган қаттиқ ва шаффоф материал, бу сўз шу материалдан тайёрланадиган турли идишларни ҳам билдиради: атир шишиаси, дори шишиаси каби: Унинг бахтига бир вақтлар стадиондан биргалашиб бўш шиша пар терган болалардан бири ўйлиқиб қолди (И. Рахим).*

Логилар ўртасидаги ўхшашлик билан алоқадорлик ҳодисаси (ҳолати) ҳамма вақт аниқ сезилиб турмайди. Шу сабабли бу типдаги сўзларда ном кўчишининг метафора ёки метонимия асосида киз берсанни фарқиши стердагига нисбатан қўйинчроқ бўлади. Боту ёр ва киска сўзларининг қувидали гапларда ифодалайдиган маъноларига эътибор беринг: *Зангори осмон ҳам шундай тиник, шундай бегуборки, кўзни олади* (Ойбек). Ҳаммаси сиртида... анави қор, музыни әритаётган осмондаги офтобдай очиқ-ёргу, бегубор одам (С. Анорбоев). У бу вазмин, хушфөзл аёлнинг содда ва бегубор гапларини тинглагандан, энг меҳрибон бир кимсаси олдида ўтиргандай эди (П. Турсун). Икки ўйловчининг қисқа соялари катта-кичик тош, турли дашит ўсимликлари устидан эшилиб борар эди (А. Қаҳдор). Эрталаб зебон юроситине қисқа осози эшиклиб (Р. Рахмонов). Генерал қисқа нутқ сўзлаб жангчиларни ҳарбий техникини тўла-тўқис ўрганишига чақирди (Шухрат). Сиз, яхшиларим, бу қисқа ўйлашининг билан ўз оғингизга ўзларинг болта уриб, яна қипчоқлар қўлига қарам бўласиз (А. Қодирӣ).

Бегубор сўзи осмонга нисбатан қўлланганда, софлик, тозалик, чанг (гард, губор)га нисбатан бўлянти, ҳавонинг шундай нарсалардан тозалиги ифодалапяпти. *Бегубор гап, бегубор одам* бирималарида эса софлик чанг (гард) нуқтаи назаридан эмас, албатта. Шунга кўра, *бегубор сўзи* ифодалаган бу икки белги ўртасида ўхашлик йўқдек, балки умумий алоқадорлик бордек кўринаиди ва бунда ном кўчиши метафора асосида эмас, метонимия асосида юз бергандек туюлади. Ҳақиқатда эса бундай эмас. *Бегубор сўзи* *бегубор осмон* ва *бегубор одам* (ёки қўнгли begubor) бирималарида бошқа-бошқа белгиларни билдирага-да, лекин бу белгилар ўртасида ўхашлик бор, тушунча ҳажмида умумий бўлгаш қисм бор. У ҳам бўлса, «софликни бузувчи чанг-губордан холи» деган тушунча. Демак, «софликни бузувчи чанг-губордан холи» деган маънони ифодаловчи *бесгубор* сўзининг бониқа нарсалардаги «софликни бузувчи парсадан холи»ликни ифодалashi метафора

асосида юз берган. Қисқа сўзи ҳам, қисқа соя, қисқа овоз, қисқа нутқ бирималарида турлича маъно ифодаласа-да, лекин буларнинг ҳаммасида ҳам бир умумийлик, ўхшашлик бор. У ҳам бўлса «давомлилик ўлчами катта бўлмаган» деган тушуҷадидир. Демак, бу ерда ҳам ном кўчиши метафора асосида юз берган.

Кўп маъниоли (белги билдирувчи) баъзи сўзларда ном кўчишининг ўхшашлик ёки алоқадорлик асосида юз берганлигини сезиш яна ҳам қийин бўлади. *Ола* сўзининг қуйида икки гапда ифодалаган икки хил маъносини олиб кўрайлик: *Хонанинг тўридаги пўстак устида оппоқ соқоли кўксига тушган катта саллали, ола чопонли домла ўтиради* (И. Гурсун). Чигит сифатсиз экилиб, кўчат ола чиқса, кимга фойда-ю, кимга зарар (М. Пазаров). Биринчи мисолда *ола* сўзи ранг билдиради. Иккинчи мисолда эса бошқача белги. Лекин бу икки белги ўртасида ўхшашлик (умумийлик) бор. *Ола* сўзи ранг билдирганда ҳам «бир текис эмаслик», «бир хилда эмаслик» тушунчаси бор. Худди шу «нотекислик» тушунчаси асосида *ола* сўзи чигит ёки бошқа экин (уруг)-нинг бир хилда кўкармаган (унмаган) ҳолатини ифодалаш учун кўланган отадиган бўлган, шундай белгининг табасорига амалланган. Демак, бу ўрища ҳам ном кўчиши метафорага асосланган.

Кўйидаги мисолда бошқача ҳолин кўрамиз: *Қурбон ота яна неча йиллар эшоннинг хизматида бўлиб, бевақт кучдан қолди* (А. Каҳдор). *Бевақт кеслиб сизларни ўйдан кўйизмийли?* (А. Қодир ий). *Бир куни у атайлаб бевақт келди* (А. Каҳдор). *Бевақт* сўзи биринчи гапда «вақтидан эрта», иккинчи гапда «номакбул вақт, бемаврид», учинчи мисолда эса «кеч наяди, кечаси» деган маъниони билдиради. *Бевақт* сўзининг «номакбул вақтида бемаврид» деган маъносининг реаллашувида унинг никор маъносига эгалиги роль ўйнайди, яъни вақт (вақти, вақтида) маъносининг никор этишини ани шу юрдати маъниони келтириб чиқаради. «Кеч паллада» (кечаси, тунда) деган маънога эга бўлиши (шундай маъниони ҳам касб этиши) эса иш-фаолиятнинг кун ва тунга бўлган муносабати асосида (шунинг таъсирида) келиб чиққац, яъни иш-фаолиятнинг, шу жумладан бирор жойга борилиш-келтиришинг асосий вақти кундуз куни ёўлган. Бундай иш-фаолиятга нисбатан сутканинг қоронги қисми помақбул вақт (бевақт) дисобланган ва беъсиқт сўзи ани шу тушунчани ифодаловчи номга ҳам айланган. Демак, бундаги ном кўчиши метонимиya асосида юз берган.

Умуман, метонимиya асосида ном кўчиши отлардагига нисбатан белги билдирувчи сўзларда кам учрайди.

Феъл туркумига оид сўзларда ҳам ном кўчишининг метонимиya ёки метафора асосида юз берганини фарқлаш отлардаги шу ҳодисаларни фарқлашга нисбатан қийнироқ. Чунки феъл билдирадиган ҳаракатлар ўртасидаги ўхшашлик конкрет тарзда бўлмайди. Натижада ўхшашлик умуман алоқадорликдек бўлиб кўринади. Бир факт: *Айниган эски гимнастеркаси ҳам сувга чайқалгандай жиққа ҳўл* (Ойбек). Асал айнимас, мой сасимас

(макол). Аммо кейинги йилларда айниб қолдингиз, димогингиз күтарилиб кетди... (Уйғун). Рангнинг айниши, маза (таъм)-нинг айниши ва хулқ-авторнинг айниши бошқа-бошқа парсалар. Шунинг учун ҳам айнимоқ феълининг келтирилган уч мисолдаги маъноси бошқа-бошқа маънолар ҳисобланади. Лекин айнимоқ феъли билдириган бу уч хил ҳаракатнинг бир ўхшашлик томони бор. У ҳам бўлса, «нормал, асл ҳолати ёмон томонга ўзгармоқ»-дир. Ном кўчиши худди шу ўхшашлик асосида, демак, метафора асосида юз берган. Бузмоқ феъли қўйидаги гапларда ифодалаган ҳаракатлар ҳам алоқадорлик эмас, балки ўхшашлик асосида бир хил ном (бузмоқ) билан атала бошлаган: Чангальзорни бузиб экин экмоқ. Бўрон режаларимизни бузга олмайди... (Ш. Рашибов). Бир зум чўзилган сукутни Салимбойвачча бузди (Ойбек). Мезбон қани Тешабой? — деди у, рус тилини немисларга хос бир талаффуз билан бузиб (М. Исмоилий). Шунақангги жой одамни жа бузади-да... (А. Мухтор).

Метонимия асосида ҳаракат билдирувчи сўзларнинг янги маънога эга бўлишига боқмоқ феълининг қўйидаги маънолари типик мисол бўла олади: Ироқ экан даласи, ўйнаб келар боласи, Ишлаб турса онаси, боқиб берар ясласи («Қўшиқдан». Мен ёшлидан отамга қарашибдим, пода боқди, машоқ тердим (Ойбек). Боғни боқсанг боғ бўлар, ботмон-даҳсар ёғ бўлар (макол). Отадан қолган шу қўл дастгоҳ чол-кампирни умр бўйи боқди (А. Мухтор). Бирор томон ёки нарсага қараш (боқиш) билан, мас., болани ёки онлани боқиш ўртасида ўхшашлик йўқ. Лекин бу ҳаракатлар ўртасида алоқадорлик (боғланиш) бор. Мас., боқмоқ ва қарамоқ феъллари ўзаро маъноди. Лекин буларнинг қўлланиш доирасида ўзаро фарқ юз берган. Ҳовлига қараб турмоқ, молга қарамоқ бирикувларида қарамоқ ўрнида боқмоқ феъли қўлланмайди. Лекин аслида қўлланган Ҳовлимизга қараб туринг, молимиизга қараб туринг деганда эса шу нарсалардан хабардор бўлиб туриш, хабар олиб туриш на зарда тутилади. Молдан хабар олиб туриш деган сўз унинг ейиши чишидан хабар олиб туриш, сув-овқатини бериб туриш деган сўздир. Бу эса молнинг парваришидир. Ана шу боғланиш (алоқадорлик) боқмоқ сўзининг юқоридаги маъноларни касб этишига асос бўлган.

Нарса-предметлар, белгилар, ҳаракатлар ўртасида фақат ўхшашлик ёки фақат алоқадорлик эмас, балки булардан ҳар иккиси ҳам бўлиши мумкин. Шу сабабли бирор нарса-предмет, белги ёки ҳаракатнинг номи метафора ва метонимия асосида бошқа предмет, белги ёки ҳаракатга кўчиши мумкин, яъни айнан бир сўз метафора ва метонимия асосида янги маънолар касб этиши мумкин. Мас., кўз сўзининг бош маъноси — «кўриш органи», Унинг «назар», «нигоҳ» маъноси (кўзларим йўлда), «кўриш қобилияти» маъноси (кўзи ўткир, кўзи хира) метонимия асосида юзага келган. Деразанинг кўзи, дарахтнинг кўзи, булоқнинг кўзи бирикувларида маъноси эса метафора асосида ҳосил бўл-

ган. Қўйида келтирилган мисолларда *айрмоқ* феълининг энг охирги гапдаги маъноси метонимия асосида, қолган гаплардаги маънолари метафора асосида ҳосил бўлган: *Майли, ойи, сиз мани беш-ён кун бағрингиздан айирманг, орзум шу...* (Ойбек). *Куш эдим қанотимдан айирдила...* (Ҳамза). Ўндан учни айир. Гулнор ўз дадасининг товушини базур айира билди

(Ойбек).

Синекдоҳа. Бу ҳодиса бир нарсанинг номи билан унинг бирор қисми (бўлгаги)ни аташ ёки, аксинча, қисмнинг номи билан шу қисм мансуб бўлган бутунни аташдир. Мас., олма, анор, бодом каби мевалар (қисм) номи билан шу меваларни қилувчи дараҳтларни аташ, қўл сўзи билан шу аъзодаги бир қисм (бармоқ)ни аташ синекдоҳа асосидадир. *Самовар, қашта сўзлари билан зина, панжга сўзларининг қўйидаги гаплардаги маъноларига эътибор беринг: Рух самовар. Эгамберди, сен дарров ўт сол!* (А. Қодирӣ) *Мирзо кечқурун самоварга чиқди, иккита чой ичди* (А. Қаҳҳор). У енгларига чиройли қизил қаштала р тикилган украинча оқ шоий кофта, қора юбка кийган эди (П. Турсун). Деворларда Тамара ўз қўли билан тиккан қаштала р (М. Муҳамедов). Гулнор шошиб-пишиб ўйдан чиқди. Унсунни зинада қарши олди (Ойбек). Сафарали бир зина пастга тушган эди, орқада рус қизи бир нима деди (Оидин). Раис... кенг панжаси билан пиёлани қоплади (Ойбек). Элмуроднинг панжали орасида пуфаклар пайдо бўлди (Шуҳрат).

Бу йўл билан ном кўчишда бўлак (қисм) номининг бутунномига ўтиши асосий ҳолат бўлиб, бутун номининг бўлак (қисм) номи бўлиши бир-икки сўздагина учрайди.

Маълумки, борлиқдаги нарсалар жуда оддий ва жуда мураккаб компонентли бўлиши мумкин. Бундай нарса-предметлар ўзидаги хоҳлаган қисм (компонент) номи билан аталавермайди, балки у компонент шу нарсадаги асосий, уни характерловчи бўлсагина бўлак номи бутунга кўчиши (бутун бўлак номи билан аталиши) мумкин. Мас., олма ва шафтоли дараҳтларининг барглари, шуннагдек шоҳларининг тузилиши ҳам ўзаро фарқли. Лекин улар, қандай фарқли бўлишидан қатъи назар, барг ва шоҳ дейилади. Уларнинг мевалари эса, бир-биридан фарқли бўлиши билан бирга, ўзига хос номларга ҳам эга. Демак, шу мевалар номи билан дараҳтларнинг ўзини ҳам аташ икки турдаги дараҳтни бир-биридан фарқлаш имконини беради ва шу ном билан аталадиган бўлган. Борлиқдаги жуда кўп ўсимликлар (жумладан атиргул) тиканга эга. Лекин у ҳамма ўсимликларда ҳам асосий белги эмас, айрим ўсимликлардагина асосий белги ҳисобланади. Шу сабабли бу ўсимликлар барг, шоҳ, ҳатто, гул каби компонент (қисмлар)га эга бўлса-да, асосий белгисига кўра «тикан» деб аталади.

Ном кўчиши натижасида янги маъно ҳосил бўлишига олиб келувчи ҳодисалардан бири сифатида функция дошлик

келтирилади. Ўзбек тили лексикологиясига оид ишларда ҳам функциядошик, метонимия, метафора ва синекдохалар каби, ном кўчишига олиб келувчи асосий ҳодиса деб қаралади. Лекин шу нарса характерлики, метафора, метонимия ва синекдоха деярли ҳамма ишларда бир хилда тушунилгани, бир хилда таърифлангани ҳолда, шунингдек келтирилган фактлар таърифга мос келгани ҳолда, функциядошликини тушуниш ва таърифлашда бир хиллик йўқ, келтирилган фактлар ҳам кўп ҳолларда фикрни тасдиқламайди. Мас., самолётнинг икки ёнидан ўсиб чиқсан қуш қанотига ўхшаш қисмининг «қанот» деб аталиши айрим ишларда метафора деб таърифланса, баъзи ишларда функциядошлики натижаси деб таърифланади. Бироқ қанот сўзининг бу маъносининг келиб чиқиши функциядошлика асосланмаган.

Умуман, бажарадиган вазифасидаги бирлик асосида ном кўчиши (шу асосда сўзнинг янги маъно касб этиши) ўзбек тилида ҳам бор. Масалан, қалам сўзи тарихан ифодалаган предмет билан унинг ҳозирда ифодалайдиган предмети шакли, материали жиҳатидан бутуслай фарқли. Бу сўз илгари қамиш ва натдан ясалган ёзув қуролини билдирган. Ҳозирда эса графитли ёзув қуролини билдиради. Қўринадики, шакли, ясалиши ва материали қандай бўлишидан қатъи назар, иккала предмет ҳам ёзув қуроли. Графитли предмет ёзув қуроли бўлгани учун ҳам худди шундай вазифани бажарувчи қамиш ёки патдан ясалган предметнинг номи (қалам) билан аталадиган бўлган.

Функциядошлик асосида ном кўчиши, яъни шу ҳодиса туфайли сўзининг янги маънога эга бўлиши метафора, метонимия ва синекдоха асосида янги маъно ҳосил бўлишига иисбатан жуда ҳам кам учрайди. Шундай бўлиши ҳам табиий. Чунки бирон нарса учун мўлжалланган предметнинг ўзи бўлгани ҳолда шу нарсанинг айнан ўзи учун мўлжалланган яна бошқа предметнинг юзага келишига эҳтиёж бўлмайди. Бошқача айтганда, вазифаси тамоман бир хил, лекин бошқа-бошқа нарсанинг ҳаётда бирга яшаш мумкин эмас. Демак, вазифаси жиҳатдан бирор предмет билан умумийликка эга бўлган бошқа предмет юзага келар экан, улар ўртасида фақат умумийлик бўлади, бирлик эмас. Бу предметлар, шубҳасиз, хусусий (фарқли) белги ёки белгиларга ҳам эга бўлади. Бундай ҳолларда предметни конкрет аташ учун маҳсус сўз (сўзлар) қўлланади ёки предмет маҳсус ном олади. Мас., графитли ёзув қуролини дастлаб карандаш қалам деб аталашининг сабаби ҳам ана шунда. Шунингдек, ноннинг бир неча хил тури бор. Булар (ноннинг турлари) нон сўзига маҳсус аниқловчи қўллаш йўли билан ифодаланади ёки ноннинг турини конкретлаштирадиган сўз шу турнинг номига айланади: *патир нон* (*патир*), *гижда нон* (*гижда*) ва ҳ. Ана шундай сабабларга кўра, функциядошлик асосида ном кўчиши (янги маъно ҳосил бўлиши) иисбатан жуда кам учрайдиган ҳодиса.

Хуллас, янги маъно ҳосил бўлишига асос бўлувчи нолингвистик факторлар метафора, метонимия, синекдоха ва функциядош-

лик бўлиб, булардан метафора ва метонимия асосида ном кўчиши асосий (маҳсулдор) ҳолат ҳисобланади. Синекдоха, айниқса, функциядошлик асосида янги маъно ҳосил бўлиши кам процентни ташкил этади.

Шуни ҳам айтиш керакки, иолингвистик факторлар асосида сўзнинг семантик структурасида лексик маънонинг ортиши нуқтаси назаридан бўладиган ўзгаришлар анчагина мураккаб тусда бўлади. Бунда ҳамма вақт ҳам ўхшашлик, алоқадорлик ёки синекдоханинг фақат ўзгинаси асос бўлавермайди. Баъзи маъноларнинг ҳосил бўлишида булардан икки ёки ундан ортигининг элементи у ёки бу дараҷада қатнашади. Шунинг учун ҳам айрим ҳолларда янги маънионинг қайси ҳодиса асосида юзага келганини белгилаш қийинроқ бўлади (мисолларини юқорида кўрдик). Лекин у ёки бу маънонинг юзага келишида юқоридаги тўрт ҳодисадан икки ёки ундан ортигининг элементи иштирок этса-да, улардан биттаси асосий бўлади, янги маъно худди шу ҳодиса асосида юзага келади. Mac., стол, стул, каравот кабиларнинг оёқлари билан инсон ёки ҳайвон оёқлари ўртасида ташқи ўхшашлик ҳам бор, шунингдек, функция ўхшашлиги ҳам бор, яъни шу қисм мазкур предметларни кўтариб туради. Лекин бу предметлардаги шу қисминг оёқ деб аталиши метафора асосидадир. Чунки предметларни кўтариб туриш учун ишланган қисм икки ёки ундан ортиқ бўлсагина оёқ деб аталади. Кўтариб турадиган қисм битта ҳам бўлиши мумкин, лекин у оёқ дейилмайди ва ҳ.

Янги маънонинг лингвистик фактор асосида юзага келиши

Янги маънонинг лингвистик фактор асосида ҳосил бўлиши ҳам бир неча кўринишга эга, яъни лингвистик деб аталадиган ҳодиса бир неча турли.

Янги маънионинг ҳосил бўлишига олиб келувчи лингвистик ҳодисалардан бири эллипсисди р. Бу ҳодисанинг моҳияти шуки, аслида бирикмага тенг бўлган бирлик таркибидан бирор компонент тушиб қолади, қўлланмайдиган бўлади. Натижада бутун бирикма ифодалайдиган маъно аслида унинг таркибида бўлган компонент (сўз)нинг ўзи билан ифодаланадиган бўлади. Бир мисол: *Дағнга тайёргарлик кўра беринглар. Жуда нари борса эртагача, бўлмаса шу бугун кечаси узилади* (П. Турсун). Узилмоқ феъли ҳозирги тилда (келтирилган мисолдаги) «ўлмоқ» маъносига эга. Аслида эса бу маъно жони *узилмоқ* бирикмасига хос маъно (бу бирикма ҳозир ҳам шу маънода қўлланади). Бирикма таркиbidаги жон сўзи қўлланмайдиган бўла бориши билан бирикмага хос маъно («ўлмоқ» маъноси) *узилмоқ* сўзининг ўзига тааллуқли бўлиб қолади.

Эллипсис натижасида янги маъно ҳосил бўлиши келтирилган мисолдагига нисбатан анча мураккаб процессли бўлиши ҳам мумкин. Бир мисол: *Тўлаган колхознинг энг яхши қўши ҳўқизи билан ўз ерини ҳайдаломоқда эди* (А. Қаҳҳор). Бу мисол-

да ҳайдамоқ феъли «максус асбоб тиши билан ерни тилиб ёриб юмшатмоқ» маъноси билан қатнашяпти. Бу маънони ҳайдамоқ феълининг бошқа маъноларидан бирортаси билан боғлаб бўлмайди. Ҳайдамоқ сўзининг бу маъноси асосан ер сўзи билан бирга қўлланганда реаллашади. Лекин бу маъно дастлаб ер ҳайдамоқ бирикмасига хос бўлган (шу бирикма орқали ифодаланган) деб бўлмайди. Чунки ҳайдамоқ феъли асосий (бош) маъносига ер сўзи билан бирикиши (бирикма ҳосил қилиши) мумкин эмас, яъни ерни бирор томонга юриш (кетиш)га мажбур қилиш (ҳайдаш) мантиққа тўғри келмайди. Ҳайдамоқ феълининг бу маъноси аслида қўши ҳайдамоқ бирикмаси орқали ифодаланган: Қўши ҳайдамоқ — бормоқ-келмоқ, ҳай-ҳай қозон осиб, бола бокмоқ (Ўтмиш аёллари нутқида). Ҳайдамоқ феълининг қўши сўзи билан бирикма ҳосил қилиши ўз асосига эга, яъни қўш ерни ҳайдашда қўлланиладиган тишли асбоб ва шу асбобни юргизадиган ҳўқиз ёки отдан иборат бўлган. Демак, бунда ҳайдаладиган (олдинга юришга мажбур этиладиган) нарса — ҳўқиз ёки от бор. Кўринадики, қўши ҳайдамоқ деганинг ўзи қўш воситасида ерни ёриб, ўйиб юмшатмоқ деган маънони англатади ва, аксинча, ер ҳайдамоқ деганда ҳам (қўши сўзисиз) худди шу ҳаракатнинг ўзи тушунилаверади. Натижада қўш ҳайдамоқ бирикмасига хос бўлган маъно ҳайдамоқ феълининг ўзига қолади.

Лингвистик фактор асосида янги маъно ҳосил бўлишининг кўринишларидан яна бири ясама сўз ёки сўз формасининг фонетик ўзгариши ҳодисасидир. Бунда асли ясама сўз ёки сўзининг формасидан сўз ясовчи ёки форма ясовчи аффикс тушади. Натижада шу ясама сўз ёки формага хос бўлган маъно уларнинг ясалишига асос бўлган қисмнинг ўзига хос бўлиб қолади. Гўлах сўзининг қўйидаги икки гаунда ифодалайдиган маъносига эътибор беринг: *Шу вақтда Регистон яқинидаги... ҳаммом гўлаҳида тўрт нафар қиморбоз қўлларида икки замбар билан чиқиб келдилар* (А. Айни). *Йўқ,... капиталистик шаҳарга бориб уйма-уй, кўчама-кўча юриб, ҳаммомдаги гўлаҳлар,* таяхонаидаги бангилар, бурчак-бўрчаклардаги безориларни тўплаб, қирқ кишилик... отряд тузибди (И. Раҳим). Биринчи мисолда гўлах сўзи «ҳаммомнинг ўт ёқиладиган жойи, хонаси» маъносини билдиради. Иккинчи мисолда эса шу жойда ўт ёқувчини билдиради. Бу маъно аслида гўлах сўзидан ясалган гўлахи сўзига хос бўлиб, бу сўзининг охиридаги сўз ясовчи и аффикси қўлланмаслиги натижасида мазкур маъно гўлах сўзининг ўзига хос бўлиб қолган. Яна бир мисол: *Ерларга узала тушиб олган қор энди битган ҳисоб* (Х. Шамс). *Очлик деган балодан қутилдик ҳисоб* (Н. Сафаров). Бу мисолдаги ҳисоб сўзи ифодалаётган маънони шу сўзининг бошқа бирор маъноси билан боғлаш мумкин эмас. Унинг и аффиксини олган формаси эса «қатори» маъносини билдиради ва ҳозир ҳам шу маънода қўлланади: *У вақтларда йўловчилар ташийдиган максус поезд йўқ ҳисоби эди*. (Н. Сафаров). *Шеър деганга шулар аралашмаса, энди уларни шеър*

ҳисобига киритиб бўлмайди («Муштум»). Ўлик ҳисобидаги қанча чўлга жон келгай (Ҳабибий). Демак, «деярли», «қарийб» маъноси асли ҳисоби формасида ифодаланади. Унданги форма ясовчи аффикс қўлланмаслиги натижасида бу маъно ҳисоб қисмининг ўзига хос бўлиб қолаверади.

Лингвистик фактор натижасида янги маъно ҳосил бўлишига олиб келувчи ҳодисалардан навбатдагиси семантик калька дидир. Маълумки, луғат составининг бойишида ўзга тилларнинг таъсири ҳам асосий омиллардан ҳисобланади. Бундай таъсири ўзга тилдан сўз ўзлаштиришдагина эмас, шунингдек чет сўзларга хос маънени (ёки маъноларни) ўзлаштиришда ҳам кўринади. Мас., *санъат сарои*, *пионерлар сарои* бирикмаларидаги *сарои* сўзининг маъноси бевосита дворец искусство, дворец пионеров бирикмаларини калька йўли билан ўзлаштириш асосида юзага келган. Семантик калька натижасида янги маъно ҳосил бўлиши айниқса терминологик лексика учун характерли.

Лингвистик фактор натижасида янги маъно ҳосил бўлишига олиб келувчи ҳодисалардан бири сифатида сўзларнинг синонимик, антонимик ва б. типдаги муносабати таъсирини кўрсатиш мумкин. Мас., *урмоқ* феълининг «емоқ», «истеъмол қилмоқ», маъносининг келиб чиқишини унинг қўйинга *урмоқ*, чўнтакка *урмоқ*, *оғизга урмоқ*, *қоринга урмоқ* каби бирикмалардаги маъноси асосида исботлаш мумкин. Лекин туширмоқ феълининг «емоқ» маъносига эга бўлишини бу йўл билан асослаб бўлмайди. Туширмоқ феълининг «емоқ» маъносига эга бўлиши унинг *урмоқ* феълига синонимлиги натижасидир, яъни туширмоқ феълининг «қўл ёки қўлдаги нарса билан зарб бермоқ» маъносида *урмоқ* феълига синонимлиги таъсирида у *урмоқ* феълига хос «емоқ» маъносида ҳам қўлланадиган бўлган: *Аммо уламолар эса, гўё уч кундан бери туз тотмагандай, лазиз овқатларга чигирткаладай ёпирилиб ура кетдила* (Ўйбек). *Йигитлар дастурхонлар ёнларига ўтиридалар-да... гўштларни тушира кетдила* (М. Осим).

Семантик структуранинг қўшимча оттенкалар нуқтаи назаридан ўзгариши

Ҳар қандай сўз пайдо бўлиши биланоқ маълум бир товуш қиёфаси ва лексик маъноси билан юзага келиши аниқ. Демак, лексик маъно семантик структурада сўзининг пайдо бўлишиданоқ мавжуд бўладиган компонент ҳисобланади. Қўшимча оттенкалар, шунингдек стилистик белгилар эса, одатда, сўз семантик структураси тараққиётининг (умуман, сўз «ҳаёти»нинг) кейинги босқичларига хос, сўз пайдо бўлгандан кейинги даврларда юзага келадиган ҳодисалардир.

Лексик маъно ҳақида гап боргандага айтилдики, сўзининг ҳар қандай лексик маъноси маълум сабаб, талаб билан юзага келади ва ҳар қандай лексик маъносининг юзага келиши ўз асос, қонуният-

ларига эга. Бу гашларни қўшимча оттенкаларнинг стилистик белгиларнинг пайдо бўлишига нисбатан ҳам bemalol айтавериш мумкин.

Тилда бир сўз бирдан ортиқ нарса-ҳодисаларнинг атамаси бўла олганидек (полисемия), бир нарса-ҳодисанинг бирдан ортиқ сўз ифодалай олиш ҳолати борлиги ҳам сир эмас. Шунинг ўзиёқ кўрсатадики, сўзнинг янги маъноси ҳамма вақт ҳам янги пайдо бўлган нарса-ҳодисаларни ифодалаш талаби билангина эмас, балки аслида бор бўлган нарса-ҳодисаларни ифодалаш талаби билан ҳам юзага келади. Қуйидаги мисолларга эътибор берайлик: *Ўзи ҳам ши кўрган т у л л а к эмасми энди бу оғир ҳолатдан усталик билан чиқиб олиш йўлларига ёпишади* (А. Қодир ий). *Биласизми, ўша эски, х и р п а Боймат бунинг ҳам чорасини аллақачон топиб қўйган!* (Яшин). *Қизлар уни тинглагандан лабида завқ ҳа н д а с и* (М. Шайхзода). *Шамол зўра иб дараҳтларни силкитган сари... биз севинамиз* (Ойбек). *Айб ўзимизда, ўзимиз латта.* (Уйғуп). Бу мисолларда туллак, хирпа сўзлари айёр сўзига хос тушунчани, ҳанда сўзи кулги сўзига, зўраймоқ сўзи кучаймоқ сўзига, латти сўзи лапашанг сўзига хос маънони ифодаяпти. Лекин улар «айёр», «лапашанг», «кулги», «кучаймоқ» маъносини маълум ўзгачалик, мас., бадийлик билан, белги даражасини кучайтириб ва ҳ. билан ифодалайди. Акс ҳолда тилда шу маъноларни ифодалайдиган сўзлар бўла туриб яна бошқа сўзларнинг қўлланишига эҳтиёж бўлмас эди. Демак, аслида бор нарса-ҳодисаларни яна бошқа сўзлар билан аташининг ўзиёқ маълум талаб билан, уни қандайдир ўзгачалик билан ифодалаш талаби орқасида юз беради. Бу «ўзгачалик» эса ана шу сўзнинг семантик структурасидаги оттенкаси, унинг услугуб турларидан бирига хослигини кўрсатувчи белгиси ҳисобланади.

Хуллас, нарса-ҳодисалардаги ўзига хосликни тўлалигича ифодалаш, унга муносабатни конкрет ифодалаш ва ш. к. талаби билан сўзларнинг танланиши, шунга хосланиши натижасида сўзлар у ёки бу оттенкани касб этади, стилнинг маълум турига хосланади. Сўз семантик структурасининг қўшимча оттенкалар ва стилистик белги ҳисобига бойиши синонимиянинг ривожланишига олиб келувчи фактор ҳисобланади. Синонимиянинг ривожланиши эса тилнинг ривожланиш даражасини кўрсатувчи факторларданadir (Бу ҳақда ишнинг «Синонимия» баҳсида муфассалроқ тўхталамиз).

СЎЗЛАРНИНГ ШАҚЛ ВА МАЪНО МУНОСАБАТИГА ҚУРА ТИПЛАРИ

Ўзбек тилидаги сўзларнинг маълум группаси маъно жиҳатдан ўзаро алоқадор бўлса, яна маълум группа сўзлар шаклий муносабатга эга.

СЎЗЛАРНИНГ МАЪНО МУНОСАБАТИГА ҚУРА ТИПЛАРИ

Маъно муносабатига қўра сўзларнинг икки типи мавжуд:
1) *синонимлар*, 2) *антонимлар*.

Синонимия

Лингвистик адабиётларда синонимлар «бир хил маъноли сўзлар» ёки «бир-бирига яқин маноли сўзлар» сифатида таърифланади. Шунингдек, айрим мутахассислар икки ёки ундан ортиқ сўзниң синонимлигини белгилашда маъно эмас, балки улар ифодалайдиган тушунча асосга олиншии кераклигини таъкидлайдилар ва синонимларни бир хил ёки бир-бирига яқин тушунчаларни ифодаловчи сўзлар деб баҳолайдилар.

Синонимларни «бир-бирига яқин маъноли сўзлар» ва «бир-бирига яқин ёки бир хил тушунчани билдирувчи сўзлар» деб таърифловчилар уларнинг (синонимларнинг) маъноси ва бошқа хусусиятлари жиҳатидан ўзаро тенг (бир хил) бўлмаслигини назарда тутадилар. Тўғри, маъноси ва бошқа хусусиятлари жиҳатидан бир-бирини тўла қопладиган, бир-бирига мутлақо тенг бўлган синонимлар тилда йўқ даражада. Лекин буни назарда тутиб, синонимларни «бир-бирига яқин маъполи сўзлар», шунингдек, «бир хил ёки бир-бирига яқин тушунча ифодаловчи сўзлар» деб таърифлаш тўғри бўлмайди.

Тил ҳодисалари бир гуруҳга, бир турга бирлашар экан, бу бирлашиш улардаги яқинлик асосида эмас, балки бирлик (бир хиллик) асосида бўлади. Яқинлик яқинлаштиради, лекин бирлаштиромайди. Демак, икки ва ундан ортиқ сўз маъноси асосида ўзаро бирлашар экан, ўзаро бирлик ҳосил қиласи экан, ўз-ўзидан, уларнинг маъносида бир хиллик (бирлик) бор бўлади. Масалан, *гувоҳ, шоҳид* сўзлари «бирор воқеа-ҳодисани ўз кўзи би-

лан кўрган, уни тасдиқловчи шахс» маъносини билдиради, яъни иккаласи ҳам шу маънога эга. Иккаласида ҳам бўлган ача шу маъно бу сўзларни бирлаштиради, синоним қиласи.

Маънодаги яқинликка қараб сўзларнинг синонимлигини белгилаб бўлмайди. Чунки сўзларнинг маъно жиҳатдан яқинлиги ҳар хил даражада бўлиши мумкин. Баъзи сўзлар маъно жиҳатдан бошқа сўзга жуда яқин бўлса, бошқа бир сўзга яқинлиги нисбатан кучсиз бўлиши, яча бир сўзга маъно жиҳатдан яқинлиги эса сезиларсиз даражада бўлиши мумкин. Лекин ҳар уч ҳолатда ҳам (қай даражада бўлмасин) маъно жиҳатдан яқинлик бўлади. Шунга кўра, икки ва ундан ортиқ сўзниң ўзаро синонимлигини белгилашда маънодаги яқинлик асосга олинадиган бўлса, у ҳолда маъноси бир-бирига жуда яқин бўлган сўзлар билан бирга, қисман бўлсада маънода яқинлиги бор сўзлар ҳам синоним деб қаралиши керак бўлади. Масалан, *кулмоқ*, *илжаймоқ*, *жилмаймоқ*, *тиржаймоқ*, *иржаймоқ*, *иршаймоқ*, *ишишаймоқ*, *хахоламоқ*, *хихиламоқ*, *ҳе-ҳеламоқ*, *қаҳҳаҳламоқ*, *пиқирламоқ*, *қиқирламоқ* сўзларнинг маъносида, қай даражада бўлмасин, яқинлик бор. Лекин буларнинг ҳаммаси ўзаро синоним деб бўлмайди. Буни *жилмаймоқ* билан *пиқирламоқ*, *қаҳҳаҳламоқ* билан *қиқирламоқ* сўзлариниң қиёслаганди ҳам аниқ сезиш мумкин.

Кўринадики, сўзларнинг ўзаро синонимлигини белгилашда маънодаги яқинликни асосга олиш тўғри бўлмайди, яъни маънодаги яқинлик асосида икки ёки ундан ортиқ сўзниң синонимлигини тўғри белгилаб бўлмайди.

Синонимларни белгилашда сўз билдирадиган тушунчани асосга олиш маънони асосга олишдан бирор афзалликка эга эмас, ҳатто, бу йўлни тўғри деб ҳам бўлмайди. Асосий далил сифатида шуни айтиш кифояки, ҳар қандай сўз тушунча ифодалайвермайди, лекин у маънога эга бўлади ва тушунча ифодаламайдиган бундай сўзлар бирор маъноси билан ўзаро синоним бўлиши мумкин. Масалан, *ҳамма*, *барча*, *бари олмошлари*, *балли*, *баракалла*, *қойил*, *тасанно*, *офарин*, *яша(нг)*, *ўлма(нг)*, *таҳсин*, *салламно* ундовлари, истак билдирувчи зора, шояд, кошки, қани (*қани энди*, *қани эди*) сўзларни ва б. Синонимия ҳодисаси фақат лексик бирликтарда эмас, ҳатто, аффиксларда (аффиксал морфемаларда) ҳам борлиги эътиборга олинса, бу масалада «тушунча»га асосланиб иш кўриш тўғри бўлмаслиги яна ҳам аниқ кўринади (Чунки деярли барча аффикслар маънога эга, лекин бирорта аффикс тушунча ифодаламайди).

Хуллас, икки ёки ундан ортиқ сўзниң ўзаро синонимлигини белгилашда маънога асосланиш тўғри йўлдир. Шундай экан, ўзаро синоним бўлган сўзларнинг маънодаги муносабати қандай бўлишини белгилаш асосий масала ҳисобланади.

Аввалги бўлимлардан маълумкӣ, сўзниң маъноси (семема) маълум компонентлардан (семалардан) ташкил топади. Бундан ташқари, сўзниң семантик структурасига турли маъно оттенкалари, эмоционал бўёғи. Стилистик белгиси, бошқа сўзлар билан

боғланиш хусусияти кабилар ҳам киради. Демак, синонимларнинг маънодаги ана шу компонентлар нуқтаи назаридан ўзаро муносабати қандай эканини белгилаш керак бўлади.

Синоним — сўзлар семантик структурасидаги компонентлар ичida уларни ўзаро бирлаштирадиган (синоним, эканини белгилайдиган) ва фарқлайдиганлари бўлади.

Икки ёки ундан ортиқ сўзни ўзаро синоним қиласидиган нарса бу сўзлар семантик структурасидаги асосий қисмнинг, яъни лексик маънонинг бир хиллиги, лексик маънони юзага келтирадиган компонентларнинг (семаларнинг) бир хил бўлишидир. Шунинг учун ҳам икки ёки ундан ортиқ сўзни ўзаро бирлаштирадиган (синоним қиласидиган) маъносининг изоҳи бир хил бўлади. Масалан, тез, илдам, жадал сўзларининг ҳаммаси «нормадан юқори темп (суръат) билан» деган маънони билдиради. Уларнинг ҳар бири ўз семантик структурасида яна бошқа қўшимча компонентларга эга бўлиши мумкин. Лекин ҳаммасининг лексик маъносини маънодаги «нормадан юқори суръат билан» деган қисм ташкил этади, яъни ҳаммасининг семантик структурасидаги асосий нарса, лексик маънони белгиловчи нарса ана шу. Маънодаги худди ана шу умумийлик, бирлик билан тез, илдам, жадал сўзлари синонимлик ҳосил этади.

Демак, икки ёки ундан ортиқ сўзни ўзаро синоним этадиган нарса бу сўзлар лексик маъносининг мавжуд бўлган бир хил бўлишидир. Агар лексик маъно (семема) бир хилда бўлмаса, синонимлик ҳақида гапириш мумкин бўлмайди. Масалан, қарамоқ, боқмоқ, тикилмоқ, термилмоқ, тўймоқ сўзлари, умуман олганда, «бирор нарса ёки томонга кўз-назарни йўналтироқ, кўз ташламоқ» маъносини билдиради. Лекин термилмоқ, тикилмоқ, тўймоқ феъллари умуман «қараш» маъносини эмас, балки кўз олмаган ҳолда бўлишни, кўз тиккан ҳолатда бўлишни билдиради. Демак, буларнинг маъносида «кўз узмаган ҳолда, кўз тиккан ҳолда» компоненти (семаси) бор. Қарамоқ, боқмоқ сўзларининг маъносида бу компонент йўқ. Кўз узмасдан қараш маъносининг аниқ ифодаланишида қарамоқ, боқмоқ сўзлари бошқа воситалар билан билан ёки термилмоқ, тикилмоқ сўзларининг ўзи билан қўлланади: *Шу вақтгача калласини солинтириб, ўйга ботиб ўтирган отаси ўғлига термилиб қаради* (М. И smoилий). Қия очилган эшикдан тикилиб қараган қизнинг энди кўчада нимчасини юзига пана қилиб туриши ғалати бўлса ҳам, Элмурод бунинг «қишилоқ шароитига мос» эканини англади (П. Турсун). Тўйиб қарашларидан Ҳаёт сочилар эди, Гуллар очилар эди (Х. Олимжон). Демак, қарамоқ, боқмоқ, тикилмоқ, термилмоқ, тўймоқ сўзлари ўзаро эмас, балки қарамоқ билан боқмоқ ва термилмоқ, тикилмоқ, тўймоқ сўзлари ўзаро синоним бўлади.

Эшилмоқ сўзи умуман бирор овоз (товуш)нинг қулоқка чалиниши маъносини ҳам, шунингдек диққат-эътибор билан тинглаш маъносини ҳам билдира олади. Тингламоқ сўзи эса фақат диққат-эътибор билан эшитиш маъносини билдиради. Демак, эшил-

моқ феъли фақат шу маънодагина тингламоқ сўзи билан синоним бўла олади: *Бу сўзларга Қосим чўнг Тебратиб қалин лабин, Диққат билан эшигд и Қодир охун талабин* (Файратий). Аҳмадов унинг сўзини бўлмасдан тек ўтириб тинглади (А. Қаҳҳор). Демак, бунда ҳаракат субъекти актив бажарувчи сифатида бўлади, актив бажарувчи сифатида эса фақат инсонгина бўлиши мумкин. Худди шу сабабга кўра, айтиб ўтилган маънода *эшилмоқ, тингламоқ* сўзлари ўзлик даража формасида қўлланмайди. Қуйидаги мисолга эътибор беринг:

*Бу шаҳарнинг тубига
Кулогинг тутсанг,
Ҳали ҳам тингланади
Зор, ийғи-оҳанг*

(Файратий)

Бу мисолда *tinglamoқ* феълиниг эшилмоқ феълиниг синоними сифатида потўғри қўлланган. Эшилмоқ феъли бирор овоз (товушининг) қулоққа кириши, қулоққа чалинини маъносига қўлланади. Бунда субъект актив бажарувчи бўлмайди. Демак, бунда ўзаро синоним бўлгани *эшилмоқ, тингламоқ* феълларининг маъносидаги «диққат-эътибор билан» деган компонент бўлмайди. *Tinglamoқ* сўзининг маъносига эса шу компонент ҳамма вақт бўлади. Бинобарин шу нарса аслида йўқ бўлса, *tinglamoқ* феълини *эшилмоқ* феълининг синоними сифатида қўллаш тўғри бўлмайди.

Яна фактларга мурожаат этаплиқ. *Байрам* ва ҳайит сўзлари, умуман олганда, бирор муносабат билан бўладиган умумий шодлик, тантана куни маъносига эга, шу маънода улар ўртасида умумийлик бор. Шунга кўра ҳатто уларни бадиий асарларда бир хил маънода қўллаш ҳоллари учрайди:

*Қуёш қўшиқларнинг мавжиди сузар,
Қуй, ижод билан ҳалқ кутади ҳайит.
Бу байрам тарихнинг ёрқин кундузи,
Кундузни сақладик тикиб жону тан*

(Ойбек)

Лекин *байрам* ва ҳайит бир-биридан тамомила фарқли нарсаларни (ҳодисани) билдиради. Ҳайит диний тушунчани билдиради. *Байрам* эса бундай хусусиятга эга эмас. Демак, *байрам*, ҳайит сўзларининг маъносига бир хил эмас ва улар синоним бўла олмайди. *Ёнмоқ, куймоқ* феъллари, умуман олганда, оловланиш ҳолатини билдиради. Лекин биринчисида (ёнишда) алангаланиш (маънода шу компонент) бўлади. Қуйишда эса бўлмайди. Демак, улар шу фарқли хусусиятлари билан синоним бўла олмайди. От, умуман олганда, улов. Лекин у уловнинг бир тури. Шу сабабли от ва улов сўзлари синоним бўла олмайди. *Жомакор* умуман кийим эмас, балки иш кийими. Шу сабабли *жомакор* ва кийим сўзлари синоним эмас.

Бу фактларнинг ҳаммаси икки ёки ундан ортиқ сўзининг синонимлигини уларнинг маъносидаги яқинлик ёки жуда умумийлик эмас, балки бир хиллик белгилашини кўрсатади.

Икки ёки ундан ортиқ сўзининг синонимлигини белгилашда лексик маъно билан сўзининг контекстда реаллашадиган маъносини фарқлаш керак бўлади. Синонимлик лексик маънонинг бир хиллигига кўра бўлади. Лексик маъно билан контекстда реаллашадиган маъно асосида синонимлик ҳосил бўлмайди. Мисол: — *Мадамингов бундан икки ҳафта бурун менинг акамни ўлдирди...* — *Шундай дўстим.* Энди унинг ўзини ўйқ қиласак, сени ҳам мени ҳам ейд и (П. Турсун). Мисолда емоқ феъли «ўлдирмоқ» маъносида қўлланган. Лекин унинг бу маъноси шу контекстдагина реаллашяпти, яъни бу маъно емоқ сўзининг лексик маъносини эмас. Шунга кўра, емоқ феъли ўлдирмоқ феъли билан синоним бўла олмайди.

Худди юқоридаги сабабга кўра, беш балли баҳо системасида шартли равишда қўлланадиган икки, уч, тўрт, беш сўзлари ёмон, ўрта, яхши, азло сўзларига синоним бўла олмайди. Икки, уч, тўрт, беш сўзлари шундай лексик маънога эга бўлмаганидан, улар бу маънода қўлланганда, асосан, сўз билан эмас, рақам билан ёзилади ва кўнинча қўштириноқда («2») берилади. Шунингдек, кўпинча уларнинг изоҳи (ёмон, яхши, азло сўзлари) ҳам келтирилади:

Унинг учун ўқишида
«2» — ёмон бўлмаса...
Бешови бир классда
Ўқишиаркан б с ш-а ҳ л о
(П. Мўмин).

Синонимлик лексик маънонинг бир хиллигига кўра бўлар экан, ўз-ўзидан, синонимлар бир туркумга оид сўзлар бўлади. Шунга кўра, маълум контекстда бир туркумга оид сўз бошқа бир туркумга оид сўзга хос маънода қўлланса-да, лекин улар синоним бўла олмайди: *Қани энди ер бўлса...* *Мана Карим акани олинг.* *Дечқон ср билан тирик* (Н. Сафаров). Мисолда олинче сўзи «масалан» деган маънода қўлланган. Лекин олмоқ феъли билан масалан сўзи синоним бўла олмайди.

Синонимлик маънога кўра, маънодаги бир хилликка кўра бўлар экан, ўз-ўзидан, икки ёки ундан ортиқ сўзининг бутуплай синонимлиги эмас, балки у ёки бу маъносида (ёки маъноларида) синонимлиги ҳақида гапириш тўғри бўлади. Чунки тилдаги сўзлар бир маъноли ёки кўп маъноли бўлиши мумкин. Кўп маъноли сўзларнинг маъно миқдори ҳар хил бўлиши мумкин, яъни баъзи сўзлар икки-учта маънога, баъзилари эса жуда кўп маънога эга бўлади. Бундай сўзлар бошқа кўп маъноли сўз билан маълум бир маъноси ёки маъноларида синонимлик ҳосил этади. Масалан, *тоза, соф, бегубор, мусаффо* сўзларининг ҳар бири кўп маъноли. Лекин улар фақат бир маъносида — «чапг-губордан ҳоли» деган маъносида ўзаро синонимdir. Мисоллар: *Тўймай ўйнар шўх қуши*

чалар тоза ҳавода (Гайратий). Тонг сли соф ҳаво билан бирга... Шўхсойнинг шовуллаган овозини келтирмоқда (Х. Назир). Янграган кўйларга тўлсин беғубор осмонингиз («Қизил Ўзбекистон»). ...аммо эрталабки ҳаво салқин ва мусаффо (Л. Батыр).

Кўп маъноли сўзлар бирдан ортиқ маъносида синоним бўлиши мумкин. Масалан, алоҳида, айрим сўзлари кўп маъноли. Шулардан уч маъносида улар синоним:

1. Ўзига мустақил, бошқаларидан холи. Мисол: *Нури алоҳида* ҳонада ўз ўртоқлари — обрўли оиласларнинг қизлари билан ўтирас эди (Ойбек). Тантобойвачча кўпдан таниш ҳовлига — атрофи айрим-аирим эшикли ҳоналар билан ўралган ҳовлига кирди (Ойбек).

2. Бошқаларидан фарқли ҳолда, ўзига хос. Мисол: *Паст ғўзаларга алоҳида* эътибор берилмоқда («Қизил Ўзбекистон»). Зокир ота жуда тажрибали пахтакор, қўли гул одам. Унга айрим эътибор қилиш, шубҳасиз яхши (А. Қаҳҳор).

3. Бошқаларига қўшмай, ўзини мустақил ҳолда. Мисол: *Мен боя музокарага чиқиб правление ва унинг раиси Бўтабойнинг ишларидаги камчиликларни танқид қилганимда мактаб масаласини ҳам қистириб ўтсан бўлар эди*, лекин бу масала алоҳида қўйилганлиги учун қистирмадим (А. Қаҳҳор). *Бу масалани айрим ҳал қиламиш* (П. Турсун).

Икки ёки ундан ортиқ сўзининг синонимлиги уларнинг маъноси асосида бўлар экан, кўп маъноли сўзлар бир маъноси билан маълум бир сўз ёки сўзларга, бошқа бир маъноси билан яна маълум бир сўз ёки сўзларга синоним бўлиши мумкинлиги табиий. Масалан, битирмоқ феъли кўп маъноли. У ўзининг ҳар бир маъноси билан бошқа-бошқа сўзларга синоним бўлади. Масалан, у қуйидаги маънолари билан қуйидаги сўзларга синоним бўлади: 1. Якунига етказмоқ. Бу маъносида битирмоқ феъли тугатмоқ, тугалламоқ, тамомламоқ, тамом қилмоқ, адo қилмоқ феълларига синоним: *Йигим-теримни бўлганимиздан кейин бошласак, совуқ тушиб май битирамиз*. (А. Қаҳҳор). Бизда ҳам ўқишни тугатиб ўйланиш одат бўлиб қолди, — деди Йўлдош (Шуҳрат). Ўнинчани тугаллағанда ҳозирлик кўрилар эди (Ш. Рашидов). ...*Тошкентга, уч ишллик кадрлар тайёрлаши мактабига ўқишига юборишди*. Уни таомомла бекелиб, қўшини Гулистон колхозида аввал агроном, кейин партком секретари бўлди («Совет Ўзбекистони»). Аҳмедов капсанчиларни колхоз тузишга чақириб сўзини таомом қилди (А. Қаҳҳор). Сўзни адод қилди мендай қаландар («Ширин билан Шакар»).

2. Иш, вазифа ва шу кабиларни амалга оширмоқ, бажо келтирмоқ. Бу маънода битирмоқ феъли бажармоқ, адод этмоқ, ўринла(т)моқ, дўйндиromoқ, ўтамоқ, бажо қилмоқ феълларига синоним: *Мехнатни сиз қилдингиз, катта шини кўнгилдагидек битриб келдингиз* (Х. Ситов). Ҳозир кўклам экин компаниясига пухта тараффуду дўриб олган дечқон уруғ ерга қадалаётган паллада қий-

налмайди, ишни сифатли бажаради («Совет Ўзбекистони»). Саккизинчи беш йилликда 88 мингдан ортиқ ишни ўз зимасига олган шахсий мажбуриятини муддатидан олдин ўринлаширилди («Совет Ўзбекистони»). ...Зиммамиздаги барча топшириклиарни муддатидан олдин ўринлаширилди («Совет Ўзбекистони»). Кунига икки киши, уч ярим-тўрт норма дўндирияпмиз (Ш. Тошматов). Муҳаббат сўз билан изҳор этилмас. Сўз бу вазифани ўтасдан ўтироқ (Уйғун). Ҳар ишни партия топширса, биз бажо қиласмиш (Ҳабибий) ва бошқалар (Битирмоқ феъли бошқа маънолари билан яна бошқа сўзларга синоним. Лекин бу ўринда келтирилган факт билан чегараланамиз).

Юқоридагилардан маълум бўлдики, икки ёки ундан ортиқ сўзнинг синонимлиги уларда ҳаммаси учун умумий (бир хил) маъненинг борлигига кўрадир. Бирор сўзнинг бошқа сўз ёки сўзларга синонимлиги ҳар вақт конкрет бир бирлаштирувчи маъно билан бўлади. Бирлаштирувчи маъно ўзаро синоним бўлган сўзларнинг ҳаммасида бўлади. Бу синонимларнинг бирлик томони, бирлик хусусиятидир. Бирлаштирувчи маъно (маънода бир хиллик) бўлмаса, синонимлик ҳақида гапириш мумкин эмас.

Ўзаро синонимик муносабатда бўлган сўзлар (маъносида бирлик бўлган сўзлар) бирликда синонимик қаторни ҳосил этади: ўйин, рақс; янглиш, хато, нотўғри, чатоқ, ғалат; ғалаба, зафар, тантана, музafferият ва б.

Синонимларнинг семантик структурасида бир хил бўлган қисм, бирлаштирувчи лексик маънодан ташқари яна бошқа қисмлар ҳар бир синонимда ўзига хос, бошқасидагидан фарқли бўлади. Ана шу фарқлар синонимлардан ҳар бирининг тилда яшашини, тилда ҳар бирининг қўлланиш ўрнини таъминлайди. Тилда ҳар жиҳатдан бир-бирига тенг бўлган, ҳар жиҳатдан бир-бирини қоплайдиган икки ёки ундан ортиқ сўзнинг бўлишига эҳтиёж йўқ. Эҳтиёж йўқ экан, бундай хусусиятни сўзлар ҳам бўлмайди. Демак, тилда синонимларнинг борлигининг ўзиёқ ўзаро синоним бўлган ҳар бир сўз ўзига хос қандайдир хусусиятга ёки хусусиятларга эгалигини кўрсатади. Ҳақиқатда ҳам шундай. Маъноси ва бошқа хусусиятлари билан бир-бирига жуда тенг келадиган сўзлар асосан илмий терминларда учраб туради: революция, инқи lob; агитация, ташвиқот; тема, мавзу каби. Лекин бундай синонимлар ҳам қандайдир белгиси, масалан, қўлланиш даражаси, эскирганлик ёки эскирмаганлиги ва ш. к. билан маълум даражада фарқланиб туради. Агар ҳеч қандай фарқли белги бўлмаса, бундай синонимлик ўткинчи ҳолат бўлиб, маълум вақтлардан сўнг улардан бири шу маънода истеъмолдан чиқади. Тилнинг табииати шуни талаб этади.

Синонимларнинг ўзаро фарқли хусусиятлари анчагина. Булардан энг асосийси уларнинг ҳар бирининг маъносидаги фарқли белгилардир.

Синонимларнинг ўзаро фарқли белгиси, аввало, уларнинг маъно ҳажмида, аниқроғи, маъно оттенкасида кўринади. Масалан,

ўзаро синоним бўлган сўзлардан бири бирон қўшимча оттенкага эга бўлмаслиги, бошқаси эса қандайдир оттенкага эга бўлиши мумкин. Мисолларга мурожаат этайлик: ёрдамлашмоқ, кўмаклашмоқ, қарашибоқ, боқишибоқ сўзлари «ёрдам кўрсатмоқ» маъноси билан ўзаро синоним. Бу синонимлар ичидаги ёрдамлашмоқ сўзининг маъно ҳажми кенг. У бирон қўшимча оттенкага эга эмас. Бу сўз моддий жиҳатдан, шунингдек иш-ҳаракат ва ш. к. билан ёрдам кўрсатиш маъносига қўлланаверади. Кўмаклашмоқ, қарашибоқ, боқишибоқ сўзлари асосан иш-ҳаракат, хизмат билан ёрдам кўрсатиш маъносига қўлланади. Кўп, анча, талай, мўл, сероб сўзлари «сон-миқдори нормадан ортиқ» маъноси билан синоним. Булардан кўп сўзининг маъно ҳажми кенг. У миқдорнинг, соннинг нормадан ортиқлигини, шунингдек иш-ҳаракатнинг сон-миқдор жиҳатдан нормадан ортиқлигини ҳам ифодалайди: одам кўп, вақт кўп, сув кўп, кўп ишилади каби. Мўл, сероб сўзлари эса нарса миқдорнинг нормадан ортиқлигини ифодалайди ва конкрет нарсаларга нисбатан қўлланади. Иш-ҳаракатнинг, шунингдек вақтнинг миқдори нормадан ортиқлигини ифодалаш учун қўлланмайди. Масалан, сув мўл, сув сероб дейилади, лекин вақт мўл, вақт сероб ёки мўл сўзлади, сероб сўзлади дейилмайди. Қўйидаги мисолда ҳам мўл сўзининг қўлланиши нотўғри:

Шунинг учун баҳтиңг мўл,
Кенг Ватаниңг чаман гул
(П. Мўмин).

Ювош, мўмин, қобил, ройиш синонимларидан ювош сўзи шахсга, шунингдек ҳайвоналарга нисбатан қўлланаверади. Мўмин, қобил сўзлари фақат одамга нисбатан қўлланади. Ройиш сўзида гапга кўнадиган, айтганга юрадиганлик оттенкаси бор. Йфлос, исқирип, иркит, ислиқи, иқна, ивирсиқ, нопок синонимларидан ифлос сўзининг маъно ҳажми кенг. У тоза бўлмаган ҳар қандай нарса, ҳолатга нисбатан қўлланаверади. Исқирип, иркит сўзлари одам ва унинг кийим-бошига нисбатан қўлланади. Ислиқи асосан кийим-бошга нисбатан, иқна одамга нисбатан қўлланади. Ивирсиқ жойга нисбатан қўлланади. Кўпаймоқ, ортмоқ синонимларидан кўпаймоқ асосан конкрет нарсаларга нисбатан қўлланади. Қўйидаги мисолда унинг мавҳум нарсага (эътиборга) нисбатан қўлланиши нотўғрилиги аниқ сезилади:

Сизлар бўлиб ўлкамиз мадори,
Тобора кўпайди эътибори
(Ҳабибий).

Бу ўринда кўпаймоқ феъли эмас, ортмоқ феъли қўлланиши керак эди ва б.

Демак, синонимларнинг ўзаро фарқли хусусиятларидан бири уларнинг қўшимча оттенкага эга ёки эга эмаслигига бўлиб, бу хусусият шу синонимик қатордаги сўзларнинг қўлланиш доирасини, қўлланиш ўрнини ҳам белгилайди.

Синонимлар билдирадиган вақт, ҳаракат, белги, миқдор қабиларда уларнинг ҳар бирида белгининг даражаси ҳар хил бўлиши мумкин. Масалан, *аввал*, *олдин*, *илгари*, *бурун*, *қадим* синонимларидан *илгари* сўзида вақтнинг ўтишига қараб узоқлик даражаси *аввал*, *олдин* сўзидағидан ортиқ. *Бурун* сўзида *илгари* сўзидағига нисбатан, *қадим* сўзида эса *бурун* сўзидағига нисбатан ортиқроқ. *Ишчан*, *ҳаракатчан*, *серҳаракат*, *ғайратли*, *серғайрат*, *тиришқоқ*, *уринчоқ* синонимларидан *ғайратли*, *серғайрат*, *тиришқоқ* сўзлари белгини кучлироқ оттенка билан ифодалайди. *Камбағал*, *қашшоқ* синонимларидан *қашшоқ* сўзи белгини кучли оттенка билан ифодалайди. *Овора*, *сарсон*, *саргардон* синонимларидан белги даражаси *овора* сўзидағига нисбатан *сарсон* сўзида кучли, *сарсон* сўзидағига нисбатан *саргардон* сўзида кучли. *Куч*, *қувват*, *мадор*, *мажол*, *дармон* синонимларидан *мадор*, *мажол*, *дармон* сўзлари, асосан, куч-қувватнинг нормал ҳолатдан пастлигини ифодалашда қўлланади. Демак, синонимлар билдирган белги даражасидаги ҳар хиллик ҳам шу сўзларнинг маъносидаги фарқли оттенкалари ҳисобланади.

Синонимлар эмоционал бўёқقا бўлган муносабатига кўра ўзаро фарқланиши мумкин. Ўзаро синоним бўлган сўзларнинг баязилари эмоционал бўёқли бўлиши, айримлари эса эмоционал бўёққа эга бўймаслиги мумкин. Эмоционал бўёқли синонимлар салбий ёки ижобий эмоцияни (салбий ёки ижобий муносабатни) билдиришига кўра ҳам ўзаро фарқланиади: 1) ижобий эмоционал бўёқли сўзлар, 2) салбий эмоционал бўёқли сўзлар. Масалан, *бош*, *калла* синонимларидан *бош* сўзи эмоционал бўёққа эга эмас, *калла* сўзи кўпроқ салбий эмоционал бўёқ билан қўлланади. *Юз*, *бет*, *афт*, *башара*, *чехра*, *жамол* синонимларидан *юз* ва *бет* сўзлари эмоционал бўёққа нисбатан нейтрал, *афт* ва *башара* сўзлари салбий эмоционал бўёққа, *чехра*, *жамол* сўзлари эса ижобий эмоционал бўёққа эга.

Ўзаро синоним бўлган сўзлар маълум бир услубга (стилга) бўлган муносабатига кўра ҳам бир-биридан фарқланиши мумкин, яъни синоним-сўз услубнинг (стилнинг) маълум бир турига оид бўлиши ёки услуб нуқтаи назаридан нейтрал бўлиши мумкин. Масалан, *ярашмоқ*, *келишмоқ*, *кетмоқ* синонимлари чиройлилик ва мослик жиҳатидан яхши (мос) ўринлашмоқ, чиройли, мос кўринишли бўлмоқ маъносини билдиради. Булардан *ярашмоқ* стилистик жиҳатдан нейтрал, *кетмоқ* эса оддий сўзлашувга хос. Мисол: *Дўстларининг жилмайган юзлари*, *уларнинг янги*, *Я р а ш г а н уст-бошлари унинг ҳеч қачон хаёлига келмаган бир фикрни шивирлаётгандек бўлди*. (П. Турсун). Аммо бу икки ўрим соч... жуда ҳам ўзига *келишиб тушиб*, *унга яна бир қайта улуғворлик ва олийлик бағишладилар* (А. Қодир ий). *Шундай кетиши ини, ловиллайди-я, ловиллайди!* (Яшин). *Совға*, ҳадя, түхфа, тортиқ, армуғон синонимларидан *совға* стилистик жиҳатдан нейтрал, түхфа, армуғон китобий услугуга хос. Ўпич, бўса, муччи синонимларидан ўпич-нейтрал, бўса поэтик услугуга хос,

муччи фольклор асарларида ва ўзбек тилининг айрим шеваларида қўлланади ва б.

Синонимлар ичидаги диалектал хусусиятга эга сўз бўлиши мумкин. Масалан, *овоз, товуш, ун, садо, сас, нидо* синонимларидан *сас сўзи, изламоқ, қидирмоқ, ахтармоқ, истамоқ* синонимларидан *истамоқ* сўзи диалектал.

Ўзаро синоним сўзлар қўлланниш даражасига кўра фарқланиши, яъни баъзиси кенг қўлланниши, бошқаси эса кам қўлланниши мумкин. Масалан, *бошқа, бўлак, ўзга* синонимларидан *бошқа* сўзи жуда кенг қўллангани ҳолда *бўлак* сўзи кам қўлланади. *Ўзга* сўзи эса *бўлак* сўзига нисбатан ҳам кам қўлланади.

Синонимлар маълум бир сўзлар билан бирика олиш ёки бирика олмаслиги, маълум эркин ёки турғун сўз бирикмаларида қўллана олиш ёки қўллана олмаслик хусусияти билан ҳам ўзаро фарқланиши мумкин. Масалан, *ост, таг* синонимларидан *ост* сўзи *хавф остида, қўйл остида, назорат остида, оёқ ости қилмоқ* каби бирикмаларда қўллангани ҳолда, бу бирикмаларда унинг ўрнида *таг* сўзини қўллаб бўлмайди. *Тагига етмоқ, таги нозик, таг-туби* билан кабилардаги *таг* сўзи ўрнида эса *ост* сўзини қўллаб бўлмайди. *Ок олтин* (нахта) бирикмасидаги олтин сўзи ўрнига *тилла* сўзини қўллаб бўлмаганидек, қоплама тишни билдирувчи бирикмада асосан *тилла* сўзи қўлланади: *тилла тиши* (олтин тиши дейилмайди) ва б.

Бир синонимик қатордаги сўзлар кўриб ўтилган хусусиятларниг биттаси ёки бир нечасига кўра ўзаро фарқланиши мумкин. Бу нарса синонимик қаторни ташкил этувчи сўзларнинг миқдорига (оз-кўплигига) ҳам боғлиқ. Масалан, *яхши, дуруст, тузук, биноий, биноийидек, жоийида, соз, нозандай, бол, ажабтовур, авло, пошиахон, қойил, қойилмақом* синонимик қаторидаги *дуруст, тузук* сўзлари *яхши* сўзидан белги даражасининг кучсизлиги билан фарқланади. *Соз* сўзи белги даражасининг ортиқлиги ва нисбатан кам қўлланниши билан фарқланади. *Биноий, биноийидек, нозандай* сўзлари белги даражасининг кучсизлиги ва кўпроқ аёллар нутқига хослиги билан фарқланади. *Пошиахон, қойил, қойилмақом* сўзлари белги даражасининг кучлилиги ва оддий сўзлашувга хослиги билан фарқланади ва ҳ.

Айтиб ўтилганлардан маълум бўладики, синонимлар бирлаштирувчи бир хил маънога эга сўзлар бўлса-да, лекин бир-биридан фарқли турли хусусиятларга ҳам эга бўлади. Синонимлардан у ёки бунисини қўллашда ана шу фарқли хусусиятларини англаб этиш фикрни мақсадга мувофиқ равишда, воқеа-ҳодисани тўлалиги билан ифодалаш имконини беради. Демак, синонимларнинг бу хусусиятлари тилнинг бойлигини, фикр ифодасидаги имконият даражасини ҳам кўрсатади. Булардан ташқари, синонимлар нутқда қайтариқларга йўл қўймаслик, нутқни равон тузиш имконини ҳам беради. Воқеаликдаги бир нарсани (предмет, белги, ҳаракат кабиларни) ифодалаш учун бирдан ортиқ сўзниг (синонимниг) бўлиши худди ана шу ҳодисалар билан изоҳланади.

Ўзаро синонимик муносабатда бўлган сўзлар бирликда синонимик қаторни ҳосил этишини кўрдик. Синонимик қатор икки ёки ундан ортиқ сўздан иборат бўлиши мумкин: *кутмоқ* — *пойламоқ* (икки сўздан), *пайқамоқ* — *сезмоқ* — *фаҳмламоқ* (уч сўздан), *сабаб* — *важ* — *баҳона* — *боис* (тўрт сўздан), *кўп* — *анча* — *талай* — *сонсиз-саноқсиз* — *бехисоб* — *мўл* — *сероб* — *беадад* — *бисёр* (ўн сўздан) ва ҳ. к. Демак, синонимик қаторнинг чегараси ҳар хил бўлади.

Синонимик қатор неча сўздан иборат бўлишидан қатъи назар, унда бир сўз асосий, шу синонимик қаторнинг характерини белгиловчи сўз бўлади. Бу сўз доминанта деб юритилади. Синонимик қаторнинг чегарасини белгилашда, шунингдек ундаги ҳар бир сўзниң ўзига хос хусусиятини очища шу қатордаги доминантани (асосий сўзни) тўғри белгилаш муҳим роль ўйнайди. Демак, доминантани тўғри белгилаш, айниқса, синонимлар лугатни тузишда муҳим аҳамиятга эга.

Қўйидаги хусусиятларга эга бўлган сўз синонимик қатордаги асосий сўз (доминанта) ҳисобланади.

Доминанта синонимик қатордаги сўзлар учун умумий (бир хил) бўлган маънени жуда аниқ (конкрет). ифодалайди. Масалан, *кечикмоқ*, *хәёлламоқ*, *узоқламоқ* синонимик қаторида *кечикмоқ* сўзи *машғул*, *банд*, *овора*, *андармон* синонимик қаторида *машғул* сўзи, *отланмоқ* *қўзғалмоқ*, *кўтарилмоқ*, *оёқланмоқ* синонимик қаторида *отланмоқ* сўзи шундай хусусиятга эга. Доминантада синонимик қатордаги сўзларга хос умумий маъно аниқ ифодаланиши сабабли сўзларнинг ўзаро синонимлигини белгилашда (синонимик қаторнинг чегарасини белгилашда) доминанта асосга олинади, бошқа сўзлар бир-бирига қиёсланимайди, балки доминантага қиёсланади. Масалан, *жуда ғоят*, *ғоятда*, *багоят*, *ниҳоятда*, *бениҳоят*, *ашаддий*, *ўтакетган*, *тоза*, *роса*, *хўп*, *бирам*, *чунон*, *бекиёс*, *мислсиз*, *обдан*, *чандон*, *зап*, *кўп*, *ўта*, *уввало*, *бисёр*, *ёмон*, *камоли*, *кироий*, *ўлгу(н)дай*, *ўлардай*, *ўларча*, қаттиқ сўзларининг синонимлиги тоза билан қаттиқ ёки *ёмон* билан *кўп* сўзларини бир-бирига қиёслаганда эмас, балки буларнинг ҳаммаси *жуда* сўзига қиёсланганди аниқ сезилади.

Синонимик қаторда маъно ҳажми бошқаларникига нисбатан кенг бўлган сўз доминанта ҳисобланади. Масалан, *бошлиқ*, *раҳбар*, *йўлбошли*, *ишбоши*, *боши*, *кatta*, *каттакон*, *улуғ*, *раҳнамо*, *сардор*, *пешво*, *сарвар*, *саркарда*, *хўжайин*, *каламто* синонимик қаторида *бошлиқ* сўзининг, *куч*, *қувват*, *мадор*, *мажол*, *дармон* синонимик қаторида *куч* сўзининг маъно ҳажми шу синонимик қаторлардаги бошқа сўзларнинг маъно ҳажмига нисбатан кенг, шу сабабли доминантә ҳисобланади.

Белгини даражада нуқтаи назаридан фарқлайдиган сўзлардан иборат синонимик қаторда белгини нормал (нейтрал) даражада ифодалайдиган сўз доминанти бўлади. Масалан, *ориқ*, *қилтириқ*, *дирдов*, *ипилтириқ*, *рамакижон* синонимик қаторида *ориқ* сўзи, *титроқ*, *қалтироқ* қаторида *титроқ* сўзи, *ғирром*, *тириқ* қаторида

Гирром сўзи белгининг кучли-кучизлигига нисбатан нейтрал, қолган сўзлар эса маънони кучли оттенка билан ифодалайди. Шу сабабли бу синонимик қаторларда ориқ, титроқ, *Гирром* сўзлари доминанта бўлади.

Доминанта услугга нисбатан нейтрал бўлади. *Масалан*, *кулги*, *ханда* қаторида *кулги* сўзи, *пул*, *ақча*, *муллаҗириң* қаторида *пул* сўзи, *таржимон*, *тилмоч* қаторида *таржимон* сўзи услугга нисбатан нейтраллик хусусиятига эга. Қолган сўзлар маълум бир услугуга хослиги, масалан поэтик услугга (*ханда*), оддий сўзлашувга (*муллаҗириң*), эски услугга (*тилмоч*) хослиги билан характерланади. Шу сабабли бу синонимик қаторларда *кулги*, *пул*, *таржимон* сўзлари доминанта бўлади.

Синонимик қаторда эмоционал бўёққа муносабатига кўра фарқланадиган сўзлар бўлганида, эмоционал бўёққа нисбатан нейтрал бўлган сўз доминанта бўлади. Эмоционал бўёқли сўз ҳеч вақт доминанта бўла олмайди. *Масалан*, *жилмаймоқ*, *иражаймоқ*, *ишишаймоқ*, *иришаймоқ*, *тиржаймоқ* синонимик қаторида *жилмаймоқ* эмоционал бўёққа нисбатан нейтрал. Қолган сўзлар эса салбий эмоционал бўёқли. Шу сабабли бу синонимик қаторда *жилмаймоқ* сўзи доминанта ҳисобланади.

Синонимик қатор диалектал хусусиятга бўлган муносабатига кўра ўзаро фарқланадиган сўзлардан иборат бўлганида адабий тилга хос сўз доминанта бўлади, диалектал хусусиятли сўз ҳеч вақт доминанта бўла олмайди. *Масалан*, *чап*, *сўл* қаторида *чап* сўзи, *ўрнак*, *намуна*, *улги* қаторида *ўрнак* сўзи адабий тилга хос ва доминанта ҳисобланади. *Сўл*, *улги* сўзлари эса диалектал хусусиятли.

Синонимик қатордаги асосий сўз (доминанта), кўриб ўтилган хусусиятларига кўра, ўз қатордаги бошқа сўзларга нисбатан адабий тилда кенг қўлланади.

Синонимия тил тараққиётининг маълум бир босқичи нуқтани назаридан белгиланади. Тил тараққиёти процессида сўзларнинг синонимик муносабатида ҳам ўзгариш бўлиб туради. Бунда маълум даврларда синонимик муносабатда бўлган сўзлардан бири истеъмолдан чиқиши ёки улардан бирининг синонимик муносабат ҳосил қилувчи маъноси йўқолиши каби сабаб билан шу синонимик қатор йўқолиши ва, аксинча, тилда янги-янги синонимик муносабатли сўзлар, синонимик қаторлар пайдо бўлиши мумкин.

Икки ёки ундан ортиқ сўзининг синонимлиги уларнинг бир хил маънога эгалигига кўра бўлишини кўрдик. Шундай экан, синонимлар тилда икки ҳодиса натижасида пайдо бўлиши мумкин бўлади. Биринчидан, тилда янги сўзларнинг пайдо бўлиши билан, иккинчидан, тилда бор бўлган сўз яна янги маъно касб этиши билан. Бу деган сўз тилда янги сўзининг пайдо бўлиши ёки тилда бор бўлган сўз янги маъно касб этиши албатта синонимнинг пайдо бўлишига олиб келади деган сўз эмас. Лекин худди шу икки ҳодиса асосидагина тилда янги синонимлар юзага келиши мумкин. Чунки тилда янги сўз пайдо бўлар экан, у маълум бир маънога эга бўла-

ди. Унинг бу маъноси тилдаги бирор сўз ёки сўзларнинг маъноси билан бир хилликка эга бўлиши ёки эга бўлмаслиги мумкин. Биринчи ҳолатда янги синоним пайдо бўлади. Иккинчи ҳолатда эса, янги сўз пайдо бўлишидан қатъи назар, синоним юзага келмайди. Шунингдек, тилда бор бўлган сўз қандайдир янги маъно касб этар экан, бу маъноси бошқа сўз ёки сўзларнинг бирор маъноси билан бир хилликка эга бўлиши мумкин. Бундай тақдирда ҳам сўзларнинг янги синонимик муносабати, янги синоним юзага келади.

Тилда янги сўзлар, асосан, ўзга тилдан сўз қабул қилиш ва тилда мавжуд бўлган сўзлар базасида янги сўз ясаш орқали пайдо бўлади. Адабий тилнинг янги сўз ҳисобига бойиши назарда тутилганда, маълум диалект ёки шевага оид сўзнинг адабий тилдан ўрин олиши ҳодисасини ҳам ҳисобга олиш керак бўлади.

Ўзга тилга оид сўз билан синоним деб баҳоланиши учун, аввали, улар бир хил маънога эга бўлиши керак. Иккичидан, ўзлашган сўз шу тилнинг лексик бирлигига (шу тилнинг сўзига) айланган бўлиниши шарт. Маълум сабаблар билан бадиий асарларда қўлланадиган, шунингдек оддий сўзлашув нутқида учрайдиган, адабий тил нутқи назаридан норма ҳисобланмайдиган ўзга тилга оид сўз ҳеч вақт ўз тилдаги сўз билан синоним бўла олмайди. Қуйидаги икки мисолни қиёсланг: *Айниқса обед пайтида чойхўрлар шошириб қўйишяпти* (Сайд Аҳмад). *Бекорга бенавот бўладиган пайтлар ўтиб кетган* (Сайд Аҳмад). Биринчи мисолдаги обед сўзи тушлик маъносида, иккичи мисолдаги бенавот сўзи айбор маъносида қўлланган. Обед сўзи ҳозирги ўзбек тилида оғзаки нутқда жуда кенг қўлланади. Ёзма нутқда қўлланishi ҳам кўпайиб (кеңгайиб) боряпти. Демак, у ўзбек адабий тилига оид сўзга айланиб боряпти (айтиш мумкинки, айланиб бўлди). Шунга кўра, ҳозирги ўзбек тилида тушлик ва обед сўзлари синоним (*тушлик, обед синонимик қатори бор*) дейиш мумкин. Лекин ҳозирги ўзбек тилида бенавот сўзи йўқ. Шундай экан, айбор, бенавот синонимик қатори ҳам йўқ.

Диалектал хусусиятли сўз билан адабий тилга хос сўзнинг синонимигини белгилашда ҳам диалектал сўзнинг қай даражада адабий тилга яқинигини, қай даражада адабий тилда сўзлашувчиларга тушунарли (маълум) эканини ҳисобга олиш керак бўлади. Масалан, *сўл, сас* сўзлари ўзбек адабий тилига асос бўла олмайдиган баъзи шеваларга хос сўзлар бўлса-да, лекин улар (уларнинг маъноси) адабий тилда сўзлашадиган кўпчиликка маълум ва шу сабабли ёзма нутқда ҳам қўлланиб туради. Шунга кўра *сўл* сўзини *чап* сўзининг, *сас* сўзини *овоз* сўзининг синоними дейиш мумкин. Қуйидаги мисолда эса бошқача ҳолни кўрамиз: *Калта кийим кийган, то за мактабга борганларни тошибўрон қилинг!*—деган хитоблар эшистилди (Ж. Шарипов). Тоза сўзи Хоразм шевасида янги деган маънога эга. Келтирилган мисолда у худди шу маънони билдиради. Лекин унинг бу маъноси фақат хоразм шевалари учун хос бўлиб, адабий тилда сўзлашувчилар

ва ўзбек тилининг жуда кўп шевалари вакиллари учун тоза сўзининг бу маъноси номаълум. Демак, бу маънони адабий тилдаги тоза сўзининг маъноси ҳисоблаб бўлмайди. Шу сабабли ҳозирги ўзбек адабий тили нуқтаи назаридан тоза сўзи янги сўзига синоним бўла олмайди.

У ёки бу усул билан сўз ясалиши натижасида ҳам тилда янги сўзлар пайдо бўла боради. Бундай сўзлар тилдаги бошқа сўзлар билан маънода бир хилликка эга бўлса, янги синонимлар юзага келади. Масалан, оқсамоқ феълидан -қ аффикси ёрдамида оқсоқ сўзи (сифат) ясалган ва бу сўз тилдаги ўзига маънодosh бўлган чўлоқ сўзи билан синонимик муносабат ҳосил қиласди (чўлоқ, оқсоқ синонимик қатори юзага келади). Ўз навбатида чўлоқ сўзидан -лан аффикси ёрдамида чўлоқланмоқ сўзи ясалиши натижасида чўлоқланмоқ, оқсамоқ синонимик қатори юзага келади.

Тилда янги пайдо бўлган сўз (ўзлаштириш, ясалиш йўли билан бўлмасин) тилдаги бирор сўз билан ёки ўзаро синоним бўлган бир неча сўз билан синонимик муносабат ҳосил қилиши мумкин. Биринчи ҳолатда янги синонимик қатор юзага келади. Иккинчи ҳолатда эса тилда бор бўлган синонимик қаторга янги сўз қўшилади, синонимик қаторнинг чегараси кенгаяди: *муҳаррир, редактор; зиёли, интеллигент; ўринбосар, мувовун*. Буларда икки сўзниң маънодошлиги асосида синонимик қатор юзага келган. *Илгор, зарбдор, пешқадам, етакчи, авангард, ударник, карвонбoshi; ҳарорат, температура, тафт, ҳовур* синонимик қаторлари аввал икки-уч синонимдан иборат бўлиб, янги синонимлар қўшилиши билан уларнинг қатори кенгая борган.

Лексикасинг бойишида ички имкониятлар, айниқса сўз ясалиши асосий ўрин тутиши маълум. Синонимларнинг пайдо бўлиши, сўзлар ўртасида синонимик муносабатнинг ривожланишида ҳам у ёки бу усул билан сўз ясалиши (янги сўз ҳосил қилиниши) муҳим роль ўйнайди. Янги сўз ясалиши билан тилда бор бўлган сўз ёки сўзларга синоним сўз юзага келибина қолмай, тилда ўзаро синонимик муносабатда бўлган сўзлардан сўз ясалиши натижасида янги синонимик қаторлар юзага келади: *завқ, мароқ, шавқ — завқланмоқ, мароқланмоқ, шавқланмоқ; кам, оз — камаймоқ, озаймоқ; кайф, ҳузур, нашъа, сафо, гашт — кайфли, ҳузурли, нашъали, сафоли, гаштли* ва б.

Бу ўринда айнан бир сўз (лексема)дан турли аффикслар ёрдамида ясалувчи маънодosh сўзларнинг синонимлиги масаласига тўхтаб ўтишга тўғри келади. Айрим ишларда *айбли — айбдор, серҳаракат — ҳаракатчан, бебаҳо — баҳосиз* каби сўзлар синоним эмас, буларда сўз ясовчи аффикслар синонимияси бор (-ли, -дор, сер- — -чан, бе- — -сиз) деб қаралади. Лекин бундай сўзларнинг синонимлигини инкор этиш мумкин эмас. Чунки буларнинг синонимлигини тан олмаслик улардан ҳар бирининг мустақил лексик бирлик (алоҳида сўз) эканини тан олмаслик бўлади. Ваҳоланки, *айбли — айбдор, хабарсиз — бехабар, ноўрин — ўринсиз* кабиларнинг ҳар бири алоҳида сўз эканига шубҳа

йўқ. Шундай экан, буларда аффиксал синонимия ҳақида эмас, балки лексик синонимия ҳақида гапириш мумкин (тўғри) бўлади.

Синонимларнинг юзага келишида асосий омиллардан бирин сўзнинг маъно тараққиётидир. У ёки бу сўз янги маъно касб этиши натижасида шу маъноси билан тилдаги бирор сўз ёки сўзлар билан синонимик муносабат ҳосил қилиши мумкин. Масалан, қайтармоқ феъли аслида аввалги ўз ўрни, ўз ҳонига йўналтирмоқ (келтирмоқ) деган маънони билдиради. Шу маъноси асосида унинг айни бир иш-ҳаракатни яна қилмоқ, айни бир сўз (гап)ни қайта (бир неча марта) айтмоқ маъноси келиб чиқкан. Натижада қайтармоқ сўзи худди шу маъноси асосида тақрорла-моқ сўзи билан синонимик муносабат ҳосил қилган: *Табелчи ҳам, худди жўрттага қилгандаи, унинг номини ё тутилиб айтар, ёки чатоқ ўқиб, яна тақро рла р эди* (А. Қаҳҳор). *Новикова унинг тезда жавоб бермаганига чиндан ҳам эзтибор қилмаган эди, кейин унинг ўзгариб кетган авзойини кўриб таажжубланди ва саволини қайтарди* (А. Қаҳҳор).

Овора сўзи бирор мақсад йўлида, бирор нарса илинжида ке-зиш тентираш ҳолатида деган маънони билдиради. Бу маъноси билан *у сарсон, саргардон* сўзлари билан синоним бўлади: *бу сарсон эл, бу овора эл, Золимлардан олди ўчини* (Мирте-мир). Бир йилдан бери *Сарвихон аянинг ҳажрида сарсонман* («Муштум»). *Муҳтоҷликнинг золим қуони Қилмас энди уни саргардон* (Ойбек).

Овора сўзининг юқорида кўрилган маъноси асосида унинг бирор иш-юмушни берилиб бажариш ҳолатида деган маъноси юзага келган. Натижада у шу маъносида *машғул, банд* сўзларни билан синонимик муносабатга киришган (*машғул, банд, овора*): *Мирзо ака ва бир группа агитаторлар «Жанговар варақа» ёзиши билан машғул* («Тошкент ҳақиқати»). Бу ўлкада етишган насл. Янги дунё қуриш билан банд (Уйғун). Ҳлар ўзаро ўришиб, бир-бирларини қуриш, бир кун бўйса-да, юрга хонлик қилиши билан овора... (Х. Қодирий).

Босмоқ сўзининг қуидаги синонимик қаторларда бўлиши (шу сўзлар билан синонимик муносабат ҳосил этиши) ҳам унинг маъно тараққиёти, янги маънолар касб этиши натижасидир:

1. Копламоқ, эгалламоқ, қуршамоқ, ўрамоқ, чулғамоқ, босмоқ, тутмоқ, ҷалмоқ, қамрамоқ. Мисол: *Ўрмонни оғир ва совуқ жимжитлик қоплаган* (Ойбек). *Шу тонда унинг бутун вужудини чексиз ғазаб эгалигана эди* (Ойбек). *Юзларингда кезди қуюқ бир завқ, Бошларингни ўради хаёл* (Уйғун). *Беҳуда шибҳалар қуршамиши сени...* (Уйғун). *Наҳорнинг фикри булут босгани осмондай қоронғилашди-ю, кўз олдини туман чулғади* (Ш. Рашидов). ...гуллар ғунача тугиб, чаман бўйлиб очилади, одамларнинг қаҳқаҳаси ҳамма ёқни тутиб кетади (*Кизил Ўзбекистон*). *Тоғларни ҷалгани туман, Гиреклик бўйди гумон* (Э. Жуманбулбул). *Бутун вужудимни ваҳйама камраболганди* (Н. Сафаров).

2. Ортмоқ, юкламоқ, босмоқ. Мисол: *Юк ортиб, отни қамчинилаб, зудлаб қайтаркан.* Ҳадрага келганда у бирдан отни тўхтатди (Ойбек). Шу ерда аравага шоҳ юклаётган Абдусамадқори дарров ўйргалаб чиқиб, жувонни гапга солди (А. Қаҳҳор). Бир қозоқда минг боғ бедамиз бор эди, қайтишида ундан бир арава босиб келдим (Ойбек).

3. Босмоқ, нашр этмоқ, чоп этмоқ. Мисол: *Шу гапларни ва бу ерда ўтган можарони Қумрихонга айтиб беринг, ҳикоя қилиб ёссиш, албатта босиб чиқарамиз* (А. Қаҳҳор). Узбек санъати ва адабиёти декадаси муносабати билан *кўп нусхада* нашр этилган «Ўзбек халқ мақоллари» тўплами китобхонлар диққатини жалб этди («Кизил Ўзбекистон»). Нашриёт китобни 45 минг нусхада чоп этиди («Тошкент ҳақиқати»).

Маъно тараққиёти (янги маънолар касб этиш) натижасида икки ёки ундан ортиқ сўз бир неча маъносига синонимик муносабат ҳосил этиши мумкин. Бу ҳодиса ҳам синонимиянинг ривожланиши ҳисобланади. Масалан, *бузилмоқ, айнимоқ* сўзлари икки маъноси билан ўзаро синоним:

1. Соф (нормал) ҳолатини, истеъмолга яроқлилигини ўқотмоқ, истеъмолга яроқлилиги ёмонлашмоқ маъносига: *Йўқ, — деди онаси, — чой айнаб қолади, келишгандан кейин дамларсан* (Ойдин). Дарҳақиқат, ачиган қатиқ, — деди ва яна ялаб кўрди, — *йўқ, бузилган қаймоқдир* (А. Қаҳҳор).

2. Хулқ-автори, бирор вазифа (иш)даги хатти-ҳаракати ёмон (салбий) томонга ўзгармоқ маъносига: *Вақтида сиз билан фахрланганимиз. Аммо кейинги ўилларда айниб қолдингиз, димогингиз кўтарилиб кетди...* (Уйғун). Суръёр ёринг айнигана бўлса, Колхозчилар тарбия қиласи... (Уйғун). «*Кўп чалаверма, бузилиб кетасан*» дерди онам боёкиши,... (Ойбек). Кўлмак сув тез бузилади, оқиб турган сув доим тоза ва мусаффо бўлади («Совет Ўзбекистони»).

Асрамоқ, сақламоқ сўзлари уч маъноси билан ўзаро синоним:

1. Ёмон таъсирдан салбий ҳодисадан ҳимоя қилмоқ маъносига: *Шокир ота: «Золимнинг зулмидан ўзинг асрал!», — деб Йўлчи учун қайғуради* (Ойбек). Лутфинисо... «ёмон кўздан сақласин» учун исириқ тутаттирас, соҳ қизини қучиб ийғлар... эди (Ойбек).

2. Йўқ бўлиш ва шу кабиларга йўл қўймай эҳтиёт ҳолда тутмоқ маъносига: *Ёлвориб сўрайман асрал қалбингда, Сўндиримагил чечакларсимон* (Уйғун). Ҳозир намни тўла сақлаб қолиши чоралари кўрилаётир («Совет Ўзбекистони»).

3. Бирор мақсад билан узоқ вақт ўзида тутмоқ маъносига: *Узум асрамоқ. Мол сақламоқ.* Тузуккина рўзгорини ўзи тебратиб, сигир-бузоқ ва товуқ асралди (Мұхаммад Салом). Ишқибозларнинг аксариятида бундай қушларни сақлашга хоҳиш бўймайди («Тошкент ҳақиқати»).

Шу келтирилган фактларнинг ўзиёқ синонимларнинг юзага

келишида сўзнинг маъно тараққиёти (яни маъно касб этиши) муҳим омиллардан эканини тасдиқлайди.

Антонимия

Антонимия ҳам, худди синонимия каби, сўзларнинг маъно муносабати асосида маълум бирликни ҳосил қилувчи ҳодисадир. Маълумки, синонимия бирдан ортиқ сўзнинг бир хил маъноли бўлишидир. Масалан, *кўп — мўл, сероб — бисёр, дангаса — ялқов* ва б. Демак, бунда сўзларни ўзаро бирлаштирувчи нарса маънодаги бир хилликдир. Антонимларнинг эса шакли ҳам, маъноси ҳам бошқа-бошқа бўлади: *катта-кичик, баланд-паст, бормоқ-келмоқ* ва б.

Шаклнинг ҳам, маънонинг ҳам бошқа-бошқа бўлиши назарда тутиладиган бўлса, бундай сўзлар ўртасида ҳеч қандай алоқа йўқ бўлиб чиқади. Лекин бундай сўзларни ўзаро бирлаштирувчи, тилдаги алоҳида бир ҳодиса этувчи нарса улар маъносидаги зидлик (қарама-қаршилик)дир: *кенг-тор, яхши-ёмон, узун-қисқа, олмоқ-бермоқ* ва б.

Демак антонимия сўзларнинг ўзаро зид (қарама-қарши) муносабатдаги маънога эгалигидир. Ана шундай муносабатдаги маънога эга сўзлар антонимлар дейилади.

Антонимларнинг ўзаро зид (қарама-қарши) маънога эга сўзлар экани деярли барча томонидан эътироф этилади. Лекин маънодаги ана шу зидлик (қарама-қаршилик)ни тушуниш, белгилаш ва талқин қилишда бир хиллик йўқ. Шунинг учун ҳам, гарчи зид маъноли сўзларнинг антоним бўлиши эътироф этилса-да, икки сўзнинг антонимлигини белгилаш (тан олиш)да ҳар хилликлар, қарама-қарши фикрлар мавжуд.

Маънодаги зидлик ҳақидаги гап жуда умумий бўлиб, бу зидлик нимада экани конкретлаштирилмагунча, икки сўзнинг антонимлигини тўғри белгилаш ҳамма вақт ҳам мумкин бўлавермайди. Масалан, *катта ва кичик* сўзларининг қарама-қарши маъноли экани, демак, антонимлиги аниқ. Лекин, масалан, *тоға ва ҳола; ота ва бола* ҳам қарама-қарши маънолими, яъни антонимми, агар антоним бўлса, маънодаги зидлик (қарама-қаршилик) нимада? Демак, маънодаги қарама-қаршилик нимада экани конкрет белгиланмагунча, икки сўзнинг антонимлигини ҳам аниқ ва тўғри белгилаш мумкин бўлмайди. Антонимларни белгилашда шу вақтга қадар ҳар хилликларнинг, қарама-қарши фикрларнинг давом этиб келиши ҳам маънодаги зидликнинг конкрет белгиланмаганидандир.

Маънодаги зидликни, демакки, антонимликни аниқ белгилашда компонентли таҳлил асосида лексик маъно (семема) структурасини аниқлаш муҳимдир.

Маълумки, лексик маъно (семема) маълум компонентлардан (семалардан) ташкил топади. Антоним сўзларнинг компонентли таҳлилидан маълум бўладики, бундай сўзларнинг маъносига ўзаро

умумий семалар билан бирга фарқловчи семалар ҳам бўлади. Масалан, ўзаро антоним бўлган *юпқа* ва қалин сўзларининг маъно (семема) структурасини олиб кўрайлик:

юпқа — ён кўлами меъёридан кам; қалин — ён кўлами меъёридан ортиқ.

Кўрипадики, *юпқа* ва қалин сўзлари маънолари (семемалари) структурасида бир хил (ён, кўлам) ва ўзаро зид (кам, ортиқ) семалар мавжуд. Худди шу қарама-қарши семалари билан *юпқа* ва қалин сўзлари антонимик муносабат ҳосил қиласди.

Оз-кўп, эрта-кеч антонимларининг маънолари структурасига эътибор беринг:

оз — миқдори меъёридан кам; кўп — миқдори меъёридан ортиқ; эрта — белгили вақтидан илгари; кеч — белгили вақтидан кейин.

Хуллас, антонимлар маъноси (семемаси) структурасида ҳамма вақт умумий сема (семалар) билан бирга дифференциал сема ҳам бўлади. Худди ана шу сема ўзаро зид бўлади. Шундай экан, икки сўзниң антоним ёки антоним эмаслигини фақат уларнинг семема структурасини очиш (компонентли таҳлил) асосидагина тўғри белгилаш мумкин бўлади.

Оддий инкорнинг ўзи антоним ҳосил эта олмаслиги кўпчилик томонидан эътироф этилгани ҳолда, айрим ишларда оддий инкор ҳам антонимлик юзага келтириши ҳатто, феълнинг бўлишли ва бўлишсиз формаси ҳам антонимнинг алоҳида бир типини ташкил қилиши айтилади. Бироқ маънодаги зидлик асосида бўладиган бир-бирини инкор билан, бирор нарса, белги ёки ҳаракатнинг айнан ўзининг инкор этилишини фарқлаш керак. Антонимияда, юқорида кўрилганидек, ўзаро зидлик етади. Бу зидлик икки сўзниң маъноси ўртасида бўлади. Оддий инкорда эса, айнан бир нарса, белги ёки ҳаракат инкор этилади. Бунда ўзаро қарама-қарши турадиган икки хил нарса, иккичиллик белги ёки иккичиллик ҳаракатат бўлмайди. Масалан, *тун*, қора, олмоқ сўзлари билдирган нарса, белги, ҳаракатнинг инкор этилиши билан (*тун эмас, қора эмас, олмади* деганда) кун (кундуз), оқ, бермоқ деган маъно келиб чиқмайди, балки фақат шу сўзлар билдирган нарса, белги ва ҳаракат инкор этилади, холос. Демак, бунда маъно жиҳатдан қарама-қарши (зид) турадиган икки сўз йўқ (масалан, *келмади* феъл формаси кетиши ҳаракатини билдирамайди, балки бунда келниши ҳаракатининг ўзи инкор этилади, холос). Шундай экан, оддий инкорнинг антонимияга алоқаси йўқ.

Антонимларнинг шакли (товуш қобиғи) ҳам, маъноси ҳам бошқа-бошқа бўлишини кўрдик. Ана шу, яъни товуш қобиғининг ўзгача бўлиши шартлиги нуқтаи назаридан бўлса керак, айрим ишларда антонимларнинг турли ўзакли бўлиши ёки бир хил ўзакли бўлиши ҳам мумкинилиги масаласи кўтарилади. Бу масалага келганда шуни айтиш керакки, жуда кўпчилик бир хил ўзакли ясама сўзларнинг антоним бўлиши мумкинилигини тан олади. Айрим ишлардагина бунга қарши фикр билдирилган. Бир ўзакли

сўзларнинг антоним бўлишини инкор этувчилар бундай ҳолларда ясовчи морфема антонимияси борлигини назарда тутадилар. Масалан, баҳтли ва баҳтсиз сўзларида фақат -ли ва -сиз аффиксларининг антонимияси бор деб қарайдилар. Лекин масалага бундай ёндошиш тўғри эмас. Чунки сўз ясовчи аффикслар янги сўз (лексема) хосил қиласди. Янги сўз (лексема) эса ўзига хос маъно (семема)га эга бўлади. Бу семема структурасида бошқа сўздаги семема структурасидаги бирор семага зид сема бўлса, антонимия ҳақида гапириш мумкин бўлади. *Кучли—кучсиз, сергап—камгап, вафодор—бевафо*, каби бир ўзакдан ясалган сўзлар семемалари таркибида худди шундай зид (қарама-қарши) сема борлиги учун ҳам улар антоним ҳисобланади.

Демак, қарама-қарши маъноли аффикслар янги сўз (лексема) ясаса ва бу сўзлар маъносида ўзаро зид сема бўлса, бу аффикслар ёрдамида ясалган сўзлар антоним бўлади. Агар қарама-қарши маъноли аффикслар янги лексема ясамай, оддий инкор ёки тасдиқнинг ўзини билдириса, у ҳолда антонимия ҳақида гапириш мумкин бўлмайди. Шу жиҳатдан *кучли ва кучсиз* сўзлари антоним бўлгани ҳолда *дўппили ва дўпписиз* сўзларини антоним деб бўлмайди. Чунки бунда янги лексема ясалётгани йўқ, балки фақат эгалик (борлик) ва эга эмаслик (йўқлик) маъноси ифодаланяпти холос. Худди шу нуқтаи назардан *ўқиган ва ўқимаган* ўзаро антоним бўлиши ҳам, бўлмаслиги ҳам мумкин. Ўқиш ҳаракатининг оддий тасдиқ ва инкори ифодаланса (*бу китобни ўқиган — бу китобни ўқимаган*), антонимлик йўқ. Улар «ўқимишли» (грамотный) ва «савод-билими йўқ» (неграмотный) маъносини билдирганда, ҳар бири мустақил лексема ҳисобланади ва зид маъноли сўз сифатига антоним бўлади.

Айрим лингвистик адабиётларда антонимлар «тўла» ва «яrim» («чала» ва «тўлиқсиз») каби турларга ажратилади. Лекин бундай ажратишда асосга олинидиган нарса (критерий) бир хил эмас. Масалан, айрим ишларда маънодаги зидликнинг даражасига (зидликнинг тўла ёки тўла бўлмаслигига) кўра улар «тўла» ва «яrim» каби группаларга ажратилса, баъзи ишларда кўп маъноли сўзларнинг барча маъноларида антоним бўлиши «тўла» антоним, айрим маъноларидагина антоним бўлса, «тўлиқсиз» ёки «чала» антоним деб таърифланади ва ҳ. к. Кўринадики, антонимларни «тўла, яrim» («чала», «тўлиқсиз») каби турларга ажратишда аниқ бир критерий йўқ.

Шу нарса маълумки, тил ҳодисаларининг группаланишида улар ўртасидаги «яrimлик», «чалалик», «тўлиқсизлик» каби белгилар асос бўла олмайди. Айниқса, антонимларни бундай турларга бўлишининг на назарий, на амалий асоси (аҳамияти) бор. Агар белгининг ёки инкорининг даражаси нуқтаи назаридан антонимлар турларга ажратиладиган бўлса, антонимларнинг тўла, яrim, чорак, нимчорак даражаларини белгилаш керак бўладими, агар шу тарзда белгиланадиган бўлса, антонимнинг чегараси қаерда бўлади? Шу саволга жавоб бериладиган бўлса, назаримизда, антоним-

ларнинг ярим, тўлиқсиз, чала бўлиши ҳақидаги фикрдан қайтишдан бошқа йўл қолмайди. Айниқса, бу ўринда бир нарса жуда характерли, яъни антонимларда зидлик (қарама-қаршилик) тўла (конкрет) бўлади. Бу зидлик (қарама-қаршилик) да ярим, чорак, нимчорак каби ҳолатларнинг бўлиши мумкин эмас.

Икки сўзнинг антонимлиги маънодаги зидликка кўра экани маълум. Демак, икки сўзнинг ўзаро антонимлиги уларнинг конкрет бир маъносидаги зидликка асосланади. Шундай экан, кўп маъноли сўзларнинг антоним ёки антоним эмаслиги ҳам ҳар гал конкрет бир маънонинг ўзи нуқтаи назаридан белгиланади. Бино-барин, кўп маъноли сўзлар неча маъносида антоним эканлигига қараб уларнинг антонимлик даражаси белгиланмайди.

СҮЗЛАРНИНГ ШАКЛИЙ МУНОСАБАТИГА КУРА ТИПЛАРИ

Бирдан ортиқ сўз ўзаро шаклий муносабатга ҳам эга бўлади. Сўзлар ўртасидаги бу шаклий муносабат икки кўринишга эга. Улар: 1) шаклий ўхшашлик, 2) шаклий бир хилликдан иборат.

Сўзларниң шаклий ўхшашлиги

Бирдан ортиқ сўзниң шаклий ўхшашлиги паронимия дейилади. Шу шаклий ўхшашлик товушга асосланади. Тилшуносликда бу ҳодисани икки хил тушуниш бор: бири тор, иккинчиси кенг. Паронимияни тор тушунувчилар, уни бир ўзакдан юзага келади, деб қарайдилар. Mac., ёриқ ва ёруғ, қурт ва қурут, қуийломоқ ва қуюломоқ кабилар. Паронимияни кенг тушунувчилар уни сўзларниң умуман ўхшаш талаффузга эга бўлиши деб қарайдилар. Mac., апеляция ва аперация, матч ва маҷта, абзал ва афзал кабилар. Кўпчилик тилшунослар кейинги нуқтаи назарни ёқлайдилар.

Рус, немис ва бошқа тилшуносликка оид асарларда бир, икки ва баъзан ундан ортиқ товуш фарқи бўлган, лекин талаффузи ўхшаш сўзларни бир паронимик қаторга киритилганлиги кузатилади. Mac., эскаватор ва экскаватор, брутто ва нетта, вакансия ва вакация кабилар. Агар ўзбек тилшунослигида ҳам шу нуқтаи назардан паронимияни белгиласак, у чегарага эга бўлмай қоларди. Mac., тўрт ва қайт, тол ва тин, қон ва ёр каби икки ва уч товуш билан, ҳатто жон ва тон, юр ва ют каби бир товуш билан фарқланувчи сўз жуфтликларини ҳам паронимик қаторга киритиб бўлмайди. Шунинг учун, ўзбек тилининг ички хусусиятларига асосланаб, паронимиянинг критериясини белгилаш керак.

Ўша тилларда паронимия учун келтирилган мисолларнинг бошқа томони ҳам кузатилади. Мисоллар деярли полисиллабик сўзлардан таркиб топган паронимик қатордан иборатdir. Бунинг учун юқоридаги чет тилидан олиб қайд этилган паронимик қаторга эътибор бериш мумкин. Шунингдек пароним компонентларида ўзаро тубдан фарқ қилувчи товуш фақат битта бўлиб, қолган товушларниң фарқланиши ё унинг иштирокига кўра, ё қоришиқ-қоришиқ эмаслигига кўра, ё позицион ҳолатига кўра, ё биридаги мавжуд товуш иккинчисида геминацион ҳолда, такрор ҳолда

қўлланишига кўра, ё ургусиз бўғинда келишига кўра бўлади. Ўзбек тилида шуларни ҳисобга олсан, ўз лексикага оид паронимлар фақат ясама сўзларда учраши керак. Деярли фактлар шуни тасдиқлайди. Мас., *йўқламоқ* ва *ёқламоқ*, *ёқилғи* ва *ёнилғи*, *суйилмоқ* ва *суюлмоқ* ҳам *суйилмоқ* кабилар. Ўзбек тилининг ўз лексикасига оид туб сўзларидан пароним таркиб топмаслигининг ҳам ўз сабаби бор. Чунки улар моносиллабикдир. Аммо ўзбек тилида пароним у қандай лексикага оид сўздан таркиб топшидан қатъи назар, моносиллабик бўлиши ҳам кузатилади. Улар эса компонентларининг маълум бир товуши барча хусусиятлари: артикуляция ўрни ва усули, уни иштироки билан ўзаро фарқланишига асосланмайди. Компонентларидаги ўша маълум бир товуш—ун иштирокига кўра фарқланиб, артикуляция ўрни ва усули жиҳатидан бир хил бўлади. Мас., *бурч* ва *бурж*, *қарс* ва *қарз* каби.

Паронимлар ўзлашган лексикага оид полисиллабик сўзлардан таркиб топса, бу сўзларнинг ўзаро фарқ қилувчи товушлари юқорида айтиб ўтилган хусусиятлар доирасида бўлади.

Пароним компонентлари талаффуз жиҳатидан ўзаро ўхшаш бўлгани учун, улардан бадиий адабиётда қофия сифатида кенг фойдаланилади. Айниқса уларни сўз ўйинида қўллаш кенг тарқалган. Мас.: *Боғ* сизники. *Узумини* ейсиз. *Кейин* «ўзим еяпман» деб юраверасиз. (Махсум аския боздан).

Паронимиянинг бундай сўз ўйини сифатида акс этиши тилшуносликда парономазия термини билан аталади. Яъни парономазиянинг материал манбаи паронимиядadir. Сўз устаси паронимиядан фойдаланаар экан, парономазия юзага чиқади. Лекин ҳар қандай парономазияни пароним юзага чиқариши керак, деб бўлмайди. Чунки паронимия — тил ҳодисаси, парономазия — нутқ ҳодисасидир. Тил ҳодисаси нутқ ҳодисаси нуқтаи назаридан белгиланмайди.

Пароним компонентлари ўзинча мустақил, тенг ҳуқуқли, бир-бирига бўйсунмаган, бир-бирига алоқасиз семантик структурага эга бўлади. Унинг ҳар бири ҳам адабий тилда бир даврда бўлиши шарт.

Паронимия бир неча тил ҳодисаларига ниҳоятда яқин бўлиб, ўзига хос хусусиятлари билан улардан фарқ қилади. Унга ёндош тил ҳодисалари қўйидагилардир:

Паронимия вариация, яъни вариантилик билан қориштирилади. Варианти бир сўзни бирда ортиқ вариантда талаффуз этиш ва қўллашдир. Масалан, *томуша*, *томошо*, *тамоша* кабилар бир сўзнинг уч варианти ҳисобланади. Улар ҳам ўзаро айрим товуш орқалигина фарқланиб, жуда ўхшаш талаффуз этилади. Лекин уларнинг бири норма бўлиб, қолганлари унинг фонетик бузуб талаффуз этилишидир. Семантик томони ҳам битта бўлиб, норма деб ҳисобланган вариантида қайд этилади. Қолган вариантлари эса шу семантика билан ўзгаришсиз қўлланади. Худди шунга ўхшаш *аро* ва *ора*, *гадо* ва *гадой*, *демак* ва *демоқ* каби жуфтлик-

лар ҳам бир сўзнинг икки варианти ҳисобланади. Паронимияда эса ҳар бир компонент ўз семантиказига эга бўлади.

Шундай бирдан ортиқ фонетик варианта га эга сўзлар ҳам борки, улар бир сўзнинг икки вариантидан иборатми, ёки паронимик қатордан иборатми — билиб бўлмайди. Мас., табака сўзининг тавақа варианти билан олиб кўрайлик. Бу сўз икки лексик маънога эга: 1) ижтимоий қатламининг бири, синиф; 2) эшик йўлни ёнувчи ҳар бир қанот. Бу лексик маънолар араб тилида ҳам طبقه сўзи-пинг семантиқ структураси таркибидадир. Уларни қўлланинг қолгаида, бошқача ҳол содир бўлган. Иккинчи лексик маъно ўзбек тилида актив қўлланниб кетган бўлиб, шу лексик маъно учун табака сўзи талаффуз этилар экац, унинг иккичи ундоши ўзбек тили фонетик тараққиётига монанд ҳолда сиргалувчига айланиб қолган. Яъни табака сўзи иккичи лексик маъносига учун тавақа вариантида талаффуз этилади. Бу албатта сўзлашув тилига хосдир. Табака сўзи биринчи лексик маъно билан фақат адабиётлардагина қўллангани учун, у бу ўринда фонетик жиҳатдан ҳеч қандай ўзгаришсиз қолгаи. Натижада ўзбек тилида «ижтимоий қатламининг бири, синиф» лексик маъносига эга табака сўзи билан «эшик йўлини ёнувчи ҳар бир қанот» лексик маъносига эса тасака сўзи бордай бўлиб қолган. Аслида ўзбек адабий тилида эса биргина табака сўзи бор, у юқорида қайд этилган икки лексик маънога эга. Табака сўзининг тавақа варианти эса жопли тилга хосдир.

2. Паронимияни ўзак сўз ва ясама сўз муносабати билан қоришириш мумкин. Мас., қишлоқ ва қишлоқи, тақ ва тақа, пиш ва пиши, қўши ва қўша, сўта ва сўтак каби қаторлар таркибидаги сўзлар ўзаро пароним бўлмайди. Чунки бу ўринда қишлоқ, тақ, пишиқи, сўта сўзларидан -и, -а, -к аффикслари воситасида қишлоқи, тақа, пиши, қўша, сўтак сўзлари ясалган. Бундай сўз ўзидан ясад олингани сўз билан паронимик қаторни тоғтира олмайди. Паронимик қатор эса ўхшаш талаффузга эга бўлиб қолган бирдаи ортиқ сўздир. Бу қаторга кирувчи сўзлар ўзаро ҳеч қандай семантиқ алоқага эга бўлмайди.

Ясама сўз билан унинг ўзак сўзи ўртасидаги лексик маънолар муносабати ва паронимик қатор таркибидаги сўзларнинг лексик маънолари муносабати тамоман бошқа-бошқа экалиги ўзланган лексика доирасида ҳам ўз ифодасига эга. Мас., амр билан амир сўзларининг ўзаро муносабатига эътибор берайлик. Амр сўзи буйруқ лексик маъносига эга бўлиб, амир эса ундан ясалган буйруқ берувчи лексик маъносига эгадир. Бу сўзлар араб тилига оид ва шу тилга хос усулда ясалган. Унда сўзининг ундошлари ўзгармаган ҳолда, унлиларининг алмашиниши ёки унли ортиши орқали янги сўз ясалади. Яна шунга ўхшаш вақф, кофе, такса, табиат сўзларидан ҳам воқиф, кафе, табииёт сўзлари ясад олингани. Бундай ўзак сўзлар билан ундан ясалган сўзлар ўртасида ҳам паронимик муносабат йўқ.

3. Паронимик қаторни омофоник қатор билан ҳам қоришириш мумкин. Мас., боб сўзи боп сўзи билан бирга пароним бўла ол-

майди, балки омофон бўлади. Чунки бу сўзларнинг талаффузи ўзаро бир хилдир. Бу эса сўз охиридаги жарағли товушнинг жарангизлашиши билан боғлиқ. Худди шунга ўхшаш бод ва бот, ёд ва ёт, мард ва март, қайд ва қайт, соб ва соп, туб ва туп каби қаторлар ҳам пароним эмас, омофондир. Пароним компонентлари эса ўзаро бир хил эмас, ўхшаш талаффуз этилади.

Яна кокс ва кўкс сўзлари ҳам ўзаро пароним эмас, омофондир. Чунки бу ўринда бу икки сўз фақат бир ҳарфга кўра фарқланади, талаффуз жиҳатидан қараганда, фонемалар состави бир хил. Ўзбек тилида кокс сўзидағи о ва кўкс сўзидағи ў товушлари бир фонема ҳисобланади. Худди шунга ўхшаш торт ва тўрт, тон ва тўн каби қаторлар ҳам омофондир.

Яна компания сўзининг биринчи бўғинига ургу тушмаганиллиги учун кампания сўзи билан, улиш сўзи сингармонистик қонуният нуқтаи назаридан улуш сўзи билан бир хил талаффузга эга. Шунинг учун ҳам компания ва кампания, улиш ва улущ қаторлари омофондир.

Паронимия ўз лексика ҳисобида ҳам, сўз ўзлаштириш жараёнида ҳам юзага келади.

Турли ўзакдан бир хил аффикс билан сўз ясанш натижасида пароним вужудга келади. Mac., ет- ва етти ўзак сўзларидан етев ва еттев сўзлари, ён- ва ёк- ўзак сўзларидан ёнилғи ва ёкилғи сўзлари, йўқ ва ёк- ўзак сўзларидан йўқламоқ ва ёқламоқ сўзлари, ёл ва ёри- ўзак сўзларидан ёлқин ва ёрқин сўзлари ясалиб, пароним вужудга келади.

Бир ўзакдан бир аффикснинг турли варианти билан сўз ясанш натижасида пароним вужудга келали. Mac., ёриқ ва ёргу. қурт ва қурут паронимик қаторига эътибор бериш мумкин. Биринчи паронимик қатор ёри- ўзак сўзида ясалган бўлиб, унга -қ ва -ғ ясовчи аффикслари қўшилган. Бу аффикслар эса бир аффикснинг икки вариантидир. Иккичи паронимик қатор қўйри- ўзак сўзида ясалган бўлиб, унга -т ясовчи аффикси қўшилган.Faқат биринчи сўзда инлаут и синкопага учраган, иккичи сўзда эса сингармонизмга кўра инлаут и биринчи бўғиндаги у билан мослашган.

Ўзбек тилида полисемантик сўзлар кўп. Шундай полисемантик сўзлардан айримлари муайян лексик маъноси билап маълум товуши ўзгаргани ҳолда қўллашиб кетади. Яъни полисемантик сўз бирор лексик маъноси ҳисобига икки сўзга лифференциация бўлади. Бу эса паронимияни юзага келтиради. Mac.: оталик сўзи 1) ота муносабатига хос ҳолат, 2) ҳимоясига олган ҳолат лексик маъноларига эга. У иккичи лексик маъноси билан қўлланганда охирги товуши ўзгартириб талаффуз этилган (оталик ҳолатида) Натижада оталик ва оталиқ пароними вужудга келган.

Юқоридагига ўхшаш яна оқлик сўзи оқлик, борлик сўзи борлик, нар сўзи нар, банди сўзи банда варианти билан мустақил сўзларга дифференциация бўлган ва паронимик қатор сифатида шаклланган. Чунки уларнинг дифференциацияси адабий тилда ҳам

ўз ўрнини топган. Қомпонентлари мустақил сўз сифатида адабий тилда ўз ўрнига эга бўлса, улар шу адабий тилда пароним ҳисобланади.

Сўз ўзлаштириш ҳам паронимиянинг юзага келишида роль ўйнайди. Бунда қабул қилинган сўз ўз лексикада мавжуд сўз билан талаффуз жиҳатидан ўхшаш келиб қолади. Mac., ўз лексикага оид *аро* кўмакчиен билан форс-тожик тилидан ўзлашган *оро* сўзи, ўз лексикага оид *барғ* сўзи билан рус-интернационал *бак* сўзи, ўз лексикага оил *бурҷ* сўзи билан араб тилидан қабул қилинган *бурж* сўзи, ўз лексикага оид *бўлиб* форс-тожик аффиксини олган *боён* сўзи билан араб тилидан ўзлашган *баён* сўзи паронимик қаторни таркиб топтирган.

Ўзлашган лексикага оид сўзларнинг ўзи ҳам ўзаро паронимик қаторни таркиб топтириши мумкин. Mac., *арқон* ва *аркон*, *арпа* ва *арфа*, *абзил* ва *афзал*, *алпоз* ва *алфоз*, *ангар* ва *ангур*, *ганиж* ва *ганч* каби паронимик қаторларнинг компоненти ўзлашган лексикага оид сўзлардир.

Хуллас, 1) паронимлар бирдан ортиқ сўздан иборатлиги, шу сўзлар лексик маъно жиҳатидан ўзаро алоқадор эмаслиги ва талаффуз жиҳатидан ўхшашлиги билан характерланади; 2) улар сўз ясашдаги аффикс бир хиллиги ва сўз ўзлантиришдаги талаффуз жиҳатидан яқин келиб қолиши билан юзага келади; 3) паронимия парономазиянинг манбайдир.

Сўзларнинг шаклий бир хил бўлиши

Бирдан ортиқ сўз шаклан бир хил бўлиб келиши мумкин. Бирдан ортиқ сўзининг бундай бир хил бўлиб келган шаклий томони уч кўришишга эга: 1) график бир хиллик; 2) талаффузга кўра нисбий бир хиллик; 3) талаффузни жиҳатидан бир хиллик. Бу ҳодисалар омография, омофония, омонимия терминлари билан аталади. Тилшуносликла омоформа термиши ҳам бор. Бунга эса ол-*-ди* ва олд-*-ди* каби бир хил талаффуз этилган иккى формадаги иккى сўз мисол тариқасидга берилади. Кўринадики, бу сўзлар бир хил формада эмас, турли формада бўлиб, талаффуз жиҳатидан бир хиллар. Яъни улар маълум нутқ доирасидагина бир хил талаффуз этиладиган сўзлардир. Шунга кўра, уни омоформа деб эмас, нутқий омошим деб олни маъқул ва у стилистикага оид асаарларда берилиши керак.

Омофония ва омография кўп ишларда омонимия ичida ўрганилади. Омофон ва омографлар ярим омоним деб аталади. Бироқ бу уч ҳодисаларнинг юзага келиши ўзаро алоқасиздир.

Омография

Омография бирдан ортиқ сўзининг ёзилишига кўра бир хиллигидир. Бу сўзлар маълум орфографик қоидага кўра бир хил ёзилишга эга бўлиб қолган ҳолатда учрайди. У бошқа бир орфография

фик қоидага биноан йўқолиши ва янгилари юзага келиши мумкин. Шунинг учун ҳам омографияни субъектив, орфографик қоидаларни ишлаб чиқсан тилич олим иродаси билан боғли ҳодиса деб қоралади. Масалан, ҳозирги орфографиямиз қоидасига кўра ток (узум бутаси) сўзи билан ток (электрон зарядларининг оқими) сўзи ўзаро омографдир. Яъни уларнинг ёзувда бир хил ҳарфлардан иборат қайдга эга бўлиши омографияни юзага келтирган. Бу сўзлар ўзбек тилининг латин графикасига асосланган орфографиясига кўра омографияни юзага келтирмас эди: биринчи ток сўзи латин графикаси даврида *tok* ҳолатида иккичи ток сўзи эса *tok* ҳолатида ёзилган. Бу сўзлар араб графикасига асосланган орфографик қоидага кўра яна бошқача ёзилишга эга бўлган — ўзаро омографияни юзага келтирмаган. Яъни узум бутаси маъносидаги ток сўзи араб графикасида *توك* ҳолатида, электрон зарядлари оқими маъносидаги ток сўзи эса араб графикасида *توك* ҳолатида қайд этилган. Бу ўринда ҳам улар ўз унлиларининг қандай ҳарф билан берилшигага кўра фарқ қилган.

Демак, омография маълум графикага асосланган маълум орфографик қоидаларининг маҳсули бўлиб, у тил ҳодисаси эмас. У традицияга кўра лексикология таркибида қайд этилса ҳам, лексикологиянинг ўрганиш обьекти бўла олмайди. Чунки омография тил бойлиги тараққиёти билан боғлиқ ҳолла юзага келмайди ва тараққий этмайди. У лугавий бирликлар, тўғрироғи, лексемаларнинг лексикографик қайд этилиши билан боғлиқ ҳодисадир. Лексикография лексикология билан бирга ўрганилганлиги учун ҳам, у лексикологиянинг лексик қатламларни ўрганиши билан боғлиқ қисмига киритилиб, шу ўринда ўрганиш традицияга айланиб қолган.

Омографиянинг юзага келиши графика билан боғлиқ тасодифий ҳол эмас. У кўпроқ маълум тилда мавжуд фонемалардан иккитасига бир ҳарф белгилаш сабабли юзага келиши мумкин. Яъни унинг юзага келиши график аканомика билан боғлиқ бўлади. Мас, юқорида келтирилган ток сўзларининг ёзилиши ва талафғузига эътибор қилинг. Бирипчи ток сўзининг унлиси тилорқа, кенг лабланмаган артикуляцияга эга. Бу унли эса ўзбек тилида алоҳида фонема ҳисобланади. Иккинчи ток сўзи рус тилидан ўзлаштирилган бўлиб, унинг унлиси эса тил ўрта, ўртacha кенг, лабланган артикуляцияга эга. У ўзбек тилидаги тилорқа ўртacha кенг, лабланган унли билан бирга бир фонемадир. Бироқ у ёзувда ўз фонемаси учун белгиланган ҳарф билан эмас, балки тилорқа, кенг, лабланмаган унли ҳисобидаги фонема учун белгиланган ҳарф билан қайд этилади. Бу эса омограф бўлиши учун сабаб бўлган.

Яна тол (*декоратив дарахт*) сўзи тол (*қурилиши материали*) сўзи билан, торт (*кондитернинг бир тури*) сўзи торт (*буйруқ феъли*) сўзи билан, мода (*урғочи*) сўзи мода (*одат*) сўзи билан омографни таркиб топтирган.

Икки фонема учун бир ҳарф олиниши ўзбек тилида фақат одан иборат эмас. Яна ж белгиси ҳам шундай ҳарф ҳисобланади. У ўзлашган лексикага оид сўзларда учрайдиган тилолди, сирға-

лувчи, жарангли ундош фонемани ифодаласа, ўз лексикага оид сўзларда учрайдигап тилолди, қоришиқ, жарангли ундош фонемани ифодалайди. Бу ҳам ўзлашган лексикага оид сўз ўз лексикага оид бирор сўз билан бир хил ёзилишга эга бўлиб қолиши учун сабаб бўлиши ҳам мумкин. Мас., ўзлашган лексикага оид спорт термини сифатида қабул қилинган *жим* сўзининг анлаути тилолди, сирғалувчи, жарапгли фонема бўлиб, ёзувда у *ж* ҳарфи билан қайд этилган. Ўз лексикага оид *жим* сўзи ҳам бўлиб, унинг анлаути тилолди, қоришиқ, жарангли фонемадир. У ҳам мазкур *ж* ҳарфи билан қайд этилади. Натижада бу икки сўз ҳисобида омография юзага келган.

ж ҳарфининг икки фонема ифода этиши сабабли ҳар икки компоненти ўз лексикага оид сўзни қайд этиувчи омограф ҳам ўзбек тилида вужудга келиши мумкин. Бунда эса омограф компонентлари тақлид сўзлардан таркиб топади. Бошқача ҳолда бундай бўлиши мумкин эмас. Чунки ўз лексикага оид мустақил маъноли сўзларда тилолди, сирғалувчи, жарангли ундош йўқ. У фақат ўз лексикага оид тақлид сўзлардагина бўлади. Масалан, *виж-виж* омографига эътибор бериш мумкин. Омографининг бир компоненти қўнғиз ва бошқа ҳашоратларнинг учишини ифодаловчи тақлидий сўзни ёзилиши бўлиб, унинг сўнгги ҳарфи тилолди, сирғалувчи, жарангли ундош фонемани кўрсатиб келган. Унинг иккичи компоненти эса ҳашаротлар тўдасининг уймаланишиб ётишини ифодаловчи тасвирий сўзни ёзилиши бўлиб, унинг сўнгги ҳарфи тилолди, қоришиқ, жарангли ундош фонемани кўрсатиб келган.

Ўзбек тилида *ж* ҳарфи воситасида омографиянинг юзага келиши жуда кам учрайдиган ҳодисадир. Бизнишг қўнимизда юқоридагилардан ташқари факт учрамади. Бунинг сабаби *ж* ҳарфида ифода топган фонемаларнинг бири ўз қатламга оид сўзларга, иккичиси ўзлашган қатламга оид сўзларга хослиги; ўз ва ўзлашган қатламга хос сўзлар эса структурал хусусиятига кўра бир-биридан кескин фарқланишидадир. Бунинг устига, сўзларнинг ёзилишда бир хил келадиганлари тилда учрамайдиган даражада бўлади.

Ўзбек графика ва орфографиясида омографияни юзага келтирувчи яна бир ўрин бор. У ҳам бўлса мавжуд фонемалардан бирининг икки ҳарф билан ёзилишидир. Бу фонема тилорқа, сирғалувчан портловчи, сонор ундоши бўлиб, *н* ва *г* ҳарфлари тизмасида қайд этилади. *н* ҳарфининг ўзи эса тилолди, сирғалувчан портловчи, сонор ундоши фонемаси учун белгиланган бўлиб, *г* ҳарфининг ўзи тилорқа, портловчи, жарангли ундош фонемаси учун белгилангандир. Мазкур ҳарфлар тизмасининг бир сўзда икки фонемани, иккичи бир сўзда бир фонемани қайд этиши омографияни юзага келтириши мумкин. Бироқ лексик бирликлар ёзувда қайд этилиб, *н* ва *г* ҳарфлари тизмаси воситасида омографияни юзага келтиргани учун мисол чиқмади. Бунинг ҳам ўз объектив сабаблари бор, *н* ва *г* ҳарфли тизмасида қайд этиладиган тилолди, сирғалувчан портловчи, сонор фонема асосан туб сўзларнинг ауслаутига хосдир. У баъзи сўзларнинг инлаутида учраса

ҳам, бу сўзлар ясама сўз бўлади. *и ва г* ҳарфлар тизмаси эса сўз ауслаутида икки фонемани қайд этиб келмайди. Чунки ўзбек тилида сўзлар қатор ундош билан деярли тугамайди, тугаса ҳам, қатор ундошиниг кейинигиси жарапгиз бўлиши шарт. *и ва г* ҳарфларни тизмасининг омографияни юзага келтириши учун, улар қайд этган товушлар ясама сўзниг инлаути бўлиши, шундай сўзлардан бирининг аффикси *г* ҳарфида қайд этилган анлаутли бўлинни имконият ролини ўйнайди. Бу имконият омограф сифатида қайд этилиши керак бўлган бирдан ортиқ сўзниг бири формант кўрсаткичли аффиксга эга ҳолатда кузатилди. Масалан, *кўнгил* ҳолатида ёзиладиган икки сўз мавжуд. Унинг бири от туркумига оид бўлиб, инлаут ундоши *и ва г* ҳарфлари тизмасида қайд этилган тилорқа, сиржалувчан нортловчи сопор ундоидир. Иккичи сўз феъл туркумига оид бўлиб, ўзаги *и* ҳарфида қайд этилган ундош билан тугаган ва аффикси *г* ҳарфида қайд этилган ундош билан бошланган. Бу аффикс феълининг маълум формантидир: *кўн+гил*.

Яна *онги* ҳолатида ёзиладиган икки сўз мавжуд. Унинг бири от туркумига оид бўлиб, сўнгги товуши эгалик қўшимчасидир. Унинг ўзаги *онг* бўлиб, ёзувда ауслаути *и ва г* ҳарфларни тизмаси билан қайд этилган. Иккичи сўз ясама сифат бўлиб, у *он* ва *-ги* морфемаларида таркиб топган. Биринчи морфеманинг ауслаути *и* ҳарфи билан, иккичи морфеманинг анлаути *г* ҳарфи билан қайд этилган.

Кўнгил ва *онги* омографлари лексик бирликларниг эмас, балки уларниг нутқий шаклланиши бўйинча қайд этилшинидир. Чунки бу омографлар қайд этган сўзлардан бири маълум формантга эга ҳолатдадир.

Юқорида таҳлил учун келтирилган омографлар асосан график хусусият сабабли вужудга келган. Фақат *о* ҳарфи воситасида омографларниг вужудга келишидагина қисман орфография роль ўйнаган. Фақат орфографик сабаб билан ҳам омографлар вужудга келиши мумкин. Бироқ у ҳозирги ўзбек графикаси учун тузилган орфография сабабли вужудга келганини учратмаймиз. У фақат араб графикасига асосланган орфографик қоидалар сабаблигина вужудга келганини кузатамиз. *Мас., ўзбек тилидаги араб графикасига асосланган орфографик қоидалари* сабабли вужудга келган *л* омографини кўреатиш мумкин. Бу омограф *кал, гал, кел, кул гул, кўл, гўл* сўзларининг ҳаммасини қайд этган. Бундай сабабга кўра, омографларниг вужудга келиши учун ўзбек тилиниг ҳозирги орфографик қоидалари сабаб бўлмайди. Чунки орфографик қоидалар расмийлаштирилганда, уни вужудга келтирмасликнинг ҳам ҳисоби қилинган. Омографлар контекстда қайд этилган сўзларниг тушунилишигина эмас, ўқилишини ҳам контекстдаги лексик қуршовга боғлиқ қилиб қўяди. Шунинг учун бундай сабабга кўра омографияниг юзага келиши орфография нуқсони натижаси деб қаралади. Умуман, омография ё график, ё орфографик нуқсон туфайлигина юзага келади.

Хуллас, 1) омография бирдан ортиқ сўзниңг ёзувда қайд этилиши, шу сўзлар лексик маъно жиҳатидан ўзаро алоқадор эмаслиги ва ёзув жиҳатдан бир хил эканлиги билан характерланади; 2) улар графикада бирдан ортиқ фонема учун бир ҳарф белгиланиши ва айрим орфографик қондалар сабабли юзага келади; 3) унинг мавжудлиги график ва орфографик нуқсон натижаси деб қаралади

Омофония

Икки сўзниң маълум фонетик қонуниятга кўра бир хил талаффуз этилиши омофониядир. Бу ҳодиса фақат икки сўзишиг бир хил талаффуз этилишида қайд этилади. Аммо бу иккidan ортиқ сўзниңг бир хил талаффуз этилиши омофония бўлмайди, дейилгани эмас. Фақат фактлар маълум фонетик қонуниятга кўра бир хил талаффуз этилиши иккidan ортиқ сўз ўртасида содир бўлишини кўрсатмади.

Омофонияни юзага келтирувчи икки сўз аслида фонетик структурасидаги маълум товуш орқали фарқ қилади. Лекин улар талаффуз жараёнида маълум қонуниятга кўра бир хил қайд этилади. Омофонияни юзага келтирувчи икки сўз ўзаро фақат бир товушинг кўра фарқ қилади. Аммо товуш фарқи ҳар қандай кўринишда бўлавермайди. Бу фарқ уларниң артикуляция ўрни ва усули бир бўлгани ҳолда, ун иштирокига кўра фарқли бўлиши; унли товушларда эса тил қўтарилиши ва лаб иштирокига кўра бир бўлиб, қаторига кўра фарқланиши кабилардан иборатдир. Акс ҳолда сўзлар талаффузи жараёнида бир хил бўлмай қолиши ва паронимия ҳодисаси билан чегараланиши мумкин.

Омофонияниң юзага келиши икки хил ундошниңг бир хиллаштирилиши натижасида ҳам, икки хил уплининг бир хиллаштирилиши натижасида ҳам бўлади. Омофонияни юзага келтирувчи икки сўзни ўзаро фарқлаб турувчи ундошлар фақат бир ҳолда талаффузда бир хил бўлиши кузатилади. Бу фарқланувчи ундошлар бир артикуляция ўрни ва усулига эга бўлиб, ўзаро ун иштирокига кўра фарқ қилади. Яъни омофонияни юзага келтирувчи икки сўзниңг бирида маълум позицияда бирор жарангли ундош келса, иккинчисида ҳам ўша позицияда аввалги сўзда келган жарангли ундош жарангиз келади. Булар сўзларниңг фақат охирги товushi бўлади. Шунда ўзбек тилидаги сўз ауслаутлари жарангизланиши қонуниятига кўра улар бир хил талаффузга эга бўлади, омофония юзага келади. Мас., бод ва бот, ёд ва ёт, мард ва март каби жуфтликлар ўзаро омофондир. Бу жуфтликлар таркибидаги биринчи сўз ауслаути тилолди, портловчи, жарангли ундош бўлиб иккичи сўз ауслаути тилолди, портловчи, жарангиз ундошдир. Яъни ҳар икки сўз ауслаути фақат ун иштирокига кўра фарқланади. Лекин ауслаут ундошлар ўзбек тилидаги сўзлар жарангизланиши қонуниятига кўра ҳар икки сўз ауслаути бир хил

талаффузга эга бўлади. Шундай қилиб, бод ва бот сўз жуфтлиги ўзаро омофонияни юзага келтирган. Яна шу асосда ёд ва ёт, мард ва март сўз жуфтликлари ҳам омофонни таркиб тонтирган.

Икки сўз ўзаро бир товушга кўра фарқланубчи товуш лаб-лаб, портловчи бўлиб, фақат жарангли ёки жарангизлигига кўра тафовутга эга бўлса, ўша сўзлар омофонияни юзага келтириши мумкин. Аммо ўша фарқловчи товушлари сўзниг ауслауги бўлиши шарт. Чунки бу ўринда ҳам ауслаут жарангизланиши қонунияти роль ўйнайди. Мас, боб ва боп, тоб ва топ, туб ва туп каби сўз жуфтликлари таркибидаги сўзлар ўзаро ауслаутига кўра фарқланади. Уларнинг ауслати артикуляция ўрни ва усулига кўра бир хил, яъни ҳар икки сўз ауслаути лаб-лаб артикуляция ўрни ва портловчилик артикуляция усулига эга. Бироқ бирининг ауслаути жарангиз н ундошидан иборатdir. Бу сўзлар ҳам ўзбек тилида ауслаутларини жарангизланиши қонуниятига кўра ўзаро омофонияни юзага келтирган.

Омофонияни юзага келтирувчи сўз жуфтлиги ўзаро ауслаути ун иштирокига кўра фарқ қилиб, улар артикуляция усулига кўра бир хил фақат портловчи бўлади. Артикуляция ўрнига кўра лаб-лаб ёки тилолди ундошларини кўрдик. Булар боб ва боп, бод ва бот сўз жуфтликларининг ауслаутларида кузатилди. Фақат ун иштирокига кўра фарқ қилувчи портловчи ундошлар жуфтлиги тилорқа артикуляция ўрнида учрамайди, фақат ун иштирокига кўра фарқ қилувчи, портловчи, тилурта ундоши ўзбек тилида йўқ. Шунинг учун улар талаффузи натижаси бўлган омофонлар ҳам ўзбек тилида йўқ. Ауслаути бошқа артикуляция ўрнига эга, портловчи, фақат ун иштирокига кўра фарқланувчи ундошли сўз жуфтлигининг бўлиши ва улар талаффузи натижасида омофонияни юзага келиши ҳақида эса ган бўлиши мумкин эмас.

Ауслаути сиргалувчи бўлиб, фақат ун иштирокига кўра фарқланувчи сўз жуфтликлари ўзбек тилида кўпраб учрайди. Уларнинг ауслаути ҳар бир артикуляция ўрнида бўлиши ҳам мумкин. Ҳар бир артикуляция ўрнида юзага келувчи сиргалувчи товуш бор. Бироқ бу сўз жуфтликлари талаффузда бир хил бўлиши ва омофонияни юзага келтириши мумкин эмас. Чунки ўзбек тилида сўз ауслаутларининг жарангизланиши сиргалувчи ундошларга хос бўлмайди. Масалан, қув-, қиз, бор сўзларининг ауслаути талаффузда жарангизлашмайди.

Ауслаути жарангли ёки жарангиз эканлигига кўра фарқланубчи, талаффузи жиҳатдан бир хил бўлган сўз жуфтлиги, яъни шу тип омофонлар фақат лексик бирлик ҳолатидаги сўзлардан таркиб топади. Мазкур сўзлар аффикс, айниқса уплидан иборат ёки упли билан бошланган аффикс ортиреа, ўзакийнинг жарангли ёки жарангиз ауслаути ўз ҳолати бўйича талаффуз этилади. Бунда эса омофония юзага келмайди. Масалан: боби ва бопи каби.

Ўзбек тили графикасида тилнинг ўрта кўтарилиши, орқа қатор, лабланган унли фонема учун икки ҳарф белгиланган. Улар о ва ў ҳарфларидан иборат. о ҳарфи рус тилидан ва у орқали бошқа тил-

лардан қабул қилинган сўзлардаги мазкур фонемага киритилувчи товушни ёзувда қайд этади. Бу товуш фонема учун шартли равишда кўрсатилган товушга нисбатан ўрта қатор бўлади. Ў ҳарфи ўз қатlamага оид сўзлардаги мазкур фонема учун шартли равишда олинган товушни қайд этади. Шунингдек, у яна мазкур фонема ҳисобида қаралувчи ўрта кўтарилиш, олд қатор, лабланган товушни ҳам қайд этади. Бу товушларнинг ҳаммаси ҳам, юқорида қайд этганимиздай, бир фонема деб қаралади. Шу товушларга кўра фарқланиб, қолган товушлари бир хил бўлган сўз жуфтлиги ўзбек тилида учраса, унинг бири албатта рус тилидан ёки рус тили орқали бошқа тилдан олинган сўз бўлади. Унинг иккинчиси эса ўз лексикага оид сўз бўлиб, ў ҳарфи билан қайд этилувчи унлиси эса олд қаторга хосдир. Шундан келиб чиқиб ҳукм юритадиган бўлсак, ёзилишида ў ёки о ҳарфлари билан қайд этилишига кўра фарқланувчи компонентлардан таркиб топган омофон мазкур компонентларининг бир хил талаффуз этилиши ишбийдир. Яъни бу омофонларнинг компонентлари фарқли ҳарф билан қайд этилган ўринларида талаффуз этишга кўра ҳам фарқланадилар. Шунга кўра, улар — омофоннинг компонентлари бир хил талаффузга эмас, ўхшаш талаффузга эгадек кўрниадилар. Бу жиҳатдан уларни омофон компоненти деб эмас, балки пароним компоненти деб қараш жоиз бўлиб қолади. Аслида эса бундай эмас. Пароним компонентлари ҳам график қайд этилишида ўзаро бир ҳарф билан фарқ қилиниши мумкинлигига қарамай, бу ҳарфлар фарқли икки фонеманинг қайдидан иборат бўлади. Омофон компонентлари эса график қайд этилишида ўзаро бир ҳарф билан фарқقا эга бўлади, бироқ бу ҳарфлар бир фонеманинг фарқли икки хил қайдидан иборат бўлади. Бу фонема фарқли икки хил ҳарф билан қайд этилишига кўра ўрни билан икки хил товуш билан талаффуз этилса ҳам, улар бир фонемадаги икки товушидир. Бу товушларнинг фарқи эса фақат мутахассис қулоғи ва фонологик аниарат учунгина сезиларни бўлади. Уларни оддий қулоқ фарқлай олмайди. Шунга кўра ҳам мазкур ўриндаги омофонларни паронимлардан фарқлаймиз. Яъни паронимия ва омофония фонема мезони билан фарқларади.

Сўзнинг дастлабки бўғини урғусиз бўлиши унинг унлиси ўзгариши билан талаффуз этилишига ва у сўз бошқа сўз билан омофон структурасига киришига сабаб бўлади. Мас., ўзлашган лексикага оид *компания* сўзининг биринчи бўғинида урғу йўқ. Бу сўз эса уюшма лексик маъносига эга. Унинг урғуси иккинчи бўғинда бўлгани учун, биринчи бўғиннинг тилнинг ўрта кўтарилишидаги, орқа қатор, лабланган унли фонемаси кенг, олд қатор, лабланмаган унли фонема каби талаффуз этилади. Бу эса унинг иккинчи бир сафарбарлик лексик маъносига эга *кампания* сўзи билан бирликда омофонни вужудга келтириши учун сабаб бўлган. Бу сўзниг ҳам урғуси иккинчи бўғинидадир, лекин биринчи бўғиннинг кенг, олд қатор лабланмаган унли фонемаси эса талаффузда ўзаришсиз қолган. Шунинг учун ҳам *компания* ва *кампания* сўзлари урғуси

ва талаффузи жиҳатидан бир-хил сўз бўлиб, омофонни таркиб топтирган.

Омофониянинг сўздаги биринчи бўғинида урғу бўлмаслиги ва унинг унлиси ўзгариши натижасида юзага келиши рус ва европа тилларига хосдир. Ўзбек тилида эса рус тилидан ва рус тили орқали европа тилларидан ўзлашган лексикага оид сўзлар доирасида учрайди. Ўз лексикага оид сўзлардан бундай ҳодиса натижасида юзага келган омофония йўқ. Чунки ўз лексикага оид полисиллабик сўзларнинг урғуси ҳамма вақт сўнгги бўғинда бўлиб, аввалги бўғинлари урғусиз келади. Урғусиз бўғинларнинг унлилари эса редукцияга учраши ва ё кучсиз талаффуз этилиши ё диэрезага учраши мумкин. Бироқ у бошқа товушга ўзгартириб талаффуз қилинмайди.

Хозирги ўзбек тилида сақланиб қолган сингармонизм излари омофонияни юзага келтирувчи омиллардан бири деб ҳисобланади. Мас., *ур-* феълидан *-иши* аффикси воситасида ясалган ҳаракат номининг талаффузига эътибор беришимиз мумкин. Унинг биринчи бўғинидаги унли тор, орқа қатор, лабланган бўлгани учун иккинчи бўғинидаги тор, олдқатор, лабланмаган унлини ўзи билан уйғулаштириб олган. Натижада, мазкур сўз иккинчи бир *жанг* лексик маъноли *уруш* сўзи билан бир хил талаффуз этиладиган бўлиб қолган. Аммо мазкур омофон сунъий ҳолда вужудга келтирилган. Чунки *уруш* сўзи ҳаракат номи функционал формасидаги *-ур* феълининг субстантивациясидир. Яъни от функциясидаги *уруш* ва ҳаракат номи формасидаги *урши* аслида бир полисемантик сўзниг икки туркум функциясидаги икки лексик маъносидир.

Яна шу каби ҳаракат номи функционал формаларидан бур-феълининг субстантивациясидан ҳосил бўлган терининг бурилган қатламлари лексик маъносини, *қур-* феълининг субстантивациясидан ҳосил бўлган *қурилган* лексик маъносини ва *тур-* феълининг субстантивациясидан ҳосил бўлган *ачитқи* лексик маъносини сунъий ҳолда ажратиб олиб, аслидан кўра график фарқقا эга *буруш*, *туруш*, *қуруш* кабилар орқали берib юборилган ва мавжуд полисемантик сўзлар график жиҳатдан дифференциация қилинган. Натижада сунъий ҳолда омофония юзага келган. Тил лексикаси тараққиёти қонуниятлари нуқтаи назаридаи қарасак, бу ўринда омофония ҳақида гап бўлиши мумкин эмас. Бу ўринда фақат от билан функциядош лексик маънога эга ҳаракат номи функционал формасидаги феъл туркумига оид буриш, туриш, қуриш полисемантик сўзларигина мавжуд.

Хозирги ўзбек тилида сақланиб қолган сингармонизм излари омофонияни юзага келтириши ҳам мумкин. Мас., ҳаракат номи функционал формасидаги *улиш* сўзи билан ҳисса лексик маъноли *улуш* сўзи бир хил талаффуз этилади. Яъни уларни биргаликда олиб, омофон деб қараш керак. Мазкур сўзларнинг иккинчиси мавжуд фонетик составига кўра талаффуз этилган бўлиб, биринчиси сингармонизм қонуниятига кўра кейинги унлиси аввалги унлисига уйғулаштирилиб талаффуз қилинган. Шунга кўра улар омофони

нияни юзага келтирди, деб қаралиши керак. Бироқ улар бир хил товуш составига эга икки сўз, яъни омонимдир. Бу сўзларнинг ҳам иккинчиси кейинги унлиси ўзгартирилиб, ўз талаффуздош сўзидан график жиҳатдан дифференциация қилинган, аммо талаффузи жиҳатидан бир хиллиги эса сақланиб қолган. Шуларга кўра лексик бирликлар тараққиётини назарда тутиб, мазкур ҳодисани омофония деб эмас, омонимия деб қараш керак.

Хуллас, 1) омофония фонетик структурасидаги маълум товуши фарқ қилган икки сўзнинг бир хил талаффуз этилишидир; 2) бир хил талаффуз эса нисбий бўлиб, бу нисбийлик компонентлари маълум бир хил формадагина бир хил талаффуз этилиб, қолган формаларда қимматини ўйқотиши билан ёки маълум бир фонемаси доирасида товушга кўра фарқ қилиши билан ўлчанади; 3) унинг мавжудлиги тилдаги ҳодисаларнинг парадигматик ҳолати билан ўлчаниши керак; 4) сўзларнинг график жиҳатдан дифференциация қилиниши омофонияни юзага келтирмайди.

Омонимия

Бирдан ортиқ сўзларнинг айлан бир хил талаффуз этилиши омонимия деб қаралади. Бунда албатта бирдан ортиқ сўзларнинг фонетик структурасидаги бир хилликка кўра бир хил талаффуз этиши назарда тутилади. Шуниси билан омонимия омофониядан фарқ қиласи. Омофония эса икки сўзларнинг фонетик структурасидаги айрим тафовутидан қатъи пазар, сўздаги позицион, комбинатор-умуман маълум шарт-шароитидан келиб чиқиб, бир хил талаффуз этилишидир. Омофонияни юзага келтирувчи компонентлар миқдори ҳам чегаралангандай — иккитадир. Омонимияни юзага келтирувчи компонентлар миқдори эса чегараламагандай бўлади. Уни эса биз ўзбек тилида иккитадан олтитагача миқдорда учратамиз.

Омонимия хусусиятлари билан омография хусусиятлари ўртасида ҳам ҳеч қандай умумийлик йўқ. Омография икки сўзларнинг график ёки орфографик нуқсонга кўра бир хил ёзилишидир. Омонимия бирдан ортиқ сўзларнинг айни бир хил талаффуз этилиши бўлиб, бу сўзларнинг бир хил ёзилиши шарт қилиб қўйилмайди. Айниқса, традицион принципига эга орфографик қоидага асосан ёзувчи халқлар тилидаги омонимлар компоненти турлича график қайдга эга бўлишининг эҳтимоли кўпроқ. Бу ҳол француз ва инглиз тилларида кўплаб учратилади. Уни ўзбек тилидан олинган мисоллар орқали тасдиқлаш ҳам мумкин. Биз омофония юзасидан таҳлиллар берган жойниизда *улиш* (ҳаракат номи) ва *улуш* (хисса лексик маъносиға эга) сўзларини ўзаро омоним деб айтган эдик. Уларнинг ҳар иккисида ҳам иккинчи бўғин унлиси, аффикс нуқтаи назаридан қарасак, олд қатор, тор, лабланмаган и унлисидир. Лекин улар орфографияда дифференциация қилиб юборилган. Талаффузда эса улар бир хилликка эга. Омонимия тил ҳодисаси бўлганлиги учун ҳам, мазкур икки сўз тараққиётини омонимияни юзага келтирди, деб қараш керак. Яъни омонимияда ёзув ҳеч қандай

аҳамиятга эга бўлмаганлиги учун, омография унинг ярим ҳодисаси деб қаралмаслиги керак.

Омонимияни юзага келтирувчи сўзлар деярли бир хил ёзилади. Бу табиий бир ҳол. Чунки омонимияни юзага келтирувчи сўзлар бир хил фонетик структурага эга бўлади. Ҳар бир фонема учун бир ҳарф белгиланганлиги учун ҳам, бир хил фонетик структурага эга сўз бир хил ёзиши табиийдир.

Омонимияни юзага келтирувчи компонентлар миқдор жиҳатидан ҳам омографиядан фарқ қиласди. Омограф икки компонентдан таркиб топиб, омоним ундан ортиқ компонентдан таркиб тошиши мумкин.

Омонимия таҳлил этилар экан, албатта, даврга эътибор бериш керак, яъни синхроник ёндошиш керак. Масалан, ўзбек тилидан иккита қорача сўзини эслаш мумкин. Биринчи қорача сўзи ҳозирги адабий тилда мавжуд бўлиб, сифат туркумига оид. Йккинчи қорача сўзи историзм бўлиб, от туркумига оид. У ҳозирги адабий тилда йўқ. Шунинг учун қорача сўзлари ҳисобида ҳозирги ўзбек адабий тилида омоним бўлиши мумкин эмас.

Омонимия таҳлил этилар экан, албатта, территорияга ҳам эътибор бериш керак. Шу нуқтаи назардан қарасак, қорача сўзлари ўзбек адабий тили тарихида ҳам омонимияни юзага келтирган. Чунки от туркумига оид қорача сўзи фақат Фарғона шеваларига хос эди. Ўзбек адабий тили тарихида ҳам фақат сифат туркумига онд биргина қорача сўзи бор эди. Шунингдек, лаъли сўзлари ҳисобида ҳам ўзбек адабий тилида омонимия юзага келмаган. Чунки ўзбек адабий тилида лаъл минерал тоғ жинсини ифода этувчи лексик маънога эга биргина сўздир. Самарқанд шевасида яна бир лаъл сўзи бўлиб, у тарелкани ифода этади. Бироқ бу сўз адабий тилга қабул қилинган эмас. Шунинг учун, у фақат Самарқанд шевасида омонимияни юзага келтирган, деб қаралади. Самарқанд шевасида эса ҳар икки лаъл сўзи ҳам бор.

Омонимия тилнинг турли манбалари ҳисобига юзага келади. У тил бойлиги тараққиётининг ҳар икки манбаидан — ташқи ва ички манбаларидан юзага келади.

Ўзбек адабий тилини бойитувчи ташқи манба иккита: 1) чет тиллардан сўз ўзлаштириш; 2) диалектлардан адабий тилга сўз олиш.

Ўзбек адабий тилига чет тиллардан сўз ўзлаштириш ҳодисаси ҳам адабий тилда омонимияни юзага келтиради. Бундай омонимияни эса тилшуносликка оид кўпгина асарларда чатишма омонимия термини билан аташади. Омонимиянинг бу кўриниши туркий тилларда кўпгина учрайди.

Чатишма омонимлар турли туркий тилда турлича тилга оид ўзлаштирма сўзлардан таркиб топади. Ўзбек халқи тарихий тараққиётининг турли даврларда эроний халқлар, араблар, хитойлар ва руслар билан маданий муносабатда бўлди, улардан аллақанча сўзлар ўзлаштириди. Шунингдек, у рус тили орқали бир қатор европа халқлари тилидан ҳам сўзлар қабул қилди. Ўзбек тилига

турли тиллардан қабул қилинган баъзи сўзлар фонетик структураси жиҳатидан бир шаклга келиб қолиши, яъни омонимни юзага келтириши ҳам мумкин. Бу эса сўзларнинг фонетик структура жиҳатидан тасодифий бир хил келиши билан ҳам, ўзбек тилига хос сўзларнинг фонетик қурилишига мослаштириш орқали бир шаклга келиши билан ҳам, семантик структурасига футур етиши билан ҳам юзага чиқа олади.

Ўзлаштирма сўзларнинг ҳеч қандай ўзгаришсиз қабул қилиб, ўзбек адабий тилида омонимияни юзага келтириши бир неча ҳолатга кўради.

1. Ўзлаштирма сўз ўзбек тилидаги ўз лексикага оид бирор сўз билан фонетик структура жиҳатидан тасодифан бир шаклга келиб қолади. Масалан, тоҷикча *бог* (*мевали дараҳтзор*) сўзи билан ўзбекча *бог* (*тугун*) сўзи; инглизча *жаз* (*jazz — мис трубали чолғу асбоблар оркестри*) сўзи билан ўзбекча *жаз* (*бир тўғрам пишган гўшит*) сўзи ўзбек адабий тилида омонимдир. Бу ўринда эса ўзлаштирма сўзларнинг фонетик структураси туркӣ туб сўзлар фонетик структураси доирасида бўлгани омонимияни юзага келтирувчи тасодифни юзага чиқарган.

2. Турли тиллардан ўзлаштирилган ўзлашма сўзлар ўзбек адабий тилида омонимияни юзага келтириши мумкин. Масалан, форсча *мил* (*милтиқ стволи*) сўзи билан латинча *мил* (*mille — узунлик ўлчови*) сўзи; италянча *банка* (*banca — пул билан муюмала қилювчи ташкилот*) сўзи билан полякча *банка* (*banka — цилиндр симон идиши*) сўзи ўзбек адабий тилида ўзлашма сўз ҳолатида тасодифан омонимияни юзага келтирган. Бу ўринда эса омонимни таркиб топтирувчи сўзлар генеологик жиҳатдан бир тармоққа оид турли тиллардан экаплиги ва улар фонетик структураси жиҳатидан бир хил келиши мумкинлиги омонимияни юзага келтирувчи тасодифни юзага чиқарган.

3. Бирор тилдаги мавжуд омоним ўзбек адабий тилига қабул қилиниши мумкин. Масалан, арабча *аср* (*юз йил ва шом*); форсча *уд* (*чалғу асбоб ва ифорли ўсимлик плдизи*); французча *кадр* (*мутахассис*) *кинолентадаги сурат* омонимлари ўзбек адабий тилига компонентлари билан қабул қилинган. Бу омонимлар ҳар икки компоненти билан бир йўла ўзлаштирилган эмас. Уларнинг компонентлари, ўзбекларнинг мазкур тилда гаплашувчи ҳалқлар билан муносабатига бўйсунган ҳолда, турли даврда қабул қилинган.

Ўзлаштирма сўзларни ўзбек тилига хос талаффузга мослаштириш натижасида ўзбек адабий тилида омонимияни юзага келиши мумкин. Уларнинг юзага келиши бир неча фонетик жараёнлар натижасидир.

1. Арабчадан ўзлаштирилган айрим сўзларнинг ауслаути айрим ҳолларда такрор ундошдан иборат бўлади. Бироқ у ўзбек тили талаффуз нормаларига мос бўлмаганлиги учун, такрор ундошдан бири ўзлашган сўзда тушириб қолдирилади. Фонетик структураси ўзгариб кетган бу сўз эса ўзбек тилидаги мавжуд сўз фонетик структураси билан бир хил бўлиб қолади, яъни омонимия

юзага келади. Масалан, арабчадан қабул қилинган *сир* (бирорга билдирилдиган иш ёки воқеа) сўзи ва оқ Ҷ! (лаънатланган) сўзи такрор ундош билан тугалланган сўзлардир. Ўзбек тилида эса улар ауслаути такрор ундош билан талаффуз этилмайди. Бу сўзлардаги такрор ундошлардан бирни ўзлаштириш жараёнида ёки тушириб қолдирилган. Натижада бу сўзлардан бирининг фонетик структураси ўзбек тилидаги *сир* (бўйёқ) сўзи иккичининг фонетик структураси оқ (ранг) сўзи фонетик структураси билан бир хил бўлиб қолган, яъни улар омонимияни юзага келтирган. Бу ўринда эса ўзлашган сўз фонетик структураси жиҳатидан ўзбек сўзларига хос фонетик структура билан мослашиб олиши омонимия юзага келиши учун сабаб бўлган.

2. Арабчадан қабул қилинган айрим сўзлардаги баъзи товушлар ўзбек тилида бўлмагани учун, улар ўзбек тилига хос бўлган бирор товуш билан алмаштирилиб талаффуз этилади. Фонетик структураси ўзгариб кетган бу сўз эса бошқа бир сўз билан фонетик структураси жиҳатидан бир хил бўлиб қолади, яъни омонимия юзага келади. Масалан, арабча *Ҳўл юриш* (йўл юриш) сўзи ўзбек тилида ўзлашма сўз бўлиб, униг фонетик структурасида ҳеч қандай ўзгариш бўлган эмас. Яна бир арабча *Ҳар* (оғономи) сўзи ҳам ўзбек тилида ўзлашма сўз бўлиб, униг анилаути тилолдининг тилга ёйилшиб тегиши оралиғидан сирғалувчи жарагонгиз ундош эди. Бироқ бундай ундош ўзбек тилида ўйқ. Ўзбек тилида униг ўринни тилолди сирғалувчи, жарагонгиз ундош олган. Натижада, кейинги сўз аввалги сўз билан фонетик структурасига кўра бир хил бўлиб қолган, омонимияни юзага келтирган. У бир хил фонетик структурага эга *сафар* сўзларидан шаклланган. Бу ўринда у икки фонеманинг бир фонемага айланиб кетиши — конвергенция натижасида юзага чиқкан.

3. Арабчадан ёки форсчадан қабул қилинган айрим сўзларда қатор келган ундошлар бўлади. Бундай ҳолат ўзбекча сўз фонетик структурасига мос бўлмаганини учун, улар ўртасига бир унли орттириллади. Фонетик структураси ўзгариб кетган бу сўз эса бошқа бир сўз билан фонетик структураси жиҳатидан бир хил бўлиб қолади яъни омонимия юзага келади. Масалан, арабча *Салиб* (бут) сўзининг ауслаути, форсча *Қўйп қаватли иморат* сўзиининг анилаути қатор ундошдан иборатdir. Уларни ўзбек тилига мослаштириш учун, ундошлари орасига бир унли орттирилган. Натижада, биринчи сўз арабчадан қабул қилинган яна бир *Салиб* (саллагулли бута) сўзи билан, иккинчи сўз эса форсчадан қабул қилинган яна бир *Ҳизиб* (эътибор) сўзи билан фонетик структурасига кўра ўзбек тилида бир хил бўлиб қолган, яъни *Салиб* ва *Ҳизиб* омонимлари вужудга келган. Бу ўринда омонимия сўзларнинг фонетик структурасида товуш миқдорига кўра мослашуви натижасида юзага келган.

Ўзлашма полисемантик сўзлар, ўзи оид бўлган тилдаги семан-

тик структурасига футур етган ҳолда қабул қилинганилиги учун, дифференциацияга учраб, омонимияни юзага келтириши мумкин. Бунда сўз ўзбек тилига қабул қилинимасдан олдин полисемантик, бўлади. Унинг маълум лексик маъноси қолган лексик маъноларининг семантик алоқасини таъмин этиб туради. Мана шу лексик маъно ўзлашган сўз таркибида бўлмай қолиши унинг қолган лексик маънолари ўзаро семантик алоқани узиши, яъни мустақил алоҳидан сўзиниг лексик маъноси бўлиб кетишига сабаб бўлади ва омонимияни юзага келтиради. *Мас., арабча расм* сўзи мазкур тилининг ўзида полисемантик бўлиб, унинг семантик структурасида беш лексик маъно мавжуд. *Расм* сўзи ўзбек тилига қабул қилинада экан, ҳамма лексик маъноси билан эмас, балки иккى лексик маъноси билан қабул қилинган. Унинг бир лексик маъноси «*сурат*»ни, бошқа лексик маъноси «*удум*»ни ифода этади. Бу лексик маънолар эса ўзаро семантик муносабатга эга эмас. Уларни боғлаб турувчи ‘из’ лексик маъноси араб тилида қолиб кетган, ўзбек тилига қабул қилинмаган. Натижада, ҳар иккى лексик маъно ҳисобида ўзбек тилида мустақил иккى сўз юзага келиб, улар омонимияни юзага келтирган. Яна немис тилидан штат (*staat*) сўзи ҳам қабул қилинган. Бу сўз ҳам немис тилида полисемантик бўлиб, унинг семантик структурасида уч лексик маъно бор эди. Унинг ‘*давлатлардаги шартли административ бўлинма*’ ва ‘*ташкилотдаги вазифа учун ўрин*’ лексик маънолари ўзбек тилига қабул қилинган. Бу лексик маънолар оралиқ лексик маъно ‘*бошқаруш*’ маъноси қабул қилинмагани учун, ўзбек тилида ўзаро боғланимай қолган. Ҳар бирни сўзиниг лексик маъносига айланниб қолган, омонимияни юзага келтирган.

Шуларга ўхшаш *жинс*, *батарея*, *шашка*, *ришта*, *синф* каби омонимлар ҳам ўзбек тилига ўзлашиш жараёнида семантик структурасига футур етиши натижасида шаклланган.

Четдан сўз қабул қилинганда унинг семантик структураси тўлалигича сақланиб қолиши камдан-кам учрайди. Чунки сўз ўзлашишин дастлаб сўз ва унинг лексик маънолари ҳолатида юз бермайди. Балки у аксинча содир бўлади. У халқларнинг ўзаро маданий муносабатига боғлиқ ҳолда, унга тобе ҳолда, муносабатда қабул қилинган пималарнингdir ифода этувчи лексик маъноси орқали қабул қилинади. Яъни сўзиниг лексик маъноси алоҳида-алоҳида, бир-бирига бўйсунмаган объектив сабаб билан ўзлаштирилади. Бу ўзлаштирилган лексик маънолар бир сўз ҳисобида кейинчалик йиғилиши, сўзиниг семантик структурасини таркиб топтириши мумкин. Айрим ҳолларда уларни бир сўзда семантик жиҳатдан боғлаб турган лексик маъно аввалги тилда қолиб кетса, у омонимияни юзага келишига сабаб бўлади.

Ўзбек адабий тилига диалектал сўзларни қамраб бориш ҳодисаси ҳам адабий тилда омонимияни юзага келтиради. Аммо бундай ҳодиса натижасида ўзбек тилида омонимияни юзага келиши ниҳоятда пассивдир. Шунинг учун ҳам омонимияни юзага келтирувчи бу ҳодиса кўпгина тиљшуносликка оид асарларда тилга ҳам олинмайди.

Ўзбек тили диалектга энг бой тилдир. Унинг шевалари эса ундан ҳам кўп. Бироқ улардаги сўзларнинг фонетик, лексик-семантик, грамматик тараққиёти адабий тилдагидан учча фарқ қилмайди. Шунинг учун диалектларда адабий тилдан фарқ қилиб кетган сўзлар ҳам, уларнинг яна қайтиб адабий тилга қамраб олишганлари ҳам, улардан омонимияни юзага келтирсанлари ҳам ундан кам учрайди. Шунга қарамай, ўзбек адабий тилида, унинг диалектал сўзларни қамраб олиши натижасида омонимияниң юзага келиши учраб турадиган ҳодисадир.

Ўзбек адабий тилининг диалектал сўзларни қамраб олиши натижасида омонимияниң юзага келиши бир неча ҳодисаларга кўра бўлади.

1. Адабий тилда ҳам, диалектда ҳам мавжуд сўз диалектда омонимияни юзага келтириб, кейин у адабий тилда ҳам ўз акси-ни топади. Масалан, адабий тилда қуёнчиқ сўзи тутқаноқ лексик маъноси билан мавжуд эди. Бу сўз шу лексик маъноси билан Тошкент диалектида ҳам мавжуд. У Тошкент диалектида семантик тараққий этиб, омонимияни юзага келтирсан, яъни яна бир сон гўштидан чиқадиган шалхак лексик маъносига эга қуёнчиқ сўзи ҳосил бўлган. Адабий тилда бу сўзниң қайд этилиши Тошкент диалектидаги қуёнчиқ омонимининг адабий тилда ҳам қайд этилишига олиб келган. Одатда сўзларнинг тараққиёти, яъни айрим лексик бирликларнинг ҳосил бўлиши ёки ясалиши аввал маълум жонли тилда содир бўлиб, кейин у адабий тилга кўчади.

2. Турли диалектдаги турли ўзаро фонетик структураси жиҳатидан бир хил бўлини мумкин. Бундай фонетик структураси жиҳатидан бир хил бўлган турли диалектга оид турли сўзлар адабий тилга қамраб олиб қолинади. Бу эса адабий тилда омонимияни юзага келиши учун сабаб бўлади. Масалан, Тошкент диалектига оид шоти сўзи арава асосини ифода этувчи лексик маънога эга. Фарғона шевасига оид шоти сўзи эса нарвон лексик маъносидадир. Бу икки сўз ҳам ўзбек адабий тилида ўз ўрнини топган, яъни улар адабий тилда омонимияни юзага келтирсан. Яна Тошкент диалектида сўри сўзи мавжуд бўлиб, у ток тирагини ифода этади. Фарғона диалектига оид сўри сўзи эса ёғоч чорпоя лексик маъносига эгадир. Бу икки сўри сўзи ўзбек адабий тилида ўз ўрнини топган бўлиб, улар омонимияни юзага келтирсан.

Шоти ва сўри каби омонимларнинг бирортаси ҳам на Тошкент, на Фарғона диалектида омоним бўла олади. Чунки уларнинг бир компонентигина маълум диалектда бор бўлиб, иккинчи компоненти шу диалектда йўқдир.

Айрим сўзлар борки, улар диалектлардагина қўлланиб, адабий тилда ўз ўрнини топмаган бўлади. Бундай сўзлар одатда диалектал деб қаралади. Бироқ бундай сўзларни ҳамма вақт ҳам диалектал деб тан олиниши тўғри эмас. Агар у маълум областга хос хўжалик тармоғида низлатилувчи терминаларни ифода этса, бунда адабий тил фондида деб қаралавериши керак. Масалан,

Фарғона, Самарқанд, Паркент каби территорияларда узумчилик, Қашқадарё, Фарбий Самарқанд, Бухоро каби территорияларда чорва, Хоразм областида эса балиқчилик ривожланган. Шу соҳаларга оид терминология ҳам шу территориядаги ривожланган бўлади. Гарчи у адабий тилда ўз ўрнини топмаган бўлса, кейин бориб ўз ўрнини топади. Адабий тилда адабиётларниң шу соҳага оид тармоғи яратилмаганилиги уларниң адабий тилда қайд этилмаганилиги учун сабаб бўлган. Маълум пайтга келиб фанинг ривожланиши ўша соҳала адабиётлар яратилиши, бунинг учун терминология ривожланган диалектдан олиб келиниши учун туртки бўлади. Адабий тил —бу барча диалектлардан изоляция қилинган алоҳида тил эмас. У диалектлар ҳисобидан, улар бойлиги, фонетикаси ва грамматикасининг сайқалланган томонини танлаб олиб юзага келтирилган тиллар. Диалектал лексиканинг шу территория хўжалигининг ривожланган тармоғини акс эттирувчи қатлами адабий тилинг бойлиги ҳисобланади. Масалац, Хоразм диалектидаги балиқчиликка оид терминлар ривожланган. Шу диалектда қўлланувчи балиқ турини ифода этувчи *сийла* ва *чавоқ* сўзлари мавжуд. Булар адабий тил терминологиясини ҳам тўлдиради. Адабий тилда яна *сийла-* (II шахс, бирлик, буйруқ майли формасидаги фемы) ва *чавоқ* (кесиб олинган эт парчаси) сўзлари хам мавжуд. Бу сўзлар диалектлардан олинган юқоридаги сўзлар билан бирга омонимияни юзага келтиради. Чуники улар фонетик структурасига кўра бир хиллар.

Турган гапки, мазкур омонимияни юзага келиши тасодифдир.

Етакчи диалектлардаги фонетик тараққиёт ўз аксии адабий тилда ҳам топади. Бунга эса конвергенция ҳодисасини кўрсатиш мумкин. Тонкент, Самарқанд, Бухоро каби етакчи шаҳар шеваларида сингармонизм йўқола бошлади. Бу эса шу шеваларда айрим товушларининг конвергенциясини келтириб чиқарди. Бу эса адабий тилда ҳам ўз аксии топди. Тилда айрим товушлар конвергенциясини содир бўлиши адабий тилда омонимияни юзага келиши учун сабаб бўлади. Масалац, *от*, *йт*, *тур*, *тўр*, *иҷ*, *тиш* каби қатор омонимларнинг ўзбек адабий тилида вужудга келиши конвергенция сабабларидир. Ўзбек адабий тилидаги бу омонимлар сингармонизм йўқолмаган ва мазкур конвергенция содир бўлмаган бошқа туркий тилларда омоним эмас. Уларниң компоненти унлиларига кўра фарқ қиласади. Унлилари олд ёки орқа қатор эканлигига кўра икки хил товушлардир. Ўзбек тилининг ҳатто айрим диалектларида ҳам худди шундайдир.

Ўзбек тилидаги омонимияни юзага келтирувчи ички манба сўз ясаш усуllibаридир. Ўзбек тилида сўз ясаш усуllibарни бешта: 1) *конверсия*, 2) *семантик тараққиёт*, 3) *фонетик тараққиёт*, 4) *аффиксация*, 5) *композиция*. Сўз ясашининг мазкур беш усуllibарни фақат бешинчиси — композиция усули натижасида омонимияни юзага келмайди. Сўз ясашининг қолган тўрт усули натижасида омонимияни юзага келиши мумкин. Уларниң омонимияни юзага

келтиришдаги маҳсулдорлик коэффициенти деярли бир хилдир. Сўз ясаш усуллари ўзаро, омонимияни юзага келтирувчи ҳодисаларнинг ранг-баранглиги нуқтаи назаридан, ўзига хослиги билан кескин фарқланади.

Конверсия бир туркумга оид сўзниң ҳеч қандай аффикссиз иккинчи туркум вазифасини бажаришга кўчишидир. Конверсия икки кўринишда содир бўлади: 1) окказионал конверсия, 2) узуал конверсия. Конверсия окказионал ҳолда содир бўлар экан, сўз ҳеч қандай семантик ўзгаришга учрамай, фақат мавжуд синтактик шароитдан келиб чиқиб, иккинчи туркум вазифасини бажарган бўлади. Масалан, Яхшилар кўпайсин, ёмон қолмасин. Бу ўринда яхши ва ёмон сўzlари гапдаги эллиптик жараёндан келиб чиқиб, от туркуми вазифасини бажариб келган. Конверсия узуал ҳолда содир бўлар экан, сўз иккинчи туркумга кўчиши ва семантик ўзгаришга учраб, ўша туркумда янги сўз ҳосил қилиб қолдириши бўлади. Бошқача қилиб айтганда, сўзниң ноль аффикс билан иккинчи туркумда сўз ясами узуал конверсия ҳисобланади. Узуал конверсия эса ўзбек тилида омонимияни юзага келтиради. Проф. А. F. Гуломовнинг кўrsatiшича, конверсия билан сўз ясаш барча қадими ёзма ёдгорликларда кўзга ташланади. Конверсия усулида сўз ясаш шунча қадими экан, унинг натижасида омонимиянинг юзага келиши ҳам шунча қадимийдир. Унинг шу қадимилигини кўrsатувчи боғ, бор, оч, оқ, тиз, тик, тил, кет, кез, қон, қоқ, ёз, ёй каби ҳам феъл, ҳам номдан (биз ном термини остида от, сифат, равиш туркумiga оид сўzlарни атадик) таркиб топган 60 га яқин омоним мавжуд. Тилшуносликда бу омонимлар дастлабки омонимлар деб қаралади.

Дастлабки омонимларнинг вужудга келиши ҳақида турлича қарашлар мавжуд. Шулардан фактларга энг моси дастлабки омонимлар туб феъллар конверсияси деган фикрdir. Бу фикр эса қўйидагича тил фактлари билан исботланади.

1. Дастлабки омонимларни таркиб топтирувчи сўзларнинг бири албатта феъл, иккинчиси қайсиdir туркумга оид номдан иборат бўлади. Эътибор беринг:

- 1) феъл + от: тиз, тил, қон, ёз, ёй кабилар.
- 2) феъл + сифат: оч, оқ, тик, қоқ кабилар.
- 3) феъл + равиш: кез, жим, тин кабилар.
- 4) феъл + «бор» сўзи.

Агар дастлабки омонимлар бошқа бирор туркумга оид сўзлар тараққиёти бўлганда эди, барча дастлабки омонимларнинг бир компоненти албатта ўша туркумга оид сўз бўлиб, иккинчи компоненти бошқа туркумлардан бирига оид бўларди. Юқоридаги каби дастлабки омонимлар компонентларидағи мавжуд бундай маълум туркумга хослик системалиги уларнинг вужудга келишида қандайдир қонуният ётганилигини кўrsатади.

2. Дастлабки омонимлар доирасида фонетик структураси $k+k$ ёки $k+v+k$ бўлган сўзлардан таркиб топган омонимлар ҳам бор. Бу дастлабки омонимлар таркибида ҳам, мавжуд

системага қаттиқ амал қилинган ҳолда, феъл туркумига оид компоненти мавжуддир. Феълнинг ауслаути эса сўзнинг таркибий қисми бўлган товуш бўлмай, у феъл нисбати формантининг рудиментидир. Масалан, *орт*, *кўрк*, *тинч*, *қурт* каби дастлабки омонимларининг компонентларига эътибор берниб кўрайлик. Улар таркибидағи бир концепт феъл туркумига оид сўздир. Феъл туркумига оид *орт-*, *кўрк-*, *тинч-*, *қурт-* сўзларининг ауслаути орттирма нисбат аффиксининг рудименти бўлиб, қолган товушлари комплекси ўзакни таркиб топдиради. Яъни *орт*-, *кўрк*-, *тинч*-, *қурт*-феълларининг ўзаги *орт*, *кўр*, *тин*, *қури*-каби феъллар бўлиб, -*т*, -*ч*, -*к* каби товушлар эса аффикс рудименти деб қаралади. Ўзбек тилида *кўр-*, *тин-*, *қури*- каби феъл ўзаклари мавжуд бўлиб, ардеган феъл ўзаги йўқ. Бироқ, *ортиқ*, *орқа*, *ориқ* каби сўзларининг мавжудлиги *орт*- феъл ўзаги ҳам мавжудлигидан дарак беради. Мазкур феълларга қўшилиб келган -*т*, -*ч*, товушлари орттирма, -*к*, товуши ўзлик нисбат аффиксининг рудиментидир. Бу эса *орт*-, *кўрк*-, *тинч*-, *қурт*- феъллари семантикасига эътибор берилса ҳам, аинглашиларни ҳолатдадир, -*ч*, товуши орттирма нисбат аффикси рудименти эканлиги эса, айниқса, *арч*- феъли семантикасига аниқ сезилиб туради. Бизга маълумки, -*т*, -*ч*, -*к* товушларидан иборат от ясовчи аффикслар ўзбек тилида йўқ. Шундай бўлгач, *орт*, *кўрк*, *тинч*, *қурт* каби дастлабки омонимлар таркибидағи от компонентларни ясама деб бўлмайди. Яъни феъл компонентлари феъл нисбати аффиксими орттиргач, конверсияга учраб, от компонентини ҳосил қилган, дастлабки омоним вужудга келган. Бу тил фактлари шуни кўрсатадики, феъл ўзаклари конверсияга учраб, дастлабки омонимларни вужудга келтириши система ҳолатини олган, шунингдек нисбат аффикси олган феъллар доирасигача ёйилган.

3. Дастлабки омонимлар асосан туб сўзлардан таркиб топган бўлиб, туркий туб сўзлар эса асосан *к+V+k* фонетик структурасига эга. Шу фонетик структурага эга бўлган туб феълларни маълум ишқташ низардан ўзаро қиёсласак, ўзига хос бир система ни кузатамиз. Масалан, биринчи ва иккинчи товуши бир хил бўлган феълларни ёнма-ён қўйиб кўрар эканмиз, улар ўзаро семантик жиҳатдан умумийликка эга бўлади. *ти*- билан бошланган туб феълларни ёнма-ён қўйиб кўрайлик: *тиз*-, *тий*-, *тиқ*-, *тил*-, *тин*-, *тир*-, *тит*-, *тиқ*- кабилар семантикасига эътибор бериш мумкин. Улардан *тий*-, *тин*- туб феъллари қолганлари билан семантиканда умумийликка эга эмас. Қолган *тиз*-, *тиқ*-, *тил*-, *тит*-, *тиқ*- туб феъллари эса «бирор нарсанинг учи билан бошқа нарсага таъсир ўтказиш» семантикасига кўра умумийликка эга. Ўзбек тилида *тир*- феъл ўзаги йўқ. У архаиклашган феъл ўзагидир. Уидан ясалган *тира*-феъли мавжуд бўлиб, у ҳам семантик жиҳатдан ўзи оид бўлган фонетик системадаги туб феъллар билан бир хилдир. *ти*- билан бошланган бошқа туркумга оид туб сўзларда эса бундай семантик умумийликни кўрмаймиз. Эътибор беринг: *тиз*, *тиқ*, *тил*, *тин*, *тиш*, *тиғ* ва ҳоказо. Бу туб сўзлардан биргина *тиқ*

сўзи сифат ва яна бир *тиң* сўзи равиш туркумига оид. Уларнинг қолгандари эса фақат от туркумига оид туб сўзлар бўлишига қарамай, ҳеч қайсиси ўзаро семантик яқинликка эга эмас. Лекин мазкур номлар феъл туркумига оид туб сўзларнинг фонетик структураси ўзи билан бир хилларига семантик жиҳатдан яқин туради. Яъни от туркумидаги *тиз* сўзи билан феъл туркумидаги *тиз* — сўзи, сифат туркумидаги *тиқ* сўзи билан феъл туркумидаги *тиқ-* сўзи, от туркумидаги *тил-* сўзи билан феъл туркумидаги *тил-* сўзи, равиш туркумидаги *тиң* сўзи билан феъл туркумидаги *тиң-* сўзи семантик жиҳатдан умумийликка эга. Яна от туркумидаги *тиғ* сўзи билан феъл туркумидаги *тиқ-* сўзи ва от туркумидаги *тиш* сўзи билан феъл туркумидаги *тиш-* сўзи ҳам семантик жиҳатдан умумийлик ҳосил қилган бўлса ҳам, улар айрим товушларига кўра фарқ қиласди. Аввалги жуфтлиқдаги от туркумига оид сўзнинг ауслаути жаранглилашиб, сиралувчи артикуляцияга ўтиб кетган. Кейинги жуфтликда эса феъл туркумига оид сўзнинг унли инлаути артикуляциясида тилинг юқори кўтарилиши ўринига ўрта кўтарилиш алмашинган.

Кўриб ўтдикки, *ти-* билан бошланган номлар ўзаро ҳеч қандай семантик умумийликка эга бўлмай, фақат ўзи билан фонетик структураси жиҳатдан бир хил бўлган феъл билан семантик умумийликка эга. Шунингдек уларнинг албатта феъл йўлдоши бор. Аммо феъллар, биринчи ва иккинчи товуши бир хил бўлса, семантик умумийликка ҳам эга бўлгани ҳолда, ҳаммаси ҳам ном йўлдошига эга бўлиши шарт эмас. Яъни *тий-*, *тир-*, *тил-* туб феъллари ўз ном йўлдошлиарига эга эмас.

Юқоридагига ўхшаш системани *ке-* билан бошланувчи *кеоз-*, *кељер-*, *кес-*, *кет-*, *кеч-* каби туб феъллар ва уларнинг мавжуд ном йўлдошлари ўртасида ҳам; *ё-* билан бошланувчи *ёз-*, *ёй-*, *ён-*, *ёр-*, *ёп-*, *ёт-* каби ва *ёл-*, *ёқ-* каби туб феъллар ва уларнинг мавжуд ном йўлдошлари ўртасида ҳам кузатамиз.

Бу тил фактлари шуни кўрсатадики, маълум туб феъл ауслаути урчиши, яъни флексия йўли билан ҳам фонетик, ҳам семантик бир системадаги туб феъллар қаторини таркиб топтирган. Бу қатордаги туб феъллардан айримлари эса конверсияга учраб, ном йўлдошига эга бўлган, яъни дастлабки омонимлар вужудга келган.

4. Фонетик структураси *K+V+K* бўлган туб феълларнинг биринчи ва иккинчи товуши шу феъл оид бўлган туб феъллар қаторини кўрсатса, ауслаути грамматик хусусиятга эга бўлади. Бу эса ауслаути бир хил туб феълларни ёима-ёп қўйиб ўзаро қиёсланса, апиқ кўзга ташланади. Масалан, ауслаути-и *бўлган* туб феълларнинг грамматик хусусиятини ўзаро қиёслаб кўрайлик. Яъни *ин-*, *ён-*, *син-*, *сўн-*, *тон-*, *тиң-*, *тиғ-*, *ун-*, *кон-*, каби туб феълларнинг ҳаммасида ҳам иш-ҳаракатни бажарувчи иш-ҳаракатнинг обьекти ҳамдир. Бу жиҳатдан улар ўзлик нисбати феълларнинг грамматик хусусияти билан бир хилликка эга. Яъни биз сув *тиндиги* предикатив қўшилмаси билан сув лойқаланди предика-

тив қўшилмасидаги тинди ва лойқаланди сўзларининг грамматик хусусиятини ҳам қисслаб кўришимиз мумкин. Ҳар иккисида ҳам ҳолатни юзага келтирувчи билан ҳолатнинг юзага келиш объекти бир нарсадир. Аммо уларнинг иккичиси ўзлик нисбати формаси -н аффиксни олиб келган, биринчиси эса туб феълнинг ўзи бўлиб, -н ауслаутига эгадир. Кўриниб турнибди, улар грамматик жиҳатдан бир хил эмас.

Ауслаути -м, -нг, -л, -к, -й, -ш бўлган туб феъллар ҳам ауслаути -н бўлган туб феълларга ўхшаш грамматик хусусиятга эга. Масалан, том-, -чўм, жим-, синг-, тўнг-, ўнг-; сўл-, тол-, ул-, бўк-, чўк-, ий-, куй-, тоий, ош-, тош-, шиш- кабилар. Бу грамматик хусусият айниқса ауслаути -нг ва -н бўлган туб феъллар учун қатъйдир. Аммо у ауслаути -л, -м, -ш бўлган туб феълларда унча қатъи бўлмагани ҳолда, ауслаути -к ва -й бўлган туб феълларда эса жуда кам учрайди. Ауслаути -л, -м, -ш бўлган туб феъллар агар мазкур грамматик хусусиятга эга бўлмаса, уларда иш-ҳаракат бажарувчига қаратилгандиги ифодасини берувчи грамматик хусусият кузатилади. Масалан: бил-, жил-, кел-, қил-, юм-, эмшиш-, тушиб-, шошиб- каби. Бу эса ўзлик ва мажҳул нисбати формантида келган тўкил- феълининг грамматик хусусиятига жуда ўхшаб кетади. Қиёс қилинг: У келди са у тўкилди. Бу туб феъллар эса тишлинослиқда ўтимсиз феъллар ичидаги ўрганилади. Улар эса ўз грамматик хусусиятига кўра ўзлик, мажҳул ва биргалик нисбати феълларининг грамматик хусусиятига яқин туради.

Ўтимли туб феъллар ҳам ўзига хос ауслаутга эга. Уларнинг ауслаути -р, -з, -с, -т, -қ ундошларидан иборат. Улар ифодасида икки кўришишдаги грамматик хусусият мавжуд: 1) иш-ҳаракат бажарувчининг иш-ҳаракат бажаришида ёрдамчи объект иштирок этади. Масалан, бер-, сўр-, ур-, сез-, қаз-, бос-, қис-, қус-, бот-, ёт-, ст-, сиқ-, сўқ-, юқ- кабилар, 2) иш-ҳаракат бажарувчи бошқа объектда иш-ҳаракат бажарилишига олиб келади. Масалан, бур-, йир-, қор-, буз-, ёз-, от-, сот-, тит-; ийқ-, чақ-, тиқ- кабилар. Ўтимли туб феълларининг иккичи кўришишига хос грамматик хусусиятга эгалари асосан -р, -з -т ауслаути билан келади. Бу туб феъллар грамматик хусусиятига кўра айрим ортирма нисбат феълларининг грамматик хусусиятига яқин туради. Яъни *парамходни бурди* ва *парамходни чўктирди* объектли биримларидаги бурди ва чўктирди феълларининг грамматик хусусиятини ҳам ўзаро қиёслаб кўриш мумкин. Ауслаути -р -з, -т бўлган туб феълларининг шундай грамматик хусусиятга эга бўлиши шундай ауслаутли туб феъллар миқдорининг 60—80 процентини ташкил қиласи.

Кўринадики, туб феъллар маълум грамматик хусусият эътиборига кўра ауслаути маълум товушларга урчир ва бир системадаги туб феъллар қаторини ҳосил қиласар экан. Бу қатордан айримлари конверсияга учраб, дастлабки омонимларни вужудга келтиради. Бу тил факти ҳам юқоридаги, дастлабки омонимлар туб феъллар конверсиясидир, дейилган фикрни қувватлайди.

5. Дастребки омонимлар факат туб сўзлардангина таркиб топиб қолмай, маълум нисбат формантидаги феъл ва унинг конверсияси натижаси бўлган отдан таркиб топган бўлиши ҳам мумкин. Масалан, ўзлик нисбати формантига эга қўйин-, чақин-, йигин-, қўшин-, феъллари конверсияга учраб, қўйин (гирватли шамол), чақин (чақмоқ), йигин (маълум мақсадда ўтказилган тўпланиш), қўшин (мунтазам аскарлар) отлари; мажхул нисбати формантига эга енгил-, қизил-, очил- феъллари конверсияга учраб, енгил-, қизил-, очил- сифатларини; орттирма нисбати формантига эга букир-, кийиз-, чиқит- феъллари конверсияга учраб, букир, кийиз, чиқит отларини; биргалик нисбати формантига эга ўйнаш-, тулаш-, яраш- феъллари конверсияга учраб, ўйнаш яраш отлари ва туташи сифатини ҳосил қилган. Бу эса кейинги давр дастребки омонимини вужудга келтирган.

Феъллар конверсиясига хос бу қонуният ҳам, дастребки омонимлар туб феъллар конверсиясидир, дейилган фикрни қувватлайди.

Фактларниң кўреатишича, феъллар конверсияси от, сифат, равиш туркумини юзага келтирди ва уларни сўзлар билан тўлдира борди. Конверсия ҳодисаси шу билан чегараланиб қолмади. У турли сўз туркумларида содир бўлиб, турли туркумларни сўзлар билан бойитди. Яъни мавжуд туркумлар бошқа бир печа туркумлар ҳисобига бойлик орттириди. Бу ҳам омонимия юзага келишида катта роль ўйнаиди. Конверсияниң қуйидаги кўринишлари омонимияни юзага келтиради: субстантивация, адъективация, адвербиализация.

Бир неча туркумга оид сўзлар субстантивацияси омонимияни юзага келтиради.

1. Сифат субстантивацияси омонимияни юзага келтиради. Бунда сифат субстантивацияси иккى кўринишга эга бўлади. Биринчи кўринишга биноан, нарсани унинг белгисига кўра тўғридан-тўғри аташ сабабли субстантивация содир бўлиб, омонимия юзага келади. Масалан, оқ, қўш, соч сифатларининг субстантивацияси шундай экстролингвистик сабабга кўрадир. Қасалликни оқ сўзи билан, ер ҳайдовчи буюни қўши сўзи билан, бошдаги мўйларни соч сўзи билан номлаш уларнинг белгиларига қараб аташ сабабли юзага чиқкан. Бу эса омонимияни юзага келтирган. Иккинчи кўринишга биноан, турғун атрибутив биримнинг ҳоким компоненти эллипсисга учраши сабабли тобе компонентида субстантивация содир бўлиб, омонимия юзага келади. Масалан, юмaloқ узум терминининг узум компоненти эллипсисга учрагани сабабли юмaloқ компоненти узум навини ифодаловчи термин бўлиб қолди, яъни субстантивацияга учради. Натижада юмaloқ сифати билан юмaloқ оти бирликда омонимияни юзага келтиради.

2. Одатда сон туркумiga оид сўзлар ҳам сифат туркумiga синтактик функцияси жиҳатидан ўхшаб кетади. Шунинг учун уларнинг узуал субстантивацияси табиий бир ҳолдир. Бу ҳам омонимия юзага келишида роль ўйнаши мумкин. Масалан, тўқ-

сон сонининг субстантивацияси от туркумидаги түқсон сўзини ҳосил қилган. У бутун қиш мавсумини ифода этади. Бу икки сўз бирликда омонимияни юзага келтирган.

Яна *йигирма*, түқиз, етти каби омонимлар ҳам сон субстантивацияси натижасидир.

3. Инфинитив феълларниң субстантивацияси ҳам омонимияни юзага келтиради. Масалан, *илмоқ*, *қўймоқ*, *ўймоқ*, *чақмоқ* каби инфинитив феъллар субстантивацияси *илмоқ*, *қўймоқ*, *ўймоқ*, *чақмоқ* отларини ҳосил қилган. Бу ҳам омонимияни юзага келтирган.

4. Баъзан тақлидий сўзлар субстантивацияси ҳам омонимияни юзага келтириши мумкин. Масалан, *ғарч* тақлидий сўзининг субстантивацияси шундай овоз берувчи буюмни ифода этадиган *ғарч* отини ҳосил қилган, омонимияни юзага келган.

Яна сифатдошлар ҳам субстантивацияга учраши мумкин. Масалан, *ўтар*, *чопар* сифатдошлари каби. Улар катта пода лексик маъносига эга *ўтар*, хабар стказувчи лексик маъносига эга *чопар* отларини ҳосил қилгани. Бироқ бу билан омонимияни юзага келмайди. Чунки сифатдош лексик бирлик эмас, у функционал формадаги сўз. Бу ҳолат эса фақат нутқий омонимияни юзага келтира олади.

Бир неча туркумга оид сўзлар адъективацияси омонимияни юзага келтиради.

1. Адъективация айниқса от туркумига оид сўзларда кенг тарқалган. Бунда от адъективацияси шу от туркумига оид сўз ўз денотатининг муҳим белгисини ифода этишига кўчиши билан содир бўлади. Бундай кўришишда содир бўлувчи узуал адъективация ҳам омонимияни юзага келтиради. Адъективациянинг омонимияни юзага келтириши асосан шу кўриниши ҳисобига кенг тараққий этган. Масалан, ранг белгисига кўра очиқ осмон лексик маъносига эга *кўк* сўзи, характер белгисига кўра афсонавий маҳлуқни ифодаловчи *шайтон* сўзи, хусусият белгисига кўра гармон ишлаб чиқарувчи орган лексик маъносига эга *без* сўзи, шаклий белгисига кўра кичик тарнов лексик маъносига эга *новча* сўзи узуал адъективацияга учраган; ҳосил қилувчи сўз эса ҳосила сўз билан биргаликда омонимияни юзага келтирган.

Окказионал адъективацияни узуал адъективация билан қориширмаслик керак. Масалан, *лайлак*, *елим*, *қовоқ* сўзларининг адъективацияси окказионалдир. Улар сифат вазифасида нутқ шароитидан келиб чиқибгина қўлланади. Нутқдан ташқарида сифатлик функциясига эга эмас. Шунинг учун мазкур сўзлар омонимияни юзага келтирмаган ва бундан кейин ҳам келтирмайди.

2. Юқорида қайд этганимиздай, сон туркумига оид сўзлар сифат туркумига оид сўзларга синтактик функцияси жиҳатидан ўхшаб кетади. Шундай бўлгач, улардаги маъно тараққиёти адъективацияни юзага келтириши табиийдир. Масалан, сон туркумига оид *беш* сўзи жуда яхши лексик маъноси билан, *юз* сўзи бажарилган лексик маъноси билан адъективацияга учраган; ҳосил қи-

лувчи сўз эса ҳосила сўз билан биргаликда омонимияни юзага келтирган.

3. Баъзан тақлидий сўзлар адъективацияси ҳам омонимияни юзага келтириши мумкин. Масалан, *пўк* тақлид сўзининг адъективацияси вайкоҳатига яраша кучга эга эмас лексик маъносига эга сифат туркумига оид *пўк* сўзини ҳосил қилган, омонимия юзага келган.

Равиш туркумига оид сўзлар адъективацияси ўзбек тилида жуда кенг тарқалган. Айниқса, ҳолат равишига оид сўзлар деярли адъективацияга учрайди. Бироқ улар омонимияни юзага келтирмайди. Чунки равиш адъективацияси фақат окказионал— нутқий шароитдан келиб чиққан бўлади.

Бир неча туркумга оид сўзлар адвербиализацияси омонимияни юзага келтиради.

1. Адвербиализация ҳам айниқса от туркумига оид сўзларда кўп учрайди. Бу эса қўпроқ вақт ва ҳолат ифода этувчи от туркумига оид сўзлар доирасида содир бўлади. Турган гапки, от адвербиализацияси ҳам омонимияни юзага келтиради. Масалан, ҳолат ифода этувчи от туркумига оид сўзлардан ёзув қуроли учидаги сийқа лексик маъносига эга *хит* сўзи, бериб турилган оғирлик лексик маъносига эга *босим* сўзи, амалдорлик курсиси лексик маъносига эга *тахт* сўзи адвербиализациянига учраб, оетоқат лексик маъносига эга *хит*, доимо лексик маъносига эга *босим*, тайёр лексик маъносига эга *тахт* каби равиши туркумига оид сўзларни ҳосил қилган. Яна вақт ифода этувчи *эрта*, *кеч*, *чоғ* сўзлари адвербиализацияга учраб, муддатидан илгари лексик маъносига эга *эрта*, зарур муддатидан кейин лексик маъносига эга *кеч*, нисбатан *кеч* лексик маъносига эга *чоғ* каби равиши туркумига оид сўзларни ҳосил қилган. Натижада, *хит*, *босим*, *тахт*, *эрта*, *чоғ*, *кеч* каби сўзлар ўзларининг ҳосила сўзлари билан бирга омонимияни юзага келтирган.

2. Баъзан тақлидий сўзлар адвербиализацияси ҳам омонимияни юзага келтириши мумкин. Масалан, *гум* тақлидий сўзи адвербиализацияга учраб, «жим йўқолиб» лексик маъносига эга равиши туркумига оид сўз ҳосил қилган, омонимия юзага келган.

Сон туркумига оид бир сўзи-га ва *-дан* жўналиш ва чиқиши келишикларини олган ҳолда адвербиализацияга учраши мумкин. Лекин улар омонимияни юзага келтира олмайди. Чунки бу ўринда адвербиализацияга учровчисон туркумига оид сўз маълум формант билан келган. Бунда фақат нутқий омонимиягина юзага келиши мумкин.

Сифат туркумига оид сўзлар адвербиализацияси ўзбек тилида жуда кенг тарқалган. Бироқ улар ҳам омонимияни юзага келтирмайди. Чунки сифат адвербиализацияси фақат оқказионал, нутқий шароитдан келиб чиққан бўлади.

Демак, ўзбек тилидаги сўзларнинг конверсияси актив тил ҳодисасидир. У узуал ҳолда содир бўлса, бошқа туркумни бирор

туркумдаги сўзлар тараққиёти ҳисобига бойитади. Конверсия näтижасида омонимиянинг юзага келиши ҳам қонунийдир.

Ўзбек тилида сўзларнинг семантик тараққиёти ҳам омонимияни юзага келтиради. Сўзниң семантик тараққиёти тушунчаси остида сўз маъносининг кенгайиши ва торайиши, сўзниң кўчма маъно ҳосил қилиши, сўздаги эвфемизм ва дисфемизмлар ўз ифодасини топади. Омонимиянинг юзага келиши эса сўз семантик тараққиётининг кўчма маъно ҳосил қилиш томони билан боғлидир. Сўзниң кўчма маъно ҳосил қилиши эса полисемияни юзага келтиради. Табнатдаги турли нарсалар ва уларнинг ўзига хос томонларини ўрганила борилган сари ва уларга бўлган муносабатнинг ўса бориши натижасида, нарсаларни ифодаловчи сўз маънолари ҳам мутаносиб равишда қонуний йўл билан орта боради. Бу маъноларнинг баъзилари табнатни билиш жараёнига боғли равишида мустақиллашишга ўтади. Яъни полисемантик сўзлар, ўзаро боғланиш турган лексик маъноларининг халқалари айрим ўринларидан узишиб, бирдан ортиқ бир хил фонетик структурага эга сўзга дифференциация бўлади. Аниқроғи, полисемия омонимияни юзага келтиради. Бунда боқ-, ёп-, тезла-, қизиқ, очиқ, ёд, сел, ел, қуроқ, тош, гап сингари кўплаб мисолларни келтириш мумкин. Бу тил тараққиётининг қонуниятларидан биридир.

Полисемияниң тараққиёти ўзбек тилида омонимияни жуда кўп юзага келтиришига қарамай, унинг содир бўлиш доираси сўз туркумларига нисбатан тордир. Фақат от ва феъл туркумидаги полисемантик сўзлар актив суратда, сифат туркумидаги полисемантик сўзлар эса тараққий этиш натижасида қисман бирдан ортиқ сўзларга дифференциация бўлади ва омонимия юзага келади. Бошқа туркумдаги сўзларда ҳам семантик тараққиёт бўлиб, полисемия юзага келади. Аммо мазкур полисемия омонимия юзага кела оладиган даражада тараққий эта олмайди.

Полисемантик сўз лексик маънолари қўйидагича ҳодисаларга кўра тараққий этса, унинг лексик маънолари ўртасидаги алоқа узилади, яъни у бирдан ортиқ сўзга дифференциация бўлиб, омонимия юзага келади.

1. Сўз лексик маъноси ўз денотати жараёни цикли ёки жараёнига номини бериши орқали ҳам кўчма маъно ҳосил бўлади. Масалан, *мушт* сўзининг мавжуд лексик маъноси қўл учининг бармоқлари юмуқ ҳолатини ифода этар эди. Қўлнинг шу ҳолати билан бериладиган зарб, яъни жараённи ҳам унинг номи билан аталиб кетган, кўчма маъно ҳосил бўлган. *Мушт* сўзининг бу иккى лексик маъноси полисемияни юзага келтирган. Бу ўриндаги полисемантик сўзининг мазкур лексик маънолари ўртасидаги алоқа ниҳоятда равшан, яъни ҳосила маънони ҳосил қилувчи маъносиз тасаввур қилиб бўлмайди. Полисемантик сўзлар лексик маънолари ўртасидаги алоқанинг узилиши ҳам мумкин.

Сўз лексик маъноси ўз денотати жараёни ёки жараёни циклига номини бериши орқали кўчма маъно ҳосил бўлар экан, ҳосил

бўлган кўчма маъно конкретлигини йўқотиши — абстракцияга учраши мумкин. Бу эса ҳосила маънонинг ҳосил қилувчи маънодан узилиб кетишига сабаб бўлади. Масалан, ой сўзида шундай ҳодиса билан кўчма маъно ҳосил бўлишига эътибор берайлик. Унинг дастлабки лексик маъноси ер йўлдоши бўлиб, ундан ер атрофидан бир айланиб чиқишига кетган муддат кўчма маъноси ҳосил бўлган. Кўчма маъно ифода этган муддат 29 ярим кунга тенг келади. Ҳозир бу лексик маъно 28, 29, 30, 31 кунни, муча йилнинг жавзо ойида эса 32 кунни, 1918 йил февраль ойида эса 15 кунни ифода этиб, унинг бошланиб тугаши ер йўлдошининг ҳилоли ва тугаши билан ҳеч қандай алоқага эга эмас. Яъни ой сўзининг ҳосила маъноси ҳосил қилувчи маъносидан ўз боғлилиги ни узиб юборган, полисемантик сўз ҳар икки лексик маъноси ҳисобида мустақил сўзларга ажralиб омонимияни юзага келтирган.

Мазкур ҳодиса билан яна *кун*, *чақирим*, *тил* каби омонимлар юзага келган. Бу ҳодиса орқали омонимияни юзага келиши эса шу мисоллар билангина чегараланади.

2. Полисемия фақат генетик маъно тараққиёти бўлиб қолмай, у генетик маънодан ҳосил бўлган кўчма маънолар тараққиёти ҳамdir. Сўз лексик маъноларининг бундай ҳосил бўлиши жараёнida оралиқ бирор лексик маъно вазифадошлиқ орқали ҳосил бўлиб қолади. Вазифадошлиқда кўчма маъно ўз денотати ҳосил қилувчи маъно денотати эскиргани учун уни ҳаётдан суриб чиқариб юбориши орқали ҳосил бўлади. Бошқача қилиб айтганда 1-лексик маънодан 2-лексик маъно ҳосил бўлади. 2-лексик маъно денотати ҳаётда эскиб қолиб, уни янги бир обьект истеъмолдан суриб чиқаради ва у суриб чиқарилган денотат номи билан атала бошлайди. Яъни сўзда янги, 3-лексик маъно ҳосил бўлиб, унинг денотати суриб чиқарувчи обьект бўлиб қолади. Суриб чиқарилган денотатни ифода этувчи лексик маъно эса сўзда ўз ўрнини йўқотади. Сўзда 1-лексик маънога 2-лексик маъно ва 2-лексик маънога 3-лексик маъно боғланиши керак эди. Бироқ 2-лексик маъно йўқ. Оралиқ лексик маъно бўлмагани учун 1- ва 3-лексик маънолар ўзаро боғланмайди ва улар икки сўзининг лексик маънолари сифатида мустақиллашиб кетади. Масалан, *попук* сўзи гажим лексик маъносига эга эди. Бу лексик маънодан эса икки учи шокилали қоғозга ўралган ширалик деган кўчма маъно ҳосил бўлган. Аммо шираликни бундай усулда тайёрлаб, бозорга олиб чиқиш ҳаётда эскирди. Ҳозир ширалик расмли қоғозга ўраб чиқарилади. Энди 2-лексик маъно ўрнига 3-расмли қоғозга ўралган ширалик кўчма маъноси ҳосил бўлади. *Попук* сўзининг лексик маънолари ўзаро занжир ҳолида туташиб туриши учун 2-лексик маъно муносабатдан тушиб қолган. Шунинг учун расмли қоғозга ўралган ширалик лексик маъноси ҳисобида янги *попук* сўзи икки сўзга дифференциация бўлиб кетди ва омонимия юзага келди.

Яна *сув*, *gap*, *ўқ* каби омонимлар ҳам юқорида қайд этилган ҳодиса натижасида юзага келган.

3. Полисемантик сўз структурасидаги лексик маънолар ўзаро занжирсизмон боғланишга эга бўлса, шундай боғланишга эга лексик маънолар ўртасидаги бирор лексик маъно ё қўлланиш доирасидан чиқиб, ё кўчма маъносига тобе бўлиб қолса, лексик маъноларининг боғланиш системаси бузилади. Шу ўринда полисемантик сўз бирдан ортиқ сўзга дифференциация бўлиб, омонимия юзага келади. Масалан, *дам* полисемантик сўзининг семантик структурасини таҳлил қилиб кўрайлик. Унинг лексик маънолар занжиридан бири қўйидагича эди:

1. Нафас.
2. Пуркалган ҳаво.
3. Ҳаво пурковчи асбоб.

Дам сўзининг бу лексик маънолари ўзаро занжирсизмон боғланишга эга. Уларнинг 1-сидан 2-си, 2-сидан 3-си метонимия орқали ҳосил бўлган. Шунга қарамай, ҳозирги ўзбек тилида 2-лексик маъно 3-си орқали тушуниладиган бўлиб қолган. Натижада ҳаво пурковчи асбоб лексик маъноли янги *дам* сўзи ҳосил бўлиб, пуркалган ҳаво (дам бермоқ) лексик маъносин эса унинг структурасига оид бўлиб қолган. Шу ўринда эса *дам* сўзи икки сўзга дифференциация бўлиб, омонимия юзага келган.

Яна бок-, суз-, тезла- каби омонимлар ҳам юқорида қайд этилган ҳодиса, яъни ҳосил қилувчи маъно ҳосила маъно орқали тушунилиши натижасида юзага келган.

4. Бирор воқелик, халқ фаразига биноан, бонақа бир парса ёки воқеликка алоқадор деб ўйланиши ҳам кўчма маъно ҳосил бўлиши, яъни полисемантик сўз вужудга келиши учун сабаб бўлади. Фаразининг потўғри чиқинши эса унинг узоқ яшаши учун йўї қўймайди. Унинг потўғрилиги одамларга маълум бўлгач, фараз қадрини йўқотади ва у хотиралардан кўтарилиб кетади. Бу эса полисемантик сўзининг семантик структурасидаги мазкур ҳосил қилувчи ва ҳосила маънолар алоқаси узилиб кетиши, бу лексик маънолар ҳисобида янги сўзлар ҳосил бўлишига олиб келади, яъни омонимия юзага келади. Масалан, *бод* сўзи ўзланган лексикага оид бўлиб, *шамол* лексик маъносига эга эди. Ундан метонимия орқали мускулда ўтадиган оғриқ касаллиги деган кўчма маъно ҳосил бўлган. Чунки ҳосила маъно денотати, юзага келни нуқтаи назаридан, ҳосил қилувчи маъно денотати билан алоқадор деб фараз қилинди. Лекин бу фараз потўғри эди. Шунинг учун у тезда унуттилди. Натижада *бод* сўзининг ҳосил қилувчи ва ҳосила маънолари ўртасидаги алоқа узилиб кетди, яъни *бод* сўзи икки сўзга дифференциация бўлиб, омонимия юзага келди.

Яна *тепки* ва *ем* каби омонимлар ҳам юқорида қайд этилган ҳодиса, яъни халқ фаразига кўра ҳосил бўлган кўчма маъно ҳисобига бойиган полисемантик сўзининг парчаланиши натижасида вужудга келган.

5. Туркий тиллар, шу жумладан ўзбек тилида ҳам, нисбат ортирган феъллар семантик тараққий этишга мойил бўлади. Нисбат ортирган феъллардан кўчма маънолар ҳосил бўлганда, кўчма

маъно ҳамма вақт нисбатлик формасидан холи бўлади. Баъзи ҳолларда феълининг сақланиб қолмайдиган лексик маъносига асосланган нисбат формасидан ҳам кўчма маъно ҳосил бўлади. Бундай ҳолларда кўчма маъно нисбат формасидаги феълининг лексик маънолари билан алоқасини йўқотади. Натижада мазкур феъл шу ўринда икки феълга дифференциация бўлади, омонимия юзага келади. Масалан, *ўймоқ* феълининг орттирма нисбат формасини олган *ўйдирмоқ* ни олиб кўрайлик. Унинг *устма-уст айтмоқ* лексик маъносидан метонимия орқали *ёлғон тўқимоқ* кўчма маъноси ҳосил бўлган. Мазкур лексик маъно кўчма маънони ҳосил қилувчи бўлиб келганида, шу лексик маъно оид бўлган феъл, юқорида қайд этганимиздай, орттирма писбат формасида эди. Бироқ ундан ҳосил бўлган кўчма маъно эса, тил қонуниятига нисбатан, орттирма нисбатдан холидир. *Ўйдирмоқ* феълининг семантик тараққиёти натижаси бўлган *ёлғон тўқимоқ* кўчма маънонинг йўқлиги ва грамматик маънога мос эмаслиги сабабли мустақил маънога айланиб кетган. Натижада эса *ўйдирмоқ* феъли шу ўринда икки феълга дифференциация бўлган, омонимия юзага келган.

Яна *тақилмоқ* ва *суйилмоқ* каби омонимлар ҳам юқорида қайд этилган ҳодиса, яъни нисбат формантидаги феълининг сақланимаган лексик маъносига асосланиб кўчма маъно ҳосил қилиши ҳисобига бойиган полисемантик сўз дифференцияси натижасида вужудга келган.

6. Полисемантик сўз структурасини ясама маънолар ҳам таркиб топтириши мумкин. Яъни ясама сўз ясалар экан, у ўзак сўзнинг маълум лексик маънолари ҳисобига ўз семантик структурасини таркиб топтиради. Ясама сўз лексик маъноларининг ўзаро боғланиши эса ўзак сўз лексик маъноларининг ўзаро боғланиши ҳолатида бўлади. Агар ясама сўз яна бир неча кўчма маънога эга бўлиб қолса, улар ўз ҳосил қилувчи маъносига боғланиб келади. Аммо ясама сўзлар шундай ҳолатда ясалиши ҳам мумкинки, унда ўзак сўзнинг ҳатто генетик маъносини ҳам ясад олиш зарурияти бўлмай қолади. Ясама сўзнинг ясалишида ўзак сўзнинг кўчма маънолари асосий роль ўйнайди. Бундай ҳолда ясама полисемантик сўз ўзак сўз лексик маъноларидан ясалишида иштирок этмай қолган жойидан иккига дифференциация бўлиб кетади ва омонимия юзага келади. Масалан, *бош* сўзнинг лексик маънолари, тўла ҳисобга олинмаган ўзбекча—русча лугатда 13 та деб қайд этилган. Шу сўзнинг генетик маъносидан тортиб кўпгина кўчма маънолари ундан феъл ясашда ҳеч қандай қимматга эга бўлмай қолган. Фақат унинг икки кўчма маъноси асосида феъл ясалган. Бунинг устига *бош* сўзнинг бу кўчма маънолари ўртасидаги ўзаро боғланиш генетик маъно орқали ўтарди. Ясама маъно учун ўзак маъно бўлиб қолган кўчма маънолардан бирни етакчи, раҳбар ифодасига эга бўлиб, ундан етакчи, раҳбар бўлмоқ деган ясама маъно ясалган. Феъл ясалиши учун ўзак маъно бўлиб келган иккичи кўчма маъно эса асосий уч ифодасига эга бўлиб,

ундан оёқ кийимининг юз чармини янгиламоқ деган ясама маъно ясалган. *Бош* сўзининг генетик маъносидан ясалган ясама маъно бўлмаганилиги мазкур ясама маънолар ўртасида ўзаро алоқа бўлмай қолишига сабаб бўлган. Натижада, ўша етакчи бўлмоқ ва оёқ кийимининг юз чармини янгиламоқ деган икки ясама маъно ҳисобида икки мустақил бошламоқ феъли ясалниб қолган, омонимия юзага келган. Яна феълга оид бажаришга киришмоқ деган лексик маъно ҳам бўлиб, у етакчи бўлмоқ лексик маъносига эга бошламоқ феълининг кўчма маъносидир.

Яна қадоқ омоними ҳам ўзак сўздаги айрим кўчма маъноларнинг сўз ясашда иштирок этмаслиги натижасида вужудга келган.

Демак, полисемантик сўз структурасидаги айрим лексик маъноларнинг ўзаро боғланиши узилар экан, шу ўринда полисемантик сўз дифференциацияга учрайди. Тилдаги бу қонуният эса омонимияни юзага келтиради.

Ўзбек тилида сўзларнинг фонетик тараққиёти ҳам омонимияни юзага келтиради. Сўзининг фонетик тараққиёти тушунчаси остида сўз фонетик структурасидаги айрим нутқ товушларининг ё позициони, ё комбинатор ҳолатга қўра ўзгариб кетиши тушунилади. Шунинг натижасида сўзлар бошқа бирор сўз билан талаффуз жиҳатидан бир хил келиб қолади. Албатта, бунда сўзининг фонетик структураси жиҳатидан ўзгариб кетиши қонуният бўлиб, иккичи бир сўз билан талаффуз жиҳатдан бир хил бўлиб қолиши эса тасодифdir. Сўздаги нутқ товушлари ўзгариши қонуниятла-ри бир қанча, бироқ уларнинг ҳаммаси ҳам омонимияни юзага келишида роль ўйнайвермайди. Омонимияни юзага келишида роль ўйнайдиган нутқ товуши ўзгариши қўйидагичадир.

1. Айрим нутқ товушларининг конвергенцияси ҳам сўз фонетик структурасининг ўзгариши ва иккичи бир сўз билан талаффуз жиҳатидан бир хил бўлиб қолиши, яъни омонимия юзага келишига сабаб бўлиши мумкин. Лекин бу кўпроқ унли товушлар конвергенциясига хосdir.

Унли товушлар конвергенцияси Е. Д. Поливанов классификациясига кўра ассимилятив ва чатишма конвергенцияларга бўлиниади. Уларнинг ҳар иккиси ҳам омонимияни юзага келишида роль ўйнайди.

Ассимилятив конвергенциянинг формуласи $a+b>a$ ёки b бўлиб, у икки нутқ товуши тарихий тараққий этиши натижасида бир иккичисига сингиб кетишидир. Масалан, ўзбек тили тарихида ҳам олд қаторга оид, тор, лабланган унли (γ), ҳам орқа қаторга оид, тор, лабланган унли (y); яна олд қаторга оид, ўрта кенг, лабланган унли (θ), ҳам орқа қаторга оид, ўрта кенг, лабланган унли (o) бор эди. Тарихий тараққий этиш натижасида эса уларнинг олд қатор унлилари орқа қатор унлиларига сингиб кетди. Ҳозирги ўзбек адабий тили нормаси учун асос шу. Ўзбек тили тарихидаги мазкур товушлар айрим шеваларда сақланиб қолган бўлса ҳам, адабий тил учун аҳамиятсизdir. Бу ҳодиса эса

ўзбек адабий тилида омонимиялар юзага келиши учун сабаб бўлган. Масалан, *қалла қил*- лексик маъносига эга *сўз- сўзи*, ёнилиги қолдиги лексик маъносига эга *кул- сўзи*, уйқудаги мия жараёни лексик маъносига эга *туш сўзи* ўзбек тили тарихида олд қатор унли билан талаффуз этилар эди. Ҳозир ҳам уларнинг унлиси бошқа туркий тиллар ва айрим ўзбек шеваларида ўшандай талаффуз этилади. Ҳозирги ўзбек адабий тилида уларнинг унлиси орқа қаторга оид бўлгани учун сув юзида ҳаракат қил лексик маъноси *суз-*; шодликни юзда ифода *эт-*; лексик маъноли *кул-*, настга ўзингни *ол-* лексик маъноси *туш сўзлари* билан омонимияни юзага келтирган. Шулар каби яна *ӯч, ӯт, ӯр, сўқ, кўн, тўр* каби омонимларнинг вужудга келиши ҳам ассимилятив конвергенция натижасидир.

Чатишма конвергенциянинг формуласи *a+b < a+b <* в бўлиб, у иккни нутқ товушни тарихий тараққиёт натижасида биррикб кетиб, учинчи бир товушни юзага келтиришидир. У фақат чўзиқ *a:* ва орқа қатор *a* унлиларининг орқа қаторга оид кенг, лабланмаган унлини ҳосил қилиши билан юзага чиққан. Масалан, *от, оз, ол* омонимларнинг таркибига кирувчи бир сўз тил тарихида чўзиқ *a:* билан талаффуз этилган эди. Яна *оқ, боғ* омонимларини таркиб топтирувчи сўзлардан бири эса тил тарихида орқа қаторга оид *a* билан талаффуз этилган эди.

Ундош товушлар конвергенцияси ҳам ўзбек тилида омонимия юзага келиши учун сабаб бўлиши мумкин. Бироқ унга кўра вужудга келган омонимлар миқдори унлилар конвергенцияси сабабли вужудга келган омонимлардан шиҳоятда камдир. Бунинг устига улар фақат ўзлашгаш лексика ҳисобигадир. Масалан, *са-فار* омоними арабча *سفرى* (йўл юриш) ва *سفرى* (оїн номи) сўзларидан, салиб омоними арабча *صایت* (салла гули бута) ва *ثلب* (бут) сўзларидан, хадис омоними арабча *خُلُست* (куч сипашув) ва *دلیل* (далил) сўзларидан таркиб топган. Бунинг учун ўзлаштирма сўзлардаги ўзбек тилида йўқ товушларнинг мавжудлари ҳисобига сипғидириб юборилиши асосий роль ўйлаган.

2. Айрим нутқ товушларининг урчиши ҳам сўз фонетик структурасининг ўзгариши ва иккинчи бир сўз билан талаффуз жиҳатидан бир хил бўлиб қолишига, яъни омонимия юзага келишига сабаб бўлиши мумкин. Нутқ товушларининг урчиши бир неча кўринишга эга.

Нутқ товушининг урчишларидан бири жарангиз товушнинг жаранглишишида кузатилади. У кўпроқ анлаутларда учрайди. Масалан, бут омоними таркибида сон лексик маъноли ва санам лексик маъноли икки сўз бўлиб, унинг биринчиси тил тарихи ва шеваларда жарангиз аплаутга эга эди. Шунингдек *жар* омоними ҳам оқар сув ювиб ўтган чуқурликлар ва чақириқ лексик маъноларига эга икки сўздан таркиб топиб, уларнинг иккинчиси чақир *<ча: р<чар<жар* этимологиясига эга, яъни жарангиз анлаутга эга эди.

Жарангиз ауслаутларнинг жаранглилашиши ҳам кузатилади, аммо улар омонимия вужудга келишида роль ўйнамайди.

Нутқ товушининг урчишларидан бири портловчи товушнинг сирғалувчанлашишида кузатилади. У анлаутларда ҳам, ауслаутларда ҳам учрайди. Масалан, бўёқ лексик маъносига эга сўз қал>ҳал тараққиётига эга бўлиб, унинг аилаути урчиши иккичи бир амалга оширмоқ лексик маъносига эга ўзлашма ҳал сўзи билан омонимийнг вужудга келиши учун сабаб бўлган. Яна чоғ омоними вужудга келишида эса уни таркиб топтирувчи сўзлардан кичик лексик маъносига эга бўлган сўзниңг ауслаути сирғалувчанлашиши роль ўйнаган: чақ>чоғ.

Нутқ товушининг урчишларидан бири африкат товушнинг парчаланишида кузатилади. Бунда африкат таркибидаги товушлардан бири тушиб қолиб, иккинчиси сақланади. У анлаутларда ҳам, ауслаутларда ҳам учрашига қарамай, омонимиянг юзага келишида фақат анлаут африкатларнинг урчиши роль ўйнайди. Мас. тус омоними икки сўздан таркиб топган. Уларниң бири ранг, иккинчиси Чустга оидлик лексик маъносига эга. Кейинги сўз эса Чуст бўлиб, унинг аилаути африкати урчиб, ауслаути днерезага учраган: Чуст>тус. Бу ҳодиса гарчи тилда кўпгина учраса ҳам, бундай анлаут қоришиғи урчиган сўзлар бошқа сўз билан омонимиини юзага келтириши кенг тарқалмаган.

Нутқ товушининг урчишларидан яна бири сўзниңг айрим ундоши нисбатан қулай артикуляция ўрнига эга товуш билан алмашинишидир. У анлаутларда ҳам, ауслаутларда ҳам бирдай учрайди. Масалан, занг омоними темир оксиди лексик маъносига ва уриб овоз чиқартириш учун осиб қўйилган темир парча лексик маъносига эга икки сўздан таркиб топган. Иккичи сўзниңг эса аилаути урчиган жанг>занг. Тос, оз, ун омонимлари таркибидаги сўзлардан бирининг анлаути мазкур кўринишдаги урчишга учраган: тош>тос, ор->оз, ўн->ун. Нутқ товушининг урчиши қулай артикуляция ўрнига кўчиш орқали содир бўлиши аилаутларда ҳам учрайди. Масалан, кўза омоними рўза тутмаган лексик маъносига эга ва буюм ифодасига эга икки сўздан таркиб топган. Кейинги сўз кўра>кўза фонетик ўзгаришига учраган.

Нутқ товушининг урчишларидан ниҳоят яна бири сўздаги айрим ундошнинг йлашишидир. У анлаутларда ҳам, ауслаутларда ҳам бирдай учрайди. Масалан, ёр-сўзи чар>жар->жар>йар- фонетик тараққиётга эга бўлиб, у ўзлашма ёр сўзи билан омонимиини юзага келтирган. Яна тўй- сўзи тук>туг>туй- фонетик тараққиётига: ўй сўзи ог>ўй фонетик тараққиётига: ўй- сўзи ўр>ўй- фонетик тараққиётига эга бўлиб, улардан биринчиси сез- лексик маъноли сўз билан, иккичи эса учинчи сўз билан омонимиини юзага келтирган.

3. Айрим нутқ товушларининг сўз таркибидаги ассимиляцияси сўз фонетик структурасининг ўзгариши ва иккичи бир сўз билан талаффуз жиҳатидан бир хил бўлиб қолиши, яъни омонимия юзага келтиришга сабаб бўлиши мумкин. У улилар ассимиляцияси (сингармонизм)да ҳам, ундошлар ассимиляциясида ҳам юз

беради. Бироқ ассиимиляция ҳодисаси омонимияни юзага келтириш нутқтаи назаридан жуда пассивдир.

Сўзниг сингармонизм натижасида бошқа бирор сўз билан омонимияни юзага келтиришига мисол келтирамиз: *тик+она*>*тигона*>*тигона*>*тегама*; *таг+она*>*тагона*>*тегама*; *тег+она*>*тигона*>*тегана* ва ҳоказо. Бу сўзлар: 1) катта игна, 2) қудукнинг остки тахтаси ва тегирмонтош остлиги; 3) отга тегадиган ланг лексик маъноларига эга. Яна *буд+а+ла*>*будана*>*бедана* фонетик тараққиёти билан ва *бе+дон+а*>*бедона*>*бедана* фонетик тараққиёти билан шаклланган икки сўз ҳам ўзаро омонимияни юзага келтирган.

Сўзниг ундошлари ассиимиляцияси натижасида бошқа бирор сўз билан омонимияни юзага келтиришига мисол келтирамиз: *эн+лик*>*эллик* фонетик ўзгаришига эга бўлган сўз саноқ сон эллик сўзи билан, *хўр+лик*>*хўллик* фонетик ўзгаришига эга бўлган сўз *хўл+лик*>*хўллик* ясама сўзи билан омонимияни юзага келтирган.

4 Айрим нутқ товушларининг сўзниг фонетик структурасидан тушиб қолиши (диэреза ҳодисаси) сўз фонетик структурасининг ўзгариши ва иккичи бир сўз билан талаффуз жиҳатидан бир хил бўлиб қолиши, яъни омонимияни юзага келиши учун сабаб бўлиши мумкин. Бу ҳодиса анлаутларда ҳам, инлаутларда ҳам, ауслаутларда ҳам учрайверади. Бироқ диэрезанинг юзага чиқиш турли фонетик ҳолисаларининг натижаси бўлади. Масалан, *жироқ*>*йироқ*>*ироқ* фонетик ўзгаришига эга бўлган сўз куйноми *ироқ* сўзи билан, *бўлаш*>*вўлаш*>*улаш* фонетик ўзгаришига эга бўлган сўз биритирмоқ лексик маъносига эга улаш сўзи билан омонимияни юзага келтирган. Фонетик ўзгаришига учраган сўзлардаги товуш диэрезаси товуш учрашини натижаси бўлган. Бу эса ҳамма вақт аилаутларда кузатилади.

Ясовчи аффиксга ургу кўчиши негизининг сўнгги бўрини ургусизланиши ва ургусиз бўгиндаги товуш диэрезага учрашини кузатилади. Фонетик ўзгаришига учраган сўз эса бошқа бирор сўз билан омонимияни юзага келтириши мумкин. Масалан, *ув+ли*>*ули* фонетик ўзгаришига учраган сўз *яллиғлан-* лексик маъносига эга *ули*—сўзи билан, *эгириш*>*эйириш*>*э: риш*>*эриш* фонетик ўзгаришига учраган сўз ҳаракат номи *эриш* сўзи билан омонимияни юзага келтирган. Бу эса ҳамма вақт инлаут уилилар диэрэзаси натижаси сифатида юзага чиқади.

Ауслаут редукцияси айрим ҳолларда диэрезага олиб келишини кузатилади. Фонетик ўзгаришига учраган сўз эса бу ўринда ҳам бошқа бирор сўз билан омонимияни юзага келтириши мумкин. Масалан, *адоқ*>*адо* фонетик ўзгаришига учраган сўз *бажо* лексик маъносига эга *адо* сўзи билан омонимияни юзага келтирган.

Яна *ҳасват*>, *و، ہسوں* *ҳасва* (яра номи) фонетик ўзгаришига учраган сўз эса ҳашаротни биллирувчи ҳасва сўзи билан омонимияни юзага келтирган. Бу ҳодиса натижасида омонимиянинг юзага келиши эса ниҳоятда пассивдир.

5. Сўзда янги нутқ товушининг орттирилиши сўз фонетик структурасининг ўзгариши ва иккинчи бир сўз билан талаффуз жиҳатидан бир хил бўлиб қолиши, яъни омонимия юзага келиши учун сабаб бўлиши мумкин. Бу ҳодиса фақат янги инлаут орттириш ҳисобига юзага келади. Сўзда янги анлаут орттирилиши ҳам, янги ауслаут орттирилиши ҳам кузатилади. Лекин улар омонимия юзага келишида роль ўйнамайди.

Сўзда янги инлаут орттирилиши эпентеза дейилади. Масалан, **форсча бино** (فُرْسَچَة بِنَو) сўзи ўзбек тилида эпентезага учраган ва **бино** (иморат) ҳолатида талаффуз этилади. Бу сўз иккинчи бир эътибор лексик маъноли **бино** сўзи билан омонимияни юзага келтирган. Эпентеза мавжуд ундошнинг такрор қўлланиши орқали юзага чиқиши ҳам мумкин. Бундай эпентеза эса геминация дейилади. Масалан, **чек+a** ва **чак+a** ҳолатида сўз ясалгач, бу сўзларнинг инлаут ундоши геминацияга учраган ва улар чекка ва чакка фонетик структурасига эга бўлиб қолган. Биринчи сўз регрессив сингармонизмга учрагач, улар ўзаро омонимияни юзага келтирган.

Эпентеза сабабли омонимиянинг юзага келиши ҳам ниҳоятда кам, бармоқ билан санарли даражададир.

6. Сўзда метатеза содир бўлиши ҳам сўз фонетик структурасининг ўзгариши ва иккинчи бир сўз билан талаффуз жиҳатидан бир хил бўлиб қолиши, яъни омонимия юзага келиши учун сабаб бўлиши мумкин. Бунда эса фақат дистант метатеза роль ўйнай олади. Масалан, арабча **мизож (مِزْجَة) сўзи ўзбек тилида метатезага учраб, **мижоз** ҳолида талаффуз этилади. У иккинчи бир алоқадаги лексик маъносига эга ўзлашма **мижоз** сўзи билан омонимияни юзага келтирган. Яна туман сўзи ҳам шундай фонетик ўзгариш натижасидир. У **тун+а+m>тунам>туман** ҳолатидаги ясалиш ва фонетик тараққиётига эга. У ҳозир эса саноқ сон билдирувчи туман сўзи билан омонимияни юзага келтирган.**

Дистант метатеза ўзбек тилида жуда кам учрайдиган фонетик ҳодисадир. Шунинг учун ҳам бир компоненти бу ҳодисага учраган омоним учун юқоридагидан ташқари мисол чиқмади.

Демак, нутқ товуши ўзгаришининг конвергенция, нутқ товуши урчиши, ассимиляция, диэреза, эпентеза ва метатеза каби ҳодисалари омонимия юзага келишида роль ўйнайди.

Ўзбек тилида сўзлар аффиксацияси ҳам омонимияни юзага келтиради. Бунда бир неча ҳодисаларни кузатиш мумкин. Омонимия таркибидаги сўзлардан янги сўз ясалади ва ясама сўзлар ҳисобида яна омоним вужудга келади. Баъзан унинг компонентига икки аффикс ва улардан таркиб топган қўйша аффикслар қўшилиши мумкин. Шунингдек, ясама сўз бошқа сўз билан фонетик структураси жиҳатидан тенг бўлиб қолади ва ҳоказо.

Омонимлардан омонимлар ясалганда кўпинча улар компонентига бир аффикснинг teng қўшилиши кузатилади. Масалан, от ясовчи **-лик**, **-чи**, **-дор**, **-гич**, **-м** аффикслари шу хусусиятга эгадир. Яъни қизиқ омоними эътибор тортиш хусусиятига эга лексик маъ-

ноли ва қизитилган лексик маъноли икки сўздан таркиб топган. Улардан қизиқлик омоними ясалган. Шунга ўхшаш яна очлик, суюклиқ, сурғилиқ, юғанилик, устуңлик каби ясама омонимлар -лик аффикси воситасида: ромчи, чалмачи, чангчи каби ясама омонимлар -чи аффикси воситасида: шоҳдор, аламдор, қадақдор каби омонимлар -дор аффикси воситасида: сузгич омоними -ғич аффикси ўрим омоними -им аффикси воситасида ясалган.

Сифат ясовчи -ли, -сиз, -ий, -қ аффикслари воситасида ҳам омонимлардан омоним ясаш мумкин. Масалан, чакка омоними сузма лексик маъносига эга ва шифтдан томувчи сув лексик маъносига эга икки сўздан таркиб топган. Унинг компонентларига -ли аффикси қўшилиб, иккита сифат туркумига оид сўз ясалган. Бу сўзлар эса чаккали омонимини вужудга келтирган. Шунга ўхшаш яна қўноқли, чечакли, солиқли каби омонимлар-ли аффикси воситасида; касрсиз, штатсиз, қадоқсиз каби омонимлар-сиз аффикси воситасида; расмий, савдоий каби омонимлар -ий (-ий) аффикси воситасида; очиқ, озиқ, ёзиқ каби омонимлар -қ (-иқ) аффикси воситасида ясалган.

Феъл ясовчи-ла аффикси воситасида ҳам омонимлардан омоним ясаш мумкин. Масалан, пар омоними буг лексик маъносига эга ва майин пат лексик маъносига эга икки сўздан таркиб топган. Бу сўзлардан иккита парламоқ сўзи -ла аффикси воситасида ясалган бўлиб, улар ҳам омонимияни юзага келтирган. Шунингдек, тойламоқ, шўраламоқ, дастламоқ, бронламоқ каби омонимлар ҳам-ла аффикси воситасида ясалган.

Объектив оламда предмет, воқелик, белги, ҳаракат ва ҳолат кабилар ўзаро боғлиқ бўлади, бир-бирини тақозо қилади. Бу эса отдан сифат, сифатдан от ва улардан феъл каби сўз ясалишига сабаб бўлади. Бундай бир туркумдаги сўздан иккинчи туркумга оид сўзларнинг ясалиб туриши эса сўз уясининг шаклланишига олиб келади. Юқорида кўриб ўтдикки, омонимлардан ҳам омонимлар ясалиши мумкин экан. Шунга биноан, омонимик уя ҳам тилда мавжуд факт ҳисобланади. Масалан, қада- полисемантик сўзидан қадоқ омоними ясалган бўлиб, у лексик маънолари ўлчов бирлигини ифода этувчи, касалликни ифода этувчи, чегани ифода этувчи уч сўздан таркиб топган. Бу омонимдан эса қадоқчи, қадоқчилик, қадоқламоқ, қадоқли каби омонимлар ясалган бўлиб, улар омонимик уяни шакллантиради.

Турли ўзакдан турлича аффикс воситасида талафзузи жиҳатидан бир хил бирдан ортиқ сўз ясалиши, яъни омонимия юзага келиши мумкин. Бу баъзан омоним компонентларига а+б аб типли аффикслар қўшилиб, сўз ясалишида кузатилади. Масалан, руҳ омоними жон лексик маъносига эга сўз ва метални ифода этувчи лексик маънога эга сўздан таркиб топган. Унинг биринчидан руҳ+лан ҳолатида -лан аффикси билан иккинчисидан руҳ+ла+н ҳолатида -ла ва -н аффикси билан сўз ясалди, яъни яна омонимия юзага келди. Яна хўшилашмоқ омоними ҳам а+б аб типли аффикслар воситасида ясалган.

Омонимдан омоаффикс воситасида ҳам омоним ясалиши мумкин. Масалан, *оқ* омоними феълга оид ва сифатга оид икки сўздан таркиб топган. Ундаи-ши омоаффикси воситасида оқши омоними ясалган. Бу омоним таркибида эса сифатга оид ва ҳаракат номига оид икки сўз мавжуд. Худди шунга ўхшаш омоаффикс воситасида омонимдан ўтиң, кириши омонимлари ҳам ясалган.

Ўзбек тилида вариантили аффиксларнинг мавжудлиги ҳам омонимия юзага келишига сабаб бўлади. Бундай вариантили аффикслар *-в/-ов*, *-қ/-оқ*, *-к/-ак* кабилардан иборат. Бунда вариантили аффикслар шундай ўзакларга қўшиладики, бир ўзак иккинчисидан ўз ауслаути бўлган унли товушга кўра фарқланади. Бу унли товуш эса аффикс вариантидаги ортиқча унлига тенг келади. Масалан, *ўт-* ва *ўта* туб сўзларнинг иккинчисиси биринчисидан ўз ауслаути *а* унлисига кўра фарқ қиласди. Шунинг учун уларнинг биринчисига *-оқ*, иккинчисига *-қ* дан иборат икки вариантили бир аффикс қўшилиши, яъни икки ўтоқ сўзи ясалиши омонимияни юзага келтирган. Худди шунга ўхшаш ўзак, ялов омонимлари ҳам вариантили аффикслар воситасида ясалган. Омонимларнинг бундай сабабга кўра вужудга келишида баъзи фонетик қонуниятлар ҳам маълум даражада роль ўйнайди. *ўта+қ>ўтақ>ўтоқ* жараёнидаги олашиб, *ўра+к>ўрак>ўзак>ўзак* жараёнидаги р товушининг урчиши кабилар.

Икки ўзакка бир аффикс қўшилиши ҳам омонимияни юзага келтириши мумкин. Масалан, *май+ли>майли*, *майл+ли>майлли>майли* каби. Бу ясама сўзлар биргаликда омонимни таркиб топтиради.

Икки бир-биридан маълум товушга кўра фарқланувчи ўзакка икки аффикс қўшилиши ҳам омонимияни юзага келтиради. Бу ўриндаги икки аффикс ўзаро фонетик структурасига кўра вариантили аффиксларга ўхшаш муносабатда бўлиши керак. Масалан, *куй-+ка>куйка* ва *куйк+a>куйка ясама сўзларининг ясалишидаги каби*. Бу ясама сўзлар бирга омонимияни юзага келтиради.

Яна қуйидаги ҳолатда ўзбек ва чет тилида ясалган сўзларнинг ўзбек тилида учрашиб, бир хил талаффузга эга бўлиб қолишини, омонимияни юзага келтиришини ҳам кузатиш мумкин. Масалан, *кўп+чик>кўпчик* ва *куп+щик>купщик>кўпчик* каби. Яна *бе+шак>бешак* ва *беш+ак>бешак* каби. Ҳар икки жуфтлик ҳам ўзбек тилида омонимни вужудга келтирган.

Бир ўзакдан бир аффикс воситасида талаффузи жиҳатидан бир хил бирдан ортиқ сўз ясалиши, яъни омонимия юзага келиши мумкин. Бунда сўз ясаш икки шароитда бир-бири билан алоқасиз ҳолатда ясалган бўлади. Булар луғат фондида тўпланганда эса омоним ҳолида қайд этилади. Масалан, *ўс-* ўзаги ва *-ма* аффикси воситасида ясалган икки сўзга эътибор берайлик. Уларнинг бири ўсимликни, иккинчиси касалликни билдирувчи ўсма сўзларидан иборатdir. Яна *қўн-* ўзаги ва *-оқ* аффикси воситасида ясалган икки қўноқ сўзи мавжуд бўлиб, уларнинг бири меҳ-

мон лексик маъносига, иккинчиси бошоқли, бир йиллик ёввойи ўт лексик маъносига эга.

Демак, аффиксация ҳам омонимия юзага келишида роль ўйнайди. Унга кўра омонимиянинг юзага келиши деярли сўз ясаш қонуниятлари доирасида бўлади. Бу эса айрим ҳолларда омонимик уялар шаклланишига олиб келади.

Хуллас, 1) омонимия учун критерия бирдан ортиқ сўз ва уларнинг талафузда бир хил келиши бўлиб, графика ҳеч қандай роль ўйнамайди, 2) у тил факти ҳисобланиб, маълум терриитория ва маълум давр нуқтаи назаридан олиб таҳлил этилади, 3) уни тил тараққиётининг ташқи манбаи ҳам, ички манбаи ҳам юзага келтиради. Бунда адабий тил тараққиёти ташқи манбанинг ҳам чет тилдан, ҳам шевалардан сўз қабул қилиниши; ички манбанинг конверсион, семантик, фонетик, аффиксиал сўз ясашларининг ҳаммаси назарда тутилади. Композиция йўли билан сўз ясаш омонимияни юзага келтирмайди; 4) ташқи манба ҳисобига ва сўзларнинг фонетик ўзгариши ҳисобига омонимиянинг юзага келиши тасодиф бўлиб, конверсион, семантик ва аффиксиал сўз ясаш ҳисобига омонимиянинг юзага келиши қонунийдир.

ЛЕКСИКОГРАФИЯ

Лексикография тилшуносликнинг алоҳида соҳаси бўлиб, маълум даражада лексикология билан боғлиқдир. Унинг икки тармоғи бор: 1) лугатчилик, 2) лугат тузиш билан боғлиқ назарий масалалар.

Лугатлар, ўз моҳияти эътибори билан, икки типга бўлинади: 1) энциклопедик, яъни қомус лугатлар; 2) лингвистик лугатлар. Энциклопедик лугат билан лингвистик лугат ўзаро икки жиҳатдан фарқ қиласди: 1) обьекти жиҳатидан, 2) сўзлиги жиҳатидан. Лингвистик лугатларнинг обьекти сўзлардир. Бундай лугатлар сўзларнинг семантикаси, грамматик хусусиятлари, имлоси, талаффузи, тарихи, тараққиёти, келиб чиқиши ва ҳоказолари ҳақида маълумотлар беради. Энциклопедик лугатларнинг обьекти сўзларда ифода топган нарса, ҳодиса, тушунча, шахс кабилардир. Бундай лугатларда нарса, ҳодиса, тушунча, шахс ҳақида справкалар қайд этилади. Лингвистик лугатларнинг сўзлигига умумлашган ифодага эга лексик маъноли барча туркумдаги сўзлар, шунингдек ёрдамчи, модал, ундов, тақлид сўзлар, юкламалар қайд этилади. Энциклопедик лугатларнинг сўзлигига эса терминлар, тарихий ҳодиса номлари, шунингдек жой, дарё, буюк шахс ва ҳоказоларни кўрсатувчи атоқли отлар берилади. Энциклопедик лугатларда синф ва партия манбаатлари назарда тутилгани ҳолда, лингвистик лугатлар бу нуқтаи назардан нейтралдир.

Ўзбек лугатчилиги тарихида энциклопедик лугатларни яратиш кейинги вақтларда йўлга қўйилди. 1950 йиллардан бошлаб баъзи фанларга оид терминологик энциклопедик лугатлар яратилди. 1966 йилдан тўла «Ўзбек совет энциклопедияси»ни тузишга киришилди.

Мана шуларни назарда тутиб фақат лингвистик лугат ҳақида тўхтаб ўтамиз. Аввал ўзбек лугатчилиги тарихи ҳақида, кейин лугат типлари ҳақида маълумот берамиз.

Ўзбек лугатчилиги тарихи

Ўзбек лугатчилигида лингвистик лугатлар яратиш жуда узоқ тарихга эга. Ўзбек лугатчилиги ўзбек халқининг тарихий тараққиёти билан боғлиқ ҳолда ривожланди. Тарихий шароитнинг

турли талаблари билан лугатнинг турли типлари яратилди. Ўзбек лугатчилиги тарихи тўрт даврга бўлинади.

Биринчи давр лугатларнинг араб лугатлари тузилиши тартибида яратилганлиги билан характерланади. Бу лугатлар сўзлигининг берилиши ўзига хосдир. Унда аввал сўзнинг нечта ҳарф билан ёзилиши эътиборга олинади. Сўзликда кам ҳарф билан ёзиладиган сўзлар аввал, нисбатан ортиқ ҳарф билан ёзиладиган сўзлар кейин келтирилади. Сўзлар икки туркумга — номлар ва феълларга ажратиб берилади. Бунда номлар олдин, феъллар кейин тасвирланади. Сўзлик тартибида сўзларнинг қандай ундошга эгалиги ва уларнинг ўринлашиш тартиби ҳам роль ўйнайди.

Биринчи давр лугатчилиги XI—XIII асрларни ўз ичига олади.

Ўзбек лугатчилигининг биринчи даври шарқнинг улуг олими, филолог ҳам лугатчи Маҳмуд Кошғарийнинг XI аср ёдгорлиги бўлмиш «Девону луготит турк» («Турк сўзлари тўплами») лугат билан бошланади. Бу давр лугатчилиги учун характерли бўлган иккинчи лугат «Аттуҳфатуз закияти филлуғатит туркия»dir.

«Девону луготит турк»нинг сўзлигидаги туркий сўзлар араб тилида тушунтириб берилади.

«Девону луготит турк» уч томдан иборат. Унинг биринчи томи лугатнинг ярмини ташкил қилиб, икки ҳарфлиларнинг феългача бўлган қисмини ўз ичига олган. Икки ҳарфли феъллардан тортиб, тўрт ҳарфли феълларгача ҳаммаси иккинчи томга киритилган. Қолган сўзлар учинчи томни ташкил қиласди.

«Девону луготит турк» тушунтириш текстлари дастлаб Босим Аталай томонидан турк тилига таржима қилинди ва 1939—1941 йилларда Туркияда нашр этилди. Кейинчалик унинг тушунтириш текстлари ўзбек тилига Солиҳ Муталлибов томонидан таржима қилинди ва F. A. Абдураҳмонов таҳрири остида Тошкентда 1960—1963 йилларда нашр этилди. Лугатдаги сўзлик тартиби фойдаланишда анча қийинчилик туғдирганлигини назарда тутиб, «Девону луготит турк индекси» ҳам яратилди ва у 1967 йил нашр этилди. Индексда «Девону луготит турк» сўзлигидаги сўзлар ҳозирги ўзбек алфавити тартибида берилган.

«Аттуҳфатуз закияти филлуғатит туркия» М. Кошғарий лугатидан кейин яратилган қадимги лугатларданadir. Тузилиши жиҳатидан у М. Кошғарий лугатига ўхшаб кетади.

Лугатнинг тузилган йили, тузувчиси номаълум. Лекин «Кириш» қисмидаги айрим маълумотлардан аён бўлишича, у қипчоқлар салтанати даврида Мисрда яратилган деб таҳмин қилинади.

«Аттуҳфатуз закияти филлуғатит туркия» уч қисмдан таркиб топган: 1) қисқача кириш ва графикага оид маълумотлар; 2) лугат (таржимаси билан); 3) грамматик маълумотлар.

Лугатнинг «Кириш» қисмida графикага оид маълумотлар берилади. Лугат қисми отлар ва феълларга бўлиб берилади. Отлар эса баъзан тематик қисмларда, баъзан арабча таржимаси бўйича биринчи товуши товушдош сўзлар ичida берилади. Феъллар эса биринчи товушлари бўйича қисмларга ажратилиб, ўтган за-

мон формасида қайд этилган. Грамматик маълумотлар қисмida эса сўзлар от, олмош, сон, феъл каби туркумлар доирасида олиниб, формантлари ҳақида маълумот келтирилади.

С. М. Муталлибовнинг ўзбек тилига таржимаси бўйича Ф. Абдуллаевнинг масъул мухаррирлитига 1968 йил Тошкентда нашр этилди. Китоб икки қисмдан иборат бўлиб, унинг биринчи ярмида «Аттуҳфатуз зияти филлугатит туркия» тўла келтирилган ва иккинчи ярмида эса «кўрсаткичлар» берилган.

XI аср луғатчилиги шу икки луғатдангина иборат эмас. Мазкур луғатларнинг анча салмоқдор эканлиги ва унда қайд этилишига қараганда ҳам, XI асрдагача ва шу асрда ҳам бир неча туркий луғатлар бўлган, аммо улар бизгача етиб келмаган.

Иккинчи давр луғатчилиги XV асрдан 1862 йилгача бўлган даврни ўз ичига олади. Бу даврга оид луғатлар асосан Толе Хиротийнинг «Бадоевл луғат»и, тузувчиси номаълум бўлган «Абушқа», Мехдиҳоннинг «Санглах» и ва Фатхалихоннинг «Чиратойчадорсча луғати» дан иборат.

Толе Хиротийнинг «Бадоевл луғат»и, номаълум авторнинг «Абушқа» ва Мехдиҳоннинг «Санглах» луғати ҳозирги давр тилшунос олимлари томонидан текстологик ўрганиб чиқилган ва кўп нусхада нашр ҳам этилган.

Бу давр луғатлари ичида Толе Хиротийнинг «Бадоевл луғат»и алоҳида ўрин тутади. У «нодир сўзлар» деган маъниони билдиради.

«Бадоевл луғат» Ҳиротда Темурий сулоласидан бўлган Султон Ҳусайн ҳукмронлиги даврида 1500 йилларда тузилган. Унинг «Кириш» қисмida айтилишича, луғат шахсан султон Ҳусайннинг топшириғи билан Алишер Навоийнинг олий савияли шеъриятини изоҳлаб бериш учун яратилган.

«Бадоевл луғат» сўзлиги мингга яқин сўз ва сўз формаларидан ташкил топган. У 89 варақдан иборат бўлиб, 180 бетни ташкил қиласди. Унинг биринчи ва иккинчи бети асосий вараққа кирмайди. Бу бетларда луғат паспортига оид белгилар берилган деб ўйланади. Аммо у сақланмаган. Луғатнинг учинчи бетидан ўнинчи бетигача бўлган варақларни луғатчилик ва мазкур луғат ҳақидаги баъзи маълумотлар, яъни «кириш» қисми ташкил қиласди. Луғат мақолалари алоҳида ажратилмай, кетма-кет бериб кетилган. Луғат сўзлиги алфавит тартибига олинган бўлса ҳам, биринчи харф назарда тутилган.

«Бадоевл луғат» проф. А. К. Боровков томонидан текстологик ва илмий жиҳатдан ўрганилган, унинг танқидий тексти 1961 йилда нашр этилди. Унинг «Кириш» қисмida эса луғат ҳақида бой маълумотлар берилган ва унинг «Абушқа» ва «Санглах» луғатларига муносабати кўрсатилган.

«Бадоевл луғат»нинг қўллэзмаси Ленинграддаги М. Е. Салтиков-Шедрин номли Давлат кутубхонасида сақланмоқда.

Бу давр луғатларидан яна бири «Абушқа» номли луғатdir. «Абушқа» мазкур луғат сўзидағи биринчи сўз бўлиб, у «эр,

эркак» маъносини билдиради. Лугатнинг номи бу сўзниг маъносига қараб эмас, балки унинг лугатда тутган ўрнига қараб номланган. «Абушқа» лугати «Бадоевл лугат»дан кейин юзага келган бўлиши керак.

Проф. А. К. Боровковнинг кўрсатишича, «Абушқа» лугати оригинал лугат эмас. У «Бадоевл лугат»нинг таржимаси ҳисобланади. Яъни унинг сўзлиги «Бадоевл лугат»дан олинган бўлиб, форсча тушунтириш қисми туркчага таржима қилинган. Аммо «Абушқа» лугатининг тузувчиси лугат мақолаларини кўп ўринларда қисқартирган, кўп ўринларда қўшимчалар киритган. Айниқса, феълга оид сўзларнинг формаларини икки баробар кўпайтириб юборган. Шунингдек, «Бадоевл лугат»да тузувчи ўз фикрларини тасдиқлаш учун фақат Навоийдан мисоллар келтирган бўлса, «Абушқа»да шоир Убайдуллахон, Захириддин Бобир девонидан ҳам мисоллар келтирган.

«Абушқа» номли лугати «Бадоевл лугат»га нисбатан анча таниқлироқ бўлиб, у икки марта кўп нусхада босилиб чиқсан. Биринчи марта Г. Вамбери томонидан қисқартирилган ҳолда 1862 йил нашр эттирилди. Иккинчи марта В. В. Вельяминов-Зернов томонидан тўла ҳолда 1868 йил нашр эттирилди.

Бу давр лугатларидан яна бири «Санглах»дир. У Нодир шоҳ (1736—1747 йиллар таҳт тепасида бўлган)нинг тарихчиси Мирза Меҳдиҳон томонидан Алишер Навоий девонига тузилган эди. Бу лугат қачон дунёга келганлиги ҳақида ҳозирча аниқ бир маълумот йўқ. Аммо уни «Бадоевл лугат» ва «Абушқа» лугатларига нисбатан илгарироқ яратилган деб таҳмин қилинади.

Бу давр лугатлари ичida энг йириги Фатхалихон Кожарийнинг «Чигатойча— форсча» лугатидир. Бу лугатга ҳам Алишер Навоий асарлари асос қилиб олинган. У 1862 йилда тузилган. Лугатда саккиз минг сўз бор.

Бу давр лугатларидан бизга яна шайх Сулаймон Бухорийнинг Истанбулда 1880 йил нашр этилган «Чигатойча-туркча лугат» ва Фазлуллохоннинг Қалькуттада 1825 йил нашр этилган «Чигатойча-форсча» лугати маълум. Аммо бу лугатлар ҳали ўрганиб чиқилганича йўқ.

Учинчи давр лугатчилиги 1878 йилдан 1917 йилгача бўлган даврни ўз ичига олади.

Бу давр лугатчилигининг биринчи намунаси сифатида А. Старчевскийнинг «Спутник русского человека в Средней Азии» номли лугатини кўрсатиш мумкин. Мазкур лугат 1878 йил Петербургда нашр қилинган бўлиб, унинг сўзлигида 13 минг ўзбек сўзи бор. Унда кўпроқ эски ўзбек тилига оид сўзлар берилган.

1880 йилда Ш. Ишаевнинг «Краткий русско-сартовский и сартовско-русский словарь» номли лугати нашр этилди. Бу лугат ҳажми ва икки томонлама таржима лугати эканлиги билан юқоридаги лугатга ўхшашдир. Лугатда сўзлашув намуналари ҳам илова қилинган. Унга давлат, йил, ой, кун номлари, муассаса ва

корхона турларининг аталиши, маҳаллий аҳолининг ёлчов бирликлари ва оғирлик ёлчов бирликлари ҳақида маълумотлар ҳам киритилган. Луғат 184 бетдан иборат, у Тошкентда нашр этилган.

Шундай луғатлардан яна бири В. И. Наливкин ва М. Наливкиналарнинг «Русско-сартовский и сартовско-русский словарь» асари дир. Бу луғатда асосан Наманган лаҳжасига оид энг кўп қўлланувчи ўзбекча сўзлар акс эттирилган. Унинг русча-сартча қисми сўзлигида 8500 сўз, сартча-русча қисми сўзлигида 4200 сўз қайд этилган. Луғат 480 бетдан иборат. У 1894 йил Қозонда босилиб чиқди. В. Наливкин худди шу луғати асосида яна «Руководство к практическому изучению сартовского языка («Сарт тилини мустақил ўрганувчилар учун қўлланма») номли луғатини тузди. Унинг русча-сартча қисми 2300 сўзни, сартча-русча қисми 1600 сўзни ўз ичига олади. Луғат 334 бетдан иборат. У 1898 йил Самарқандаги К. М. Федоров босмахонасида нашр этилган. Луғатчи яна мазкур ном остида 5600 сўздан иборат луғат нашр этирди. Бироқ бу луғат фақат русча-сартча луғат эди. У 1911 йил Тошкентда босилиб чиқди. Яна бир йил ўтгач, 1912 йил Тошкентда шу тузувчининг «Русско-сартовский и сартовско-русский словарь» луғати нашр этилди. Шуларга ўхшаш яна бир қанча луғатлар нашр этилган. С. А. Лапиннинг «Карманний русско-узбекский словарь («Русча-ўзбекча ён луғати») 1899 йил Самарқандда нашр этилган.

Н. Смоленскийнинг «Полный карманный русско-сартовский словарь» («Русча-сартча тўла ён луғати») 1912 йил, М. Преображенскийнинг «Карманный русско-сартовский словарь» («Русча-сартча ён луғати») 1917 йилда Тошкентда нашр этилди.

1917 йилгача яна бир неча луғатлар нашр этилди. Буларга биз З. А. Алексеевнинг «Фразы на сартовском языке» («Сарт тили фразалари») номли 1884 йилда Тошкентда нашр этилган, А. В. Старчевскийнинг «Переводчик с русского языка на сартовский» («Рус тилидан сартчага таржима қилувчи») номли 1886 йил нашр этилган, Т. Кияс-Бековнинг «Словарь и элементарная грамматика сартовского языка» («Луғат ва сарт тилининг элементар грамматикаси») номли 1908 йил Тошкентда нашр этилган, А. Ефимовнинг «Спутник русского врача по Средней Азии» («Рус врачанинг Ўрта Осиёдаги дастаги») номли 1909 йил Тошкентда нашр этилган қатор луғатларини кўрсатишимиш мумкин. Луғатчиликимиzinинг IV даври 1926 йилдан ҳозиргacha бўлган даврни ўз ичига олади. «Русча-ўзбекча луғат»нинг ташаббускори Е. Д. Поливановидир. 1926 йил Е. Д. Поливанов томонидан яратилган луғатнинг сўзлиги 4,5 минг рус сўзидан иборат.

Ўзбек адабий тилига асосланган сўзликка эга биринчи ўзбекча-русча луғат К. К. Юдахиннинг 1927 йил Тошкентда босилиб чиқкан «Ўзбекско-русский краткий словарь» номли луғатидир. Унинг сўзлиги 9 минг сўздан иборат эди. Фан ва маданиятнинг биринчи тармоқларига оид терминологик луғатлар яратила бошлиди. Масалан, сиёсий ва ҳуқуқ терминларига оид луғатлардан

Г. Юсуповнинг «Краткий русско-узбекский политico-юридический словарь»и 1926 йил, К. Саримсоқовнинг «Русско-узбекский административно-правовой словарь» ва 1933 йил Тошкентда, Б. Ильязовнинг «Русско-узбекский терминологический словарь по делопроизводству» («Иш бошқаришга оид русча-ўзбекча терминологик луғати») 1934 йил Тошкент-Қозонда босилиб чиққандан кейин шу йилларгача ҳарбий таълимга, эмбриологияга, анатомия, физиологияга, химияга, зоологияга, геологияга, педагогикага ва лингвистикага оид бир қанча терминологик таржима ва изоҳли луғатлар яратилди ва нашр этилди.

1927 йилга келиб имло луғати ҳам яратилди. Биринчи «Ўзбек тили имло луғати»ни А. Алавий тузди ва Тошкентда нашр этирди. Шундан кейин ўндан ортиқ имло луғати нашр этилди.

1957 йилда эса умумий ҳажмдаги изоҳли луғатни тузиш идеяси туғилди. У ҳозир нашр этилган. 1969 йил «Ўзбек тилининг диалектологик луғати» яратилди. Шу йили эса терс луғат юзага келди. 1972 йилга келиб «Частотали луғат» яратилди. Ўзбек луғатчилигига тематик луғатга қайта эътибор берилди. У фойдаланувчиларга 1976 йил тақдим этилди. Шу йили яна «Морфем луғат» ҳам юзага келтирилди. Икки тилли луғатларнинг эса тиллар бўйича доираси анча кенгайди.

Ўзбек луғатчилигининг тўрт даврига ҳам ўз характеристи билан мос келмаган айrim луғатлар бор. Бу луғатлар асосан савдо мақсадлари билан яратилган. Бу луғатларнинг ўзига хос томони шундан иборатки, 1) улар фақат таржима луғати бўлиб, кўп тиллар; 2) кичик ҳажмга эга; 3) сўзлиги тематик усулда жойлаштирилган; 4) сўзлик рўйхати савдо учун зарур бўлган лексика билан чегараланган. Бундай луғатларга хоразмлик машҳур олим Маҳмуд Абулқосим Замахшарийнинг «Муқаддиматул адаб» («Адабга кириш») ини кўрсатишими мумкин.

Луғат авторининг тўлиқ номи Абулқосим Маҳмуд бинни Умар ал Замахшарийдир. У луғатни 1128—1156 йиллар Хоразмга шоҳлик қилган Аловидавла Абулмузаффар Отсизнинг топшириғига биноан 1128—1143 йиллар орасида яратган. У тузилганда уч тilda: араб-форс-чигатой тилларида бўлган. Кейинчалик унинг таржимасига мўғул тили ҳам киритилди. Бу иш луғатни 1492 йил қайта кўчирувчи котиб Дарвеш Муҳаммад томонидан бажарилди.

«Муқаддиматул адаб» луғати беш қисм: 1) отлар, 2) феъллар, 3) ёрдамчи сўзлар, 4) отларнинг турланиши, 5) феълларнинг тусланишидан иборатdir. От туркумига оид қисмида отлар тематик бўлимларга: осмон жисмлари ва табиат ҳодисаларини ифодаловчи матал ва минералларни билдирувчи, ўсимлик билан, сув билан, алоқа муносабатлари билан боғлиқ географик характеристикага эга номларга ажратиб берилган. Феъллар араб грамматикаси традициясига мувофиқ ўзак таркибига асосланган ҳолда қисмларга бўлиб берилган. Луғатнинг олд қисмида қисқача «Кириш» бор.

Ўзбек луғатчилиги яна бир кўп тилли луғатга эга. Бу луғат-

нинг тузувчиси Исҳоқхонтўрахўжа Жўнайдилло бин Эшон бўлиб, у Наманган уездининг Тўрақўргон қишлоғи қозиси эди. «Сарт тили луғати» деб номланган мазкур луғат 1150 ўзбек сўзини ўз ичига олади. Унда ўзбекча сўзлар рус, араб, форс, турк, ҳинд тилларига таржима қилиб берилган. Таржимада асосан эквивалент бўла оловчи сўз топишга ҳаракат қилинган. Сўз маъноларига эса унча эътибор берилмаган. Унинг сўзлиги ҳам, таржималари ҳам бир хилда араб алифбосига асосланган транскрипцияда берилган. У кичик ҳажмда 53 бетдан иборат. Луғат 1901 йил Тошкентда кўп нусхада босилиб чиқкан.

Ўзбек луғатчилиги тарихида Муҳаммад Яъқуб Чингийнинг «Келурнома» номли тематик луғати ҳам маълумдир. «Келурнома» луғати 1659—1707 йиллар Ҳиндистонда Муҳаммадшоҳ Авранзеб аламгир Абулмузаффар Муҳиддин подшоҳлик қилган даврда яратилган. У туркий-чигатойча-форсча луғат бўлиб, 15 боб ва 343 фаслдан ташкил топган. Луғат подшоҳ Абулмузаффар Муҳиддин шаънига ёзилган мадҳ билан бошланган. Унинг дастлабки 6 боби феъл морфологиясига бағишлиланган, қолган 9 бобида эса сўзлар қўйидаги тематик доираларга бўлиб берилган: 1) осмон ва унга тааллуқ сўзлар; 2) ер ва унга тааллуқ сўзлар; 3) от, от афзаллари ва унга тааллуқ сўзлар; 4) қушлар ва уларга тааллуқ сўзлар; 5) инсон ва унинг ташқи аъзоларига оид сўзлар; 6) қариндош-уруғчиликни билдирувчи сўзлар; 7) қурол-аслаҳа билдирувчи сўзлар; 8) сон ва рақамлар; 9) ҳарфлар, шифрлар, олмошлар ва б.

«Келурнома» кичик ҳажмли луғат бўлганлиги учун, унда сўз маъноларини очишга унча эътибор берилган эмас.

Улуғ Октябрь социалистик революциясидан кейин ўзбек луғатчилиги жуда ривожланди. Айниқса, 1960 йилдан кейин эса ниҳоятда тараққий эта бошлади. Ўзбек тили билан чет тиллар ўртасида таржима луғатлари, ўзбек лексик қатламларини тўла ҳарактерлаб берувчи луғатлар, асарларнинг тилини кўрсатиб берувчи луғатлар яратила бошлади.

Ўзбек луғатларининг типлари

Ўзбек луғатчилигининг тараққиёти унинг барча луғат типларига эга бўлишини таъминлади. Уларни ўз типларида ўрганиш луғатчиликнинг ҳозирги ҳолати билан тўлароқ танишиш имконини беради. Луғатлар уч нуқтаи назардан классификация қилинади.

1. Ҳажм нуқтаи назаридан;
2. Сўзликнинг берилиш усули нуқтаи назаридан;
3. Мақсад нуқтаи назаридан.

Лингвистик луғатлар ҳажм нуқтаи назаридан икки типга бўлинади.

1) умумий луғатлар,

2) маҳсус луғатлар.

Бу икки тип луғат сўзлиги жиҳатидан ўзаро фарқланади. Умумий луғат сўзлиги тил лексикасини барча туркumlар доирасида, барча қатламлар бўйича акс эттиради. Маҳсус луғат сўзлигига тил лексикаси маълум мақсадга кўра чегаралаб акс эттирилади. Умумий луғатлар ҳажмига кўра уч типга бўлинади; 1) катта луғат; 2) ўртача луғат; 3) кичик луғат.

Катта луғатларни луғатчиликда мукаммал луғат, хазина луғат ва академ луғат терминлари билан ҳам атashади. Бу ҳажмли луғат сўзлигига барча туркumга оид сўзлар, маҳсус соҳага оид жуда тор доирада қўлланувчи терминлар, ҳатто диалектал сўз ва унинг вариантлари ҳам ўз аксини топади. Бундай луғатлар кўпроқ луғатларнинг изоҳли, тарихий ва имлого оид типларида учрайди.

Катта луғат ўзбек луғатчилигига ҳали яратилганича йўқ. Инглизлар шундай луғатга эга. У жаҳонда «Катта Оксфорд луғати», «Хазина луғат» ва «Тренч луғати» номлари билан тилга олинади. Уни тузиш масаласи 1958 йилда Р. Тренч томонидан кўтарилиган. У 1884—1928 йилларда ўн томдада босиб чиқарилди. Кейин эса 1933 йилда 12 томдан иборат қайта нашри чоп этилди.

Яна шундай луғатлар қаторига кейинги вақтларда яратилган 17 томдан иборат рус тилининг академ луғатини кўрсатиш мумкин.

Ўртача луғатлар типига норматив луғатлар ҳам киритилади. Бундай луғат сўзлигига катта луғат сўзлигидаги каби барча туркumга оид сўзлар ўз аксини топади, бироқ лексик қатламлар ўрта маълумотли киши савияси нуқтаи назардан туриб чегаралаб берилади. Диалектал сўзларнинг бадиий адабиётда қўлланганлагина келтирилиб, уларни адабий тилдаги вариантларига ҳавола қилинади. Бу эса ўртача луғатнинг норматив эканлигини белгилайди. Ўртача тип луғатлар ўзбек луғатчилигига кўп учрайди. Бунга 1950—1955 йиллар нашр этилган «Русча-ўзбекча луғат», 1959 йил нашр этилган «Ўзбекча-руссча луғат», «Ўзбек тили изоҳли луғати»ни ва барча имло, терс, тематик, диалектологик луғатларни кўрсатиш мумкин.

Кичик луғатлар типига ён луғатлар ва мактаб луғатлари киритилади. Бундай луғат сўзлигига ҳам барча туркumга оид сўзлар қайд этилади. Лекин терминлар зарур ўринлардагина бериллиб, асосан берилмасликка ҳаракат қилинади. Ясама сўзлар эса деярли берилмай, унинг ўрнига ясовчи аффикслар келтирилиб, уларнинг маънолари санаб ўтилади. Мактаб луғатлари сўзлигига кўпроқ дарсликларда қўлланган сўзлар берилади.

Маҳсус луғатлар, сўзлигининг қандай мақсадга кўра чегаралганлигига қараб, уч типга бўлинади: 1) лексик қатламлар луғати; 2) лексик танланган луғат; 3) терминологик луғат. Лексик қатламлар луғатига сўзлиги синонимлар, омонимлар, антонимлар, қўшма сўзлар, жуфт сўзлар, табу—эвфемизмлар, фразеоло-

тик бирликлар, ўзлашма сўзлардан ташкил топган луғатлар киради. Лексик танланган луғатларга сўзлиги бирор асар, бирор ёдгорлик ёки бирор автор томонидан қўлланган сўзлардан ташкил топган луғатлар киради. Терминологик луғат маҳсус луғатларнинг сўзлиги бирор фан ёки бирор касбга оид терминалардан иборат бўлган типидир.

Лексик қатламлар луғати ўзбек тилида бир неча типларда яратилган. Улардан бири 1962 йили Тошкентда нашр этилган «Ўзбек тили синонимларининг қисқача луғати»dir. У проф. А. Ҳожиев томонидан изоҳли луғат шаклида тузиленган. Луғат ўз ичига 1700 сўздан иборат 466 синонимик қаторни олади. У тўрт қисмдан ташкил топиб, назарий қисм, синонимларнинг маъноларини характерловчи изоҳли қисм, синонимик қаторлар рўйхати қисми, синонимик сўзларнинг алфавит тартибидаги рўйхати —мундарижа ўрнидаги қисмлардан иборатдир. Луғатдан кузатилган мақсад синонимларнинг қаторини аниқлаб бериш, уларни бирлаштирувчи етакчи маънони кўрсатиш ва бир синонимик қатордаги синонимларнинг ишлатилиш доирасига кўра нозик фарқланишларини ажратувчи йўқланма, яъни изоҳлар беришдир. Унинг тўлдирилган иккинчи нашри 1974 йил босилиб чиқди.

Маҳсус луғатлардан яна бири фразеологияга бағишиланган. У Шавкат Раҳматуллаев томонидан яратилиб, 1965 йил Тошкентда «Ўзбек тилининг қисқача фразеологик луғати» номи билан нашр этилди. У ўз ичига 3 минг фразеологик бирликни, вариантлари билан 7 минг фразеологик бирликни олади. Синонимик фразеологик бирлик асосий фразеологик бирликка илова қилиш билан, вариантлар эса асосий фразеологик бирликлар ичida қайд этиб ўтиш йўли билан берилган. Луғатдан кузатилган мақсад ўзбек тилидаги фразеологик бирликларни ҳисобга олиш, уларнинг вариантларини белгилаш ва маъноларини кўрсатиб беришдир. Унинг тўлдирилган иккинчи нашри 1978 йил босилиб чиқди.

Ўзбек тилидаги фразеологик бирликларга доир луғатлар ичida М. Содиқованинг «Русча-ўзбекча фразеологик луғат»и ҳам бор. Унинг сўзлигига 5000 рус фразеологик бирлиги қайд этилган бўлиб, уларнинг ўзбекча таржимаси келтирилган. Луғат 1972 йил Тошкентда нашр этилди.

Лексик қатламлар луғатига киравчи ўзлаштирма сўзлар луғатининг бир қисми ҳисобланган «Русча-интернационал сўзлар изоҳли луғати» номли луғат ҳам мавжуд. Бу луғат Олим Усмонов ва Ренат Дониёровлар томонидан тузилиб, 1965 йил Тошкентда нашр қилинди. Мазкур луғатнинг қисқача варианти аввал ҳам О. Усмонов томонидан нашр қилинган бўлиб, ҳозирги нусхаси унинг мукаммаллаштирилганидир. У ўз ичига рус тилидан ва рус тили орқали ўтган 8 минг сўзни олади.

Лексик қатламлар луғатининг антонимлар, жуфт сўзлар, табу—эвфилизм ва бошқа лексик қатламларга бағишиланганлари ҳозирча ўзбек тилида йўқ. Омонимларга бағишиланган маҳсус луғат 1934 йил Тошкентда нашр этилган эди. Унинг тузувчиси Элбек

бўлиб, китоб «Ўзбек шаклдош сўзлар луғати» номига эга эди. Луғатда омонимларни изоҳлаб беришга ҳам ҳаракат қилинган.

Махсус луғатларнинг иккинчи типи лексик танланган луғатлардир. Бундай луғатлар фақат лингвистика фани учунгида яратилади. Бунга бир неча луғатларни кўрсатиш мумкин. С. Е. Маловнинг «Қадимги туркий ёзма ёдгорликлари», Т. М. Мелиоранскийнинг «Қултегин номига қўйилган ёдгорлик», А. К. Боровковнинг «Ўрта Осиё тафсири лексикаси» номли асарларига илова қилинган луғатлари шулар жумласидандир. Бу тип луғатларнинг энг кўзга кўрингани Э. Фозиловнинг «Староузбекский язык. Хазаремские памятники XIV века» номли луғатидир. У икки томдан иборат бўлиб, 82 автор листи ҳажмига эга.

Махсус луғатларнинг учинчи типи терминологик луғатлардир. Бу луғатларнинг сўзлиги фақат терминлар бўлади.

Терминологик луғатлар ўзбек тилида жуда кўплаб яратилган.

Айниқса терминологик луғатларнинг қишлоқ хўжалигига оидлари кўп учрайди. Бунга Платниковнинг «Ўсимлик заарқунандалари ва касаллари билан курашувга доир терминлар» (Гошкент, 1931), Н. Сайфулмулуковнинг «Русско-туземскии терминологический словарь по хлопководству» (Тошкент, 1933), С. Иброримовнинг «Пахтачилик терминлари» (Тошкент, 1934) коллективнинг 1924 йил Тошкентда босилган «Русча-ўзбекча боғчилик терминлари», С. В. Маталов ва Н. Сайфулмулуковнинг «Русча-ўзбекча токчилик ва виночилик терминлари» (Тошкент, 1935), Н. Сайфулмулуковнинг «Русча-ўзбекча қишлоқ хўжалик луғати» (Тошкент—Самарқанд, 1936), Н. В. Камберг ва М. Б. Баҳодировнинг «Русско-узбекский терминологический словарь по агропочвоведению» (Тошкент, 1941), Н. Маматовнинг «Пахтачилик терминларининг қисқача изоҳли луғати» (Тошкент, 1964) луғатларини кўрсатиш мумкин.

Ботаник терминлар юзасидан тузилган луғатлар ҳам анчагина. Бунга З. И. Муратнинг «Русча-ўзбекча ботаник терминлар сўзлиги» (Тошкент — Самарқанд, 1934), С. Саҳобуддиновнинг «Қисқача русча-ўзбекча ботаника терминлари» (Тошкент, 1939), «Словарь местных и научных названий полезных и вредных растений Средней Азии» (Тошкент, 1953), «Русча-ўзбекча ботаник терминлар» (Тошкент, 1956), К. З. Зокировнинг умумий таҳрири остида 1968 йил Тошкентда босилган «Русча-ўзбекча ботаника терминларининг қисқача изоҳли луғати» кабиларни кўрсатиш мумкин.

Математик терминларга бағищланган луғатларга Т. М. Қориниёзовнинг «Риёзиёт терминлари» (Тошкент, 1931), «Русча-ўзбекча математика терминлари сўзлиги» (Тошкент — Боку, 1933), М. А. Собировнинг «Русча-ўзбекча математик терминлар луғати» (Тошкент, 1952), «Математикадан русча-ўзбекча луғат» (Тошкент, 1977) кабиларни кўрсатиш мумкин.

Физика терминларига доир 1931 йил Тошкентда «Русча-ўзбекча физика терминлари», 1952 йил Тошкентда М. Д. Ягудаев ва

Р. Х. Маллинларнинг «Русча-ўзбекча физик терминлар луғати» нашр этилди. Географик терминлар юзасидан эса 1935 йил Тошкентда А. Иброҳимовнинг «Географик атамалар», 1940 йил Тошкентда М. Х. Бектемиров ва С. М. Сайдрасоловнинг «Краткий русско-узбекский словарь географических терминов», 1962 йил Тошкентда Ҳ. Ҳ. Ҳасановнинг «Русско-узбекский терминологический словарь по географии» луғатлари босилиб чиқди. Шунингдек электротехникадан С. Утеев ва Х. Фозиловларнинг «Русско-узбекский электротехнический терминологический словарь» (Тошкент, 1934), Г. Раҳимовнинг «Русско-узбекский терминологический словарь по электротехнике» (Тошкент, 1937) луғатлари; механикадан А. Нажибнинг «Назарий механика терминлари» (Тошкент—Самарқанд, 1934) луғати, ҳуқуқшуносликдан Ф. Бакировнинг «Словарь юридических терминов» (Тошкент, 1959) луғати; Ф. Бакировъининг спорт терминологиясидан таржима луғати; В. В. Решетовнинг лингвистик терминлар юзасидан таржима луғати; педагогикадан Х. Бойбуров ва Ш. Таканаевнинг «Педагогикадан қисқача русча-ўзбекча терминология луғати» (1963), адабиётшуносликдан Н. Т. Хатамовнинг «Адабиётшуносликдан қисқача русча-ўзбекча терминологик луғати» (Тошкент, 1960) чоп этилди.

Демак, луғатнинг ҳажми у учун танланган сўзлик билан боғлиқ бўлиб, сўзлик маълум мақсадга кўра белгилаб олинади.

Сўзлик луғатнинг мазмунини ташкил қиласди. Сўзлик луғат учун танланган сўзлар рўйхати бўлиб, бу рўйхат мәълум тартибида берилади. Мана шу сўзликнинг берилиш усули нуқтаи назаридан лингвистик луғатлар уч типга бўлинади.

- 1) алфавит тартибли луғатлар;
- 2) тематик луғатлар;
- 3) уяли луғатлар.

Алфавит тартибли луғатларда сўзликни таркиб топтирган сўзлар рўйхати алфавит тартибида берилади. Ўнда сўзлар аввало биринчи ҳарфлари асосида, ҳар бир ҳарф доирасида эса ички ҳарфлари алфавити тартибида жойлаштирилади. Лексикографияда сўзнинг биринчи ҳарфи бўйича қилинган тартиб «сиртқи тартиб», кейинги ҳарфлар бўйича қилинган тартиб «ички тартиб» деб юритилади.

Хозирги ўзбекча луғатлар деярли алфавит тартибли луғатлардир. Чунки алфавит тартибли луғатлар фойдаланиш учун ниҳоятда қулайлиги билан характерланади.

Тематик луғатларда сўзликни таркиб топтирган сўзлар рўйхати маълум темаларга бўлиб берилади. Рўйхатни темаларга бўлиш турли кўринишларда бўлади. Кўп ҳолларда улар аввал сўз туркумлари бўйича ажратиб олиниб, кейин от, сифат, феъл туркумига оид сўзлар ички тематик бўлинишлар билан берилади. Баъзан эса сўзлик тўғридан-тўғри тематик қисмларга, унинг ичida туркумларга ажратилади. Унинг ичida алфавит тартиби қўлланиши ҳам мумкин.

Тематик луғат 1975 йилга келиб Тошкентда нашр этилди. Унинг тузувчилари А. Н. Тихонов, Н. Т. Хатамов, С. А. Емельянова, М. Ю. Тихоновалардан иборат бўлиб, маъсъул муҳаррири СССР ПФАНИНГ ҳақиқий аъзоси, филология фанлари доктори, профессор Н. М. Шанскийдир.

Луғат сўзлигидаги сўзлар 16 тематик қисмга бўлинган. У ер, осмон, табиат ҳодисалари, қазилма бойликлар, ўсимликлар, ҳайвонат, паррандалар, бошқа жонли мавжудот, одам, турар жой, инсон эътиқоди олами, муносабат ва жиноят, жамоат ҳаёти, муҳит, вақт, миқдор кабилар билан номланган. Бу тематик қисмлар яна ички бўлинишга эга. Масалан, ер тематик қисмидаги сўзлар яна ер, тоғ, сув, уфқ деган темачаларга бўлиб юборилган. Бу темачалар яна майда темачаларга ажратилиб, улар ичida турли туркумдаги сўзлар ўз туркумлари билан ва турғун бирикмалари ҳам келтирилган ҳолда қайд этилган. Луғат русча-ўзбекча таржима луғатидир. Ўзбек лексикографияси тарихида ҳам тематик луғатларга эътибор берилган. Масалан, Замахшарийнинг «Муқаддиматул адаб», Муҳаммад Яъқуб Чингийнинг «Келурнома» луғатлари шундай луғатлар тишига киради.

Уяли луғатларда туб сўз, ундан ясалган сўзлар шу сўз ичida берилади. Туб сўзлар одатда алфавит таркибида қайд этилади. Қўшма сўз ва турғун бирикмалар эса етакчи компоненти ҳисобланган туб сўз мақоласига киритилади. Масалан, тур туб сўзи турмоқ, турма, турмак, турмакламоқ, турмачи, турмуши, турнушалимоқ, турум, турумтой, турши, туршак, турғун, турғунлик каби ясама сўзлар билан бир уяда берилади. Бу типдаги луғатга мисол тариқасида М. А. Собировнинг «Математикадан русча-ўзбекча луғати»ни (Тошкент, 1973) келтириш мумкин. Унда сўзлик алфавит тартибида қайд этилган. Бироқ математик терминология турғун бирикмаларга ниҳоятда бой бўлганлиги сабабли, улар етакчи компоненти бўлган сўз мақоласида берилган. Бунинг орқасида уяли луғат усулидан муваффақиятли фойдаланилган. Масалан, *парадокс* мақоласида *мантиқий парадокс*, *математик парадокс*, каби бирикма терминлар ҳам киритилган. Бу генетик бир бўлган терминларни бир йўла кўриб олиш имконини туғдиради.

Лингвистик луғатлар турли мақсадларда тузилади. Шу мақсад нуқтаи назаридан улар қуйидаги типларга бўлинади:

- 1) таржима луғатлари;
- 2) изоҳли луғатлар;
- 3) тарихий луғатлар;
- 4) этиологик луғатлар;
- 5) диалектологик луғатлар;
- 6) қиёсий луғатлар;
- 7) терс луғатлар;
- 8) орфографик (имло) луғатлар;
- 9) орфоэпик луғатлар,
- 10) морфем луғатлар;
- 11) частотали луғатлар.

Таржима луғати луғат типлари ичидаги энг узоқ тарихга эгадир. Бундай луғатларнинг тараққиёти бошқа тип луғатларга асос бўлган. Таржима луғатларининг тараққиёти, фақат бошқа тип луғатлар келиб чиқишига эмас, балки мазкур луғатга хос бўлган тилларнинг грамматикаси, лексикаси, фонетикаси кабиларга эътибор берилишига ҳам сабаб бўлган.

Таржима луғатлари икки тиипга бўлинади: 1) икки тилли, 2) кўп тилли.

Икки тилли луғат ўзбек луғатчилигида энг кўп тарқалган луғат бўлиб, у ўзбек тили билан араб, форс, рус, немис, инглиз француз каби тилларнинг биридан иккинчисига таржимаси асосида яратилган. Бизнинг асrimizdan аввал асосан форс тили билан ўзбек тили бўйича, ҳозирги асrimizda асосан рус тили билан ўзбек тили бўйича таржима луғатлар яратилди. Араб тили билан ўзбек тили бўйича тарихда иккита икки тилли луғат яратилган. Немис, инглиз ва француз тили билан ўзбек тили бўйича луғат яратилиши ўзбек луғатчилигининг энг сўнгги даврларига тўғри келади. Булар, албатта, немис, инглиз ва француз тилларини ўрганиш учун юзага келтирилаётган луғатнинг дастлабки намуналари ҳисобланади. Рус тили билан ўзбек тили бўйича эса кўп ва хилма-хил луғатлар мавжуд.

Бундай луғатлар икки мақсадни кўзда тутади. 1) она тили бўлмаган тилдаги текстни ўқиб тушуниш учун ёрдам бериш мақсадида; 2) она тили бўлмаган тилда гаплашиш учун ёрдам бериш мақсадида. Бу икки мақсад учун луғат ҳам икки тилда тузиленган бўлиши шарт. Агар луғатдан фойдаланувчи она тилидан бошқа тилдаги текстни ўқиб тушуниш учун фойдаланмоқчи бўлса, унда у қарайдиган луғатнинг сўзлиги ўша чет тилда берилиб, она тилига таржима қилинади. Бошқа тилда сўзлашмоқчи бўлган киши учун сўзлик она тилида берилиб, у ўрганаётган тилга таржима қилинади.

Форс ва ўзбек тили бўйича яратилган луғатлар, юқорида кўрсатиб ўтганимиздайди; икки типлидир: а) ўзбекча-форсча луғатлар; б) форсча-ўзбекча луғатлар. Ўзбекча-форсча луғатлар ўзбек луғатчилигида фақат тарихдагина яратилган.

Форсча-ўзбекча луғатлар яратиш ўзбек луғатчилиги тарихида ўзбекча-форсча луғатлар яратиш каби катта эътиборга эга бўлмаган эди. Ҳозирги даврга келиб, Алибек Рустамов, Зикрилла Умаров ва Қаюм Каримовлар шу тип луғатни яратишли. Луғат сўзлиги 15000 форс сўзини ўз ичига олади.

Араб ва ўзбек тили бўйича фақат ўзбек луғатчилиги тарихдагина луғат яратилган. Бироқ ҳозир ундан таржима луғати сифатида фойдаланиб бўлмайди. Улар тил тарихини ўрганиш учун қимматли манбадир. Масалан, ўзбек луғатчилиги тарихида яратилган М. Кошварий луғати туркйча-арабча луғат бўлиб, «Ат-тұхфатуз зияти филлуғатит туркия» эса арабча-туркйча луғатdir.

Немис ва ўзбек тиллари бўйича ўзбек луғатчилигида 1964

йилда «Немисча-ўзбекча луғат» нашр этилди. Бу луғатнинг тузувчилари Я. Р. Бенъяминов ва Т. З. Мирсоатовлардир. Луғат 6000 немис сўзидан ташкил топган сўзликка эга. Луғатнинг охирда 37 бегдан иборат немис тили фонетикаси, морфологияси ҳақида қисқача маълумот ва баъзан сўз формалари юзасидан жадваллар илова қилинган. Луғат ўрта мактаб ўқувчиларига мўлжалланган.

«Ўзбекча-немисча луғат» ҳам мазкур тузувчилар томонидан яратилди. Бу луғат 1967 йилга келиб Тошкентда нашр этилди. Луғатнинг масъул муҳаррири С. Сандовдир. Луғатнинг сўзлиги 4000 га яқин сўздан иборат.

Ўзбек ва француз тиллари бўйича луғат типларидан фақат кичик ҳажмли «Французча-ўзбекча луғат» яратилган. У Т. Алиқулов ва Д. Бозорова томонидан тузилган бўлиб, 1973 йил Тошкентда «Ўқитувчи» нашриёти томонидан нашр этилган. Унинг сўзлиги сал кам 7 минг сўздан иборат.

Ўзбек ва инглиз тиллари бўйича эса иккни томонлама луғат мавжуд. «Инглизча-ўзбекча луғат» 1968 йил Тошкентда нашр этилган. Унинг тузувчилари Ж. Б. Бўронов, Х. Р. Раҳмонбердиев, Х. С. Барнохўжаева, Е. А. Анисимовалардир. Луғат сўзлиги 6000 сўзни ўз ичига олади. «Ўзбекча-инглизча луғат» эса 1969 йил Тошкентда нашр этилди. Унинг тузувчилари Ж. Б. Бўронов, И. Аълоев, К. Р. Раҳмонбердиевлардир. Бу луғат сўзлиги эса ўз ичига 6300дан ортиқ сўзни олади. Бу луғатлар мактаб ўқувчилари учун нашр этилган.

Ўзбек луғатчилиги даврида ўзбек ва рус тиллари бўйича «Русча-ўзбекча луғат»лар ҳам, «Ўзбекча-русча луғат»лар ҳам бир неча марта нашр этилди. Энг йирик «Русча-ўзбекча луғат» 1950—1956 йилларда нашрдан чиқди. У олти томдан иборат бўлиб, сўзлиги 72 минг рус сўзини ўз ичига олади. Бу луғатни тузишда республиканинг кўзга кўринган луғатчиларидан З. Маъруфов, О. Усмонов, С. Иброҳимов, Ш. Шоабдураҳмонов, А. Хўжахонов, С. Акобиров сингарилар қатнашган. Унга СССР Фанлар академияси ҳамда УзССР Фанлар академиясининг муҳбир аъзоси, проф А. К. Боровков масъул муҳаррирлик қилган. Унинг илова типидаги VI томи рус грамматикасини қисқача акс эттириб беришга бағишиланган. Луғатда ўз давридаги муомалада актив пассив қўлланувчи ҳамма русча сўзлар, турғун бирималар қамраб олинган ва уларнинг маъноларини тўла акс эттиришга ҳаракат қилинган.

Уртacha русча-ўзбекча луғатлар Улуғ Октябрь социалистик революциясидан кейин, Совет Йиттифоқи Коммунистик партиясининг ленинча доно миллий сиёсати туфайли, мамлакатимизда саноат, қишлоқ хўжалиги, фан ва маданиятининг юксалиши билан бир қаторда, унинг талаби билан боғлиқ ҳолатда яратила бошлиланди. Шу кунгача бундай луғатлардан бештаси нашр этилди. Унинг биринчиси Ашурали Зоҳирий томонидан «Русча-ўзбекча мукаммал луғат» номи билан 1927 йил Тошкентда нашр этилди. Йккин-

чиси эса С. Раҳмонқуловнинг икки қисмдан иборат «Русча-ўзбекча лугати»дир. Улар 1927—28 йилларда Самарқанд—Тошкентда нашр эттирилди. Яна 1934 йил Саҳий Раҳматий билан Абдулла Қодирий (Жулқунбой) нинг биргаликда тузган «Русча-ўзбекча сўзлик» номли лугатининг II қисми Тошкент—Қозонда нашрдан чиқди. Бу лугатнинг I қисми негадир нашр эттирилмаган, шунингдек унинг тузилган-тузилмаганини ҳақида ҳам аниқ маълумотга эга эмасмиз. Бу лугатнинг II қисмининг ўзи 24 минг рус сўзидан иборат сўзликка эга. Кейинги «Русча-ўзбекча лугат» 1942 йилда Тошкентда нашр эттирилди. Лугат коллектив томонидан тузилиб, унга проф. Қори-Ниёзов ва проф. А. К. Боровков масъул муҳаррирлик қилган. У 30 минг рус сўзидан иборат сўзликка эга. Бу тип лугатнинг энг сўнгиси 1954 йил Москвада нашр эттирилди. Лугатни О. Азизов, С. Акобиров, Ф. Алиева, З. Аминов, Қ. Муҳамедов, О. Раҳимий, В. Раҳимовлар тузиб, Р. Абдураҳмонов таҳрир қилган. У 50 минг рус сўзидан иборат сўзликка эга. Мазкур «Русча-ўзбекча лугат» ўзигача нашр этилган лугатларга қараганда энг мукаммалидир.

«Русча-ўзбекча лугат»нинг қисқача ҳажмлиси Улуғ Октябрь революциясидан аввал ҳам дунёга келган эди. Бунга А. Старчевскийнинг 1878 йилда нашрдан чиққан «Спутник русского человека в Средней Азии», В. П. Наливкин ва Н. Наливкинанинг 1884 йилда нашр этилган «Русско-сартовский и сартовско-русский словарь» номли лугатларининг русча-сартча қисмини кўрсатиш мумкин. Бу икки лугат ўзбек адабий тилига эмас, балки ўзбекларнинг маълум бир диалектига таянган лугат эди. Улуғ Октябрь революциясидан кейин эса Е. Д. Поливановнинг 10 минг сўзли «Қисқача русча-ўзбекча лугат»и (Ташкент, 1926), В. П. Антонов-Саратовскийнинг «Русско-узбекский речевой справочник» лугати (М.-Л., 1931), ниҳоят, проф. В. В. Решетовнинг 10 минг сўзли «Русча-ўзбекча лугати» (Ташкент, 1957) нашр этилди. Бу лугат мактаблар учун мўлжалланган бўлса ҳам, асл моҳияти билан қисқача лугат қаторига киради.

Мактаб ўқувчилари учун мўлжалланган «Русча-ўзбекча лугат» О. Азизов ва О. Усмонов лугати бўлиб, у уч марта нашр этилган. Сўнгги қайта ишланган нашри 1964 йил Тошкентда босилиб чиқди. Лугат 8 минг рус сўзидан иборат сўзликка эга бўлиб, ўзбек мактаб дарсликларида мавжуд сўзларни қамраб олган.

Ўртacha ҳажмли ўзбекча-руска лугатлар асосан Улуғ Октябрь революциясидан кейингина нашр этилди. Бунга биз У. Аҳмаджонов, ва Б. Ильязовнинг 10 минг сўзли «Ўзбекча-руска лугат»и (Ташкент, 1931) ҳамда коллектив томонидан тузилиб, проф. Т. Н. Қори-Ниёзий ва проф. А. К. Боровковларнинг умумий таҳрири остида нашр этилган 17 минг сўзли «Ўзбекча-руска лугат»ни (Ташкент, 1941) кўрсатишмиз мумкин. Бу тип лугатнинг энг сўнгиси ва энг мукаммали 1959 йил Москвада босилиб чиқди. Унга проф. А. К. Боровков бош муҳаррирлик қилган. Лугат сўзлиги 40 минг ўзбек сўзидан иборат бўлиб, унда ўз давридаги

вақтли матбуот ва оммавий адабиётларда ишлатилган барча сўзлар, терминлар ва бирималар деярли экс эттирилган.

Кичик ҳажмли ўзбекча-русча луғатлар шундай луғатларга бўлган дастлабки эҳтиёжларни қондириш мақсадида юзага келган.

Бунга революциягача нашр этилган А. Старчевскийнинг «Спутник русского человека в Средней Азии» луғати ва В. П. Наливкин ва М. Наливкинининг «Русско-сартовский и сартовско-русский словарь» луғатидан сартча-русча қисмини кўрсатишими мумкин. Октябрь революциясидан кейин эса шу тиپдаги луғатлардан К. К. Юдахиннинг 9 минг сўзли «Қисқача ўзбекча-русча луғат»и (Тошкент, 1927), В. В. Решетовнинг вақтли матбуот материаллари асосида тузилган 7 минг сўзли «Қисқача ўзбекча-русча луғат»и (Тошкент, 1935)ни кўрсатиш мумкин.

Ўзбек луғатчилигида таржима луғатининг кўп тилли тини ҳозир яратиласетгани йўқ. У савдо мақсадлари билан ўзбек луғатчилиги тарихидагина яратилган.

Изоҳли луғат сўзининг лексик маънолари ва у қатнашгани фразеологик бирлик маъноларини изоҳлаб, грамматик характеристикасини ёритиб берувчи лингвистик луғатдир.

Изоҳли луғатда сўзликдаги ҳар бир сўз алоҳида луғат мақолосини ташкил қилиб, унинг аввал грамматик характеристикаси берилади. Кейин араб рақами билан ҳар бир лексик маъноси изоҳланади ва адабиётлардан келтирилган иллюстратив мисол билан мустаҳкамланади. Мақола охирида ромб белгиси билан ажратилиб, шу сўз қатнашгани фразеологик бирликлар келтирилади ва изоҳланади. Масалан, қисқа сўзининг мақоласи қўйидагичадир.

Қисқа сифат. 1. Узунлиги меъёридан кам. Энг қисқа масофа тўғри чизиқдир. Геометриядан.

2. Давомийлиги меъёридан кам. Узун арқон, қисқа ғап яхши (Мақол).

Ақли қисқа —Чуқур мулоҳаза юрита билмайдиган. Қўли қисқа—эришиш имкониятига эга бўлмаган.

Иллюстратив мисоллар бир лексик маънога бирдан ортиқ берилиши ва фразеологик бирликларга ҳам келтирилиши мумкин.

Изоҳли луғатнинг яралиши тил ҳақидаги билимнинг энг ривожланган даврига тўғри келади. Бу луғат яралиши учун мазкур тилнинг адабий тил нормаси аниқ белгиланган, лексикаси тўла ҳисобга олинган, фонетик ва грамматик қонуниятлари ишлаб чиқилган бўлиши зарур. Акс ҳолда, ўша тиlda яратилган изоҳли луғат мукаммал бўла олмайди. Масалан, ҳозирги ўзбек тилида мукаммал изоҳли луғат яратиш мумкин эмас. Чунки ҳали терминлар маълум соҳага хос тор тармоқлар бўйича ҳисобга олиб улгирилганича йўқ. Ўзбек тилида фақат ўртача ҳажмдаги изоҳли луғат яратиш имконияти бор.

Ўзбек луғатчилиги тарихида бундай изоҳли луғат коллектив томонидан яратилган ва 1981 йил Москвада нашр этилди. Луғат икки томдан иборат бўлиб, сўзлиги 60 минг сўзни ўз ичига олади. Луғатнинг ҳажми 250 автор листдан иборат. Луғатда ўзбек тили

сўз бойлигининг актив қатлами билан, унинг турғун бирикмалиари, мақоллар ва маталлари ҳам тўла акс эттиришга ҳаракат қилинган. Сўз лексик маънолари лугат мақолаларида тўла акс эттирилган.

Изоҳли лугат тузиш иши ўзбек лугатчилигига мазкур лугатдан бошланаётгани йўқ. Бунгача ҳам маҳсус луғатлар типида бир неча изоҳли лугатлар юзага келган. Масалан, О. Усмонов ва Р. До ниёровларнинг «Русча-интернационал сўзлар изоҳли луғати», А. Ҳожиевнинг «Ўзбек тили синонимларининг қисқача луғати» Ш. Раҳматуллаевнинг «Ўзбек тилининг қисқача фразеологик луғати»ни кўрсатиш мумкин.

Тарихий луғат сўзларнинг қачондан бошлаб шу тилда қўллана бошлаганини, унинг фонетик, грамматик, семантик тараққиёти жараёнини кўрсатиб берувчи луғатдир. Лекин ўзбек луғатчилигига ҳали бу тиpdаги луғат яратилган эмас.

Этимологик луғат сўзнинг келиб чиқишини кўрсатиб берадиган луғатдир.

Диалектал луғат адабий тил бойлигини ўз ресурслари ҳисобига тараққий эттириш учун материал берувчи манба сифатида дунёга келтирилади. Бундай луғат сўзлигига шевалардаги адабий тилдан фонетик ва семантик жиҳатдан фарқ қилувчи, шунингдек адабий тилда бўлмаган сўзлар берилади. Улар эса транскрипцияда қайд этилади. Сўзликдаги сўз кетидан адабий тилдаги варианти берилади. Масалан:

Йазги. (Жанубий Хоразм). тақдир, қисмат, қиласдан, қума, баҳтым, йаазғытым — қара баҳтым (Мақол).

йа:ры (Урганч, Хива, Хонқа) ярим. Йахши нийэт йа-ры до-лэт. (Мақол).

Бундай луғатлар баъзи айrim илмий ишлар кетидан илова сифатида берилади. Унга биз Ф. А. Абдуллаевнинг 1961 йил Тошкентда нашр этилган «Хоразм шевалари» китобидаги иловани, С. И. Иброҳимовнинг «Фарғона шеваларида касб-хунар лексикаси» номли луғатни кўрсатишимииз мумкин.

Умумий диалектологик луғат эса колектив томонидан фақат 1971 йилга келибина яратилди ва «Ўзбек халқ шевалари луғати» номи билан «ФАН» нашриёти томонидан чиқарилди. Луғат сўзлиги 12 мингга яқин сўздан иборат. Унинг олд қисмида сўз боши, луғатнинг тузилиши принципи, илмий адабиётлар рўйхати учун 8 бет ажратилган. Охиридаги 21 бети эса Ш. Шоабдураҳмоновнинг ўзбек шеваларини ўрганишга бағишлиланган мақоласидан иборатdir.

Қиёсий луғат бир системага оид тиллардаги сўз бойлигини солишириб, улардаги тафовут қонуниятларини ўрганиш мақсадида тузилади. Бундай луғатлар сўзлиги ҳам одатда диалектал луғатлардагига ўхшаш транскрипция асосида берилади ва улардаги уруғлар ҳам кўрсатилади. Тушунтириш қисми эса изоҳлаш ёки бошқа тил воситасида калкалаш, вариантлаш орқали берилиши мумкин.

Туркий тиллар системасида асосан иккита қиёсий лугат яратилган. М. Кошгариининг «Девону луготит турк»ида қиёсий лугатга хос баъзи томонлар бўлишига қарамай, туб моҳиятини олганда, уни бундай лугат типига киритиб бўлмайди.

Туркий тиллар қиёси юзасидан яратилган лугатлардан бири Лазарь Будаговнинг «Турк-татар лаҗжаларининг қиёсий лугат»идир. Мазкур лугат 1869 йил Петербургда империя фанлар академияси нашриёти томонидан босилиб чиқарилган. Лугат икки томдан иборат.

Лугат сўзлигида сўзлар қайси тилга оидлик белгиси билан бошланади ва унинг варианatlари берилди, кетидан тушунтириш тексти кетади. Сўзлик араб алифбесига асосланган транскрипцияда берилган. Тушунтириш текстлари рус тилида тузилган. Узбек тилига оид сўзлар эса Қўқон, Бухоро, Чифатой номлари билан қайд этилган.

«Турк-татар лаҗжаларининг қиёсий лугати» учун асосан «чиғатайча» лугатлар, туркийча — европача лугатлар ва А. Навоий, Бобир, Абулғозий асарлари манба сифатида хизмат қилган.

Туркий тиллар қиёси юзасидан яратилган лугатлардан иккинчиси академик Василий Васильевич Радловнинг «Турк лаҗжалари лугати тажрибаси» номли буюк ишидир. Мазкур лугат 1888—1911 йиллар Петербургда Империя фанлар академияси нашриёти томонидан босиб чиқарилган. Лугат тўрт томдан иборат бўлиб, уларнинг ҳар бири ўртача 100 автор лист ҳажмига, жами 414 автор листига эга. Кейинги нашрларида эса, баъзи техник сабабларга қўра, унинг ҳар томи икки китоб ҳолатида берилган. Демак, у 8 китобдан таркиб топган.

Лугат сўзлиги рус академиясининг 51 белгили транскрипцияси билан берилган. Сўзлар кетидан унинг қайси тилга оидлик белгиси, кейин бошқа тиллардаги варианtlари, улар қайси манбадан олинган бўлса, ўша манба алфавит асосида қайд этилади. Тушунтириш текстлари эса аввал рус тилида, кейин немис тилида берилади. Ҳар том охирида сўзларнинг араб алфавитида ёзилган очқичи илова қилинади. Узбек тилига оид сўзлар эса сарт, чифатой, Навоий, Бобир, Абулғозий деб сўз олинган асослар номи билан аталади.

«Турк лаҗжалари лугати тажрибаси» учун Л. Будаговнинг лугати асос бўлган ва кейин унга туркий тилларда 1888 йилгача нашр этилган барча лугат бойликлари ҳам киритилган.

Бу икки қиёсий лугат туркий тиллар тарихини қиёсий ўрганишда қумматли манба ҳисобланади.

Терслуғат сўзлика сўзларни ёзилиши бўйича сўнгги ҳарфидан бошлаб алфавит тартибида бериладиган лугатдир.

Масалан, қуйида сўзларнинг сўзликда бериллиш тартибига эътибор қилинг:

ид
саид
мустабид

индивид
швид
дид

масжид
зид
сайд

*обид
лобид
карбид*

*жадид
мутарафдид
таҳдид*

*таъкид
инвалид
калид*

Бундай лугат тузишдан мақсад бир хил аффиксли сўзларни бир қаторга тўплаш, қоғияли сўзларни жамғаришdir. Бу типдаги лугат Р. Кўнкуров ва Л. Тихоновлар томонидан яратилиб, «Ўзбек тилининг чаппа лугати» номи билан 1968 йил Самарқандда нашр этилди.

Имло лугати асосан Улуғ Октябрь социалистик революциясидан кейин яратила бошлади. Бу лугатнинг вазифаси сўзларнинг маълум имло қоидаси асосида ёзилишини кўрсатишdir.

Имло лугатлари ўзбек тилида асосан латин алфавити жорий қилингач яратила бошлади. Бундай лугатнинг биринчи тузувчи А. Алавий эди. Бу лугат 1927 йил Тошкентда нашр этилди. Бундан кейин 1932, 1933 йилларда С. Иброҳимов, М. Раҳмон ва А. Т. Хўжахоновларнинг имло лугати нашр этилди. Имло қоидалари ўзгаргач, қайта янги имлога мувофиқлашган нусхаси нашр қилинди. Бу лугатнинг учинчи нашри эса ўзбеклар рус алфавитига кўчганидан 17 йил кейин 1956 йилда чиқарилди. Унинг сўнгги нашри эса 1961 йил чиқарилиб, лугатга филология фанлари кандидатлари Ф. К. Камолов ва З. М. Маъруфовлар масъул муҳаррирлик қилишиди.

Ўзбеклар рус алфавитига кўчганиларидан кейин дастлабки йилларда Олим Усмонов томонидан тузилган имло лугати фойдаланувчилар учун тақдим қилинди. Бу лугат даврида имло учун семантик принцип асос бўлиб, лугат ҳам шунга асосланган эди.

Ўрни келганда шуни ҳам айтиб ўтиш керакки, юқорида қайд этилган лугатларнинг ҳаммаси ўзбек тилининг қисқача ва ўртacha имло лугатларидир.

Имло лугатининг энг сўнгиси 1976 йил Тошкентда нашр этилди. Унинг тузувчилари С. И. Иброҳимов, Э. А. Бегматов, А. А. Аҳмедовлардир. Муҳаррири академик Ш. Ш. Шоабдураҳмоновдир. Лугат 65 минг сўздан иборат сўзликка эга. Лугатнинг дастлабки етти бети тузувчиларнинг изоҳи, лугатнинг тузилиши, қисқартмалар рўйхати кабилардан иборат бўлиб, кейин лугат қисми келтирилади. Лугат охирига эса орфографик қоидалар билан борлиқ 363 та адабиёт рўйхати илова-қилинган.

Мазкур лугат, тузувчиларнинг ўzlари эътироф этишича, мукаммал эмас, мавжуд ўртacha ҳажмли лугатлардан «мукаммалроқ» имло лугатидир. Бу лугат сўзлигида фан ва турли соҳаларга оид тор доирада қўлланувчи ҳали қайд этилмаган терминлар анчагина бор.

Юқоридагилардан ташқари кичик ҳажмдаги имло лугатлари ҳам бор. Бунга С. Иброҳимовнинг *ҳ* ва *ҳ*, *ф* ва *п* га бағишиланган лугатларини кўрсатиш мумкин. Шунингдек Ш. Раҳматуллаев ва А. Ҳожиевлар томонидан тузилиб, 1960 йил Тошкентда нашр этилган. «Ҳозирги ўзбек тилида қўшма сўзлар масаласи» ва Азим

Хожиев таҳрири остида мактаб ўқувчилари учун мўлжаллаб 1964 йил Тошкентда нашр этилган «Имло луғати» шу типга киради.

Орфоэпик луғат сўзларнинг тўғри талаффуз этилишини кўрсатиб бериш учун тузиладиган луғатdir.

Бу тип луғатларда сўзликдаги ҳар бир сўзниң кетидан транскрипция орқали уларнинг талаффузи, агар шу сўзниң охирида аффиксацияда ўзгариш рўй берадиган бўлса, шу ўзгаришлар кўрсатилади. Масалан, бундай луғатда сўзлар қўйидагича берилади.

паст (пас)

пастак (пастаг)

пастки(паски)

пастқам (пасқам)

пат (пат,-нъ, ка, -тан)

Бу типдаги луғат М. Содиқова ва У. Усмонова томонидан яратилди ва 1977 йил Тошкентда «Ўзбек тилининг орфоэпик луғати» номи билан нашр этилди. Луғат сўзлигида фақат туб (аслий) сўзлар берилган бўлиб, улар 3800 тадир.

Морфем луғат сўзларни морфемаларга ажратиб кўрсатадиган луғатdir. Унинг тузилиши деярли имло луғатидан фарқ қилмайди. Лекин унинг сўзлигида сўз морфемалари чизиқча орқали ажратилган бўлади. Масалан, *син/дир/и/л/моқ*, *син/дир/и/ш*, *син/дир/и/ш/моқ*, *син/дир/моқ*, *син/дир/ти/р/моқ*, *син/дир/у/в/чан*, *син/дир/у/в/чан/лик* каби.

Бу тип луғат А. Ф. Гуломов, А. Н. Тихонов, Р. Қ. Қўнгуровлар томонидан яратилди ва 1977 йил Тошкентда «Ўзбек тилининг морфем луғати» номи билан нашр этилди. Луғат сўзлиги 40 минг сўздан иборат.

Частотали луғат сўзликдаги сўзларнинг маълум нутқ ёки контекстда ишлатилиш миқдори ёки процентини кўрсатадиган луғатdir. Бу тип луғатлар сўзлигида ҳар бир сўз ёнига унинг обьект бўлган нутқда қўлланган, миқдори ёки проценти қайд этилади. Ундан кейин ўша сўз қайси маънода қайд этилиши ҳам берилади. Айрим частотали луғатларда эса қайси маъно билан келиш частотаси ҳам қайд этилиши мумкин. Бу ҳақда аниқроқ тасаввур ҳосил қилиш учун, қўйида И. А. Киссеннинг «Словарь наиболее употребительных слов современного узбекского литературного языка» (Тошкент, 1972) номли луғатидан мисол келтирамиз.

гапирмоқ (71) и-д.; г—говорить

гаплашмоқ (179) и.-у.; г. разговаривать (с. кем-л.)

говорить (с кем-л.)

гоҳ (347) и.; н.и союз —иногда, по временам.

Бу тип луғатлар турли ҳажмдаги луғатлар тузишда сўзлик чегарасини белгилаш, чет тилини ўрганишда қайси сўзлар ўзлаштириш минимуми эканлигини аниқлаш учун ёрдам беради.

МУНДАРИЖА

Институтдан	3
Кириш	4
Лексикологиянинг предмети ва вазифалари	4
Сўз ва унинг моҳияти	6
Истеъмол доирасига кўра ўзбек тили лексикаси	11
Қўлланилиш донраси чегараланмаган лексика	11
Чегараланимаган лексиканинг лексик-семантик хусусиятлари	13
Қўлланилиши донраси чегаралангани лексика	17
Ўзбек тили лексикасининг ижтимоий-тарихий асослари	41
Ўзбек тилининг лугат состави	41
Ўзбек тилининг асосий лугат фонди	48
Асосий лугат фондининг тил лугат составидан фарқи	52
Ўзбек тили лексикасининг тарихий-этимологик қатламлари	55
Форсча-тожикча ўзлашма сўзлар қатлами	94
Арабча ўзлашма сўзлар қатлами	111
Русча-интернационал ўзлашма сўзлар қатлами	124
Ўзбек тили лексикасининг тарихий-функционал хусусиятлари	141
Эски сўзлар қатлами	142
Янги сўзлар қатлами	152
Ўзбек тили лексикасининг стилистик қатламлари	158
Ўзбек тили лексикасининг эмоционал-экспрессив бўёқдорлик жиҳатдан характеристикиси	159
Функционал-стилистик ва функционал-экспрессив лексиканинг ўзаро муносабати	178
Ўзбек адабий тили лексикасининг функционал-стилистик характеристикиси	180
Езма нутқ лексикаси	185
Оғзаки нутқ лексикаси	191
Семасиология	198
Сўзларнинг шакл ва маъно муносабатига кўра типлари	235
Сўзларнинг маъно муносабатига кўра типлари	235
Сўзларнинг шакл муносабатига кўра типлари	255
Лексикография	293

ЛЕКСИКОЛОГИЯ
УЗБЕКСКОГО ЯЗЫКА

На узбекском языке
Ташкент, «Фан»

Ўзбекистон ССР ФА А. С. Пушкин номидаги Тил ва адабиёт институтининг
Илмий совети ҳамда Ўзбекистон ССР ФА Тарих,
тилишунослик ва адабиётшунослик бўлими томонидан
нашриёт тасдиқланган

Мухаррир *Д. Мўминова*
Техмуҳаррир *Х. Бобомуҳамедова*
Корректор *М. Сайдова*

ИБ № 1028

Теришга берилди 14. 01. 81. Босишига руҳсат этилди 19. 03. 81. Р07661. Формати 60×90^{1/16}.
Босмахона қоғози № 1. Адабий гарнитура. Юқори босма. Шартли босма л. 19,75. Ҳисоб-
нашриёт л. 20,9. Тиражи 2000. Заказ 29. Баҳоси 3 с. 50 т.

ЎзССР «Фан» нашриёти, Тошкент, 700047, Гоголь кўчаси, 70.
ЎзССР «Фан» нашриётининг босмахонаси, Тошкент, М. Горький проспекти, 79.

Б. Ҳасанов. «Алишер Навоийнинг «Сабъат абҳур» лугати.

Ушбу китоб янги топилган ва Алишер Навоийга ишбат берилган «Сабъат абҳур» («Етти деңгиз») лугатининг лексикографик таҳлилига бағишилашган. Унда араб лексикографиясининг қисқача тарихи, луғатининг ҳақиқий муаллифи ва унинг араб лексикографиясида тутган ўрни каби масалалар ёритилган.

Китоб шарқшунослар, навоийшунослар, филологлар ва навоийшунослик билан қизиқувчи китобхонлар оммасига мўлжалланган.